

ჯემალ ქირია

ბელეტრისტიკა

ტომი 3

მთელი დღი
წვიმდა

(მოთხრობები, პიესები)

თბილისი 2006
გამომცემლობა „საარი“

ჩრდილი

ამ ტომში თავმოყრილი მოთხრობები გამოქვეყნებულია სხვადასხვა ჟურნალ-გაზეთებში, აგრეთვე კრებულებში „პირველი ზეკარი“ (1983) და „კუნძული“ (1988). აქვია შეტანილი რადიოპიესა და ფარსი.

© ჯემალ ქრია - მთელი დღე წვიმდა
საავტორო უფლებები დაცულია

ტექნიკური რედაქტორი: ირინა მარკოზაშვილი

 გამომცემლობა „საანი“
ISBN 99940-60-04-X

პირველად ვატმანმა შეამჩნია — უზარმაზარი ჩრდილი ზედ ტრამვაის ხაზზე განოლილიყო. ვატმანმა ვაგონი სწრაფად დაამუხრუჭა. ცოტაც და ჩრდილს გასრესდა. შუბლზე სიმწრის ოფლმა დაასხა. ჩრდილი იყო რალაც არაჩვეულებრივი, მის მნახველს გაურკვეველი მღელვარება ეუფლებოდა.

— სიკვდილი მოუნდა მაგ უბედურს, — ნაილულულა ვატმანმა და მგზავრთა სალონისაკენ მოიხედა.

ტრამვაი რომ დამუხრუჭდა, მგზავრები ერთმანეთს მიანყდნენ, ზოგი მათგანი სავარძლიდან გადმოვარდა. პატივცემული ქალაქის თავი აგეკაცი შუა სალონში გაგორდა, ამ დროს ხორთუმი სავარძლის ფეხს მტკივნეულად მიარტყა და ახლა ხენემახენეშით ცდილობდა წამოდგომას. ტრამვაი პირველი ნომერი გახლდათ და მით მხოლოდ ქალაქის თავი და მისი ამაღლა მგზავრობდა. ამიტომაც გამოირჩეოდა სხვა ტრამვაებისაგან, რბილი რესორები და ძლიერი მუხრუჭები ეყენა, გარედანაც მთლად ბრჭყვიალი გაუდიოდა. დანარჩენი ტრამვაები, ზოგი ქალაქისა და ზოგიც პერსონალური, რასაკვირველია, პირველ ნომერს ვერ შეედრებოდნენ. ისინი ერთი რახარუხითა და ჟღრიალით მოსდევენ პირველს.

— რა მოხდა? — მკაცრად იკითხა აგეკაცმა, როცა დიდი ვაივალახით წამოდგა, რაშიც მას ენერგიულად ეხმარებოდა ქალაქის თავის თანაშემწე მიეთმოეთების დარგში აქეთმამე.

აგეკაცმა დაინახა უჩვეულო და უზარმაზარი ჩრდილი, არხინად რომ ისვენებდა რელსებზე.

„პროვოკატორია!“ — შიშით გაიფიქრა. დაჟეჟილი ხორთუმი ეწვოდა და ბრაზი ვერ შეიკავა.

— რას აკეთებს პოლიცია! — თვალი დაუბრიალა ქალაქის მთავარ მედილეგეს ადლაჭკუას.

— მზად ვარ გემსახუროთ! — სირცხვილნაჭამ ადლაჭკუას ჯაგარი აემალა, ბასრი კბილები გამოაჩინა, თვითონაც თვალი დაუბრიალა უგერგილო თანაშემწეებს, ჩვეულებრივ პირველ

ნომერ ტრამვაის საპატო ესკორტად რომ მოჰყვებოდნენ, ახლა კი ხელები უმწეოდ ჩამოეყარათ.

ამასობაში სხვა ტრამვაებიც პირველი ნომრის უკან ჩამომწკრივდნენ. ტროტუარები სეირის მოყვარული ხალხით გაიჭედა. ცნობისმოყვარე ქალაქელები მეზობელი ქუჩებიდან და სხვადასხვა დანესებულებიდან აქეთკენ გამოვრდნენ. ხმა გავარდა, ქალაქის თავს ვილაცა გზაზე გადაუდგაო, და აივნები და ფანჯრები უმაღვე მაყურებლებით აივსო. ზოგიერთი ჭკუაციტი მთლად სახურავზე აძვრა. ხეები კი ბავშვებით დაიხუნძლა.

— აირია მონასტერი! — ჩაიკნავლა აქეთმამემ, თათი რბილ ბენვზე გადაისვა.

ბრბო წუთით წუთზე იზრდებოდა. მალე ქუჩაში ტევა არ იყო. ბინის მფლობელნი ფანჯარას შაურად აქირავებდნენ და თვალის დახამხამებაში კაიძალი ფული გააკეთეს. ხალხი უფრო და უფრო თამამდებოდა, იმატა ყაყანმა და ყივილ-ხივილმა. ერთნი ჩრდილს ლანძღავდნენ, შუა გზაზე განოლილა და ქალაქის თავს არ უშვებსო, მეორენი — პოლიციელებს, შუა გზაზე განოლის უფლებას რატომ ხელყოფენო.

აღლაჭკუა ტრამვიდან ჩამოხტა, თანაშემწეებს შეუყეფა. პოლიციელები ნკავნკავით დაეჯაჯგურნენ ჩრდილს, მაგრამ გზიდან ვერ გადაიყვანეს, რადგან ძნელი იყო ხელის ჩავლება.

აგეკაცს მღელვარებისაგან ხორთუმი უთრთოდა. მიხვდა, ეს ამბავი ასე უბრალოდ არ დამთავრდებოდა. მართლაც, სადღაც მაღაზიის ვიტრინა ჩაამსხვრიეს. ერთგან სახურავიდან კაცი გადმოვარდა და მაყურებლებს თავზე დაეცა. იქ კიდევ ვილაცას ისტერიკამ მოუარა, წივილ-კივილით იგინებოდა. ორმა სამოქალაქო ტანსაცმელში ჩაცმულმა პოლიციელმა ის კაცი გაათრია და კუთხეში მიაჩუმათა.

მოულოდნელად ვითარება განიმუხტა. ზანტად, მძიმე ბოლივით წამოიშრთა დიადი ჩრდილი, სახლებს დინჯად გადააღაჯა და ქალაქის პარკის ხეთა ვარჯებში გაუჩინარდა.

აგეკაცმა შვებით ამოისუნთქა, პირველი ნომერი ტრამვაი დაიძრა და ქალაქის თავი ჩვეული მარშრუტით წაიყვანა. აგეკაცის რეზიდენციის წინ ტრამვაის გაკრიალებულ ფანჯარას ლა-

ყე კვერცხი მიეტყევა. დიას! დღეიდან ქალაქის მშვიდი ცხოვრება დამთავრდა.

მთავარ მოედანზეც ხალხი ირეოდა. აქედანაც კარგად ჩანდა, რომ ქალაქის თავის უზარმაზარ მონუმენტს, რომლის აგებაზე უამრავი რკინა-ბეტონი დაიხარჯა, ახლა კვერცხებს უშენდნენ.

აგეკაცმა ნებისყოფას მოუხმო. გზა ტრამვაის გაჩერებიდან რეზიდენციის კიბემდე პირქუში სიდინჯით გადაკვეთა. ბრბო ორად გაიყო. მდუმარე მოქალაქეებს ზურგს უკან მუშტები შეეკრათ, მაგრამ თვალელები ქვაფენილისათვის მიეჭინათ და ქალაქის თავს სახეში ვერ უყურებდნენ. აგეკაცი გრძნობდა, მის ნაკვალევზე კედელი კვლავ იკვრებოდა, ათასი მზერა უბურღავდა სქელ კისერს. ზედ კართან თავშეკავებამ უღალატა, კისრისტეხით აქოშინდა ბოლო საფეხურებზე, ძუნძულით გაირბინა გრძელი დერეფანი და დაჯავშნულ კაბინეტში შევარდა...

* * *

ოდესღაც ქალაქი არჩანდა არაფრით განსხვავდებოდა სხვა ჩვეულებრივი ქალაქებისაგან. ჰქონდა ჩვეულებრივი სახლები, ჩვეულებრივი ქუჩები, ცენტრი და გარეუბანი, კინო და აბანო, ბაზარი და ხუთასამდე სავაჭრო წერტი, ჰყავდა ერთი ქალაქის თავი, ერთი პოლიციელი, ერთი ბუხჰალტერი, ერთი მექსე და ერთი ც პოეტი... მერე ამ ქვეყანაზე გაჩნდა აგეკაცი. მისი დაბადება სწორედ რომ სასწაულად შეიძლება ჩაითვალოს. ბავშვს ცხვირის ადგილას ხორთუმი ეზრდებოდა. მართალია, ერთი ციცქნა, მაგრამ ხორთუმი მაინც ხორთუმი. წონითაც ალბათ ათ ბავშვს აჯობებდა. ხუთი თვისამ ფეხი აიდგა, ქუჩაში გამობაჯბაჯდა. ვინც დაინახა, ერთხმად აღმოხდათ: „აგე, კაცი!“ იმ წუთიდან ბავშვის ნამდვილი სახელი არავის გახსენებია... ქუჩაში ისე ვერ ჩაივლიდა, ბავშვების ლაშქარი არ დადევნებოდა: აგეკაცი, აგეკაციო!.. არჩანდის ამ საოცრების სანახავად სხვა ქალაქებიდანაც ჩამოდიოდნენ ცნობისმოყვარენი. მოკლედ, ყველას პირზე მისი მეტსახელი ეკერა, მაგრამ თვითონ აგეკაცს აინუნშიაც არ ჩაუგდია ქალაქელთა მასხრობა და დაცინვა, იზრდებოდა და იზრდებოდა თავისთვის. ყველაფერ სიკეთესთან

ერთად, კირკიტა ვინმე იყო, დღეში იმდენი იდგა ებადებოდა, დათვლას ვერ აუდიოდა. საბედნიეროდ, უმრავლესობას იქვე ივინყებდა, მაგრამ თუ რაიმეს აჩინებდა, მტრისას, შუბლით გაჰქონდა. ჩვიდმეტისაც არ იყო, ფეხსაცმლის წმენდას მოჰკიდა ხელი და ფეხსაცმლის წმენდის ნაკადური მეთოდი დანერგა. ჩაამწკრივებდა ას კაცს და უზარმაზარი ჯაგრისით ხან აღმა აუვლიდა, ხან დაღმა ჩამოუვლიდა. მთელი არჩანდა გაპრიალებული ჩექმებით დადიოდა. მადლიერმა მოქალაქეებმა, ასეთი ჭკუის კოლოფი ჩექმებზე როგორ გავაცდინოთო და ცხვირმოუხზოცავი ღლაპი ქალაქის თავად აირჩიეს. ამის შემდეგ არჩანდაში ჩექმების საწმენდად ვერავინ მოიცალა, რადგან მთელი ქალაქი ცხელ-ცხელი იდეებით იკვებებოდა. ქალაქის თავმა თავისი მმართველობის პირველსავე დღეებში აკრძალა გზის შესამოკლებლად ტელეგრაფის მავთულებზე სიარული, ჭადრის კენწეროზე ყირის გაჭიმვა, თანამოქალაქისათვის შუბლში ბლის კურკის მორცყმა, ნისქვილში სიმინდის მაგიერ ოქროს თუმნიანების დაფქვა, უკანალით გუბეზე გადახტომა, თავზე ცოცხალი ფარშევანგის ტარება, ზაფხულში თოვლით გუნდაობა და ზამთრობით ქვაფენილზე მარწყვის კრეფა...

დრო გადიოდა, ქალაქი არჩანდაც იზრდებოდა და ქალაქის თავიც. ქონმახებისა და ჯარგვლების ეპოქა ბეტონის ეპოქამ შეცვალა. აგეკაცმაც არ დააყოვნა. უპირველეს ყოვლისა, ქალაქის ცენტრში აიშენა უზარმაზარი რეზიდენცია, რომლის ორი წყება სვეტები გაპრიალებული ჩექმებივით ჩამწკრივდა ქალაქის მთავარ მოედანზე. შენობამ სახელი გაუთქვა არჩანდას და მადლიერმა მოქალაქეებმა აღმშენებელს ამავე მოედანზე ბეტონის ქანდაკება დაუდგეს. ამ ძეგლმა არჩანდას სახელი მთლად ცხრა მთას იქით გაიტანა. უზომოდ გაამაყებულმა მოქალაქეებმა აგეკაცს ტრიუმფი მოუწყვეს. თავზე დაფნის გვირგვინი დაადგეს და ცენტრალურ პროსპექტზე ჩამოატარეს. მთელი ქალაქი ტროტუარებზე გამოეფინა, თავის ბელადს „ვაშას!“ ძახილით მიაცილებდნენ. აგეკაცს აქამდე სიტყვა „ტრიუმფი“ განაგონიც არ ჰქონდა, მაგრამ ახლა ისე მოეწონა, თვალთავან ბედნიერების ცრემლი გადმოსცვივდა და საქვეყნოდ

ალტქმა დადო: „დადგება დღე და ისეთ წარმატებებს მივაღწევთ, ყოველ მოქალაქეს თავზე თითო გვირგვინს მაინც დავადგამთ!“ აღფრთოვანებულმა ბრბომ ტაშის გრიალით უპასუხა. ამ დღიდან აგეკაცს ტრიუმფი ისე შეუყვარდა, ყოველ დილას ჩამოივლიდა ცენტრალურ პროსპექტზე და საგანგებოდ დაქირავებული მოქალაქეები „ვაშას“ ძახილით ესალმებოდნენ. თავდაპირველად ტრიუმფატორი ფეხით სიარულს სჯერდებოდა. მერე ქალაქის მეურნეობა მომძლავრდა, სახედარი უყიდეს და მაშინ აგეკაცმა განაცხადა: „დადგება დღე და ჩვენ მივაღწევთ იმას, რომ ყოველ მოქალაქეს თითო სახედარი ეყოლება!“ სახედარი ჩარდახიანი ურმით შეიცვალა, ურემი კონკით, დაბოლოს, ცენტრალურ პროსპექტზე ტრამვაის ხაზი გაიყვანეს და პირველი ნომერი ტრამვაი ქალაქის თავს ტრიუმფალური სვლებისათვის გაუმწესეს. მაშინ აგეკაცმა განაცხადა: „დადგება დღე და ჩვენ მივაღწევთ იმას, რომ ყოველ მოქალაქეს პერსონალური ტრამვაი ექნება!“ ალბათ ასეც მოხდებოდა, მაგრამ აგეკაცი ეშმაკუნა ამურებმა ჩაითრიეს თავის ბადეში. ქალებს ადრეც უპაჭუნებდა თვალს, ოღონდ სპილოს აღნაგობით და ციციქნა ხორთუმით ლამაზმანებს ვერ მოხიბლავდა. ამიტომაც თავდაპირველად სასიყვარულო აზრებს არ იკარებდა. მოგვიანებით, ტრიუმფებით გაამაყებულს, ვილაცამ პირფერულად წასჩურჩულა, მამაკაცი მაიმუნზე ოდნავ ლამაზი თუ არის, ესეც საკმარისიაო. აგეკაცს ნათქვამი ჭკუაში დაუჯდა და იმ დროიდან აინყვიტა. ზედიზედ რვა ცოლი გამოიცვალა და პირტიტველა ბიჭის ენერგიულობით მეცხრეს ძებნას შეუდგა. მთელ ქალაქში დღედაღამ დაეძებდნენ ქალიშვილს, აგეკაცისთვის თავს რომ გაიმეტებდა. შემთხვევით არჩანდაში სპილოების მწვრთნელი შემოეხეტა ინდოეთის ქალაქ ჩანდაგაიხარედან. აგეკაცის წვრთნა სპილოების წვრთნაზე იოლი აღმოჩნდა. ბრძენმა ინდომ მეგობრობის პირველსავე წუთებში ქალაქის თავს შეასალა მშვენიერი ბრიგიტა, ვისაც თავით სიარული და დაშნების ყლაპვა ეხერხებოდა. აგეკაცმა მოსიყვარულე ცოლის ფასი მაშინღა გაიგო, როცა მშვენიერ ბრიგიტას დაშნა მართლაც გადასცდა და მოულოდნელად მიიცვალა, თან დამწუხრებულ მეუღლეს ორი თვის

გოგონა შუქია შეატოვა. აგეკაცმა ცოლი დიდი ზარით დამარხა, ზედაც მარმარილოს ქათქათა ფილა დაადო. ამიერიდან ვნება-დამცხრალი აგეკაცი ქალებისაკენ არ იხედებოდა და ცოლი მაშინლა გაახსენდებოდა, როცა მარტოდ დარჩენილი, სარკის წინ, უკანა ტანს ისინჯავდა, მათრახის კვალი მაჩნევია თუ არაო. ქვრივობას მაინც დამაინც არ დაულონებია, დრო კი თავისი გზით მიდიოდა. ქალაქი არჩანდა გაიზარდა, გალამაზდა, გამდიდრდა და ყოველი მოქალაქე თუ არა, თვით აგეკაცი ბედნიერი გახლდათ... აგეკაცს თმაში ქალარა შეერთო, მერე მთლად გამელოტდა, ხორთუმი უფრო წამოეზარდა, ყურები ჩამოეყარა. ისე მოსუქდა, ავ თვალს არ დაენახვებოდა. მართლაც ყურპარტყუნა სპილოს დაემსგავსა, მაგრამ კირკიტა გონება არ დასუსტებია და ერთიერთმანეთზე უცნაური იდეები მაინც არ ელეოდა. დღე არ გავიდოდა, ბრძანება, დეკრეტი, განცხადება არ გამოეკრა: ასე და ასე, ქალაქის თავმა ბრძანა, ჩაიში მარილს ნუ იყრითო, ფეხის ფრჩხილები ტყავ-გალანტერიის საამქროში ჩააბარეთო, ვაშლის მატლის ფერმა გავაშენოთო, კრემიანი ნამცხვრისაგან ეკლესიას ნუ ააგებთ, თორემ თავზე ჩამოგენგრევათო, ლურსმნებზე ნუ სხდებითო, თორემ ლურსმანი გაილუნებაო და სხვა და სხვა... ამასობაში პანია შუქიაც იზრდებოდა და შუქი ემატებოდა. რასაკვირველია, თავის ერთადერთს აგეკაცი მზის სხივსაც არ აკარებდა. ის კი არა, ოთახში სანთელიც არ იყო საჭირო, რადგან შუქია იმდენ სინათლეს ასხივებდა, ალბათ ერთი სახლის გასანათებლად კმაროდა.

სწორედ ამ დროს დაებადა აგეკაცს ახალი იდეა, რომელმაც ქალაქი არჩანდა უჩვეულო ქალაქთა სიაში ჩაწერა. ერთ მშვენიერ დღეს აგეკაცს თითი პირში ჰქონდა გაჩრილი და რაღაცაზე ღრმად ჩაფიქრებულიყო. მისმა უახლოესმა თანაშემწეებმა აქეთმამემ და ადლაჭკუამაც თითები პირში გაიჩვენეს, იმიტომ კი არა, ჩვენც ახალი იდეა გვებადებაო, მაგდენს ხომ ვერც გაბედავდნენ, უფრო იმიტომ, ნუ გეშინია, უფროსო, ჩვენც მხარში გიდგევართო. ვინ იცის, რამდენი ხანი იჯდა აგეკაცი პირში ასე თითგარჭობილი. მერე, ეტყობა, დაილალა. სკამიდან წამოდგა და ტახტზე გაგორდა, მზერა ქერს მიაპყრო, თითი კი

პირიდან არ გამოუღია. „არ შემოეჭამოს!“ — შეშფოთდა აქეთმამე, მაგრამ შეხმინება ვერ გაბედა. „სადილობის დრო რომ დადგება, მაშინ ხომ გამოიღებს პირიდან?“ — გამჭრიახობამ არ უღალატა ადლაჭკუას. მართლაც, კედლის საათმა დარეკა, — ქალაქის თავი კი ზუსტად სამ საათზე სადილობდა, — აგეკაცმა თითი პირიდან გამოიღო და დაასკვნა: „ოჰო!“ აქეთმამე და ადლაჭკუა მიხვდნენ, რომ პატრონს თავში მორიგი უჩვეულო იდეა მოუვიდა. აგეკაცს მეტი არაფერი უთქვამს. სადილობა და სამხრობაც ისე გავიდა, შემწვარ გოჭსაც ვერ ჩაატანა გემო. ნავახშმევს, პრასის მწნილს რომ შინდის მურაბიანი ჩაი დააყოლა, აქეთმამე და ადლაჭკუა თითით მოიხმო.

— ხომ მივალწიეთ უდიდეს წარმატებებს? — ეჭვით შეეკითხა.

— თქვენი მმართველობის ეპოქაში ქალაქი არჩანდა მზესავით გასხივოსნდა! — მოახსენეს თანაშემწეებმა.

— მეც იქ არა ვარ, მაგრამ ვინ დაგიფასებს?

— მტერი ხომ არ გამოგვიჩნდა? — ელდა ეცა აქეთმამეს.

— წინ ნურავინ დაგვიდგება, თორემ... — გულმაგრად შეჰყეფა ადლაჭკუამ.

— ჩვენი ცხოვრება იმდენად ნათელია, ქალაქიდან უნდა განიდევენოს ყოველნაირი ჩრდილი! — მოჭრა აგეკაცმა.

მეორე დღესვე ქალაქის ყველა გზაჯვარედინზე გაიკრა უზარმაზარი განცხადება, რომელიც იუნყებოდა: „ვინაიდან და რადგანაც სინათლე კარგია, სიბნელე — ცუდი, მთელი არ ჩანდა კი სინათლის განსახიერებაა, ქალაქის თავის განკარგულებით, ქალაქიდან უნდა განიდევენოს ჩრდილი... სახლებს, ხეებს, ბორცვებს, თხრილებს, ყოველივე მოძრავსა და უძრავს უნდა მოეხსნას ჩრდილი და ქალაქიდან შორს, ღრმა ხევში გადაიყაროს... ყოველი მოქალაქე ვალდებულია, ზედ ჩექმის ჭვინტთან შეიჭრას ჩრდილი და საგანგებოდ დანიშნულ აგენტებს ხელწერილით ჩააბაროს... გაუმარჯოს ნათელ ცხოვრებას!“

ის დღე, ალბათ, სამუდამოდ შევა ქალაქ არჩანდას ისტორიაში. მთელი ქალაქი მაკრატლებით, დანებით, ბარებით, ფინლებით შეიარაღდა. პირდაპირ ნადირობა გაიმართა. ხელისდადება ჩრდილიც ვერსად მიიმალა. ხეთა მსუბუქ ჩრდილს ბავშვ-

ვიცნააცუნცულეზდა, მაგრამ ქალაქის თავის რეზიდენციის ჩრდილი ასმა კაცმა ძლივს დაკეცა. ჩაბნელებულ კუთხეებში ხერხი მოუმარჯვეს და ძლივს მოაცილეს. აგეკაცის ბეტონის ქანდაკების ჩრდილს ტრაქტორი შეაბეს და კვარცხლბეკს ასე მოჰგლიჯეს. კვარცხლბეკი მოირყა და ქანდაკება გადაიხარა. გასწორებით კი ვერაფრით გაასწორეს. არც ქალაქელთა ჩრდილის მოჭრა აღმოჩნდა იოლი. იმ დღეს მრავალი არჩანდელი აიყარა და სხვა ქალაქებში გადასახლდა. და აი, მომდევნო დღილა რომ დადგა, ქალაქი არჩანდა თვალის მომჭრელად აქათქათდა. ამის შემდეგ არჩანდელები მხოლოდ ქალაქის მუზეუმში ნახულობდნენ ჭიანჭველის ჩრდილს, რომელიც წინდახედულად მიკროსკოპის ქვეშ დაედოთ და გაბარჯდული გიგანტის დანახვისას არჩანდელ ბავშვებს გული უსკდებოდათ...

* * *

ინციდენტი დილის ამბით არ ამოწურულა. ცენტრალურ პროსპექტზე ბრბო ვერ იქნა, ვერ დაშალეს. მთელი პროსპექტი თავიდან ბოლომდე გაიჭედა. ხალხის ეს ტალღა წინ და უკან ეხლებოდა. ყაყანისა და გნიასისაგან ყურთასმენა არ იყო. არავინ იცოდა, ვინ რას ქადაგებდა და ვინ რას. პროსპექტის ბოლოს კვლავ ვიტრინა ჩაიმსხვრა, საიუველირო მალაზიისა, მთელ ქალაქში ცნობილმა ქურდმა მაიტამაიტამ ბლუჯა ოქროს დასტაცა ხელი და ბრბოს შეერია. ერთგან სააფიშო ტუმბოზე სათვალისანი კაცი შემომჯდარიყო და ქადაგებდა, ამ მოულოდნელი საფრთხის ჟამს აგეკაცის ირგვლივ უნდა დავირაზმოთ, თორემ ქალაქი არჩანდა დაილუპებო. ქალაქის ოფიციალური ლოთი გიჟვანიჩკა ბნელი სოროდან ამოძვრა და ახლა ბლაოდა, გაუმარჯოს ჩრდილს, აგეკაცი გადავაყენოთო, მაგრამ ნესრიგის დამცველები მოცივიდნენ და მეთამბოხე კინაღამ ხეზე ჩამოჰკიდეს. ლოთები თავიანთ ბელადს გამოესარჩლენ. ატყდა ერთი დაკა-დაკა.

აგეკაცმა თანაშემწეები მოიხმო. ნერვების დასამშვიდებლად ყავის მონრუპვას ცდილობდა, მაგრამ ხელი უკანკალებდა და ყავა პერანგზე ეღვრებოდა. აქეთმამემ ჯიბიდან ლურჯყდიანი წიგნაკი დააძრო და სხაპასხუპით ჩაარაკრაკა:

— ზუსტად ცხრა საათზე და ათ წუთზე, თქვენმა ქალიშვილმა შექიამ გაიარა კაფე „ყავადანთან“, ვიტრინაში ჩაიხედა. ამ დროს ვილაც მუტრუკმა თვალი ჩაუპაჭუნა. შექიამ ეშმაკურად ჩაილიმილა... ცხრა საათზე და თორმეტ წუთზე უნივერსიტეტის ვიტრინაში ჩაიხედა. იმ მუტრუკმა თვალი კვლავ ჩაუპაჭუნა, რის გამოც მეორე მუტრუკმა პირველს მუშტი დაანახვა... შექიამ ისევ ჩაილიმილა...

— ვერ დავიჭერთ? — გაანწყვეტინა აგეკაცმა.

— ვისა, მუტრუკსა? კონფუზი იქნება... რამე რომ მოეპარა, მაშინ სხვა საქმეა...

— ვინ მუტრუკი გდია, მე იმ ჩრდილზე ვლაპარაკობ! — აგეკაცი ფანჯარასთან მივიდა, ფარდას ამოფარებულმა მოედნისაკენ გაიხედა. ხალხი ჯერაც არ დაშლილიყო. ბეტონის მონუმენტთან სახანძრო მანქანები იდგა. მეხანძრეები ლაყე კვერცხებით მოთხვრილ ქანდაკებას რეცხავდნენ.

— რამეს მოვისაზრებ, — თითი პირში ჩაიდო აგეკაცმა.

აქეთმამე და ადლაჭკუა გაისუსნენ, აქაოდა პატრონს ხელი არ შევუშალოთო.

ამასობაში ჩრდილი ყველასაგან მიტოვებულ კარუსელზე ერთობოდა. მერე ალბათ მობეზრდა და ქუჩაში დაიწყო ხეტიალი. ხან სად გაჩნდებოდა და ხან სად. თავისი უჩვეულობითა და სიდადით შიშის ზარს სცემდა ყველას... ნაშუადღევს ბაზრის მოედანზე შემოეხეტა. მომიჯნავე სახლის სახურავს გადმოეყუდა და ვაჭრობაში გართულ ხალხს დააცქერდა. ბაზარი პანიკამ მოიცვა. ბრბომ ვინრო გასასვლელისაკენ იხუვლა. ერთმანეთს არ აცლიდნენ და დიდძალი ხალხი დაშავდა. ათიოდე წამში მოედანზე უპატრონო საქონელი და რამდენიმე გულშემოყრილი კაცი დარჩა. ქურდმა მაიტამაიტამ იფიქრა, ნადავლი ნადავლს მიემატებო და უპატრონო ბუდრუგანში შეცოცდა. მისდა გასაოცრად, ვილაცამ ქეჩოში ცივი ხელი ჩაავლო და სახელოსნოდან შუა მოედანზე მოისროლა. შიშისაგან ზაფრანაჭამი მაიტამაიტა არც წამოწეულა, თავი მოიმკვდარუნა და მთელი საათი იქ ეგდო. შემდეგ კი ნელ-ნელა გაცოცდა და კედლებს ამოფარებულმა ბაზრიდან გააღწია.

ერთადერთი კაცი, ვინც აუმღვრევლად უცქეროდა ამ ამბავს, კომბოსტოს ცარიელ კასრში მცხოვრები ფილოსოფოსი იპოლიტე იყო. „მერედა რა, — მშვიდად განაცხადა ფილოსოფოსმა იპოლიტემ, — მზესაც კი აქვს ლაქები!“ ეს მისი ერთადერთი კრედო იყო, რადგან სხვა ფილოსოფიისა არა სწამდა რა. თქვა და გულარხეინად გვერდი შეინაცვლა, მზეს ახლა სხვა მხრიდან მივეფიცხებო. უეცრად გრილი სუნთქვა იგრძნო. აიხედა, ჩრდილი ორაზროვნად დასცქეროდა. ფილოსოფოსი იპოლიტეს იოტისოდენადაც არ შეშინებია. თავისი დიდი წინამორბედი გაახსენდა და ჩრდილს ალერსიანად მიმართა: „ცოტა მიიწი, ძამიკო, მზეს ნუ მეფარები!“

დაღამებამდე ცოტალა აკლდა. ხალხი მაინც არ იშლებოდა. გიჟვანიჩკას პროგრამა ბრბოს თანდათან ქკუაში დაუჯდა. სააფიშო ტუმბიდან სათვალისანი ქადაგი ჩამოათრიეს და ქალაქიდან გააპანღურეს. გიჟვანიჩკა მის ადგილს შემოსვეს, თან ერთი ბოთლი არაყი მოურბენინეს, ხმის ჩასანმენდად დასჭირდებო. მოსვამდა ყლუპს და იბღავლებდა: „ძირს აგეკაცი, გაუმარჯოს ჩრდილს!“ აღელვებული მომხრეები ერთხმად პასუხობდნენ: „ვაშა და ვაშა, გაუმარჯოს ჩრდილს!“

ამ დროს ჩრდილი უკვე ქალაქის იპოდრომზე აღმოჩნდა. ერთხანს მწვანე მდელოზე გორაობდა. დამფრთხალმა ცხენებმა აინყვიტეს, სარბენ ბილიკზე გაჭენდნენ. ჩრდილი წამოენია, ერთბაშად მთელ რემას შემოაჯდა ზურგზე და ქალაქის ცენტრისაკენ გააქროლა.

გადარეული ცხენები ხალხით გაჭედულ პროსპექტზე შემოთქარუნდნენ. ატყდა წივილ-კივილი, ღრიანცელი. ბრბომ მომიჯნავე ქუჩებს მიაშურა. ქვაფენილზე ფლოქეებით გათელილი რამდენიმე კაცი დარჩა. მარტო გიჟვანიჩკა იჯდა ტუმბოს თავზე. ბოთლში ასორმოცდაათ გრამამდე არაყი კიდევ ესხა და იმის გადასაყურნავად ემზადებოდა. ცხენთა რემამ რომ ჩამოიქროლა, ჩრდილის მოსასხამის კალთა გიჟვანიჩკას გამოედო. გიჟვანიჩკა ტუმბოდან გადმოვარდა, ძირს დაეხერტყა და ბოთლი ქვაფენილს დააღუნა.

ქუჩები ერთბაშად დაცარიელდა...

* * *

შუქია ჰგავდა სინათლეს... ისეთი თვალისმომჭრელი ქალიშვილი დადგა, ერთ ბენო ხინჯს ვერავინ უპოვიდა. ჯინსებში გამოკვანჭული შუქია ქუჩაში რომ ჩამოივლიდა, მთელ ქალაქს ერთი კაცივით ოხვრა აღმოხდებოდა და მეზობელი ქალაქის ეკლესიებში სანთლები ქრებოდა. ფარული ამოოხვრა რა არის, თაყვანისმცემლები ფარვანებივით ეხვივნენ. არჩანდაში ბევრი გული დამწვარა მისი ელვარებით, შუქიას გულის საიდუმლო კი არავინ იცოდა. ქალწული ყველას თანაბრად ურიგებდა სევდანარევი ღიმილს. ოღონდ ეს იყო, ქუჩაში შუქიას ხშირად ვერ ხედავდნენ. აგეკაცის იზოლირებულ აპარტამენტებში გაზრდილს მზეზე იშვიათად უშვებდნენ. მიეჩვია მარტოობას. სადმე კუნჭულში განმარტოვებოდა ხოლმე თავის ზღაპრებთან, ოცნებებთან, ტკბილ ზმანებებთან, ფერად ფიქრებთან. ამ ფიქრებს იგი ამალღებულ და წმინდა შუქეთში გადაჰყავდა, სადაც გვირილებით მოფენილ მინდორზე მშვენიერ უფლისწულს უნდა შეხვედროდა. წელზე ხელს შემოხვევდა მშვენიერი უფლისწული და ყვავილების სარეცლისაკენ წაიყვანდა... წმინდა ფიქრი ბინდს თითქოსდა ფანტავდა, შუქიას არსებაში სხივი სახლდებოდა. თანდათან მატულობდა ეს სხივი. თვრამეტისა რომ შესრულდა, სრულყოფილებას მიაღწია და მთლად სინათლეს დაემსგავსა.

ქალაქში არეულობის მეორე დღეს შუქია თავის ოთახში განმარტოვდა. იჯდა ფანჯარასთან და გულგრილად ათვალისებდა არჩანდელი საქმროების სიას, რომელიც მამამისს შემოეგზავნა. ქალაქის კუთხეში აგეკაცს გაკრული ხელით რეზოლუცია დაედო: „არჩევანის ვადა 10 დღე!“ სიაში მარტო რჩეული ახალგაზრდები შეეტანათ. ყოველი მათგანი სტანდარტული არჩანდელი იყო. იმ დროს უკვე არავის ახსოვდა შუქჩრდილის არსებობა და იმიტომ ვერ აეხსნათ, თუ რატომ ჰგავდა თაობა თაობას. სტანდარტული არჩანდელი კი სიმაღლით 180 სმ იყო, ქერა, ლურჯთვალეა, ლოყებლაყლაყა, კუნთებდაბერილი... არც შუქიამ იცოდა შუქ-ჩრდილის არსებობის ამბავი,

მზით გასხვივოსნებული თვალსაწიერის მუდმივი კაშკაშისაგან თვალი სტკიოდა. ამიტომ ასე უინტერესოდ ჩაიკითხა მომავალი საქმროების გვარები. აუღელვებლად ჩაათვალიერა კანდიდატთა ფოტოები, ცალკე კონვერტში რომ ეწყო, და მაგიდაზე გულგრილად დააგდო.

სწორედ ამ დროს გაიხედა ფანჯარაში. აქედან ნახევარი ქალაქი მაინც ჩანდა. თვალი უკვე შეეჩვია სახურავთა ერთფეროვან სიკაშკაშეს, მაგრამ ახლა რაღაც უცნაურობა მოხდა. მზეს უჩვეულო რამ აეფარა. ქალაქის თავზე უზარმაზარი ჩრდილი მოაბიჯებდა. შუქიამ თვალი დახუჭა. შეშინდა, ის უზარმაზარი რაღაცა ჩემკენ ხომ არ მოდისო, მერე ფრთხილად გაახილა. ჩრდილი კინოთეატრ „ჩიტო-გვრიტოს“ სახურავზე ჩამომჯდარიყო და აქეთკენ იყურებოდა. უცბად ხელი გამოიწოდა. ფანჯარას თითქოს ღამე აეკრა. შუქიამ უკან დაიხია, მღელვარებისაგან გული საგულეში ვერ ჩაეტია. უნდოდა ვინმესთვის მოეხმო, მაგრამ ხმა ვერ დაძრა.

ეს იყო და ეს. ჩრდილი წამოიძარტა, ორ-სამ შენობას გადააბიჯა და თვალსაწიერს გაშორდა.

შუქია კარგა ხანს იდგა ფანჯარასთან. მერე თითქოს რაღაცამ უბიძგაო, ადგილზე შეტრიალდა და ოთახიდან გავარდა. გზად მამის კაბინეტთან გაიარა. აგეკაცმა გამოიხედა, „სადილზე არ შეგაგვიანდეს!“ — მიაძახა, მაგრამ ქალიშვილს მისი ხმა არც გაუგონია.

ქუჩაში გასვლაც ვერ მოასწრო, აქეთმამე და ადლაჭკუა კვალზე აედევნენ. აქეთმამემ თავისი ლურჯყდიანი უბის ნიგნაკი ამოიღო და კალამიც მოიძარჯვა. შიგ ადნუსხავდა ქალიშვილის ყოველ ნაბიჯს.

შუქიამ ვიტრინაში ჩაიხედა, შუბლზე ჩამოყრილი თმა შეისწორა.

ქუჩაში ხალხი ირეოდა. ერთხელ გარღვეული ჯებირი ვერ აკავებდა მონოლილ ნიაღვარს.

შუქია სააფიშო დაფასთან შეჩერდა. დაფაზე ვრცელი განცხადება გაეკრათ: „ვინაიდან და რადგანაც მსგავსი არეულობანი და საზნესდარღვევანი ქალაქ არჩანდაში დასაბამიდან არ მომხდარა, ყოველივეში დამნაშავედ უნდა ჩაითვალოს ვილაცა

თუ რაღაცა, რომლის ცოცხლად დამჭერს მიეცემა ფულადი ჯილდო ამდენი და ამდენი, აგრეთვე პერსონალური ტრამვაი“.

ხმა დაირხა, აგეკაცი საპრემიოდ პირველ ნომერ ტრამვაის იმეტებსო და ამან ხალხი მთლად გადარია. მთელი ქალაქი საბრძოლო ბანაკს დაემსგავსა. თოკებით, კავებით, ბარ-ნიჩბებით შეიარაღებული ქალაქელები დილიდანვე ჯგუფ-ჯგუფად დაძრნოდნენ და ცდილობდნენ ჩრდილის ადგილსამყოფლის პოვნას. ზოგიერთს ხომ ჩრდილი არასოდეს ენახა, წარმოდგენა არ ჰქონდათ, ვინ უნდა გაეთოკათ და დილის ნისლის გამოჭერას ცდილობდნენ, მაგრამ ციხეში ნისლის ნაყვანა შეუძლებელი აღმოჩნდა.

შუქია ვერაფერს ხვდებოდა, მაგრამ ცდილობდა ბრბოში მიმალვას, რათა აქეთმამე და ადლაჭკუა ჩამოეშორებინა, ეს კი არც ისე ადვილი იყო.

ამ დროს პროსპექტზე სამგლოვიარო პროცესია გამოჩნდა. წინ გიჟვანიჩკა მოუძლოდა. მას შემდეგ, რაც ჩრდილმა მოსასხამის კალთა გამოსდო და არყის ბოთლი ხელიდან გააგდებინა, გიჟვანიჩკას პოლიტიკური შეხედულებები ას ოთხმოცი გრადუსით შეიცვალა და იგი ჩრდილისტების ბანაკიდან აგეკაცისტების ბანაკში გადაბარგდა, რითაც რენეგატისა და ოპორტუნისტის საპატიო სახელები დაიმსახურა. გიჟვანიჩკას მოჰყვებოდა ოთხი ლოთი, რომელნიც მომცრო კუბოს მოასვენებდნენ. ამათ კიდევ ყანწებით, აზარფეშებით, ჭინჭილებით, კათხებით, ლამპის შუშებით, ვაზებით და სხვა სასამისებით შეიარაღებული ლოთების ჯარი გამობმოდა. შუქია პროცესიას შორიახლო აედევნა.

ქალაქის თავის ქანდაკებასთან, მოედანზე პროცესია შეჩერდა.

— განვდევნოთ ჩრდილი ქალაქიდან, მან თავისი უდიერებით შეინირა ჩვენი საყვარელი... — გიჟვანიჩკამ მწუხარებისაგან სიტყვა ვერ დაამთავრა.

ლოთებმა სასამისები დააჟღერიალეს.

მოედანზე ხალხი თანდათან მატულობდა. ქალაქის სხვადასხვა კუთხიდან აგეკაცისტები იყრიდნენ თავს. ქალაქიდან გუმინ გაპანლურებული ქადაგი კვლავ გამოცხადდა, ისევ სა-

აფიშო ტუმბოზე აძვრა და ჩრდილის გაქიაქებას შეუდგა.

ამასობაში მოედნის მეორე კუთხეში ჩრდილისტების ჯგუფი შეიყარა. თანდათან გაივსო, გაიბერა და ნახევარი მოედანი ჩაიგდო ხელთ. ატყდა ყურთასმენის წამლები ყაყანი. ერთ მხარეს ღრიალებდნენ: „გაუმარჯოს აგეკაცს, ძირს ჩრდილი!“ მეორეში პასუხობდნენ: „გაუმარჯოს ჩრდილს, ძირს აგეკაცი!“ შუა მოედანზე მუშტიკრივი გაიმართა. ლოთებმა ჩრდილისტებს სასმისები თავზე გადაამსხვრიეს, მაგრამ ჯანი ლვინოში წასვლოდათ და ვერა დააკლეს.

ბრბოს ამ ლელვაში ადლაჭკუა და აქეთმამე სხვადასხვა ტალღამ გაიტაცა. შუქიაც მდინარებამ წაიღო. თვალი შეასწრო, ლოთებმა კუბოც რომ მოიქნიეს, და იქიდან ცხედრის ნაცვლად ბოთლის ნამსხვრევები გადმოცვივდა... ადლაჭკუა ვილაცას მუშტებს ურახუნებდა, თითქოს ის მოქალაქე დოლი ყოფილიყოს. აქეთმამე კი ტალღამ შუქიას გვერდით ჩაატარა. ქალაქის თავის თანაშემწე უბის წიგნაკს თავზევით აფრიალებდა და კალამს ქალადზე ვერ ახვედრებდა. მომდევნო ტალღამ ქალიშვილი ხელოვნური ნამწამების მალაზიის ვიტრინას მიაჭეჭყა. შუქიამ თავი ფრთხილად დაიძვრინა და ქალაქის ბაღში შევიდა.

ბაღში სინყნარე სუფევდა. მთელი ქალაქი მოედანზე იბრძოდა და აქ გამეფებულმა უჩვეულო მყუდროებამ შუქია დააფრთხო. შორიდან ღრინანცელი და ყიჟინა მოისმოდა, აქ კი ტოტზე შაშვი ჩამომჯდარიყო და თავისთვის ჭახჭახებდა.

მეზობელ ბილიკზე ქოლგიანი ბერიკაცი გამოჩნდა. ფილოსოფოს იპოლიტეს ზედმეტად დასცხა და ახლა ბაღში დასეირნობდა, თანაც თავის ერთადერთ კრედოს უკირკიტებდა.

შუქიას გული მოეცა.

ფეხის ხმა გაიგონა. აქეთმამე და ადლაჭკუა მორბოდნენ.

— ოჰ, ოჰ... — ქოშინებდა აქეთმამე. წენვა-გლეჯაში სათაყვანებელი უბის წიგნაკი დაზიანებოდა.

— ოჰ, მეტი არ შემიძლია! — იღრინებოდა ადლაჭკუა.

— შენი ბრალია ყველაფერი! — კნაოდა აქეთმამე.

— მომეშვი! — ლოჯები გამოაჩინა ადლაჭკუამ.

აღბათ, ერთმანეთს ყანყრატოში ეცემოდნენ, მაგრამ ამ დროს ბაღის შორეულ კუთხეში წამოიმართა რალაც დიადი და

არაჩვეულებრივი.

მოჩნებრებმა ენა ჩაიგდეს. შუქიას სახეზე შიშნარევი სიხარული აღებეჭდა. იდგა ზვიადი ჩრდილი, ხელებით ჭადრის კენწეროებს ეყრდნობოდა.

— აქ ვარ, აქ! — წამოიძახა უცებ შუქიამ, ადგილს მოსწყდა და ჩრდილისაკენ გაიქცა.

უზარმაზარმა ჩრდილმა მკლავები გაშალა.

აქეთმამეს და ადლაჭკუას წუთის წინანდელი ჩხუბი დაავიწყდათ, უხმოდ გაეკიდნენ ქალიშვილს.

ორივემ ერთად სტაცა ხელი, უკან გამოათრირეს.

— გამიშვით, რა თქვენი საქმეა, გამიშვით! — ცრემლი წასკდა შუქიას, მაგრამ კაცები თავქუდმოგლეჯილი გამოიბოდნენ და არც მას უშვებდნენ ხელს.

ჩრდილი კვლავ წამოიმართა, ნაბიჯი გადმოდგა.

მოულოდნელად ფილოსოფოსი იპოლიტე გადაუდგა გზაზე, დაკეცილი ქოლგა მოუღერა.

— ძამიკო, გეინი იქით, არაფერი ავნო ბალანას!

დიადი ჩრდილი ერთ ადგილას აქანავდა, თითქოს გაკვირვებული ჩანდა ციცქნა ბერიკაცის სიმამაცით. მერე უკან დაიხია და ბაღის სიღრმეში მიიმალა.

* * *

მზე ჩასული არც იყო, როდესაც ქალაქის ბაღისაკენ დაიძვრნენ. ოპერაციას ადლაჭკუა ხელმძღვანელობდა. ქალაქის მთელი ყანდარმერია და პოლიცია აქ იყო. მოხალისეებს კი კაცი ვერ დაითვლიდა.

ბაღს ალყა შემოარტყეს და ნაბიჯ-ნაბიჯ უახლოვდებოდნენ იმ ადგილს, სადაც დაზვერვის მონაცემების თანახმად ისვენებდა დიადი რალაცა.

ადლაჭკუას გული თავის ადგილას არ ჰქონდა. მუხლებში ძაბუნე ედგა. რამდენჯერმე ჩუმად აღებინა, მაგრამ ხელქვეითებს, საბედნიეროდ, ეს არ შეუმჩნევიათ. მხოლოდ აქეთმამე მიუხვდა ყველაფერს და თვალს არ აშორებდა. მისი ლურჯყდიანი წიგნაკი საკმაოზე მეტ შიშს გვრიდა ადლაჭკუას.

ალყა თანდათან შემჭიდროვდა.

აღლაჭკუამ ეკლიან ძეძვში შერგო ცხვირი. ხმელმა ფიჩხმა გაიტკაცუნა.

— სსუ! — თვალი დაუბრიალა აქეთმამეს, თუმცა ფიჩხს ფეხი თვითონ დაადგა.

უცბად იგრძნო, რომ ვიღაცა საყელოში ჩააფრინდა. აღლაჭკუას შეაცვივა. თავი მოიმკვდარუნა. ის ვიღაცა კი ხელს არ უშვებდა. აღლაჭკუამ ხეს ამოფარებულ აქეთმამეს შესაბრაღისად გახედა. აქეთმამე გაფაციცებით იწერდა რაღაცას. აღლაჭკუამ თავი ასწია, ეკლიანი ტოტი აღმოჩნდა.

სამარცხვინო მარცხით გაცოფებულმა წინ გულმაგრად გასწია.

ხელქვეითი უჩუმრად მოძვრებოდნენ ყოველი მხრიდან.

მზის სხივები ბაღში ირიბად განვა. ნისლი მსუბუქ ფარდებად ეფინებოდა.

კიდევ ცოტა და ბუჩქებს მიღმა უნდა გამოჩენილიყო დიადი ჩრდილი, ვინაც მთელი ქალაქი დააფრთხო.

აღლაჭკუას გულს ბაგაბუგი გაუდიოდა, საფეთქლებზე სისხლი უკაკუნებდა.

ბუჩქიდან თავი ფრთხილად გამოყო, თავდაპირველად ვერაფერი გაარჩია და პირდაღებული დააცქერდა იმ ადგილს, სადაც მტერი ეგულებოდა.

მწვანე მდელოზე წარმოსადეგი, შავგვრემანი ჭაბუკი ისვენებდა, არაფრით ჰგავდა არჩანდელ სტანდარტულ ჭაბუკებს.

„ეს ვინლაა?“ — გაუკვირდა აღლაჭკუას და სამალავიდან გამოძვრა. სხვებიც ფეხზე წამოცვივდნენ. მთელი ბაღი ყაყანმა და ხორხოცმა აავსო.

ჭაბუკი, ალბათ, არ მოელოდა ადამიანთა გამოჩენას. წამით კროთმა დაეტყო. წამოიწია, ოქრონაქსოვი მოსასხამი ხელს ააყოლა.

აქეთმამემ ეჭვით ახედა უცნობს და აღლაჭკუას ჩასჩურჩულა:

— არ გაუშვა!

აღლაჭკუა თვითონაც ასე ფიქრობდა, მაგრამ აქეთმამეს ჩარევა არ ეპიტნავა, და ცივად მოიშორა:

— მე მიბრძანეს, ჩრდილი დაიჭიროე!

სიტყვის მომთავრებაც ვერ მოასწრო, იმ ადგილას, სადაც ჭაბუკი იდგა, უცბად ბოლივით რაღაც დატრიალდა. ზე აიზიდა, ხეთა სიმაღლეზე წამოიშართა დიადი ჩრდილი. მოაღყეებმა თავპირისმტრევით მოუსვეს. ჩრდილმა ჭიანჭველებით არეულ ხალხს გადააღაჯა და გაუჩინარდა.

აქეთმამე პირველი გამოიქცა. ყველასათვის უნდა დაესწრო და აგეკაცისათვის ამბავი მოეტანა.

ქალაქის თავმა სიმწრისაგან კინაღამ ხორთუმი მოიწინკნა. გაავებული ეხლებოდა კაბინეტის დაჯავშნულ კედლებს.

— უფროსო, ვინც სარმას გიკეთებს, იმას უნდა ამასცხო. — წასჩურჩულა აქეთმამემ.

აგეკაცმა გაფითრებულ აღლაჭკუას ცხვირწინ მუშტი დაუტრიალა:

— ერთ ღამეს გაძლევ, იცოდე, დილისათვის ქალაქში წესრიგი უნდა აღსდგეს!

აღლაჭკუა ნკმუტუნ-ნკმუტუნით გავარდა კარში და იქ თავის ხელქვეითებს აუტეხა ღრენა და ყეფა.

ერთი საათიც არ გასულა, ქალაქში განცხადება გაიკრა: „ვინაიდან და რადგანაც ქალაქში მომრავლდა ჩრდილის მიმდევრები, გადანყვეტილია ყველა ჩრდილისტის დაპატიმრება. ჩრდილისტებო, მაინც ვერსად წაუხვალთ აღლაჭკუას მამაც მაძებრებს, ამიტომ გირჩევნიათ თვითონ გამოცხადდეთ ციხეებში. ვინც ადრე მოვა, კეთილმონყობილ საკანს მიიღებს!“

ამ განცხადებას პასუხად ის მოჰყვა, რომ ციხის კართან კეთილმონყობილი საკნების მსურველთა რიგი დადგა. ცხადია, ყველა ერთნაირად შეგნებული არ იქნებოდა, ზოგი ძალით გახდა მოსაყვანი. ამათთვის საკანს ვინ გაიმეტებდა და ჰიპოდრომის თავლაში დაამწყვდიეს. შუალამემდე გრძელდებოდა ნადირობა. შუალამეზე კი აღლაჭკუა და აქეთმამე კინოთეატრ „ჩიტო-გვრიტოსთან“ შეიყარნენ. აქეთმამე ლურჯყდიან ნიგნაკში ჩასამწყვდევეთა სიას აზუსტებდა. აღლაჭკუა კი დაგდებული პაპიროსის ნამწვს სუნავდა, „ჩრდილისტის“ მონეული ხომ არ არისო.

ეჭვით შეათვალერეს ერთმანეთი. უცბად შეთანხმებულე-

ბივით მონყდნენ ადგილს, გასწრებაზე გამოიქცნენ ქალაქის თავის რეზიდენციისაკენ. კიბეზე ხან ერთი ასწრებდა, ხან მეორე. დერეფანში გვერდიგვერდ მორბოდნენ. კაბინეტის კარში კი გაიჭედნენ.

აგეკაცი მოუთმენლად იცდიდა.

ბოლოს ორივე მივარდა ქალაქის თავის ყურებს, ერთი მარჯვენა ყურს დაეპატრონა, მეორე მარცხენას.

— უფროსო, ეს აქეთმამე დიდი გაიძვერა ვინმეა, ვფიქრობ, აქეთმამისტები გვიპირებენ რაცხა-რაცხას...

— უფროსო, ადლაჭკუას საქციელი მეეჭვება. აბა, რატომ გაუშვა ჩრდილი? ჩვენი მომხრეების ნახევარი ადლაჭკუისტებია და ვაითუ სარმა გაგვიკეთონ...

აგეკაცმა იქედნურად ჩაიხითხითა და ჯერ ადლაჭკუას ჩასჩურჩულა:

— იმასუქენით!

მერე აქეთმამესაც:

— იმასუქენით!

მთელი დღე და მეორე ღამეც გრძელდებოდა ადლაჭკუისტებისა და აქეთმამისტების დაპატიმრება. უკვე არავინ იცოდა, ვინ ვის იჭერდა და რისთვის. ბოლოს და ბოლოს ადლაჭკუამ და აქეთმამემ ერთმანეთი დააპატიმრეს და ერთ ყველაზე კეთილმონყობილ საკანში ჩასხდნენ.

ქალაქის თავს უძილობისაგან თვალები ჩაუცვივდა. ძილი ეძალებოდა და ზარი დარეკა, ყავა შემომიტანეთო. არავინ გამოეპასუხა. „მდივანიც დაუჭერიათ?“ — გულგრილად გაიფიქრა.

კაბინეტიდან გამოვიდა, დერეფანი ჩაისეირნა. კარებს აღებდა და ოთახებში იხედებოდა. არსად არავინ ჩანდა.

ერთგან ფანჯარასთან შუქია იდგა და, ეს რატომ არ დაიჭირესო, ანგარიშმიუცემლად გაიფიქრა.

არ გამოლაპარაკებია. შენობიდან გამოვიდა. პროსპექტს გახედა. ძეხორციელი არ ჭაჭანებდა.

ურვეულო შიშმა შეიპყრო. ქალაქი მთლად დამშვიდებულიყო.

საკუთარი მონუმენტის წინ შეჩერდა. კვარცხლბეკს ხელისდადება ჩრდილი წამოზრდოდა. აქამდე ეს ცვლილება არ შეუმჩნევია. დააკვირდა. სახლებსაც და ხეებსაც ციციქნა ჩრდილები

ეზრდებოდა. საკუთარი ფესსაცმლის ჭვინტთანაც შეამჩნია შავი ლაქა.

ტანში გაბურძგლა. ქუჩის კუთხიდან დიადი ჩრდილი გამოვიდა, — ყოველივეს მიზეზთა მიზეზი, — და მთავარ პროსპექტზე დინჯად ჩაისეირნა.

აგეკაცი გაიქცა. კისრისტეხით აძუნძულდა კაბინეტში და ფანჯრებზე გისოსები ჩამოუშვა.

ბაზრის მოედანზე კომბოსტოს კასრში მცხოვრებმა ფილოსოფოსმა იპოლიტემ ტკბილი ძილიდან გამოიღვიძა და თავისი სათაყვანებელი კრედო წაიჩურჩულა: „მერედა რა, მზესაც კი აქვს ლაქები!“ კასრიდან გამოსვლა მოინდომა, მაგრამ თურმე სახურავზე ვილაცას უზარმაზარი ბოქლომი დაედო...

საკმაოდ დიდი დრო გავიდა, აგეკაცს შიშმა გაუარა. კაბინეტის კარს არავინ ამტვრევდა და, როცა შიმშილმა თავი შეახსენა, თანაშემწეები მოისაკლისა. ტელეფონის ყურმილი აიღო. ავტომატური სადგური ჯერ კიდევ ჩართული იყო. ათ ადგილას მაინც დარეკა, ყურმილი არსად არ აიღეს. ბოლოს იფიქრა, ციხეში მაინც ხომ იქნებიანო და იქ დარეკა. გაუხარდა, ადამიანის ხმა რომ შეეპასუხა, ადლაჭკუა და აქეთმამე აქ სხედანო. სასწრაფოდ დაიბარა. სანამ ისინი გამოცხადდებოდნენ, კვლავ დაიბოლმა. კაბინეტში შემოსულებს საყვედურებით ეცა.

— ბრიყვებო! — სიბრაზისაგან ხორთუმი უთამთამებდა ქალაქის თავს. — ის კი არ მითქვამს, ქალაქი დამიცარიელეთ-მეთქი. ყველანი თუ დაიჭირეთ, მაშინ მე ვინ უნდა ვმართო?

— შევცდით, უფროსო! — შიშის ნკმუტუნი აღმოხდა ადლაჭკუას.

— უფროსო, ამნისტია გამოვუცხადოთ და კიდევ დაგვიმადლებენ! — აქეთმამემ რბილი თათები მოიფშვნიტა.

ქალაქის თავს სხვათა იდეებს საკუთარი იდეები ერჩინა, მაგრამ მშვიერი იყო და უკეთესი გამოსავალიც ვერაფერი მოიგონა.

— მიდით ახლა და ყველას გამოუცხადეთ, ქალაქის თავმა მამაშვილურად ყველაფერი გაპატიათ-თქო, იცოდეთ, აწი არ გამაბრაზოთ-თქო... სხვაზე ადრე კი მზარეული მომგვარეთ, შიმშილით ხომ არ მოვიკლავ თავს!

— სანამ მზარეული მოვა, ეს მიირთვი უფროსო! — აქეთ-მამემ ჯიბიდან ბალიშა კამფეტი ამოაძვრინა და გაუნოდა.

აგეკაცმა კამფეტი პირში ჩაიდო, მერე თითიც გაირჭო. თან წუნნიდა, თან ფიქრობდა, რა ვქნა, ჩრდილს ბოლომდე ვეომო თუ შევურიგდებო.

ქალაქის მდუმარებაში თანდათან სუსტი ხმები შემოიჭრა. ჯერ თითო-ოროლა გადალაპარაკება მოისმა, მერე იმატა ჩორქოლმა, რუზრუზმა, ყაყანმა, სადღაც გაინკრიალა ტრამვაიმ და მალე არჩანდა ჩვეული ხმებით აივსო.

„ჰმ, რა სწრაფად იმოქმედა ამნისტიამ!“ — გაიფიქრა აგეკაცმა.

თეთრჩაჩიანი მზარეული შემოცუნცულდა, შემწვარ-მოხრაკულის სუნი შემოიტანა.

აგეკაცმა პირიდან თითი გამოიღო.

— ჩემს გოგოს უთხარი, სადელი მზად არის-თქო! — უბრძანა.

მზარეული შუქიას დასაძახებლად გაიქცა და უმაღვე გამობრუნდა, თავუნსავით წვრილი თვალები შიშით ააპარპალა.

— გაპარულა!

— რაო?

დიახ, შუქია გაიპარა!

შუქიამ რომ გამოიღვიძა, ქალაქში უჩვეულო მდუმარება დასადგურებულყო. ჯერ იფიქრა, ალბათ შუალამეაო, მაგრამ ფანჯარაში მზე იყურებოდა. წამოდგა, დერეფანში გასვლა მოინდომა. კარი ვილაცას გარედან ჩაეკეტა. აბა, საიდან ეცოდინებოდა, რა მოხდა იმ ღამეს ქალაქში. დიდად არ შეწუხებულა, მარტოობას ხომ მაინც მიჩვეული იყო. დადგა ფანჯარასთან და დაელოდა. იქნებ თვითონაც არ უწყოდა, ვის ან რას. ფანჯრიდან ქალაქის ჩვეული ხედი იშლებოდა. სახურავები წინანდელივით კაშკაშებდა. ეგ იყო, აქა-იქ შავი ლაქა მომრავლებულიყო. შუქიამ არ იცოდა, რა იყო ეს ლაქები, მაგრამ სიჭრელე ქალაქს უხდებოდა.

ასე გაგრძელდა საკმაოდ დიდხანს. მზემ მალა აინია, შიმშილი არც მოჰგონებია, მამაზე კი იფიქრა, ალბათ, დღესაც „ტრიუმფით“ ერთობა და წასულიაო.

ამ დროს სახლებს შორის გამოჩნდა ჩრდილი. შუქიას შიში-

საგან გული გადაუქანდა, მაგრამ თავს ძალა დაატანა და ადგილიდან ფეხი არ დაძრა.

დიადმა ჩრდილმა სახლებზე გადმოაბიჯა, ხელი გამოანვდინა და ფანჯარას შეეხო.

შუქია წამით შეეცოცმანდა. მერე მივარდა ფანჯარას, გახსნა, გისოსები ჩამოსწია. ოთახში დილის ნიავმა შემოაღწია. ქალიშვილმა თვალი დახუჭა. იგრძნო, რომ რაღაც გრილი და სათუთი ეხვეოდა, ზე ასწია, იატაკს მოსწყვიტა. შუქიას წინააღმდეგობა არ გაუნევია, მიენდო უჩვეულო, ყოვლისმომცველ ძალას. ბოლოს, თვალი რომ გაახილა, ქალაქის ბაღში, მწვანე მდელოზე იჯდა. მის წინ კი უცნობ ჭაბუკს მოერთხა ფეხი.

— ჰეი, როგორ შემაშინე, — ჩურჩულით შეეხმინა შუქია, — ვინა ხარ?

— ობოლი უფლისწული, — გაუღიმა ჭაბუკმა, — ქალაქგარეთ, ღრმახევში ჩრდილები რომ სახლობენ, იმათ აღმზარდეს.

— არასოდეს გამიგონია, ჩრდილები რომ სადმე სახლობდნენ, — გაუკვირდა ქალიშვილს.

— წინათ ისინი ყველგან სახლობდნენ — ყოველ საგანს თავისი ჩრდილი ჰქონდა. მერე ქალაქის თავს უბრძანებია და ყველა ჩრდილი ღრმახევში გადაუსახლებია... აი, იქ გავიზარდე.

— აქ რად მოხვედი?

— სინათლე მომენატრა. აქამდე ხომ არ მენახა იგი. ბებერი ჩრდილები იხსენებდნენ ხანდახან. შენ დაგინახე და დავრწმუნდი, რა მშვენიერია სინათლე.

— მე კი ჩრდილი მაკლდა თურმე! — ხელი გაუნოდა შუქიამ. ჭაბუკმა ხელი შეაგება, წამოდგა.

— მე აქ ჩრდილი დავთესე, ახლა კი ღრმახევში წაგიყვან, იქ სინათლე სჭირდებათ!

ესენი რომ აქ საუბრობდნენ, დაჯავშნულ კაბინეტში აგეკაცი ბობოქრობდა, თანაშემწეებს ცხვირწინ მუშტს უქნევდა.

აღლაჭკუას ცხვირი ასწითლებოდა. მთელი სახლი შემოირბინა, ყოველი კუნჭული დასუნა, ნაკვალევი კი ვერსად იპოვა.

აქეთმამეც ლურჯყდიან უბის წიგნაკში იქექებოდა და, ქალაქის თავი წამით რომ გაჩუმდა, სწრაფად ჩაურთო:

— ციხეში ვისხედით, მაგრამ თვალი და ყური ყველგან გვექონდა, აგერ მინერია, ზუსტად ათ საათსა და ათ წუთზე, იმ ვილაცამ თუ რალაცამ შუქია ფანჯრიდან გადაიყვანა და გაშპა...

— ბრიყვებო, უქნარებო! — ისევ აყვირდა აგეკაცი, მაგრამ ლანძღვით საქმეს რას უშველიდა და ბრძანება გასცა: — ფეხზე დააყენეთ ყველანი, ახლავე დაიჭირეთ ის არამზადა!

აქეთმამე და ადლაჭკუა გარეთ გამოცვივდნენ. ქალაქი უფრო აღელვებული ჩანდა. ციხეში ყურყუტმა მთელი ქალაქი ჩრდილის წინააღმდეგ აამხედრა. ყოველ კუთხეში ჩრდილს ებრძოდნენ, მაგრამ ყოველ საგანს ჩრდილი გამობმობდა და არაფრით არ სძვრებოდა. აგეკაცის რეზიდენციის წინ რამდენიმე ახალგაზრდა გორაობდა, ჩრდილების მოშორებას ცდილობდნენ, ჩრდილები კი რეზინივით იწელებოდნენ და პატრონს უფრო ეკვროდნენ. თანდათან მთელი არჩანდის მოსახლეობამ იქ მოიყარა თავი. ზღვა ხალხმა გაავსო თვალსაწიერი. უმრავლესობამ არც იცოდა, რა იყო ჩრდილი და რალაც გადამდები სენი ეგონათ. ხანში შესულებიც, ვისაც თავისი ახალგაზრდობა ახსოვდა, გადაჩვეულიყვნენ ჩრდილის ტარებას და ახლა ემძიმებოდათ.

ადლაჭკუა კარებში ჩადგა, ეს ამოდენა ხალხი არ დაიძრას და ქალაქის თავი არ გადათელონო.

აქეთმამემ კი კაბინეტში შეიჭყიტა.

— რა ქენით? — იკითხა მოქურუშებულმა აგეკაცმა, თან ნერვულობისაგან ხორთუმის წვერი მოიწინკნა.

— უფროსო, ჩრდილი ისე მომრავლებულა, დედას გეფიცვებით, ერთმანეთისაგან ვერ გაგვირჩევია. ველარ მივხვდით, რომელმა წაიყვანა ჩვენი სათაყვანებელი შუქია!

აგეკაცი ერთხანს დუმდა, მერე ხმადაბლა იკითხა:

— ხალხი რას ელოდება?

— ცუდი არაფერი გეგონოს, უფროსო, ხალხი შენ გელოდება, შენი იმედი აქვს!

— რა გვინდაო?

— ძველი უღელი გვირჩევნია, ჩრდილი არ გვინდაო!

— მაცადონ! — ბრძანა აგეკაცმა და თითი პირში ჩაიდო.

აქეთმამე გარეთ გავიდა და ყველაზე წინ მდგომს წასურჩულა:

— იცადეთ.

ხალხს ტალღასავით აღმა-დაღმა გადაუარა:

— იცადეთ, იცადეთ!

აგეკაცი დიდხანს მისჩერებოდა ქერს. ანგარიშმიუცემლად იწუნნიდა თითს, მერე პირიდან გამოიღო, წამოდგა და აივანზე გავიდა.

ზღვა ხალხი ირხეოდა. ხმაც რომ არავის ამოეღო, ამოდენა ბრბო მაინც გამოსცემდა სკისმაგვარ ზუზუნს.

ქალაქის თავი რომ გამოჩნდა, მოედანზე სრული სიჩუმე ჩამოვარდა.

— ხალხო! — აგეკაცი ხმადაბლა ლაპარაკობდა, თანაც ენას საგრძნობლად იჩლექდა, რადგან ხორთუმი უშლიდა ხელს, მაგრამ მისი ხმა მაინც მკაფიოდ ისმოდა. — ჩემი გჯერათ?

— გვჯერა, გვჯერა! — კანტიკუნტად გაისმა პასუხი, აქა-იქ ტაშიც შემოჰკრეს. მერე კვლავ დუმილი ჩამოვარდა.

— თუ გჯერათ და... — დამარცვლა აგეკაცმა, — მაშინ გამიგონეთ! მე დღეს თავში დამებადა დიადი იდეა, რითაც არჩანდა ქვეყნიერებაზე გაითქვამს სახელს. ხალხო, ჩრდილი საგნის თვისებაა, მოსპეთ საგანი და არ იქნება ჩრდილი!

ეს თქვა და შებრუნდა...

* * *

ის, რაც ქალაქის თავის სიტყვებს მოჰყვა, კალმით არ აინერება და ენით არ ითქმება. ისტორიამ ვერაფერი შემოინახა ამ ამბებზე, რადგან ქალაქი არჩანდა ერთ დღეში გაქრა. თანაც ისე, ამბის მთხრობელი არავინ დარჩა.

ქალაქის თავმა ბრბოს ზურგი შეაქცია, მთელი წუთი ბუზის გაფრენას გაიგონებდა კაცი. მერე უცბად ვილაცამ იკივლა: „მიდი და მოსპე!“ ამოდრავდა ეს უზარმაზარი ბრბო, ღრიანცელით შეესია ქუჩებს, ვინც რა მოიხელთა ხელში, ის გაიხადა იარაღად. გაისმა მინის ლანწუნი, ჩახაჩუხი, ჟღრიალი. მოჩეხილი ჭადრები გაიშხლართა პროსპექტის გარდიგარდმო. სახურავებზე ხანძარი ავარდა. ცეცხლის ალი გადავიდა სახლიდან სახლზე, მიაღწია დენტის საწყობს და ისე იგრიალა, ვულკანის ამოხეთქვას ჰგავდა.

სინდისი

სიგიჟე მთელი დღე და ღამეც გაგრძელდა. აგეკაცი კვლავ თავის კაბინეტში იჯდა. ქალაქის ხმებს უგდებდა ყურს. სახურავებზე ავარდნილ ალს რომ თვალი მოჰკრა, იფ, რა ღამაში სანახაობააო, — ესლა ჩაიდუღუნა. მოგვიანებით, შეჯავშნული კაბინეტი რომ გახურდა, მაშინლა მიხვდა, მის რეზიდენციასაც ცეცხლი მოსდებოდა. სხვა გზა არ იყო, ფანჯრიდან გადაძვრა. სანვიმარ მილს ჩაჰყვა. მილმა ვერ გაუძლო. პატივცემული ქალაქის თავი მეორე სართულიდან მოწყდა და ბრავგანით დაებერტყა. ხორთუმი ერთხელაც დაეჭყყა. შუბლზე კოპი დააჩნდა. ჯიბეში შაურიანი მოიძია და კოპზე დაიდო.

უკვე თენდებოდა. აგეკაცი მთავარ მოედანზე გამოძუნძულდა. ბეტონის ქანდაკება დაფშვნიული ეგდო. მიიხედ-მოიხედა. ქალაქი არჩანდა არ არსებობდა. მის ადგილას ფერფლი და ნაგვის გროვა ეყარა.

პირველად თავის სიცოცხლეში შეცბა ქალაქის თავი. არჩანდელებიც თითქოს გამოფხიზლდნენ. თავიანთ ნამოქმედარს რომ უყურებდნენ, თვალს არ უჯერებდნენ. საოცარი ის იყო, არჩანდელებს ფეხქვეშ ჩრდილი გამობმოდათ. შიშით მიაშტერდნენ ერთიმეორეს, ყოველ მათგანს ერთმა აზრმა გაუელვა, ვაითუ ჩრდილის გამო ფეხებიც დამაჭრანო. იხუვლა ხალხმა, ვისაც საითკენ შეეძლო, იქით გაიქცა.

აგეკაციც მოწყდა ადგილს. დიდხანს მიძუნძულებდა, სანამ ტრიალ მინდორზე გააღწევდა.

მინდვრის ბოლოს შუქია და შავგვრემანი ჭაბუკი მისეირნობდნენ. ორი სანყისის ეს შერწყმა სრულ ჰარმონიას ქმნიდა.

აგეკაცის წინ, ღრმახევეში, სადაც ოდესღაც არჩანდელებმა ჩრდილები ჩაზიდეს, ახალი ქალაქი გადაშლილიყო.

ბოლო არჩანდელმა, ფილოსოფოსმა იპოლიტემ შორიახლო შეისვენა, ცას ახედა. „მერე რა, მზესაც კი აქვს ლაქები!“ — ბრძნული აზრი ასესხა აგეკაცს და კომბოსტოს კასრი გააგორა.

კრებულები: „პირველი ზეკარი“, 1983, გამომცემლობა „ნაკადული“ „კუნძული“; 1988, გამომცემლობა „საქართველო“.

კარპე ქუჩუკიძემ, შინაურობაში ქუჩუდ წოდებულმა, სინდისი იყიდა და იმ დღიდან მისი საქმე უკუღმა წავიდა. ერთი შეხედვითაც ჩანდა, სინდისი ძველი და ათასგზის ნახმარი იყო, პატრონს გაერეცხა და ალაგ-ალაგ თეთრი ძაფითაც ამოეკერა. პატრონი, ერთი ლოთობისგან მოთავებული მათხოვარი, არც მალავდა, ამ სინდისმა გამამათხოვრა, თორემ ადრე მეც კაცი ვიყავი და ხალხში ვერიეო. თავდაპირველად ძვირი დააფასა, მაგრამ, მუშტარი მთლად არ დაკვარგოო, და ჩალის ფასად დათმო. კარპემ შენაძენი გაზეთში გაახვია, მანქანაში, უკანა სავარძელზე ფრთხილად დააწვინა. იმ დღეს გვიანობამდე არ გახსენებია. ტრესტში რევიზია მოსულიყო. შიშნარევემა ფაციფუცმა მთელი დანესებულება საფუტკრეს დაამსგავსა. კარპე კაბინეტიდან ვერ გამოდიოდა. საქმიანი ქალაღდებისაგან ლამის იხრჩობოდა. თოკზე გასული ჯამბაზის როლი, ალბათ, უფრო იოლი იყო, რადგან ერთ რომელიმე ფარატინა ქალაღდს შეეძლო კარპე ქუჩუკიძის დაღუბვა. ნაშუადღევს ჩაი რომ შემოუტანეს, მაშინლა გაახსენდა ამდილანდელი შენაძენი და მდივან გოგონას უბრძანა, ერთი ჭიქა იმასაც ჩაურბენინეო.

კარპე ქუჩუკიძემ სიცოცხლის ნახევარი საუკუნის მანძილზე იმის მაქსიმუმს მიაღწია, რისი მიღწევაც მისი ყაიდის კაცს შეეძლო. ქალაქში პირველად რომ ჩამოვიდა, ყველა ქუჩუდ იცნობდა, ძირგავარდნილი ტილოს ფეხსაცმელები და მუხლისთავებდაბერილი შარვალი ეცვა. მაგრამ ახალ ვითარებას უმაღაულო ალლო. ისეთი ყნოსვა ჰქონდა, ყოველთვის იცოდა, საიდან რა ქარი ქროდა. თუმცა მისი ხომალდი არაერთგზის გადაყირავდა, გუშინდელი მეგობრები და თანამზრახველები დავინყების სიღრმეში ჩაიძირნენ, იგი მაინც მუდამ წყალზევით ტივტივებდა. ერთი კი იყო, ზოგიერთივით იმთავითვე ფულის ხვეჭა არ დაუწყია. ელვასავით ბიჭი გახლდათ და საქმეს მიხედა. მისი ყოფილი უფროსები, რომლებსაც ჩუმჩუმად საფლავს უთხრიდა, ტრახახობდნენ, ეს რა ხვითო შევიძინეთო. ყოველივეს ისე

ახერხებდა, აღზევებულნიც და დაცემულნიც ემაღლიერებოდნენ. ნაბიჯ-ნაბიჯ მიცოცავდა კარიერის ძნელ კიბეზე და მის ირგვლივ თვალსაწიერიც თანდათან ფართოვდებოდა. ფულმა, თანამდებობამ და ფხამ მისი სავარძელი თუმცა მიუწვდომელ სიმალლეზე ვერ აზიდა, მაგრამ ცხოვრების თეატრში ზოგიერთებზე უკეთესი ლოჟა ერგო. ამიერიდან კაცებში გაერია, დიდი კაცის სახელი დაანათლეს და გუშინდელი ქუჩუ დღევანდელ ბატონ კარპედ გადაიქცა. ოღონდაც, ყველაფერს თავისი დასასრული აქვს. ერთხელაც იქნება და ყველაზე ვირეშმაკა კაციც გაბრიყვდება. ამას მაშინ მიხვდა, როცა მდივანი ქალის ხელით სინდისს ჩაიჩაუგზავნა, თვითონ კი რევიზორს ვერ გადაუმალა ერთი ციციქნა ქალაღდი, რომელიც, მართალია, ცას თავზე ვერ წამოამხობდა, მაგრამ ეჭვის საბაბს ქმნიდა, მას კი შეეძლო ჯიბეში ჩაეჭმუჭნა და მერე გადაეგდო. თვითონაც კი გაოცდა, რატომ არ მოიქცა ასე? რევიზორმა ერთი ამოიხვნეშა, ალბათ, გუნებაში იფიქრა, რამ გაასულელა ეს კაციო... საბედნიეროდ, ტელეფონმა დარეკა. გაერთიანების გენერალური დირექტორი ახსენებდა თავს, შენზე უკეთეს სათამადო კაცს სად ვიშოვიო. იუბილეს იხდიდა და ძვირადღირებული საჩუქრების მოლოდინში იყო. კარპემ გუნებაში შეუკურთხა გენდირექტორს, ყურმილში კი სულ „პლატონიჩს შემოვევლო“, — იძახა...

დღის ბოლოს რევიზორი დაპატიჟა რესტორანში. ქეიფის გუნებაზე სულაც არ იყო, მაგრამ რალაცნაირად წამოსცდა, ერთი ძველებურად ვიპურმარილოთო, და რევიზორის სახეს ნათელი რომ დაეფინა, სიტყვის უკან წაღება ვერ შეძლო. მიეთმოეთების დარგში მოადგილეც წამოიყოლა, ტაშ-ფანდურის ფინანსურ მხარეს ის განაგებდა ხოლმე, და მთავარი ინჟინერიც, რადგან ამ უკანასკნელს ბოთლიდან საცობის ამოგდება ეხერხებოდა... მანქანაში რომ ჩასხდნენ, სინდისი შეავინროვეს. სინდისს გაზეთი შემოეხსნა, ცხვირჩამოშვებული იჯდა. „რა გამხდარია?“ — გაიფიქრა კარპემ. სინდისს სახეზე ქალაღდის ფერი ედო, ყვრიმალეზე კანი აპკივით გადაჰკროდა, ნეკნები სათითაოდ დაეთვლებოდა. ყასიდად რესტორანში შეიპატიჟა, მაგრამ სინდისმა თავი გააქნია, უჟმურად დაიღრიჯა, ღვინო და დროსტარება რა ჩემი საქმეაო. კარპეს გუნება წაუხდა, ჩვეუ-

ლებისამებრ ვერ ილალობა, ენა დაემა, თუმცა სხვა დროს მსმელ და ენაკვიმატ კაცად იცნობდნენ. მისი გუნებაგანწყობილება სტუმარსაც გადაედო, მოადგილეებს კი თავის აწვევისა ეშინოდათ. ქეიფი ვერ გამოუვიდათ და ადრე დაიშალნენ. თურმე განაწყენებულ რევიზორს უთქვამს, მე სუფრის კაცი მეგონა, ეგ ვილაცაა, უცხვირპირო და ღრჯუ ყოფილაო.

იმ დღიდან კარპე ქუჩუკიძე ისე გამოიცივალა, მეგობრები ველარ ცნობდნენ. სხვამ აბა რა იცოდა, მის გულში რა ცეცხლი ტრიალებდა. უახლოეს მეგობრებსაც ხომ ვერ ეტყოდა, ნახევარი საუკუნე მოვიყარე და სინდისი ახლახან შევიძინეო... მიუჩვეველ კაცს ისედაც უჭირდა ახალ როლში ყოფნა, მათხოვრის სინდისი კი, ყოველივესთან ერთად, ჭირვეული და ანჩხლი აღმოჩნდა, ახლად შეძენილ პატრონს სიქას აცლიდა... ხასიათი ხომ არაფრად უვარგოდა, ვერც ჯანმრთელობით დაიკვებნიდა, ხან კუჭში გაუსვლელობა აწუხებდა, ხან კი პირიქით... ჭლექიანივით ახველებდა, გულისგამანვრილებელი ხიხინით წელკავსაც უჩიოდა და მარილების დაგროვებასაც... იქნებ თავს განგებ იავადმყოფებდა, კარპე უნდოდა გამოეცადა. მართლაც ერთი-ორი დღე არ მიაქცია კარპემ ყურადღება მის ხუმტურებს. გადანყვიტა, ყველაფერი მოეთმინა, მაგრამ სინდისი დღენიადაგ ჩვილი ბავშვივით ჩხაოდა და თავმოძულებულმა კარპემ მთელი ქალაქის ექიმობა შეჰყარა, სახლი აფთიაქს დაამსგავსა... ხარჯს არ დარიდებია. თითქოსდა კრიზისმა განვლო. კარპემ ეს ათი დღის თავზე შეამჩნია, ზუსტად კვირა საღამოს („რა სწრაფად გასულა დრო!“ — გაიფიქრა კიდეც). თავატკიებულმა ორი აბი გადაყლაპა და ძლივძლივობით დაიძინა.

ჯერ გათენებული არ იყო, ვილაცამ გვერდში მჯილი ჰკრა. კარპე წამოჯდა, ძილი უცებ ჩამოეხსნა. დედიშობილა სინდისი საწოლის კიდეზე დასკუპებულიყო და სიცივისაგან კანკალებდა. „რა მოხდა?“ — უკმაყოფილოდ ჩაიბუზღუნა კარპემ.

„მცივა. უნდა ჩაგეხუტო!“

კარპემ ზიზლით ჩაინია, გვერდით ადგილი გაათავისუფლა. სინდისი საბანში სწრაფად შემოუძვრა და გულში ცივი ხელები ჩაუყო.

„თანდათან შემომეჩვევი, ჩემო ქუჩუ, — ყურში ჩასჩურჩულა, — ან რა გზა გაქვს, ხომ შენი ნებით მიყიდე, აწი უნდა მიპატრონო კიდეც!“

„ამ ლოგინში ორნი გავწვალდებით, — კარპე მთლად კე-
დელს მიეჭყლიტა და თავს უხერხულად გრძნობდა, — ხვალვე
მოვიფიქრებ რაიმეს... სულ ფარჩა-აბრეშუმს გაგიშლი და ზედ
დაგაძინებ!“

„ჩემი ძილი ვის გაუგია, — ჩაიქირქილა სინდისმა, — მე ფხიზ-
ლად უნდა ვიყო. ადრე რომ გეყიდე, უფრო ლამაზად დაგაბერებდი,
ახლა კი ისლა დამრჩენია, კუბოში ლამაზად ჩაგანვინო...“

კარპეს ელდა ეცა, რანაირი ხუმრობა გცოდნიაო, მოელაქუცა.

„ერთი ბენო იუმორის გრძნობა არ გამაჩნია, იცოდე, — ცი-
ვად შეეპასუხა სინდისი, — გირჩევ, ჭკუით იყო!.. ვატყობ, გინდი-
ვარ, მაგრამ მსხვერპლის გაღება არა გსურს... არ გამოვა მაგრე...“

სინდისმა გულს ოდნავ მოუჭირა. კარპემ კინალამ სული და-
ლია. „ინფარქტი!“ — გაიფიქრა. გონს რომ მოეგო, ოთახში მარ-
ტო იყო.

უკვე თენდებოდა. კარპე ლოგინიდან ფრთხილად გამოძვრა,
ცერებზე დადიოდა, სინდისმა, ალბათ, ჩასთვლიმა და იქნებ გა-
ვასწროო. კიბე სანახევროდ ჩაცმულმა ჩაირბინა, ღილებს გზა-გზა
იკრავდა. გახარებულმა, ამჯერად მაინც გადავრჩიო, მანქანა ადგ-
ილს მოსწყვიტა.

„ნელა, ქუჩის ჭირიმე, არ დავიმტვრეთ!“ — ცივმა ხელმა
მოუთათუნა მხარზე. კარპეს ოფლმა დაასხა, გუნება წაუხდა.
მანქანაში სინდისი იჯდა.

„კი, ბატონო!“ — მორჩილად შეეპასუხა.

კაცი რომ სინდისს დამორჩილდება, არავინ იცის საქმე სა-
ითკენ შებრუნდება. ის ერთი კვირა დაუვინყარი გახდა არა მარ-
ტო კარპე ქუჩისათვის, არამედ მთელი ტრესტისა და, თუ
გნებავთ, ქალაქისათვისაც. დიდხანს დადიოდა მითქმა-მოთქმა,
თუმცა დანამდვილებით ვერავინ ვერაფერს იტყოდა. თვითონ
ამბის მონაწილენი იფიცებოდნენ, მსგავსი არაფერი გვინახავს
და გავგიგონიაო. ჭორის ჩაქრობა მაინც უფრო ძნელია, ვიდრე
ხანძრისა. ამიტომ რაღაც-რაღაცეების ექო მაინც ისმოდა ქა-
ლაქში და ცნობისმოყვარეობას აცხოველებდა. ჭორი დადიო-
და, თითქოსდა პირველ მოადგილეს ეთქვას, სიცოცხლეში
ერთხელ ვის არ აუფრენიაო; მთავარ ბუხჰალტერს წამოს-
ცდენია, სიმართლის ძიება საკუთარი ოჯახიდან და ჯიბიდან

უნდა დაიწყო; მოადგილეს მიეთმოეთების დარგში უბრძა-
ნებია, კაცი ბოღმა რომ გახდება, სიმართლის ძიებას მერე ინ-
ყებს, ჩვენი უფროსი სადღაც დაიბოღმა და ხელი შეგვახოცაო;
გაერთიანების გენერალური დირექტორი ერთი თვის თავზე სა-
ავადმყოფოში დაწვა და ამასაც ტრესტის უდანაშაულო მმარ-
თველს აბრალებდნენ...

კარპე ქუჩისკიდე სიმართლის დადგენა თურმე ტრესტის
კიბიდან დაიწყო. მეგარდერობეს ხელი ჩამოართვა, ოჯახით მო-
იკითხა, საცა სამართალია, ხელფასი მცირე გაქვს და, როგორც
კი მოგვიხერხდება, წაგიმატებთო, გაამხნევა. მთავარ ინჟინერს
კი ისე ჩაუარა, ზედაც არ შეუხედავს. იმას ელდა ეცა, ხომ არ ვან-
ყენინეო. შენი უგერგილობით სამსახურს აწყენინეო, ღრჯოდ მი-
უგდო. ორ ნაბიჯზე ისევე მიუბრუნდა და, თითქოს საკმარისი არ
ყოფილიყოს, რაც უკვე ითქვა, საცობის დაძრობა რომ გეხერხე-
ბა, ისე ტრესტის საქმეებს რომ უვლიდე, რალა გვიშავდაო. მთე-
ლი ტრესტი გაისუსა. დერეფანში გზას მორჩილად უთმობდნენ,
დალაპარაკებას ვერ უბედავდნენ. მთავარმა ბუხჰალტერმა ეს
ამბავი არ იცოდა და ჩვეული ჯიჯლინით შეეფეთა, ჩვენ რომ
ვიცით, ის ამბავი რევიზორმა თუ მოიძია, რა გვეშველებაო.
უცბად იფეთქა კარპე ქუჩისკიდე. ეს ამოდენა ზონზროხა ქალი
სანერი მაგიდის ქვეშ შეაძვრინა, დღის ბოლომდე მანდ იჯექი,
მერე წადი და ანგარიში კაპიკ-კაპიკ გაასწორეო. მთელი დღე
მოდიდნენ თანამშრომლები მაგიდის ქვეშ მჯდარი ქალის სა-
ნახავად, თავს გააქნევდნენ და უკან ბრუნდებოდნენ. ოთხის ნა-
ხევარი იქნებოდა, ტრესტის მმართველთან თანამშრომელთა
დეპუტაცია გამოცხადდა, ხნიერი ქალია, შევიბრალოთ და,
ქრისტეც რომ თავისი ფეხით დადიოდა, იქ გავუშვათო. თავდა-
პირველად კარპე ვერ მიხვდა, რას ითხოვდნენ, მერე გაეცინა
და დასტური მისცა. ჭექა-ქუხილმა გადაიარაო, შვებით ამო-
ისუნთქეს თანამშრომლებმა. ოღონდაც, ეს მხოლოდ დასაწყისი
აღმოჩნდა. მეორე დღეს სამშაბათი იყო და ტრესტს ელვასავით
დაურბინა ახალმა ამბავმა: პირველმა მოადგილემ განცხადება
დაწერა, არ მინდა მოადგილეობა, გთხოვთ, მელიფტედ ჩამო-
მაქვეითოთო. კაი დროს გადამირჩიო, ავად გაუცინია კარპე
ქუჩისკიდე, თორემ შენც იგივე მოგელოდა, რაც მეორე მოადგ-

ილეს მოუვიდაო. გამოსულა პირველი მოადგილე დერეფანში და თურმე რას ჰხედავს, საკუთარი კაბინეტის კარზე თავდაღმა ჰკიდია მოადგილე მიეთმოეთების დარგში და ქვეშ ხალიჩა უფენია. ჯიბიდან კი უცვივა და უცვივა, ვინ იცის, რა გზით ნაშოვნი ფულები. საბრალო მთელი დღე ეკიდა ასე, სანამ ქალაქის ფულებს წვრილი ხურდა მოჰყვა. შაურიანი შეატოვებს მხოლოდ, ავტობუსით შინ გასამგზავრებლად... ოთხშაბათს კოპნია მდივანმა ქალმა მონასტერს მიაშურა და მონაზვნად აღიკვეცა, მის ადგილას კი ჯოჯოხეთიდან გამოსული ცერბერი დასკუბდა. იმის შიშით ჰაერში ბუზი ვერ გაიფრენდა, დერეფანში ვერავინ გაისეირნებდა და ტრესტში უმაღვე შეწყდა ჭადრაკ-დომინო-ნარდის ჩემპიონატი... ხუთშაბათს კარპემ თავის მეუღლე ქუჩუნას წერილი მისწერა ზღვისპირა ქალაქში, შენს ქუჩუნს დღეის იქით ხელფასის გარდა ფული არ ექნება, ქმარი ან ფული, პირველი თუ გინდა, ჩამოეთრიე, მეორე თუ გინდა, იქვე დარჩი და აქეთ პირს ნუ იბრუნებო. საღამოს, სანამ აბაზანას მიიღებდა, გენერალურმა დირექტორმა დარეკა და პლატონიჩს, თვით პლატონიჩს შეუღრინა კარპემ, მე თქვენი ლაქია და კარის ფარეში არა ვარ, თქვენი კი არა, საკუთარი დაბადების დღე დამვიწყებიაო... პარასკევს ახსნა-განმარტებითი ბარათი დაწერა, ჩემი შვილი უმაღლესში რომ სწავლობს, ყალბი საბუთებით მოეწყო და გთხოვთ, ინსტიტუტიდან გამოაბრძანოთო. მას რომ ეკუთვნის, ისეთ სამუშაოს აქაც გავუჩინო... შაბათს რევიზორი კისრით გადაუშვა ტრესტის კიბიდან. შენი შემონმებული არ გაიშვა, შენ თვითონ ხარ ყოველ წუთს შესამონმებელიო. მერე დაჯდა და განცხადების წერას შეუდგა, ჩემისთანა კაცი ტრესტის მმართველად რას ივარგებს, ერთი გარდერობი რომ ჩამაბაროთ, იმას ვერ მოვუვლიო. ისე ლამაზად ჩამოაწიკნიკა, სასიამოვნო წასაკითხი იყო. ერთხელაც ჩაიკითხა და თავში ხელები იტაცა. მიხვდა, ილუპებოდა...

კარპე ქუჩუნკიძე დადარდიანდა, კაბინეტში ჩაიკვება და ასე გაბუსული იჯდა კარგა ხანს.

ცოლმა დარეკა. შენი წერილი მივიღე და ხომ არ გაგიფრენიაო. თავს მოუარე, სიცხე თუ გაქვს, ექიმი გამოიძახეო. აქ სპეკულიანტმა ბრილიანტის ბეჭედი მოიტანა. გაგიჟდები, ისეთია, სულ ექვსნახევარი ლირს და ხელიდან ვერ გავუშვებო. შენ ხომ

ჩემი ქუჩუნ ხარ და მე ხომ შენი ქუჩუნაო... კარპემ უჟმურად შეუყეფა და ყურმილი დააგდო. იქვე ცხვირწინ დასკუპებულ სინდისს თვალი აარიდა. „ნეტავი საიდან შემოიპარა ამ ჩაკეტილ კაბინეტში?“ — გაიკვირვა. უკვე ვერ იტანდა მის ავადმყოფურ, ციებიან გამოსხედვას.

„ახედავ, რომ დაიტანჯე, — სინდისის ხმაში მოფერების კილო გაერია, — მაგრამ, რას იზამ, ჩემო კარგო, თავს უნდა მოერიო. ვისაც სურს სიკეთის მაღალ მწვერვალზე ასვლა, სული უფრო ძლიერი უნდა ჰქონდეს ხორცზე, შენ კი, ჩემო ქუჩუნ, ჯერჯერობით მეტად მსუქანი ხარ...“

კარპემ მუცელზე დაიხედა. ბოლო დროს მოსუქდა, დიეტის დაცვა კი უჭირდა. თავს ვერ არიდებდა სმასა და ქეიფს. სინდისი, ცხადია, მართალი იყო, მაგრამ ჭკუის სწავლებამ მაინც გააღიზიანა და უხმოდ იბღვირებოდა. ცოტაც უკლდა და იფეთქებდა. ოღონდ სინდისი ისე წყნარად, ისეთი წყლიანი თვალებით შემოსცქეროდა, კარპემ თავი შეიკავა.

ამ დროს ტელეფონმა კვლავ დარეკა. ყურმილში ლომის ბუხუნის გაისმა. გენერალური დირექტორი, ეტყობა, ეს ორი დღე გონს მოდიოდა, ახლა კი სიბრაზე მოსწოლოდა და ტრესტის მმართველს გადაყლაპვას უქადდა. კარპე შიშისაგან მთლად დაპატარავდა და უცბად დაასწრო:

„იუბილეს მოგილოცავთ, პლატონიჩ, კიდეც ასე წელი იცოცხლეთ და კვლავინდებურად ბრძნულად გვინინამძღვრეთ!“

„ჰო, ჰო...“ — ყელი ჩაინმინდა გენერალურმა დირექტორმა. საქმის ასე შემობრუნებას არ მოელოდა და დაიბნა.

კარპემ ამოსუნთქვა არ აცალა და სხაპასხუპით დაურთო:

„ცარიელი სიტყვით მოლოცვას რა ფასი აქვს, პლატონიჩ, ამ საღამოს გესტუმრებით და ყანწით დავლევ თქვენს სადღეგრძელოს!“

პასუხს არ დაუცადა, ყურმილი ისე დადო. ეშმაკურმა აზრმა გონება გაუნათა. სინდისს მხარზე მოუთათუნა, აბა შინ წავიდეთ, ადრე რომ დაგპირდი, ის საჩუქარი უნდა მოგართვაო.

„მე საჩუქარს არ ვიღებ!“ — მხრები აიჩეჩა სინდისმა, მაგრამ ცნობისწადილი მასაც მოეძალა.

მთელი გზა მეგობრებზე ვით ჭუკჭუკებდნენ. სინდისი არც კი

ახველებდა, ხმაც გაუნაზდა.

კიბეზე ხელიხელგადახვეულები ავიდნენ.

კარპემ კედელში ჩატანებული საოჯახო სეიფი გახსნა, იქიდან სპილოს ძვლის კოლოფი ამოიღო. შიგ ოჯახის განძი ენყო. პირდაპირ სეიფში გადმობერტყა ოქროსა და ძვირფასი თვლების სამკაულები და შიგნიდან აბრეშუმით განწყობილი კოლოფი წინ დაუდო.

„ეს რა არის?“ — სინდისმა სიფრთხილენარევი ინტერესით ჩახედა.

„ლამლამობით ამაში ჩაგანვენ, ხედავ, რა ლამაზია“.

„ჩავეტევი?“

„აბა, მიეზომე!“

თავისი არსებობის მანძილზე სინდისიც ცდებოდა, რადგან ბავშვივით გულუბრყვილო და მიმნდობია. როგორც კი აბრეშუმის რბილ საფენში მოხერხებულად მოკალათდა, კარპემ კოლოფი ტკაცუნით დახურა. მერე ყურთან მიიტანა, კოლოფს შიგნიდან ხომ არ აწვებოდა. კოლოფიდან ფუტკრის ბზუილის მაგვარი ხმა ისმოდა.

კარპემ ოქროს გასაღები გადააბრუნა, ჩაკეტა და თავისუფლად ამოისუნთქა. ოფლით შუბლი დასწინწკლოდა. ცხვირსახოციტ შეიმშრალა. კოლოფი გაზეთში გაახვია და მანქანაში ფრთხილად ჩაიტანა.

გუნება გამოუკეთდა, გალალდა და მანქანას მოურიდებლად მიაქროლებდა.

გენერალური დირექტორის სახლში რომ შედიოდა, ცოლი გაახსენდა და მაშინ იფიქრა, ჩემს ქუჩუნას დილასვე გავუგზავნი ფულსო.

კარი თვით პლატონიჩმა გაუღო. დარბაზიდან სტუმრების მხიარული რუზრუზი მოისმოდა...

კრებულები: „პირველი ზეკარი“, 1983, გამომცემლობა „ნაკადული“ და „კუნძული“, 1988, გამომცემლობა „საქართველო“.

ქუნძული

სოფელი ზედ მთის ძირას, უღრან ტყეში ჩაკარგულიყო. მატარებლით მივემგზავრებოდი ხოლმე. სოფლიდან თორმეტ კილომეტრზე ღია ბაქანი მოენყოთ და იქ მატარებელი დღე-ღამეში ერთხელ, ზუსტად შუაღამეს ჩერდებოდა. მარტოდმარტოს უნდა გამეველო ტყეში გაკვალული ბილიკი, ერთადერთი გზა, სოფელს რომ გარესამყაროსთან აერთებდა. ადრე თითქმის ყოველ გაზაფხულს ჩავაკითხავდი დეიდა ანეტას და ეს ბილიკი კარგად შევისწავლე. ღამეულ ტყეში სიარული მაინცდამაინც დიდ სიამოვნებას არ მგვრიდა. ქალაქელი კაცი ვარ, ცრურწმენისაგან თავისუფალი, ძალიან კარგად ვიცი, ამ ტყეში გაქუცული მელიისა და კურდღლის მეტი არაფერი ბინადრობს, მაგრამ ინსტინქტს სად წაუხვალ, სად გაექცევი! ბნელ ტყეში მარტოდ დარჩენილ კაცს, სხვა თუ არაფერი, საკუთარი წარმოსახვა დააფრთხობს და მეც, რაღა ბევრი გავაგრძელო, ფეხდაფეხ ადევნებულ მოჩვენებებს დეიდა ანეტას ჭიშკარში რომ შევასწრებდი, მაშინღა ამოვისუნთქავდი შვებით.

ახლა, ქალაქის ვიწრო ბინაში გამოკეტილს, მენატრება ის მიყრუებული სოფელი, ღმერთსაც და ქვეყანასაც რომ დავინყებია, დროსა და ეპოქას სათვალავიდან რომ გამოჩინია. ორი ათეული კომლიდა ცხოვრობს თავისთვის, ქვეყნის ამბებით თავს არავინ იტკიებს. ბევრმა ტყის ის ბილიკიც არ იცის, რკინიგზის ბაქნამდე რომ მიდის, სხვა ბილიკები კი იქვე, სოფლის ბოლოს იკარგება. ვინც იცის, წელიწადში ორჯერ თუ დაადგება გზას, როცა ბავშვები მიჰყავთ რაიონის ინტერნეტში და როცა უკანვე, საზაფხულო არდადეგებზე ჩამოჰყავთ. არ მახსოვს მონყენილობა მეგრძნოს, თუმცა ერთადერთი გასართობი სოფლის ჭალაში, კოცონთან გატარებული საღამოები იყო. მთელი ახალგაზრდობა იქ იყრიდა თავს. ფანდურზე აჩნაკუნებდნენ და სევდიანად დაამღერებდნენ, ან კიდევ მასლაათობდნენ იმაზე, აქვს თუ არა მთვარეს თვალები და თუ აქვს, ღამით უკეთ ხედავს თუ დღისით... როგორ მიყვარდა ეს საღამოები, ბურბურა

ცეცხლით განათებული სახეები, ირგვლივ ჩამონოლილი ქურუ-ში სიბნელე, უჩვეულო, მსუბუქი სევდით შეჯერებული ჭვრეტა საკუთარი არსობისა, თითქოს სამყაროს წინაშე ვიდექი მარტოდ-მარტო და მე თვითონ ვიყავი ეს ჭალა, ეს კოცონი, იდუმალი ბგერებით სავსე ლამე... და თუ თეთრი მთვარე ამოვიდოდა, ვერცხლისფერს დააფენდა მიდამოს, დაიგრაგნებოდა საზარელი ურჩხულეთი, ბნელ ტევრში ამობრწყინდებოდა მქრქალი ათინათი, გულს აკრთობდა მონათხრობი მკვდარ სულებზე, ჭინკებზე, ტყის მითიურ ბინადრებზე... მერე ჭალიდან შინ ვბრუნდებოდით. ახალგაზრდების ტკარცალი მოედებოდა ორღობეს, სუსტი ჭრაქი ცი-ალეზდა სამზადის დირეზე, ჭრიჭინობელა ჭრიჭინებდა უწყვეტად... გოგო-ბიჭების უწყინარი, სირცხვილნარევი ალერსი, უჩუმრად მოპარული კოცნა... ეჰ, როგორ მენატრება ყოველივე ეს, მაგრამ ვიცი, იქითკენ გზა სამუდამოდ გადამეკეტა და ალბათ ამაში მეც მიმიძღვის ბრალი. უტუტისა და თუთაცირას ტრაგიკულ თავგადასავალში მეც მედო წილი, მაგრამ აქამდე ვერ მივმხვდარვარ, მართლა გადამხდა თუ წარმოსახვის ნაყოფი იყო მთელი ეს ზღაპარი. ალბათ, ანეტა დეიდა გამარკვევდა ამაში, მაგრამ იმ ზამთარს მიიცვალა თურმე, თანაც სიკვდილის წინ დამწყევლა, ის ნუ დამიტირებს, ჩემი დამღუპველიო, დაიბარა... გვიან შევიტყვე ეს ამბავი, გული მეტკინა, რადგან არავინ დამრჩა, ვის წინაშეც შევძლებდი თავის მართლებას.

ადრევე მქონდა გადანყვეტილი, ის ზაფხული დეიდა ანეტასთან გამეტარებინა. დიდი სამზადისი არ დამჭირვებია. ვიცოდი, მოუთმენლად მელოდებოდა. შავი თავშალი წინასწარ ვიყიდე, ასე მცირე ძღვენიც გაუხარდებოდა. შევბულება დილას გავაფორმე, ნაშუადღევს მატარებელში ჩავჯექი და შუალამისათვის უკვე ნაცნობ ბაქანს ვუახლოვდებოდი. კუპეს მეზობლებს ეძინათ და დერეფანში ნახევარი საათით ადრე გავედი, არ მინდოდა, ვინმე შემენახებინა. შუშაზე ჩემი ანარეკლი ილანდებოდა. შუბლით მივეყრდენი, მაგრამ წკვარამი შემომეგება და ვერაფერი გავარჩიე...

ვაგონიდან რომ ჩამოვხტი, ერთხანს მიმავალი მატარებლის დაგადუგმა დამაყრუა. მერე გუგუნით თანდათან მიწყდა და მღუმარება ჩამონვა, რომელსაც ფოთლების ჩუმი ფაჩუნი თუ არ-

ლვევდა. ზედ ყურის ძირში იწვილა კოლომ, ტკაცუნით მივისრისე ლოყაზე. ბაყაყის გაუბედავმა ყიყინმა დააღვია სიჩუმე და მივხვდი, ციციქნა შიში გულში ჯერ კიდევ მაშინ ჩამისახლდა, შინიდან რომ გამოვდიოდი, მერე კი გზაში თანდათან იზრდებოდა და იმოდენა გამხდარიყო, ზურგზე ბუსუსებს მაყრიდა. რისი უნდა მშინებოდა, მაგრამ, როგორც უკვე ვთქვი, ადამიანის სულში იმთავითვე ჩაბუდებულია კრძალვა შეუცნობელის წინაშე, სიბნელე კი მუდამყამს შეუცნობელია, რადგან თავის კალთებქვეშ რეალობას მალავს, ჭეშმარიტ სურათს წარმოსახული ენაცვლება.

ტყე პირდაპირ ბაქანს აწყდებოდა, ბილიკის თავი ოდნავლა ციმციმებდა და ფეხაჩქარებით მივყვედი. ტყის სიღრმეში მეტი მყუდროება სუფევდა. ნიავიც არ იძვროდა. მხოლოდ საკუთარი ფეხის ხმა მესმოდა და ისიც ორიოდ ნაბიჯზე იხშობოდა. ხომ ვიცოდი, მთელ ტყეში ჩემ გარდა არავინ იქნებოდა, მაგრამ სულ მეჩვენებოდა, ვითომდა ვილაც უჩინარი ამდევნებოდა და სულგანაბული მეპარებოდა. თავს ძალას ვატანდი, რომ აქეთ-იქით არ დამენყო თვალის ცეცება, ან უკან არ მიმეხედა. არ უნდა ავყოლოდი უნებლიე შიშს, ინსტინქტი უნდა დამეთრგუნა. ჯიუტად მივშტერებოდი ოდნავ აცრიატებულ ბილიკს და თავს მალლა არ ვწევდი, რათა ხეთა ვარჯებში ჩაბუდებული ნკვარამი ათასნაირი ურჩხულებით არ დამესახლებინა. შევუდექი მესხიერების გადახალისებას, გავიხსენე ფიზიკის კანონები, რაიც სინათლის გარდატეხას შეეხებოდა. გონებაში ჩამოვწერე ამ კანონების მათემატიკური ფორმულები. ამათგან გადავედი სხვადასხვა სამეცნიერო დებულებაზე, ადამიანის აზროვნების ყოვლის შემძლეობაში რომ მარწმუნებდნენ. მინდოდა, იოტისოდენა ადგილიც არ დამეტოვებინა წარმოსახვაში დაბადებული ქიმერებისათვის.

ფიქრებში გართულმა ნახევარი გზა შეუმჩნევლად გავლიე. უცებ შევჩერდი, ყური მივუგდე ტყის მღუმარებას. თითქოს რაღაც ხმაური შემომესმა. ცოტა ხანს ვიდექი, ალბათ, მომეჩვენა-მეთქი, გავიფიქრე და მაშინვე ტყე უცნაური ბგერებით აივსო.

წინიდან უსასოო ოხვრამ გაკვეთა სიჩუმე.

გულმა ბაგაბუგი დამიწყო. მეგონა, ჩემი გულის ხმა მთელ

ტყეში ისმოდა და ვცდილობდი, დამეამებინა. მუხლებში ღონე წამერთვა, ნაბიჯის გადადგმა გამიჭირდა. ვერ გამერკვია, რა ხდებოდა, ვილაცა ღმუროდა თუ ოხრავდა, ტიროდა თუ ბრაზიანად ბურღლუნებდა. იქნებ მნუხარე ადამიანი გოდებდა, ან იქნებ კბილატიეზული დათვი უჩიოდა სვეს.

ამასობაში, თუმცა შიში არ გამნელებია, ღონე თანდათან დამიბრუნდა. პირველმა ელდამ გამიარა და შემეძლო სალად მეაზროვნა. როგორმე ხომ უნდა გავრიდებოდი საფრთხეს. ჯერ უკან დაბრუნება გადავწყვიტე. მერე მომაგონდა, ღია ბაქნამდე რომც მიმეღნია, იქ სად შევაფარებდი თავს? ისევ სოფლისაკენ ჯობდა გაღწევა.

გზა ფრთხილად განვაგრძე, ნაბიჯ-ნაბიჯ მივიწვედი. ვცდილობდი ფიჩხი არ გამეტკაცუნებინა. ტოტს თუ გამოვედებოდი, დიდი მოთმინებით ვიშორებდი.

ოხვრა და კვნესა უფრო აშკარად მომესმა.

ნელ-ნელა ვუახლოვდებოდი საშიშ ადგილს. ბილიკიდან გადავედი, ბნელ ტევრს ვეტანებოდი. უმთვარო ღამე კი იყო, მაგრამ ბილიკზე მიმავალი კაცი ვარსკვლავთა ანარეკლზე მაინც გამორჩეულიყო.

ბრმასავით ვაცეცებდი ხელებს. ცხვირწინ არაფერი ჩანდა. ხორკლიან ხეს წავანწყდი, ზედ ავეტმასნე. თავი გამოვყავი და იგი მაშინ დავინახე.

სულ რაღაც ათიოდე ნაბიჯზე, ზედ ბილიკის პირას ხეს მიყრდნობოდა რაღაც ბანჯგვლიანი, უზარმაზარი არსება. ყოველ შემთხვევაში, მე ასე მომეჩვენა. სხვას ვერაფერს მივამსგავსე და დათვად მივიჩინე. თათებით ფხოჭნიდა ხის ტანს, აშკარად მესმოდა ბასრი ბრჭყალების ფხაჭუნი. თავი ზევით აელირა და გულშეჭირვებული, უზომო სევდით გოდებდა. არასოდეს გამეგონა ასეთი უცნაური ხმა. რაღაც აზრი შევიცანი მასში. ნადირის ამ ღმუილში რაღაც ადამიანურიც იგრძნობოდა, თუმცა ეს სიტყვა მეტად შორს იყო ამ სურათისაგან, რასაც თვალთ ვუყურებდი.

თითქოს უფრო უნდა შემშინებოდა, მაგრამ თანდათან სიმშვიდე დამეუფლა. სამალავიდან არ გამოვსულვარ. რომც გამოვ-

სულიყავი, ალბათ, ეს სევდიანი გიგანტი არაფერს დამიშავებდა, მაგრამ ბედი რისთვის უნდა გამომეცადა.

ის არსება კი, ახლაც არ ვიცი, მართლაც დათვი იყო თუ ადამიანი, ეჯაჯგურებოდა ხის ტანს, ფხოჭნიდა და მოთქვამდა ტყიურის ენაზე, ნუხდა საშინელი ნუხილით. გონებაში ამეკვიატა ორად-ორი სიტყვა: „შეყვარებული ნადირი!“ ეს უფრო აზრის ოინბაზობა იყო, რაც ოდნავადაც არ უხდებოდა ამ ბნელ ღამეს და საშიშ გზას, ჯერ კიდევ წინ რომ მედო.

არ ვიცი, რამდენ ხანს ვიყავი ხის უკან დამალული. როდის-როდის გული იჯერა გიგანტმა, მოთქმა-ვაებით, ბურღლუნით მოშორდა ხეს, ოთხზე დაეშვა და ბილიკზე გაგვანგვალდა. თუ ეს დათვი იყო, ამოდენა მხეცი სიცოცხლეში არ მენახა. დავაცადე, სანამ გაუჩინარდებოდა. მერეც კარგა ხანს ვიყოყმანე. სრული მდუმარება ჩამოვარდა და მხოლოდ მაშინ გავბედე სამალავიდან გამოსვლა.

მალე სოფლამდე მივალწიე. ორღობეში რომ შევედი, ბნელ ხარდანს ძალლი მოაწყდა ბრაზიანი ღვლავით და გამიხარდა, შვებით ამოვისუნთქე.

წინ ფეხის ხმა მომესმა. ვილაცა მძიმე ნაბიჯს ადგამდა. მოსახვევთან ორღობე ფართოვდებოდა და ზვავით კაცი დავლანდე. ისე მობარბაცებდა, თითქოს გემბანიდან ახლალა ჩამოსულა და მიწა ფეხქვეშ ეცლებო.

ალბათ, ნასვამია-მეთქი, ვიფიქრე. ნამოვწიე, მივესალმე.

შეჩერდა. მძიმე, ბნელი გოლიათივით შემობრუნდა, ბანჯგვლებიდან თითქოს ორმა წითელმა თვალმა გამოანათა. კინაღამ მოვკურცხლე, მაგრამ კაცი უკვე ხელს მიწვდიდა და შემრცხვა. კრთომით ჩამოვართვი, თითქოს მკლავის ჩამოხსნას მიპირებდნენ. რკინის თათები რომ ვიგრძენი, მხოლოდ მაშინ ვიცანი:

— უტუტი, შენა ხარ?

— ა, ჩამოხვედი?

მის ხმაში ფარული მღელვარება იგრძნობოდა. ამას ახლა ვფიქრობ, თორემ მაშინ ყურადღება არ მიმიქცევია. მეგონა, უტუტის ხუთი თითივით ვიცნობდი. თითქმის ჩემს თვალწინ გაიზარდა. ობოლი იყო. სოფლის განაპირას, ტყეში ედგა ჯარ-

გვალი. ცხოვრობდა მარტოდმარტო. გამზრდელი ბებია ადრე გარდაეცვალა, მაგრამ მონყალებისათვის ხელი არ გამოუნ- ვდია. ნადირობითა და თევზაობით ირჩენდა თავს. თუმცა უსამ- ველო ღონის პატრონი იყო, მაგისი დაჩაგრული არავინ მინახ- ავს. რატომღაც სოფლელებს მაინც ეშინოდათ მისი, ეშმაკეულ- თან წილნაყარიაო, ჭორებს უყრიდნენ. გაუთლელი მუტრუკი იყო, მაგრამ ვინმეს რომ დასჭირვებოდა, ვირის მუშად დაუდგე- ბოდა უანგაროდ. მაინც არავინ ემადლიერებოდა, არავინ მოა- კითხავდა მის ჯარგვალს, არავინ ემეზობლებოდა... იყო თავის- თვის და ბედს არ უჩიოდა.

ერთხანს ჩუმად მივდიოდით. არაფერს მეკითხებოდა. ეს არც მიკვირდა, რადგან სიტყვაძვირ კაცად ვიცნობდი. თავს უხერხულად ვგრძნობდი. შიგადაშიგ მავინყდებოდა, რომ ეს ბანჯგვლიანი გიგანტი უტუტი იყო, იმ დათვში მერეოდა, ტყეში რომ გადავეყარე. მაშინ უცაბედი შიში მომეძალებოდა, შიშის წამალი კი ლაპარაკია და მეც ენა ამოვიდგი.

- რა ამბავია სოფელში, როგორა ცხოვრობთ?
- ისე რა! — მოკლედ მომიჭრა.
- ანეტა დეიდა ხომ ჯანმრთელადა გვყავს?
- რა უშავს!
- თუთაცირა წამოიზარდა ალბათ?

— თუთაცირა... თუთაცირა... — უცნაურად გაიმეორა, თით- ქოს ემწარა ამ სახელის წარმოთქმა. მერე მთლად გაჩუმდა. ვი- ფიქრე, რაიმე უბედურება ხომ არ ეწია-მეთქი დეიდაჩემის გაზ- რდილს. უსაფუძვლო არ იყო ეს ეჭვი. პირველად რომ ვნახე, ერთ ცქნაფა ბავშვს ცარიელი თვალები შერჩენოდა. ობლობას და უთვისტომობას თითქოს ფესვები დაეჭრა მისთვის. წესიერად ისიც არ ვიცოდი, საიდან გაჩნდა დეიდა ანეტასთან. ალბათ, ქმრის შორეული ნათესავი იქნებოდა. მთელი დღე ერთ ადგილას იჯდა ციციქნა გოგო, ეზოს გაჰყურებდა სევდიანი თვალებით, ხმას არ იღებდა. მე და დეიდა ანეტამ ბევრი ვეცადეთ, ბევრი ვუტრია- ლეთ, რათა დარდისაგან განგვეკურნა. მივალწიეთ კიდევ საწადავს, მის სახეზე ღიმილიც გაკრთა, მაგრამ ერთი ეჭვი მაინც დამყვა იმ დროიდან, დიდი დრო არ ეწერა საბრალო გოგოს.

დეიდა ანეტას ჭიშკრამდე მომაცილა უტუტიმ. შინ არ შე- მომყვა. „გვიანაა უკვე!“ — ნაიბურდლუნა და გაუჩინარდა.

დაბალ ბოძკინტებზე შემდგარ პატარა ოდაში ცხოვრობდა დეიდა ანეტა. სახლის უკან ერთი ხელის დადება სიმინდის ყანა და ბოსტანი ჰქონდა. სულ ეს გახლდათ დეიდაჩემის ავლა-დიდე- ბა, თუ არ ჩავთვლით ჩია, მეგრული ჯიშის ძროხას, რომელიც ცოტას, მაგრამ ოჯახისათვის სამყოფს ინველიდა, და უამრავ ქათამს, ეზოში რომ დილაუთენია გამოეფინებოდნენ. ამას ზედ ორიოდ კაპიკი ქვრივის პენსია ემატებოდა და დეიდა ანეტა ყოველივე ამით იოლად გადიოდა.

ეზოში ძალი არ ჰყავდათ და პირდაპირ აივანზე ავედი, კარზე თამამად დავაბრაგუნე. ყოველთვის ასეთ დროს მოვდიო- დი და მიეჩვივნენ. შიგნიდან ფაციფუცი მოისმა. დეიდა ანეტამ ნამძინარევი ხმით იკითხა:

- რომელი ხარ?
- მე ვარ, დეიდა ანეტა, თაზო!
- უი, შენ შემოგველე! — შეჰკივლა დედაბერმა, ურდ- ულებს აუტეხა ხათქახუთქი და სიბნელეში გადამეხვია.

მეორე წუთს ოთახში გაუჩინარდა, ნავთის ლამპა აანთო და ხელახლა შემომიბრუნდა. ვიდექი შუა ოთახში და სულელივით ვილიმებოდი, ის კი ვერ ისვენებდა, ათასნაირი ალერსიანი სი- ტყვა მითხრა, თავი მრავალგზის შემომავლო.

ვინ იცის, რამდენ ხანს გაგრძელდებოდა ასე, მაგრამ უცებ კარი გაიღო და თუთაცირა შემოფრთხილდა. ღმერთო, რა გოგო დამდგარა! სად გაქრა ის გამწლეული, ავადმყოფური ბავშვი, მოკლე ხანი რომ ვუწინასწარმეტყველე. პირდაღებული მივჩე- რებოდი და თავი სიზმარში მეგონა. არ მინდა გაცვეთილი სიტყ- ვები ვიხმარო, მაგრამ ამ ჰაეროვან არსებაში იყო რალაც ცის- ფერი, რალაც გამჭვირვალე, რალაც ნაზი და სათუთი... ის მართ- ლაც არ იყო ამ ქვეყნისათვის დაბადებული და შემეშინდა, გული მომეწურა, ერთი მუჭა გამიხდა.

ხელი გავუნოდე, ის კი ჯერაც ნამძინარევი, ღამის პერანგ- ის ამარა, რაც ფერიას ამგვანებდა, მიამიტურად გამოიქცა და გულში ჩამეხუტა.

წუთიერი შიში ამაღელვებელმა ზეიმმა შეცვალა და მხარზე ხელი თამამად გადავხვიე.

— თუთაცირა, დაიკო...

მხოლოდ ამ სიტყვებით შეიძლებოდა იმწუთიერი განწყობილების გადმოცემა. ჩემს ოჯახში მარტოშვილად ვიზრდებოდი. ძმაკაცები ბევრი გავიჩინე, ძმობას მიწევდნენ. მაგრამ ფარული ნატვრა, გაუცნობიერებელი ლტოლვა, ის სათუთი ხიბლი, რასაც მხოლოდ დაკაცებული ძმა შეიძლება განიცდიდეს ერთადერთი პატარა დაიკოსადმი, ჩემს სულში იმალებოდა და სწორედ ახლა გადმოხეთქა...

გონს მოეგო, დაიმორცხვა. ახლალა გაახსენდა, პერანგისამარა რომ იყო. ვაიმეო, წამოიძახა და კვლავ თავის პატარა ოთახში შევარდა.

გაგვეცინა.

— კარგი გოგო იზრდება, მაგას ვენაცვალე. — დეიდა ანეტამ ამაყად შემომხედა, მერე კვლავ დაფაცურდა: — ამდენს რა მაქაქანებს მე სასიკვდილეს, მშიერი იქნები!

— მშიერი არა და... ჩემი ლოგინი გაშლილია?

ვიცოდი, ათი წელი რომ არ მოვსულიყავი, ჩემთვის ერთხელ და სამუდამოდ მიჩნეული ლოგინი ყოველთვის მზად იქნებოდა.

არ დამიჯერა, უჭმელი არ დამაძინა. ცოტა ხაჭაპური მოვწინკნე, ჭიქა წყალი დავაყოლე. გავიხადე, ქათქათა თეთრეულში გავეხვიე და ბუმბულის ბალიშზე ნებიერად მივესვენე. დეიდა ანეტა შემოვიდა ლამპის წასაღებად. ცოტა ხნით საწოლზე ჩამომიჯდა, მომეფერა.

გარჯას დაებერებინა, ჭალარა მომრავლებოდა. ერთ დროს ტანადი და ელვა ქალი იყო. ახლა მოკუნტულიყო, ბეჭები ჩამოეშვა, ზურგზე კუზი დასჩენოდა. თუმცა ჯერაც შერჩენოდა ახალგაზრდული, ცოცხალი თვალები და სიმსუბუქე. ძველებურად დაულლეს, მჩატედ დაჰქონდა ტანი.

— დაგიბერდი ხომ, შვილო! — მიმიხვდა ნაფიქრალს. — ეჰ, აწი დროა, გავემზადო. საცოდავი ჩემი ქმარი დიდი ხანია, მელოდება, მაგრამ ეს გოგო მაჩერებს ჯერ. სანამ არ დავაოჯახებ, ვეღარ დავტოვებ, არ მინდა მეორეჯერ დავაობლო...

— თუთაცირა ისეთი გოგო გაზრდილა, მაგისი საბედო ძნელი მოსაძებნი იქნება, დეიდა ანეტა!

— მეც მაგი მაღარდებს, შვილო. ამ ციციქნა სოფელში ორიოდე ოტროველას მეტი ხეირიანი არავინაა და... სხვაგან ჩვენ ვერ დავდივართ.

კინალამ წამომცდა, ქალაქში გამატანე, იქნებ სადმე სასწავლებელში მოვანყო, დრო გაივლის და იქვე მონახავს თავის საბედოს-მეთქი. ენა დროზე მოვიკვნიტე, ჯერ რიგიანად მე არ ვიყავი მოწყობილი, სად შემეძლო სხვისი პატრონობა.

— ეგ უტუტი რას აკეთებს? — ვკითხე მოულოდნელად.

— უტუტი? — გაიოცა დეიდა ანეტამ.

ორიოდე სიტყვით ავუნერე ღამეული ფათერაკი. შეშინებული მისმენდა. რამდენჯერმე პირჯვარი გადაინერა, ღმერთო, შენი სახელის ჭირიმეო, ნაიჩურჩულა. მეტი არაფერი უთქვამს, მაკოცა და დამტოვა.

მგონი კარიც არ ჰქონდა მიხურული, მე კი უკვე მეძინა. ძილში უტუტი მესიზმრა. ბანჯგვლიან დათვად ქცეულიყო. აყალყული მოინევდა ჩემკენ, თათებში მომიგდებდა, ზვავივით დამანვებოდა, ცდილობდა, მოვეგუდე, მაგრამ სწრაფად ვუსხლტებოდი, ის კი ისე იყალყებოდა მუქარით და ყველაფერი თავიდან იწყებოდა. მერე მივხვდი, რომ სიზმარში ვიყავი და დავმორჩილდი...

გვიან გამომეღვიძა. მზე უკვე მაღლა იდგა. ოთახი სინათლეს აევსო. ფანჯრის შუშას ბუზი ეხლებოდა.

მოლიავებულ კარს მიღმა, აივანზე, ჩემკენ ზურგით თუთაცირა იდგა. ბალიშიდან თავი არ წამომიწევია, ისე გავყურებდი. გამჭვირვალე კაბა ეცვა, მზის სხივი ატანდა და შიგ გოგოს სხეული ილანდებოდა. თითქოს მზის სხივებში ბანაობდა თუთაცირა, ეს კაბა კი საპნის ქაფი იყო. მზერა იგრძნო, შემობრუნდა. მორიდებით გამიღიმა, თითქოს ეშინოდა, ვაითუ საპასუხო ღიმილი დამამადლოს და შემომიბღვიროსო. ადრე უფრო მეტამამებოდა. პატარა გოგო ლოგინში შემომიძვრებოდა, მაიძულებდა, ზღაპრები მომეყოლა. მეც ვჩმახავდი ათასნაირ ტყუილსა და მართალს. ცოტა რომ წამოიზარდა, ამდენს ვერ ბედავდა, მაგრამ დილდილაობით მანვალებდა, ხან წყალს მო-

მასხურებდა, ხან საბანს გადამხდიდა, ძილისგუდა, ადექიო. მე თვითონ გავათამამე და ამიტომ ვუთმენდი. ახლა უკვე ქალიშვილი იყო და არ იცოდა, როგორ მომქცეოდა.

— თუთაცირა! — ხმადაბლა გავძახე. მოხმობა არ მიფიქრია, უბრალოდ სახელს ხიბლი გავუსინჯე. ამას მიხვდა და ლოყებზე სინითლე გაუკრთა, ადგილს მოწყდა, თვალთახედვიდან დამეკარგა.

აივანზე გავედი. ნათელი დღე იდგა, მზე აცხუნებდა. სოფელს ყოველი მხრიდან ტყე აწვებოდა, ზღვა სიმწვანე გადმოღვრილიყო. ზოგან მსუბუქი კვამლი ამოდიოდა და ეს მიაწმინებდა, რომ იქ სახლები იდგა. სოფლის თავზე წამომართული გორაკიც ტყეს დაებურა და იქიდან მონაბერი გრილი ნიავი სასიამოვნოდ მელამუნებოდა.

საუზმე კარგა ხნის დაგვიანებული იყო. დეიდა ანეტა ყანაში თოხს აჩხაკუნებდა. ლუკმა გადავყლაპე და მეც თოხს დავავლე ხელი.

— დაისვენე, შვილო, სამუშაოდ კი არ ჩამოსულხარ!.. ცოტაღა დამრჩა, როგორმე თვითონ მოვუვლი! — დეიდა ანეტამ მანდილის წვერით ოფლი მოინმინდა. ახლა უფრო დაბერებული მეჩვენა.

სიცხეში თოხის ხათქუნი გულზე დიდად არ მეხატებოდა, მაგრამ ჯიუტად დავადექი სვეს და ბოლომდე გავიტანე. გამიჭირდა კი, ოფლი ხვითქად ჩამომდინდა, იხტიბარი მაინც არ გავიტეხე.

— შეისვენე ახლა, ნადი, იბანავე, მანამდე სადილიც მზად იქნება!

ამჯერად დეიდა ანეტას დავუჯერე, ძნელია მიუჩვეველი კაცისათვის ამდენი თოხნა. თოხი მინით შევამაგრე, რომ არ წაქცეულიყო, აქაოდა მერეც ნაგებმარები-მეთქი და საბანაოდ გავეშურე.

სოფელში ერთი მდინარე ჩამოდის, ტობანყარი ჰქვია. კაცს მუხლებამდე ვერ მისწვდება, მაგრამ ერთგან, ოყაყალეს რომ ეძახიან, იქ ღრმულში გროვდება და ესაა სოფლის საბანაო. არც ისე შორს იყო, ტყის ბილიკმა სწრაფად გამიყვანა იქამდე. ასეთ დროს მაღალ ნაპირზე სოფლის ბიჭები იყრიან თავს, ერთობიან,

მაგრამ ახლა არავინ დამხვდა. სწრაფად გავიხადე, ცივ და ანკარა წყალში გადავეშვი. სული შემეგუბდა. ერთი-ორჯერ ჩავყვინთე. არც ისე კარგი მოცურავე ვარ, დიდ ხანს წყალში ვერ ვჩერდები, ვილღები, იქ კი სიღრმე ორ საჟენს მაინც აღწევდა. ამიტომაც ცოტა ვიჭყუმპალავე და ნაპირისკენ გამოვნიე, კბოდეზე საგანგებოდ ამოკვეთილ საფეხურებს მივაშურე. ის იყო, წყლიდან ამოვინიე, პირველ საფეხურს დავეყრდენი, ვილაცამ მიბიძგა და ისევ წყალში გადამაგდო.

— რა ხუმრობაა! — აღშოთობას ორი ყლუპი წყალი ჩავაყოლე.

საფეხურზე უტუტი იჯდა, ცალყბად ილიმებოდა. რა თქმა უნდა, ხუმრობდა, მაგრამ თვალეში სიცივე ედგა და ამან შემაკრთო.

— ერთ კაცს კი ეყოფა დასახრჩობად! — ხმა გაბზარული ჰქონდა. ხელი გამომინოდა, ამომიყვანა.

პასუხი არ გავეცი. აუჩქარებლად ჩავიცვი, რათა შიში არ შეეტყო, და შინისაკენ წამოვედი. უტუტი ფეხდაფეხ მოალაჯებდა. ტყის კიდესთან შემაჩერა, იქნებ მობოდიშება უნდოდა, მაგრამ სულ სხვა რამ მკითხა:

— თუთაცირა მოგეწონა?

მზერა გავუსწორე. ღრმად ჩამჯდარ თვალეში ერთმანეთს ებრძოდა თხოვნა და ბრძანება, სიყვარული და სიძულვილი... უმაღვე მივხვდი, რა ციებაც შეჰყროდა, და ცივად მოვუჭერი:

— თუთაცირა დაა ჩემი!

უკან არც მიმიხედავს, თუმცა სანამ სამზადში შევიდოდი, მანამდე ვგრძნობდი მის მზერას.

ნასადილევს უფრო დაცხა. ფარდაგი გამოვათრიე ეზოში, მსხლის ჩრდილში დავაფინე. მუთაქა თავქვეშ ამოვიდე და გავგორდი. იქვე წკნელი დავიდე, რათა ზემეტად გათამამებული წინილები დამეფრთხო. თან წიგნიც მოვაყოლე. ჩემი ნება იყო, მინდოდა, წავიკითხავდი, მინდოდა, გემრიელად წავუძინებდი. ერთი-ორი გვერდი მართლაც ჩავიკითხე, მაგრამ ფიქრებს ეძინათ და ვერაფერი გავიგე. ჩამთვლიმა. ბალახში ფეხის ფაჩუნმა გამომაფხიზლა. ქალიშვილის ლამაზ კანჭებს შევაგლე თვალი.

თუთაცირა ჩამომიჯდა ფარდაგზე. არც არაფერი უთქვამს, უბრალოდ მიყურებდა. მეც უსიტყვოდ ვათვალიერებდი, თით-

ქოს პირველად ვხედავდი. მისი ყოველი ნაკვეთი ხომ სიმშვე-
ნიერის განსახიერება იყო, მაგრამ ასეთი თვალები კაცს უნახავს
გახდოდა. რა ვიცი, იქნებ არც იყო ცისფერი, მაგრამ ცისფერი ბინ-
დი გადაჰკრავდა და ეს შუქი მთელ სახეზე ეფინებოდა.

— რამ გაგალამაზა, გოგო, ასე? — გულწრფელი გაკვირ-
ვებით შევეკითხე.

სახე გაუმწყაზარდა, დაიმორცხვა, კვლავ არაფერი მითხრა.

— რა ვქნათ ახლა მე და დეიდა ანეტამ, რომელი ქვეყნიდან
ჩამოგიყვანოთ კალმით ნახატი უფლისწული? — ეს უკვე ხუმ-
რობით დავამატე.

ნამით მოიღრუბლა, უმაღვე შუბლი გაეხსნა და ჩაიციხა
გულიდან ამოსული თბილი სიცილით, თითქოს მომეფერაო.

არ ვიცი, სად მიგვიყვანდა ეს ქვეშეცნეული, აუღმღვრეველი
ალერსი, მაგრამ ამ დროს ლანალუნი მომესმა და ღობეზე გად-
მოეშვა შავი და ბანჯგელიანი, ხბოსტოლა ნაგაზი. გაგონილი
მქონდა, დანოლილ კაცს ძალლი არ ერჩისო. ალბათ, ნაგაზსაც
ეცოდინებოდა ეს ამბავი, თორემ თავს რომ დამსხმოდა, ნუთში
მომგუდავდა. თუთაცირასაც კრთომა შევატყვე, ოლონდ შიში
ჩემზე ადრე დაძლია.

ნაგაზი აუჩქარებლად წამოვიდა, თითქოს ამონმებდა, რა
შთაბეჭდილება მოვახდინეო. ხშირი ბენვი ისე უბზინავდა, თით-
ქოს ახალთახალი დაბანილიაო. წითელი ენა გადმოეგდო, თი-
თისტოლა ლოჯები უელავდა.

შორიახლო შეჩერდა, კუდი მორიდებით გააქნია.

შიშმა გადამიარა. რაკი კუდს აქიცილებდა, ალბათ თავდას-
ხმას არ აპირებდა.

— როდის აქეთ გამოზარდეთ ეს ბომბორა?

— უპატრონოა, — წამჩურჩულა თუთაცირამ, თითქოს ვინ-
მე მოისმენდა მის ნათქვამს, — არც ვიცი, საიდან მოდის ან სად
იკარგება. უკვე მერამდენედ მოგვაკითხა.

ალბათ პატრონს ეძებს-მეთქი, დავუსტვინე. ნაგაზმა ყურა-
დლების ღირსადაც არ ჩამთვალა. კუდი უფრო ააბათქუნა, მიწა-
ზე განვა და ჩუმი ნკმუტუნით თუთაცირას მიუჩოჩდა, კალთა-
ში თავი ჩაუდო.

თუთაცირამ ხელი გადაუსვა. ნაგაზი გაიტრუნა, სიამოვნე-
ბისაგან თვალი მილულა, თან სანყლად ნკმუტუნებდა, თავს
აცოდებდა. ყველაზე საოცარი ის იყო, თითქოს სადღაც უკვე
გამეგონა მსგავსი ხმა და ვერაფრით ვიხსენებდი. ყველა ძალლი,
ალბათ, ერთნაირად ნკმუტუნებს-მეთქი, დავასკვენი.

უცებ გული გადამიქანდა. უცნაურმა აზრმა გამიელვა. მე-
ორე წამს ამ აზრის ფანტასტიკურობამ ღიმილი მომგვარა. იქნებ
არც უნდა წამომერომა ასეთი სისულელე, მაგრამ თუთაცირას
მაინც ვუთხარი:

— იცი, ვის მაგონებს ეგ შენი ნაგაზი?

თუთაცირამ გაკვირვებით შემომხედა.

— ვისა და უტუტის!

გოგონა შეკრთა, ცივად მოაშორა ხელი. უკან გაიწია. ნაგაზი
წამოიძარტა. თითქოს ნათქვამი ეწყინაო, ბოროტი ღრენა ამო-
უშვა. შემომხედა და ეს შემოხედვაც საოცრად მეცნაურა. აუჩ-
ქარებლად შებრუნდა. ღირსეულად მიდიოდა, როგორც არის-
ტოკრატს შეეფერება. მერე მძიმე სხეული აიქნია და ღობეზე
გადაეშვა.

— უყურე, ეწყინა!

თუთაცირამ არაფერი თქვა, სახეზე ფერი გაუკრთა, ხელი
უცახცახებდა.

იმ დღეს უჩვეულო მეტი არაფერი მომხდარა. საღამოს დეი-
და ანეტა აივანზე წამოწვა, თვალს მოვატყუებო, ჩვენ კი ჭალი-
საკენ ჩავისეირნეთ. თუთაცირა მკლავზე ჩახუტებული მომყ-
ვებოდა და ნაბიჯით არ მშორდებოდა. დამფრთხალი ჩანდა, მი-
ზეზს კი ვერ მეუბნებოდა. ფიქრით სხვაგან ვიყავი და არაფერი
ვკითხე.

ჭალაში სოფლის ახალგაზრდობა შეყრილიყო. ერთგან მე-
ფანდურე იჯდა და სევდიან სიმღერას ჩაჰლიღინებდა. გარს
გოგო-ბიჭები შემოჰხვეოდნენ, ჩუმ-ჩუმად ელლაბუცებოდნენ
ერთიმეორეს და თავშეკავებული სიცილ-კისკისი აუტყდებო-
დათ ხოლმე. ბევრს ვიცნობდი, განსაკუთრებით თანატოლებს,
მაგრამ ჩემს არყოფნაში ბავშვებიც წამოზრდილიყვნენ. ნაცნო-
ბები ხელს მართმევდნენ, მეკითხებოდნენ აქეთურსა და იქი-

თურს, მეც არაფრის მთქმელი მიეთ-მოეთებით ვპასუხობდი.

მეფანდურის გვერდით ერთმა ხრიკა ბიჭმა დოლი დაითრია და ზედ ხელები აატყაპუნა. უმაღვე წრე შეიკრა. ვაჟთაგან სხვაზე თამამი ვინც იყო, ის გამოფრინდა, დაუარა. ხან ერთ გოგოს ჩამოუქროლა, ხან მეორეს. გოგონები მორცხვად უარობდნენ, ჯიკავ-ჯიკავით ერთმანეთს აქეზებდნენ. თანდათან გაჩაღდა ცეკვა-თამაში. იქნებ ჩემი რიდი ჰქონდათ და ამიტომაც თუთაცირას არავინ იწვევდა. ვატყობდი, შორიდან თვალს აპარებდნენ, საცეკვაოდ გამოწვევას, შეხუმრებასა და შეთამამებას კი ვერავინ უბედავდა. ის კი არა, მე რომ მელაპარაკებოდნენ, მაშინაც თვალი განზე მიჰქონდათ, აქაოდა, ვერა ვხედავთ, გვერდით ვინ გიდგასო. თანდათან დავეჭვდი, ეს ყმანვილები ვილაცამ ხომ არ დააშინა-მეთქი, მაგრამ ეს ვილაცა იქნებ მთლად მე ვიყავი, რადგან ყველას ნათესავებად მივაჩნდი.

შუა თამაშის დროს თუთაცირამ მკლავზე ხელი მომიჭირა. სახე გაფითრებოდა, თვალი დაეხარა.

წრის მეორე მხარეს, ჩია ახალგაზრდებში, დევივით წამოყუდებულიყო უტუტი და თვალს არ გვაშორებდა.

— რამ შეგაშინა, შე გლახა, — ხმადაბლა მოვეფერე.

— შინ წავიდეთ, ცუდადა ვარ, — ჩურჩულით მთხოვა.

წრიდან შეუმჩნევლად გავიყვანე. ისედაც ღამდებოდა და დეიდა ანეტა შეშინდებოდა.

ორლობეში ღამე და მთვარე ერთად წამოგვეწია და ჩუმად მივდიოდით ვერცხლის შარაზე.

სახეში ჩავხედე. ტიროდა, ალბათ შიშისაგან.

— ჩერჩეტი გოგო! — მოფერებით გავუფავრდი, ხელისგულით ცრემლი შევუმშრალე, ტურჩზე მომიხვდა და თითქოს მსუბუქი კოცნა მომაცოლა, მაგრამ ეს ალბათ მომეჩვენა, ყურადღება არ მიმიქცევია. ფეხს ავუჩქარე, რათა შინ სწრაფად მიმეყვანა.

იმის შემდეგ ქალაში არ წავსულვართ. სულაც არ მჭირდებოდა იქაური ტაშ-ფანდური. ისედაც კარგად ვერთობოდი. დღისით ხომ საქმე არ ილევოდა, მე კი თოხნასთან ერთად დღის ძილიც გამიტკბა და დრო სწრაფად გადიოდა. საღამოობით წარდს ვთამაშობდით. ვინც წააგებდა, ნახშირით უნდა მოგვეთხუპნა და

შუალამეზე ჯოჯოხეთის მაშხალებს ვემსგავსებოდით. დეიდა ანეტა მეტად ჭირვეული და ჩხუბისთავი მოთამაშე აღმოჩნდა, ნიადაგ ჭინჭყლობდა. თუთაცირას ჩუმი სიცილი კი გულს მითბობდა... მეტი არაფერი სჭირდებოდა ზაფხულის მოკლე ბედნიერებას.

ერთადერთი უცნაურობა შავი ნაგაზი იყო. თითქმის ყოველდღე გვაკითხავდა. სამივენი შევეჩვიეთ მის გამოცხადებას. დეიდა ანეტა პირჯვარს გადაიწერდა, მაგრამ გაგდებას ვერ უბედავდა. ხანდახან საჭმელს გამოუტანდა. ნაგაზი პირს არაფერს აკარებდა. რატომღაც პირველი დღიდანვე შემძულდა. მრცხვენოდა ამ გრძნობისა, ვცდილობდი ამის დაფარვას. ერთი-ორჯერ თავზე ხელის გადასმა მოვუნდომე. ისე შემომიღრინა, მეტად არ გავკარებოვარ. იმ პირველი დღის შემდეგ ვერც თუთაცირა ეფერებოდა. ვატყობდი, ეშინოდა და ერთხელ ვუთხარი, გადადი მეზობელთან, თოფი ინათხოვრე-მეთქი.

— ეს ნაგაზი უნდა გავაგორო, განა ვერა ვხედავ, როგორ გეშინია!

თუთაცირას ფერი ეცვალა.

— თაზო, გეხვენები, არ ქნა! — ისეთი კილოთი მთხოვა, განზრახვა უმაღ გადავიფიქრე, მაგრამ შავი ნაგაზი უფრო შემძაგდა. ახლა ვფიქრობ, იქნებ მეტოქეს ვგრძნობდი მასში, რა თქმა უნდა, ქვეშეცნეულად, თორემ მსგავსი აზრი თავში როგორ მომივიდოდა.

ერთხელ, არ მახსოვს რა დღე იყო, ჩვეულებრივ ჩრდილში ვისვენებდით. ნაგაზიც იქვე იწვა, მაგრამ ყურადღებას არ ვაქცევდით. რალაცას ვუყვებოდი თუთაცირას. ამ კვირის მანძილზე ხომ ათასი სისულელე მოვუჩმახე. საიდუმლო ჩემთვის არაფერი დავიტოვე. ნეტავი ვინ მეზიდებოდა ენაზე. ისე გავბრიყვდი, გოგოებთან ცუდლუტობის ამბებიც არ დამიმალავს. თურმე როგორი სასტიკი ვიყავი, გულს როგორ ვტკენდი, ის კი არაფერს იმჩნევდა. ოდნავდა შეეფაკლებოდა ლოყები და თვალეებზე ბინდი გადაეფინებოდა.

უცბად სიტყვა შუაზე გამიწყდა. ნაგაზი მთლად ცქერად გადაქცეულიყო. თვალმოუშორებლად მისჩერებოდა თუთაცირას

და მის ამ მზერაში მეტი იგულისხმებოდა, ვიდრე ეს ჩვეულებრივ ძალს შეეძლო გამოეხატა.

— შეხე, შეხე, შენზეა შეყვარებული!

ამ სულელურმა შეძახილმა საოცარი შედეგი გამოიღო. ნაგაზი ისე წამოხტა, თითქოს შოლტი გადამეჭიროს. თუთაცირას ნირი შეეცვალა. ისიც წამოიშარა, ძალს ფეხები დაუბაკუნა:

— წადი, წადი, მომშორდი!

ცრემლი წასკდა და ფარდაგზე, ჩემს გვერდით დაემხო.

ნაგაზი მძიმედ შებრუნდა და წავიდა. ხანდახან ჩერდებოდა, უკან იყურებოდა, თითქოს კარგად ესმოდა ჩვენი გასაჭირი, მაგრამ თვითონაც შავ ღლეში იყო.

გაოგნებული დავყურებდი თუთაცირას, არ ვიცოდი, რა მეთქვა. კიდევ კარგი, დეიდა ანეტა ახლომახლო არ იყო, თორემ, აბა, რას იფიქრებდა.

— თუთაცირა, მე ხომ ვიხუმრე!

— ჰო, ყველაფერი ხუმრობაა, სიყვარულით კი არავის ვუყვარვარ! — წამოვარდა და ოდისაკენ გაიქცა.

ადგილზე დავრჩი, არ გამოვეკიდე. ჩემთვის ყველაფერი ნათელი გახდა — თუთაცირას მე ვუყვარდი. რა მექნა, როგორ მოექცეულიყავი? ეს რომ დეიდა ანეტას გაეგო, თავს ყულფში გაყოფდა. ეტყობა, გადავამლაშე და გოგომ ათასი რამე იფიქრა. სჯობდა, დღესვე გავცლოდი აქაურობა, მაგრამ რა უნდა მეთქვა დედაბრისათვის, რითი ამეხსნა ჩემი მოულოდნელი გამგზავრება.

ის დღე ძლივს მიილია. მოწყენილობა მკლავდა. საღამოს ნაჩქარევად ვივახშმე და ლოგინში ვდურთე თავი.

ანეტა დეიდამ შემოიხედა, ალბათ რაიმე იეჭვა.

— ცუდად ხომ არა ხარ?

რომ მეთქვა, ცუდად ვარო, გაგიჟდებოდა, არა და ვიცოდი, ადვილად არ მომშორდებოდა.

— არა, მეძინება რაღაც.

— ხომ არ გიჩხუბიათ?

— ვისთან? — თავი მოვისულელე.

— თუთაცირაც ჩამოლამებული დადის.

— რა გვქონდა გასაყოფი? — შორს დავიჭირე.

— ჰო, დაიძინე, დაიძინე! — უკმაყოფილოდ წაიზულუნა დეიდა ანეტამ.

ეჭ, რომ მცოდნოდა, რა მომელოდა მეორე დღეს, ალბათ გავიპარებოდი, მაგრამ წინასწარ ვინ მეტყოდა, ბედი რასაც მიმზადებდა და მშვიდად მეძინა, თუ არ ჩავთვლით აბეზარ კოლოს, მთელი ღამე ყურში რომ ჩამწყოდა და ძილს მიფრთხობდა.

დილაუთენია დეიდა ანეტამ გამაღვიძა. მეზობელი მოსულა და უთქვამს, უტუტი მოულოდნელად ავად გამხდარა და თაზოს ნახვა უნდაო. შემოუთვლია, იჩქაროს, იქნებ სულზე მომისწროსო. გამაოცა და დამაეჭვა ამ უცნაურმა თხოვნამ. უტუტის ავადმყოფობა ძნელი დასაჯერებელი იყო. თუ მართლა გადადებულია, რომელი ექიმი მე ვარ, ვუშველო, ან რომელი მღვდელი მნახა, რომ ვაზიარო-მეთქი, დეიდა ანეტას ვუმტკიცებდი. დედაბერი თავს მიქნევდა, მეგონა, დავარწმუნე, მაგრამ როცა გავჩუმდი, ალერსით მითხრა: „მანც უნდა წახვიდე, შვილო!“ რა მექნა, ჩემზე ახლობელი უტუტის, ალბათ, არავინ ეგულეობდა და უნდა წავსულიყავი.

სოფელი თითქოს ამოწყდაო, ორლობეში არავინ შემხვედრია. მგონი უკვე ვთქვი, რომ უტუტის სახლი განაპირას იდგა შუაგულ ტყეში, გორაკის ძირას. ეს იყო მძიმე მორებისაგან შეკრული, ისლით გადახურული ჯარგვალი. არც ეზო ჰქონდა, არც ბაღ-ბოსტანი, ღობე და ჭიშკარი ამიტომაც არ სჭირდებოდა.

ორლობეს რომ გავცდი, გუნება გამიფუჭდა. ტყეში ჯერ კიდევ ნისლი ირწეოდა, იბოლქვებოდა, თანდათან იფანტებოდა. ფოთლებზე წვეთები ესხურა და მწუნავდა. ბალახიც სველი იყო და ფეხსაცმელები წყლით გამიჟიჟინდა. თავს არ ვუმხელდი, თორემ უნებლიე შიში ფეხდაფეხ მომდედა, ნერვებს მიწინკნიდა. თვალწინ სულ უტუტი მედგა, ყოველი ხის დაკოჟრილ ზროში თითქოს უტუტი ისახებოდა, გზისპირას დაგორგლილი ბურჩი ძირს გაგორებული უტუტი მეგონა, დამპალი კუნძი — წამოსახტომად გამზადებული უტუტი...

მაღე შავად გამოილანდა ჯარგვალი. მორებს ხავსი მოსდებოდა. ირგვლივ ყოველივე დახავსებული და წყლით გაჟღენთილი იყო. ჩემს ჭკუამდე არ დადის, რა აცხოვრებს ადამიანს ასეთ ბნელ

ულრანებში, როცა ამდენია მზით გაჩახჩახებული ველეები.

მოულოდნელად თითქოს გული გამიჩერდა. ჯარგვლის კედელს უტუტის გაცრეცილი ჩრდილი გამოეყო, ცვალებადი და უფორმო. მასში ის ღამეული დათვი დავლანდე, მეორე წამს კი თითქოს შავი, ბომბორა ნაგაზი განსახიერდა... ნებისყოფას მოვუხმე, თრთოლვა დავიოკე და მივხვდი, ხის ქრელი ჩრდილი ეცემოდა ტკეპნილ მიწას...

საკუთარ თავს შევუძახე, რისი უნდა მშინებოდა. მეხსიერების ასპარეზზე წამით თითქოს გავაცოცხლე უტუტის ქეშმარიტი ხატი... შემეცოდა კიდევ. რისი იმედი უნდა ჰქონოდა? სულაც არ უხდებოდა შეყვარებულის როლი. იგი უფრო „შეყვარებული ნადირი“ გახლდათ. უტუტის ზორბა სხეული უშნოდ დაყუდებულიყო შეყვარებულთა იმ გალერეაში, ლიტერატურამ და ხელოვნებამ ჩემს გონებაში რომ ჩამოამწკრივა. მისი ჩახუტება, ალბათ, ყინულის კლდეზე შეხლას დაემგვანებოდა, რკინის თათები საალერსოდ კი არა, მოსაშობად იყო შექმნილი. ბანჯგვლიანი სახე მხოლოდ შიშს აღუძრავდა ადამიანს და არა თანაგრძობას...

ფიქრი თითქოს მამშვიდებდა, მაგრამ ჯარგვალს რომ მივუახლოვდი, სიძაბუნე ვიგრძენი, აზრი გადამეკეტა. საოცარი მდუმარება ჩამოწვა, ფოთოლიც არ ირხეოდა და ფიჩხს რომ გაეტკაცუნებინა, ალბათ გავიქცეოდი.

ჯარგვლის კარი მიხურული იყო. ანგარიშმიუცემლად გამოვნიე, ქრიალით გაიღო. თავდაპირველად ვერაფერი გავარჩიე. ჯარგვალში სინათლე მხოლოდ საკვამურიდან ჩამოდიოდა და მტვრიანი ფარდებივით გარდიგარდმო ეშვებოდა.

ზღურბლზე გადავაბიჯე და სახეზე თითქოს ბნელი ფრთა შემეხო. არ ვიცი, რა მოხდა. სინათლის სვეტი მოულოდნელად მიეფინა ჯარგვლის შორეულ კუთხეს (მზე თუ გადაქანდა), გამჭვარტლულ კედელზე ათინათი ათამაშდა... იქ, ხის ფართო ტახტზე, ჩანახშირებული კერიის მიღმა, ქერიდან ჩამოშვებული მრუმე ფარდის მიღმა, გამოტილიყო უტუტის უზარმაზარი სხეული. სახე მოებრუნებინა და მუდარით შემომცქეროდა, ბაგეები გაეხსნა, თითქოს უხმოდ მიხმობდა: „თაზო, თაზო!“

ვიგრძენი, რომ ცუდად ვხდებოდი. სუნთქვა წამერთვა, გო-

ნება დამეზინდა, თვალისჩინზე სიბნელე ჩამომეფარა, ირგვლივ დატრიალდა ჯირგვლის გამჭვარტლული კედლები და ხარხები... მუხლი მომეკვეთა... ვეცემოდი უსასრულოდ, ვეცემოდი და მაინც ფეხზე ვიდექი... „თაზო, თაზო!“ — უტუტის ხრინწიანი, მაცდური ხმა თითქოს შერბილებულიყო. ვერ გავიგე, შველას მთხოვდა, ჩემი გულის მოგებას ცდილობდა თუ დაღუპვას მიქადადა. გველივით შემომიძვრა სულში, გულს შემოეგრაგნა, მომგუდა და ჩემსავე არსში ადგილი არ დამრჩა, ციცქნად ქცეული თაზო სადღაც სიღრმეში ჩაიძირა, ჩაიშრიტა, მისი ადგილი კი უტუტიმ დაიკავა, გაითავისა...

გონს რომ მოვეგე (განა მართლა მოვეგე გონს?), ისევ ზღურბლთან ვიდექი. უტუტის შემზარავი სახე ჩემკენ ჰქონდა მობრუნებული და მის გახელილ თვალებში ყინული ჩაკრისტალებულიყო.

თავზარდაცემული ადგილს მოვწყდი, გარეთ გავვარდი, ტყის ბილიკზე დავეშვი.

არ მახსოვს როგორ გავიბრინე სოფლის ორღობე, არ მახსოვს ვინმე შემხვედა გზაში თუ არა. დეიდა ანეტა რომ დავინახე, ნაქცევას ცოტა მაკლდა.

— უტუტი მოკვდა!

დეიდა ანეტამ ლოყა ჩამოიხოკა, ვაი, ვაი, ვაიო, სამჯერ შეჰკივლა და, როგორც იყო, შინაურ ხალათში, აგრევე ნაცუხცუხდა მეზობელთა მოსახმობად.

მე კი ჩემს ოთახში შევედი და საწოლზე დავეცი.

არ ვიცი, რა დამემართა. საოცრად შევიცვალე. თითქოს გაქრა წუთის წინანდელი თაზო, მისი სუსტი ნებისყოფა დაეთრგუნა რაღაც უფრო ძლიერს, ღონიერს, რაღაც მხეცურს, სულში რომ ცეცხლივით ტრიალებდა, მახრჩობდა, მწვავდა... სიმწრისაგან კედელს ვებლებოდი, კბილებით ბალიშს ვგლეჯდი... მინდოდა მეყვირა, ცრემლი მეღვარა... ვერაფრით ვერ დავმშვიდდი, თავი ვერ მოვითოკე, ვერ დავთრგუნე ჩემში ჩასახლებული ნადირი...

და ამ დროს შემოვიდა იგი... მე ხომ არ მომიხმია, რაც უბრად ვიყავით, არც დავლაპარაკებვარ. იმას, ალბათ, ტანმა უგრძნო და შემოვიდა.

სანოლზე წამოვჯექი. მივაჩერდი, ყელიდან უსიტყვო ხრი-
ალი ამომდიოდა, სიტყვის თქმა კი ვერ მოვახერხე.

იგი იდგა შუა ოთახში, გამჭვირვალე, ჰაეროვანი, მსუბუქი,
უსაზღვროდ თბილი. მის თვალეში ვკითხულობდი ერთგულებას,
თავდავინწყებას... ეს იყო მსხვერპლის თვალეები, მაგრამ ამას გვი-
ან მივხვდი...

გაუბედავად მომიახლოვდა. ხელი უცახცახებდა და ეს
მთრთოლვარე ხელი თავზე დამადო, თითები თმაში შემიცურა.
მისი თრთოლვა მეც გადამედო, ღონე მთლად წამერთვა. უცბად
დამიჩოქა და მკერდში ჩამეხუტა. მოვეხვიე, ტუჩებით საფეთქელს
შევეხე. ვიგრძენი, როგორ ტოკავდა ძარღვი საფეთქელზე და
სიგიჟემ ხელი დამრია.

ღმერთო, არც ღირდა მეტი სიცოცხლე! ბედს რა უნდა მო-
ეცა ამიერიდან, რაც ოდნავ მაინც გაუტოლდებოდა ამ უზარ-
მაზარ ნეტარებას. არასოდეს განმეორდება ის სათუთი თრთო-
ლვა, ის ხიბლი, ის თავდავინწყება. სიკვდილამდე იმ წუთების
მოგონებით უნდა მეარსება, მეხსიერებაში ისევ და ისევ აღმედ-
გინა ყოველი წვრილმანი, მაგრამ როგორღა აღდგებოდა იგი,
როცა ჩავიძირე რალაც ბურანში, რალაც დაუვინყარ სიზმარში,
ცისფერი ტალღები მიმაქანებდა სადღაც ზღაპრეთში, ყველა-
ფერი იყო ტკბილი, წმინდა, არარეალური... ერთ არსებად გა-
დავიქეცივით მე — თავო და ის თუთაცირა... და უტუტიც — ჩემი
დამღუპველი...

დეიდა ანეტა გვიან დაბრუნდა. ჭიშკრის გაჭრიალება არ
გაგვიგონია. კიბეზე ფეხის ფრატუნმა გამოგვაფხიზლა. თუთ-
აცირა ოთახიდან გავარდა. მე კი სანოლზე დავეცი და კედლი-
საკენ შევბრუნდი, დავემალე დეიდა ანეტას გამჭრიახ თვალეებს.
სიმშვიდისათვის უნდა მომეხმო, მაგრამ ძნელი იყო ნერვების
მოთოკვა. თავით ფეხამდე კანკალი მივლიდა, შემცივნებულივ-
ით მაბაბანებდა, თითქოს მთელი არსებით კვლავაც შევიგრძნობ-
დი თუთაცირას შიშველი სხეულის სალუქ სიგრილეს. კრუნჩხ-
ვამ დამიარა და უსაზღვრო ბედნიერებისაგან ჩუმად ავტირდი.

დეიდა ანეტამ შემოიხედა, ზღურბლზე უხმოდ იდგა და
მიყურებდა. იქნებ ეჭვები აწვალებდა. თუმცა არა, უტუტის

მოულოდნელ და უდროო დაღუპვას მიანერდა, ალბათ, ჩემს
განცდებს. უჩუმრად მომიახლოვდა, სანოლის კიდეზე ჩამომ-
იჯდა, თავზე ხელი გადამისვა, შენ რას უშველი, შვილოო, წამ-
ჩურჩულა... მისი დაკოჟრილი, ბებრული ხელის შეხებამ მთლად
მომათავა. ბავშვივით ავზლუქუნდი და ვცდილობდი გავქცეო-
დი დედაბრის თანაგრძნობას, რადგან ამნუთას დედამინის
ზურგზე ჩემი ერთადერთი მტერი დეიდა ანეტა იყო... რა იცო-
და, რაოდენ ბედნიერი ვიყავი დღეს და რაოდენ უბედურიც!

თანდათან გული დამიამდა, დავმშვიდდი. ჩამთვლიმა კიდეც.
არ მახსოვს, როდის გავიდა დეიდა ანეტა. უცბად გამოვფხიზ-
ლდი. მსუბუქი ჭრიალი მომესმა. მთვარიანი ღამეები იწყებოდა.
ახლაც ფანჯარაში კიდეჩამოჭრილი მთვარე იცქირებოდა. ალ-
ბათ, მისმა სხივებმა თუ შემოაღწია ჭრიალით, სახეზე დამეფინა
და ძილი დამიფრთხო. გული შეშინებული ბავშვივით მიფართხა-
ლებდა. ლოგინში ვერ გავძელი. ჩავიცვი. კარი ფრთხილად გამო-
ვალე, რათა ძილი არავისთვის დამეფრთხო. აივნის იატაკმა ოდ-
ნავ დაიჭრაჭუნა და დეიდა ანეტამ გამომძახა:

— რომელი ხარ?

— მე ვარ, დეიდა ანეტა, გარეთ გავედი!

თავი აივნის სვეტს მივაყრდენი. მთვარის სუსტი სხივები
მრუმედ ეფინებოდა გარემოს. ეზოს მიღმა ხეთა ვარჯები იგ-
რაგნებოდა და ის შავეთი წარმოსახვამ ბანჯგვლიანი ჯოჯოე-
ბით დაასახლა. თითქოს შემცივდა, ტანზე გამბურძგლა. სულაც
არ ციოდა, მაგრამ ნერვების ბრალი თუ იყო.

უცბად თბილი ხელისგული შემეხო ზურგზე. გული ჩამივარ-
და. ვერ ვიტყვი, მოულოდნელობისაგან-მეთქი, ალბათ მოვე-
ლოდი და იმიტომ. ბეჭზე ტუჩების თბილი შეხებაც ვიგრძენი.
თუთაცირამ მომხვია ხელი, ლოყა მომადო, მომეხუტა. ცოტაც
კიდეც და, მუხლები მომეკვეთებოდა. შემოვბრუნდი და ჩავეხ-
ვიე. ასე გატრუნულნი ვიდექით. ლაპარაკი საჭირო არ იყო. მეტი
არაფერი გვინდოდა ამ ქვეყანაზე... ერთი, ორი, სამი... ჩვენ ერ-
თნი ვიყავით და ოლონდ ხელი არავის შეეშალა, მეტს არაფერს
ვნატრობდით.

დეიდა ანეტას სანოლი აჭრაჭუნდა, დედაბერი აკრუსუნდა.

ხელი მაინც ვერ ვუშვი თუთაცირას, ეს ჩემს ძალას აღემატებოდა. ჩუმად წავიყვანე ჩემი ოთახისაკენ.

— რომელი ხარ? — კვლავ იკითხა დეიდა ანეტას ეჭვიანმა ხმამ.

— მე ვარ, დეიდა ანეტა, ვბრუნდები! — სიტყვა ძლივს დავიმორჩილე, მაცახცახებდა. ცოტა ხანს ყური მიფუგდე. ეტყობა, დედაბერს კვლავ ჩაეძინა.

მე და თუთაცირას რალა დაგვაძინებდა. მთვარე გამჭვირვალე ზენარივით სუსტ სხივებს გვაფენდა. ურწყავი იყო ბედნიერი წამები და ერთხელაც არ მიფიქრია, ან ფიქრის თავი სად მქონდა, — ვიყავი ღირსი თუ არა ამ ბედნიერებისა.

უკვე თენდებოდა, მე კი ვერ ველეოდი ჩემს თუთაცირას. ვერა და ვერ მოვაშორე ბაგე სველ ტუჩებს, ბოლომდე ვერ ამოვკოცნე მისი თვალები... რა ცეცხლი იყო ისეთი, არაფრით რომ არა ქრებოდა, რა ინვებოდა ასე დაუსრულებლივ... ალბათ მთლიანად უნდა ჩავფერფლილიყავით ამ კოცონში, უნდა ვემსხვერპლეთ ამ გატაცებას... თავშეკავება და გონიერება დავკარგეთ, სტიქიას მინებებულებმა უარყავით საღი აზრი...

ასე გაგრძელდა ის დღეც, მეორეც, მესამეც, მეოთხეც... მთელი კვირა...

დეიდა ანეტას დილა-სალამოს თუ ვხედავდით. ახლაც არ ვიცი, რას გვატყობდა. თითქოს თვალს გვარიდებდა, საეჭვოს არაფერს გვეუბნებოდა. იქნებ თვითონაც არ სჯეროდა დაუჯერებელი და თავს იტყუებოდა. დილით საუზმეს გაგვიწყობდა, ნაჩქარევად მოიღევდა საოჯახო საქმეებს, რადგან თუთაცირა სიზმარეთში ცხოვრობდა, ვერაფერს ხვდებოდა, საქმეზე ხელი არ მიუდიოდა. „რამ გამოგაშტერა, გოგო, — დაუცაცხანა ერთხელ, — გუშინდელი საუზმე ისევ ისე დამხვდა, სტუმარს აშიმშილებ?“ რა იცოდა, სტუმარს რანაირი შიმშილიც წვავდა. აბა, არ მოიწყინოთო, დაიბარებდა და წაცუნცულდებოდა. მთელი სოფელი პატრონობდა ობოლ უტუტის და დეიდა ანეტასაც თავი გადაედო... სალამოს გვიან ბრუნდებოდა, ეჭვიანად გააქნევდა თავს, ახალ ამბებს ჩამოგვიკაკლავდა... საბრალოს უკვე სუნი ეცაო, არაყით გავბანეთ, მაგრამ ამ გაგანისა სიცხეში გვამი დიდხანს ვერ ძლებსო, ალბათ, მალე ქია დაეხ-

ვევაო... იქნებ მართლაც უტუტით იყო მისი გონება დაკავებული და ამიტომაც ვერაფერს გვამჩნევდა. ჩემს გონებაში კი მართო „თუთაცირა“ კრთოდა, ცის ერთადერთი მნათობი, ვერცხლის სხივებს რომ აფენდა სამყაროს, ყოველივე დანარჩენი ბნელით იყო მოსილი. ჩემი თუთაცირა მიზიდავდა მხოლოდ და მაშინაც კი, როცა დეიდა ანეტა ჩვენს გვერდით ფუსფუსებდა, თავს ვერ ვიკავებდით, ხელი თავისით გაგვირბოდა, რათა თითები ერთმანეთს შეჭებოდა, კისერი მეღრიცებოდა, მისი ტანის რხევისათვის თვალი რომ შემეველო. შებრუნდებოდა დეიდა ანეტა და თუთაცირას ქურდული კოცნა მე მეკუთვნოდა... ყოველ წამს გვკლავდა უერთმანეთობა, თითქოს სულაც მარტონი არ ვიყავით საათით ადრე...

მარტო?... მარტო ჩვენ არასოდეს ვყოფილვართ, მაგრამ თუთაცირამ ეს არ იცოდა... მე კი მესამესაც ვგრძნობდი ყოველთვის, მე — თავოს კი არ მწვავდა ვნების ცეცხლი, მესამის დანთებულ კოცონზე ვინვებოდით ორივენი და თუთაცირა თუ მსხვერპლი იყო, მეც მსხვერპლი ვიყავი მაშინ.

იმ დროს სად შემეძლო ამის გააზრება... დეიდა ანეტა ეზოდან გასულიც არ იქნებოდა, ჩვენ უკვე ერთნი ვიყავით და არ არსებობდა ზღვარი, არ არსებობდა პირობითობა, ჩვენს ლტოლვას შუაში რომ ჩაუდგებოდა... რა ნელა მიდიოდა დრო — თითქოს საუკუნის სიგრძის დღეები იდგა და რა სწრაფად თავდებოდა ეს საუკუნე, თითქოს წუთის წინ იყო, ბაგე ბაგეს რომ შევახვედრეთ, უდაბნოს ხვატით გაბრუებულებმა გრილ წყაროს მივაგენით და მხოლოდ თითო ყლუპი ვიგემეთ, მაშინ, როცა ის წყარო მთლიანად ჩვენთვის ამოდიოდა და ბოლომდე უნდა შეგვესვა... მერე საძულველი სალამო განგვაშორებდა ერთმანეთს, მაგრამ ღამე კვლავ ჩვენი იყო, კვლავაც ვესწრაფოდით სულისა და ხორცის ერთიანობას, ოლონდ ველარ ვაღწევდით, რადგან ხელს გვიშლიდა თაზო, არარაობად ქცეული, უნებისყოფო და უკმარობის გრძნობისაგან მზად ვიყავი მომეშოთ იგი... ველარ მოვიხელთე, რადგან სიფრთხილის თავშესაფარში შეეღწია და იქ იმალებოდა.

სტიქია ბრმაა და ამიტომაც თამამი. არ ვიცი, რას ამჩნევდა

დეიდა ანეტა, მაგრამ ბრმა იგი არ იყო და ერთხელ თუთაცირას დაეკითხა, ავად ხომ არა ხარო. თუთაცირამ ციებიანი თვალები აარიდა, — მე მხოლოდ მის თვალებს ვხედავდი, — ასე კარგად არასოდეს ვყოფილვარო, ხმის კანკალით უპასუხა. შენც გამხდარი მეჩვენებო, ახლა მე მომიბრუნდა დეიდა ანეტა, რაც ეს უბედურება მოხდა, ყურადღებას ვერ გაქცევთ და ალბათ შიმშილობთო. ნაძალადევად გაეუცინე, თავს მშვენივრად ვგრძნობ და მადაც შესანიშნავი მაქვს-მეთქი. თუმცა არც მახსოვდა, როდის ვჭამე უკანასკნელად და თუ ვჭამე, რა გემო ჩავატანე. დეიდა ანეტამ გამომცდელად შეგვათვალერა, ეტყობა, აფორიაქდა, მაგრამ შეეცადა ეჭვები დაეფარა. პანაშვიდზე ერთხელაც არ ყოფილხართ, ასე მიცვალებული დაუტირებელი დაგრჩებათო, გვისაყვედურა. კინალამ ხმამაღლა გამეცანა. მიცვალებული? რა ხელი გვქონდა მიცვალებულთან. ჩვენზე სიცოცხლე ბატონობდა და სიკვდილის არსებობაც დაგვეინყებოდა. ეს ცივი, ამაზრზენი სიტყვა გულს მირევდა და თავის მართლება არ მიცდია, მაგრამ სარკეში რომ ჩავიხედე, თავი ვერ ვიცანი. სარკიდან თვალეზანთებული, ლოყებჩაცვენილი ტიპი იცქირებოდა, თაზოსაც რომ ჰგავდა და ვილაც მესამესაც. მივხვდი, რომ შორს შევტოპე. ნებისყოფას მოვუხმე, უტუტი გავიხსენე და პანაშვიდზე წამოგყვები-მეთქი, თვინიერად დავყაბულდი. ამით ხომ უზარმაზარ მსხვერპლს ვიღებდი, რადგამ მთელი საათი უნდა დამეკარგა, მთელი საათით უნდა დამეტოვებინა თუთაცირა.

— შენც წამოსულიყავი! — დეიდა ანეტამ ორჯერ გაუმეორა, ძლივს გააგებინა. გოგონას თვალეზანთებულმა აისახა და დედაბერმა თავი დაანება, უკმაყოფილო ბურტყუნით წამოცუხცუხდა ჩემს გვერდით.

ფეხი უკან მრჩებოდა, წამდაუნუმ ოდისაკენ ვიხედებოდი მალულად, ის კი აივანზე გადმომდგარიყო და ვიცოდი, ჩემს გარდა ქვეყნიერებაზე ვერავის ხედავდა.

მივდიოდი და თან ვრჩებოდი. გზაზე მეზობლები გვხვდებოდნენ, გვესალმებოდნენ, ხელს გვართმევდნენ. თითქოს სიზმარიყო, მეორე წამს ყოველივე მავნიყებოდა. მთლად გამოვიითიშე. დეიდა ანეტა აქვე რომ არ ყოფილიყო, ვინ იცის, ფეხები საითკენ წამიყ-

ვანდნენ. მთელი ჩემი არსება მოეცვა ერთადერთ გრძნობას, მხოლოდ მას ვემორჩილებოდი და მეტი არაფერი მედარდებოდა: თუთაცირას სხეულის სალუქ შეხებასა ვგრძნობდი ამ გზაზეც, თითქოს ყინულით გათოშილს თბილი სიო მელამუნებოდა ანდა, პირიქით, სიცხისაგან გათანგულს — გრილი ნიავი... სმენამდე ძლივს მოაღწია დეიდა ანეტას სიტყვებმა. უტუტის ახსენებდა, მის ობლობას და მარტობას დასტიროდა. ხეთა მიღმა უტუტის ჯარგვალი ილანდებოდა და დეიდა ანეტამ შორიდან დაიწყო მოთქმა-ტირილი, მეზობლებს გააგებინა, მოვდივართო.

ჯარგვლის წინ სოფლელები საქმიანობდნენ. ყურადღება მეფანტებოდა და ვერ ვხვდებოდი, რას აკეთებდნენ. მავნიყებოდა, რისთვის იყო ამდენი ხალხი აქ შეყრილი. უსალმოდ მომშტერებოდნენ, თითქოს პირველად მიხილესო. უცხო ვიყავი მათთვის, რადგან ქალაქიდან დასასვენებლად ჩამოხეტებულს არ შემეძლო გულთან ახლოს მიმეტანა გასაჭირი სოფლისა, ვისაც ხელიდან გაუსხლტა შიშისმომგვრელი ზღაპარი. მივხვდი, უტუტის დასაფლავების შემდეგ წარსულს ბარდებოდა მითი და ლეგენდა. ამიერიდან ვერავის გააღმერთებდნენ ასე და ვერავის შეიძულებდნენ. ზეგიდან, ალბათ საავტომობილო გზასაც გაიყვანდნენ რკინიგზის ბაქნამდე და სოფელში ერთი მოხანხალებული ავტობუსიც ამოვიდოდა. არაფერი მესმოდა სოფლის სანუხარისა და, დეიდა ანეტა მოთქმა-ტირილით ჯარგვალში რომ შევიდა, ზღურბლზე დავერჭე, წინ ნაბიჯი ვერ გადავდგი.

ჯარგვალში ბნელოდა. სანამ თვალს შევაჩვევდი, ვერაფერი გავარკვიე. სინათლე მალლა დატანებული სარკმლებიდან და საკვამურიდან აღწევდა. მტვრიანი ფარდებივით გარდიგარდმო ეფინებოდა შიდა სივრცეს და ფერთა ეს ბუნდოვანი ციალი თავგზას მიბნევდა. მიცვალებულის გულისამრევი სუნი მეცა, თითქოს სინათლის ამ ფარდებსაც და ჯარგვლის კუთხეებში მიმალულ ჩრდილებსაც ეს სუნი გასჯდომოდა. იქითკენ გავიხედე, საიდანაც დეიდა ანეტას ხმა მოისმოდა. ფარდაგიან ტახტზე უტუტის უზარმაზარი გვამი ესვენა. სახე უკვე გალურჯებოდა და ახლალა ვირწმუნე, რომ იგი საბოლოოდ მიიცვალა. ახლოს უნდა მივსულიყავი, რამენაირად მწუხარება გამომე-

ხატა, მაგრამ უტუტის სახე მაკრთობდა. შიში ვერ გადავლახე. ცქერაც არ შემეძლო ამ შემზარავი ნიღბისა, თვალს ვარიდებდი. მაგრამ ის თითქოს თავისკენ მიხმობდა, მიზიდავდა. უცბად გული გამიჩერდა. მომეჩვენა, რომ მიცვალებულის ქუთუთობებქვეშ თვალის გუგები მოუსვენრად მოძრაობდა. თავზარი დამეცა, შევეტრიალდი. მინდოდა გაქცევით მეშველა თავისთვის, მაგრამ მეზობლების შემრცხვა და არაფერი შევიმჩინე, დინჯად გავშორდი იქაურობას.

თანდათან ფეხს ავუჩქარე. თითქოს ვილაცა მომდევედა ფეხდაფეხ. ხშირად ვიხედებოდი უკან. ტოტები ნელა ირხეოდა. ბურქებს მიღმა ვილაცა იმალებოდა. ტყის ბოლოს სირბილით გავიჭერი, ორღობეც სწრაფად ჩავლიე და დეიდა ანეტას ეზოში რომ აღმოვჩნდი, მაშინლა დავმშვიდდი.

თუთაცირა მელოდებოდა. იქვე, აივანზე იდგა, სადაც დავტოვე. როგორც კი დამინახა, გამოიქცა, კისერზე ჩამომეკიდა და ატირდა. ალბათ იფიქრა, სამუდამოდ დავკარგეო. მივხვდი, ეს ერთი საათი მისთვისაც ჯოჯოხეთად ქცეულიყო. შიშიც გამამავინყდა, უტუტიც, დეიდა ანეტაც და სოფელიც. მთელი დღე ერთად ვიყავით და ალერსით ველარ ვძლებოდით. მისი თვალეზი უსაზღვრო ბედნიერებისაგან იბინდებოდა, ზედ ლურჯი ნისლი ეფინებოდა თითქოს, მთრთოლვარე ტუჩები წითლად ებუშტებოდა, ღიმილი თეთრად უცისკროვნდებოდა... ცაზე დავფრინავდი და მსურდა ერთ ამბორში დამეხარჯა მთელი ჩემი სიცოცხლე... ხანდახან თუ შემეფრთხილდებოდა გული შიშინანად, ვაითუ მომთავრებულებოდა ოდესმე ეს დღე, ვაითუ უსასრულოდ ვერ გაგრძელებულიყო ყოველივე... რა მოგველოდა ხვალ, ზეგ?

კვლავ გვიან დაბრუნდა დეიდა ანეტა. ჩვენ-ჩვენს სარეცელს მივაშურეთ და თავი მოვიმძინარეთ. წამით შემოიხედა დედაბერმა, სინათლის ანთება ვერ გაბედა. „გძინავს?“ — ჩურჩულით მკითხა. გავისუსე და გავიდა. სხვა დროს საბანს შემისწორებდა, თავზე ხელს გადამისვამდა, ახლა ზღურბლს აქეთ არც გადმოსულა. ვიცოდი, თუთაცირასთანაც შევიდოდა, იმის ძილსაც შეამონმებდა. კიდევ დიდხანს დადიოდა ოთახში, რა ვიცი, რას საქმიანობდა. თავისთვის ტუტუნებდა, ოხრავდა,

იქნებ უტუტის სვეზე წუხდა ან იქნებ სხვა რამეზე. ჩემს გულში კი მტრობა იზრდებოდა. თავს ძლივს ვიკავებდი... რა უფლება ჰქონდა, მოეპარა ჩემი ბედნიერი წუთები...

მამლებმა შუალამისა იყიველეს. სახლში მყუდროება ჩამოვარდა და ოთახში თუთაცირა შემოსრიალდა. მთვარე ანათებდა ფანჯრიდან და სიფრიფანა ღამის პერანგი იმ სხივის ანარეკლს ჰგავდა. მოუთმენლად წამოვხტი, შევეგებე. ის წამიც ველარ დავთმე, ჩემთან მოსვლას რომ დასჭირდებოდა. ეს იყო უსასრულო ღამე და, ღმერთო, რა სწრაფად მიილია იგი. ჩუმიად ვინექით. თავი ჩემს მხარზე ედო და მის სათუთ სუნთქვას ვუსმენდი. მეტი არაფერი მჭირდებოდა, მეტს არაფერს ვითხოვდი ბედისაგან. ოღონდ არ გათენებულიყო, ოღონდ არ დამთავრებულიყო ეს ნეტარება, სულის ფაქიზი თრთოლვა, თბილი ტალღები, თავით ფეხამდე რომ მივლიდა.

მაგრამ ის ღამეც მიილია და დეიდა ანეტას კრუსუნის რომ შემოგვესმა, თუთაცირა თითქოს დილის ნათელს გაჰყვა.

დალლილსა და მოთენთილს ჩამეძინა. როცა ავდექი, მზე უკვე მაღლა იდგა. აივანზე დეიდა ანეტა მელოდებოდა. ერთადერთი საგარეო კაბა ჰქონდა და ის ჩაეცვა. თუმცა ცხელოდა, ჩემი ნაჩუქარი თავშალი მაინც მოესხა მხრებზე. ჭალარა ფაქიზად დაევიარცხნა. იშვიათად თუ მენახა ასე გაკობტავებული.

— გელოდები, მალე ჩაიცვი!

ახლალა გამახსენდა, დღეს დაკრძალვა იყო და მეც უნდა წავსულიყავი. ძალიანაც არ მინდოდა, მაგრამ უარი ვერ გავბედე.

— თუთაცირა?

— ვერ წამოვა, ავადაა! — კოპი შეიკრა დეიდა ანეტამ.

დაკრძალვაზე წასვლა არ უნდა და თავი მოიავადმყოფამეთქი, გავიფიქრე. ალბათ დეიდა ანეტაც ამას ფიქრობდა. პირი დავიბანე, ჩავიცვი და მხოლოდ ამის შემდეგ მივაკითხე. თვალის რომ შევაგლე, მაშინვე მივხვდი, საქმე ვერ იყო კარგად. უსამველოდ ნაზი და გამჭვირვალე მომეჩვენა, რალაცნაირად სიფრიფანა და დალეული. უკვალოდ არ ჩაევლო ამ დღეების სიგიჟეს. დავიხარე და თვალეზში ჩავხედე. ღმერთო, როგორ მიყვარდა ეს ბავშვური, მიამიტი სახე, ბინდმოფენილი თვალეზი,

ბალიშზე დაღვრილი ლბილი თმა... საფეთქელზე ტუჩები მივადე და ვიგრძენი, მართლაც სიცხიანი იყო.

— ნუ გეშინია, თუთაცირა, ცოტათი გაციებულხარ, მე მალე მოვალ! — წავჩურჩულე. რა ვიცოდი, ბედნიერების სანყაო რომ სავსე იყო და შიგ ერთი წვეთიც ვერ ჩაეტეოდა.

გუშინდელი შიში უკვე არ მახსოვდა. დეიდა ანეტა მთელი გზა ტუტუნებდა, სატირლად ემზადებოდა. ამისი შესაშური ნიჭი ჰქონდა. ისეთ გულის ამაჩუყებელ სიტყვებს მოიგონებდა, კუნძი რომ გდებულყო, იმის შემყურეც ატირდებოდი.

ჯარგვალთან მთელ სოფელს მოეყარა თავი. მამაკაცები ჯგუფ-ჯგუფად იდგნენ, ჩიბუხებს აბოლებდნენ, ხმადაბლა მას-ლაათობდნენ. მოშორებით გრძელი და ვიწრო სეფა გაეშალათ. ქვაბში ლობიო პუტუნებდა. ცაცხვების ძირას მწნილისა და ღვინის კასრები ჩანდა.

ჯარგვლის კარი ანჯამებიდან ჩამოეხსნათ და განზე იყო მიყუდებული. კარის ქრილს იქით, ბინდში ქალები მოთქვამდნენ. ისე, წესისათვის ტიროდნენ, თორემ უტუტის ახლობელი არც არავინ იყო და სამარეში არავინ ჩაჰყვებოდა.

კუბო შუაში იდგა. მწვანე ტოტებით შეემოსათ. გულისამრევი სუნი მეცა, მაგრამ ქალები მაინც ყოჩაღად იხდიდნენ მეზობლურ ვალს, გულმოდგინედ ჭირისუფლობდნენ უთვისტომოს.

დეიდა ანეტა წინ გავატარე, მერე მეც შევაბიჯე. ირგვლივ უამრავი ხალხი ირეოდა. შიში არაფრისა მქონდა. თვალი მაინც იატაკს მივაბჯინე. არ მინდოდა მიცვალებულის სახე მეხსიერებაში ჩამყოლოდა, შემდგომში გამანამებდა უტუტის შესაზარი ხატი.

დეიდა ანეტამ იმდენი ქნა, ხალხი კინალამ ტირილით დახოცა. მერე განზე გადგა, გზა მე დამითმო, პირისპირ შემატოვა. ვალი უკვე მოხდილი მქონდა. უკვე შემეძლო ღირსეულად გავცლოდი, სუფთა ჰაერზე გავსულიყავი, მაგრამ რალაც მოხდა და ვერ გავიაზრე, რა... თითქოს ფეხებზე ბორკილები დამადესო, ადგილიდან ვერ დავიძარი. რაც შემდგომ დამემართა, ბუნდოვნად დამამახსოვრდა. თავბრუ მესხმოდა, გონებას ვკარგავდი, მაგრამ აზრი ბოლომდე არ გამქრობია. თავზევით გამჭვარტლული ხარისხები დატრიალდა, მიწატკეპნილი იატაკი აიყალყა, გადა-

ყირავდა. კინალამ ძირს დავეხეთქე და მაინც ფეხზე ვიდექი. ჰაერი აივსო თავზარდამცემი წივილ-კივილით და ზრიალით, ოლონდ ეს არ იყო გლოვის ხმები. თავგზააბნეული ქალები და კაცები აქეთ-იქით დარბოდნენ, ერთმანეთს აწყდებოდნენ და ვერ გამეგო, რა ხდებოდა. მერე ფეხების ბრაგაბრუგი ზღურბლს მიღმა გაისმა და ჯარგვალში სიჩუმე ჩამოვარდა. თითქოს ვილაცამ დრო იხელთა, მტაცა ცივი, გალურჯებული ხელი, სხეულიდან ამომგლიჯა რალაც უჩინარი, მაგრამ ფესვდატოტვილი. ნერვის ყველა ძაფი მოსწყდა თავის ძირს და უსაშველო ტკივილი ვიგრძენი. სულში წამოიმართა აქამდე დათრგუნული მეპატრონე, კუთვნილი სივრცე მოიცვა და მივხვდი, ეს თაზო იყო, თაზო გაიმართა წელში, თაზომ დაიბრუნა ასპარეზი. თითქოს მძიმე ტვირთი ჩამომეხსნა, საოცრად ავმჩატდი. წუთის წინ, ალბათ, ავად ვიყავი, ახლა კი გამოვკეთდი, თვალთავან ბინდი გადამეცალა.

გაოცებულმა მიმოვიხედე.

უტუტი კუბოში წამომჯდარიყო.

სახე ლურჯ ღვანთქებს დაეფარა, თვალეები ჩასისხლიანებოდა. ჯერაც ეტყობოდა ხრწნის საზარელი კვალი, მაგრამ იგი ცოცხალი გახლდათ და რალაცის თქმას აპირებდა, ოლონდ ენის ამოდრავება უჭირდა.

არ შემშინებია. მივხვდი, რაც მოხდა, მაგრამ ის ვერ ავხსენი, როგორ იყო ყოველივე ეს შესაძლებელი.

— ოჰ, ველარ ჩამოვდივარ, დავსნეულდი... — ძლივს წაილულლულა. კუბოდან ფეხი ჩამოეყო, მაგრამ მინას ვერ უწვდენდა. ზიზლით უკან დავიხიე.

— ძალლი კოჭლობით არ მოკვდება! — უკმეხად დავუგდე.

გარეთ სულიერი არავინ ჭაჭანებდა. შიშს ქარივით აეხვეტა სატირალში მოსული ხალხი. საოცარია ადამიანის ბუნება, მკვდრეთით აღმდგარი, დაუძლურებული, სნეული კაცისა შეეშინდათ. რა შეეძლო ახლა უტუტის? იგი ხომ ჩვილივით ულონო იყო და კარგა დიდი დრო დასჭირდებოდა, სანამ სიკვდილის დაღს ჩამოიშორებდა... ანდა ჩამოიშორებდა კი?

თითქოს ჯადოსნურმა ბანგმა გამიარაო, სულში სიმშვიდე სუფევდა. ნათელი დღე იდგა და აზრიც სინათლეს გაებრწყინებინა.

დაცარიელებულ ორლობეში ხეხილის ტოტები გადმოხრილიყო, სასიამოვნო ჩრდილსა და მწიფე ხილს მთავაზობდა. ერთგან ატამი მოვწყვიტე, ისეთი თოთო და ტკბილი იყო, თუთაცირა გამახსენა. ამ დილას მგონი სიცხე ჰქონდა, ალბათ გაცივდა.

ფეხს ავუჩქარე. თანდათან მეხსიერებაში აღვიდგინე ყოველი წვრილმანი. შემრცხვა. რითი უნდა მემართლებინა თავი. იქნებ მართლაც ვგიჟდებოდი სიყვარულით. მაშინ ყოველივე მეპატიებოდა. ჩავუკვირდი საკუთარ გულისხმას. ვერაფერი ვიგრძენი, ერთი სიმიც არ შემრხვია.

დეიდა ანეტა სასტუმრო ოთახში დამხვდა. აქამდე განჯინაში გადამალული ხატი კედელზე ჩამოეკიდა და სანთელს უნთებდა.

— თუთაცირა როგორაა, დეიდა ანეტა? ისევ სიცხე აქვს?
— გულგარეშე შევეკითხე.

გამომცდელად შემომხედა. მიამიტურად შევყურებდი და საქმე განაგრძო.

— მგონი, გაუარა, ესაა, ლუკმა ვერ გადავაყლაპე.

გახსენებაზე შიმშილი ვიგრძენი. არც მახსოვდა, როდის ვისადილე უკანასკნელად. დეიდა ანეტა არ შემინუხებია, თვითონ დაფვაცურდი. განჯინიდან ცივი ღომი გამოვიღე. ტაფაზე სულუგუნი შევბრანე. დერგიდან მწნილი ამოვირჩიე, კეჟერა მერჩინა, და გემრიელად მივირთვი. დეიდა ანეტამ შემომისწრო, უი, მომიკვდეს თავი, ცივი ღომის ამარა დამრჩიო, შეიცხადა. „თუკი გშია, ზაქარია...“ — სიცილით მივუანდაზე. თვითონაც გაეღიმა. ველოდი, უტუტის როდის მიხსენებს-მეთქი, მაგრამ არაფერი დასცდენია, სანამ მე თვითონ არ შევაპარე.

— უტუტი, თურმე, არ მომკვდარა, დეიდა ანეტა, ავად ყოფილა და გაითიშა... რაღაც სახელი ჰქვია მაგ ავადმყოფობას, ტვინთან არის დაკავშირებული, კაცი მიცვალებულს ემსგავსება... კიდევ კარგი, არ დავმარხეთ...

— აგრეც იქნებოდა, — ურწმუნოდ დამეთანხმა დეიდა ანეტა.

ნასადილევს უცბად მოვითენთე, მთქნარებისაგან ყბა ლამის ჩამომვარდა. უსაშველოდ დამღალა ამ დღეებმა. ავდექი და ლოგინს მივაშურე. ღრმა ძილმა გამიშალა ფაფუკი ფრთები. არაფერი

მაშფოთებდა, არც არაფერი მესიზმრებოდა. ერთი-ორჯერ გამომელვიდა, თითქოს ვიღაცა თავზე დამდგომოდა და მიყურებდა. თუთაცირა უნდა ყოფილიყო, კედელს მიყრდნობოდა, გულხელი დაეკრიფა. ისეთი გამჭვირვალე ჩანდა, მის მიღმა კედელი ისახებოდა. თუმცა იქნებ მეჩვენებოდა ყოველივე, იქნებ სწორედ ეს იყო სიზმარი. არ შემეძლო ამის მოაზრება, უმაღვე ძილი მითრევდა და სადღაც უსაზღვროეთში ვიძირებოდი.

შელამებულზე გამომელვიდა. ხეთა კენწეროებზე მზე ეშვებოდა, მისი წითელი სხივები კედელს ეფინებოდა. საოცარი სინყნარე სუფევდა, ჩამიჩუმი არსაიდან ისმოდა. რატომღაც შეშფოთებულმა მივაყურადე. წინათგრძნობა მკარნახობდა, რაღაც უბედურება მოხდაო. მსუბუქი სუნთქვა მომესმა და სწრაფად წამოვჯექი. კედელთან თუთაცირა იდგა, გულხელი დაეკრიფა, დაღლილი თვალებით შემომცქეროდა.

შვებით ამოვისუნთქე, გამიხარდა, ფარული, უთქმელი ეჭვები რომ არ გამიმართლდა. თუთაცირა თურმე მთელი ამ ხნის მანძილზე კარგად და ჯანმრთელადაა, აგერ თავზე მადგას, მიყურებს, მელოდება.

შემებრალა, გული დამენვა, მაგრამ რა მექნა... ერთი უსუსური, ულონო არსება იყო. თვალები ჩასცვენოდა, უპეები ჩალურჯებოდა, ამ ერთ კვირაში მთლად დალეულიყო, სული ძლივს ედგა და იმიტომ შემებრალა, მაგრამ მოტყუება არ შემეძლო, სიმართლეს ვერ დავუმალავდი, რაოდენ სასტიკიც არ უნდა ყოფილიყო იგი.

— თუთაცირა, რაც მოხდა... — სიტყვებს ვეძებდი, მინდოდა მეტი სითბო ჩამექსოვა, მაგრამ სიტყვები ყინულის აგურებით ეცემოდა. — მე თაზო ვარ, ის კი უტუტი იყო...

ვატყობდი, ვერაფერი გავაგებინე, ან რას გაიგებდა, როცა თვითონაც არ მესმოდა ამ სიტყვების ჭეშმარიტი არსი.

უთქმელად შებრუნდა, გავიდა. ამოვიხვნეშე, გულზე დიდი ლოდი დამანვა. ახლა ცოტას ნაუტირებს და ყველაფერი რიგზე იქნება-მეთქი, — თავი დავიმშვიდე, მაგრამ გული მაინც არ მქონდა საგულეს, რაღაც მაშფოთებდა, რაღაც მწინკნიდა. ერთი პირობა, მინდოდა გამოვდევენებოდი, უფრო გასაგებად ამეხ-

სნა ყოველივე, მაგრამ დაინწყებოდა უთავბოლო განმარტებები, ჩივილი, ცრემლები, დეიდა ანეტაც გაიგებდა და თავი მომექრებოდა.

ვასშამზე არ გამოჩენილა. მარტო მე და დეიდა ანეტამ ვივასშმეთ. ახლა კი თამამად ლაპარაკობდა უტუტის მობრუნების ამბავს. თურმე მთელი სოფელი ამაზე ყბედობდა. ყველაზე გულმაგრებმა გაბედეს და ჯარგვალში ჩააკითხეს. იმას უთქვამს, სამოთხეში მივედი, მაგრამ არ მიმიღეს, ჯერ შენი რიგი არ მოსულაო. ნადი, იცოცხლე და როცა დაგიბარებთ, მაშინ მობრძანდით, რაც ბედის ნიგნში გინერია, იმას ერთი ნამითაც ვერ გადააცდენო...

ცოტა მოგვიანებით დეიდა ანეტამ თუთაცირას საჭმელი შეუტანა, იქიდან შემფოთებული გამოვიდა, რა ეშმაკი დაეტაკა ამ გოგოსო. კედლისაკენ შებრუნებულა, რამდენი ვეხვეწე, არც ლუკმა აიღო და ხმაც არ გამცაო.

გულმა რეჩხი მიყო. უმჯობესია, ხვალვე წავიდე სოფლიდან-მეთქი, გადავწყვიტე. თვალწინ რომ არ ვეყოლებოდი დარჭობილი, უფრო იოლად დამივიწყებდა.

ეჰ, გათავდა მხიარული საღამოები. მე და დეიდა ანეტა ვერაფრით ვართობდით ერთმანეთს და გულდამძიმებულებმა ჩვენს-ჩვენს ლოგინს მივაშურეთ.

გამოძინებული ვიყავი და მთვარის შუქს რომ არ შევეწუხებინე, დარაბა მივხურე.

სიბნელეს მივაჩერდი. ჰაერი თანდათან დაიხუთა. არსაიდან ჩქამი არ ისმოდა. ისეთი მარტოობა ვიგრძენი, თითქოს ქვეყნიერების ზურგზე ჩემ გარდა არავინ იყო. ვინეჩი ჩუმად, ვუსმენდი ღამის მდუმარებას და გული შიშინად მიძგერდა. ვიცოდი, არავინ მომაკითხავდა, არავინ ჩამეხუტებოდა. ჩემს მხარზე არ დაეფინებოდა თმათა ჩქერალი, ჩემს ლოგინთან არ ვიგრძნობდი სათუთ სუნთქვას. მივხვდი, რომ თავს ვიტყუებდი. ერთი ნამითაც არ შემეძლო თუთაცირას გარეშე, ვერ ვიცოცხლებდი უიმისოდ, მთელი არსებით ვესწრაფოდი მის ალერსს, სულს სწყუროდა მის სულთან გაიგივება, ერთობა... უნდა ავმდგარიყავი, უკუმეგდო რიდი და სირცხვილი, ბნელ სახლში უნდა მომეძებნა ჩემი ფრთახატულა ანგელოზი, გულში ჩამეკრა, ცრემლებით გადამებანა დაკოდლილი გული, მუხლები დამეკოცნა მო-

ნანიების ნიშნად... წამოვიწიე კიდეც, სიჩუმეს მივაყურადე და უცბად საყოველთაო მდუმარება ძაღლის უსასოო ყმუილმა შეძრა. გული გამეყინა, ბოროტმა წინათგრძნობამ თავზარი დამცა... სადღაც, ჩაბნელებულ ტრიფოლიატებთან ძაღლი იმალებოდა და ყმუოდა, მოთქვამდა, ტიროდა... მე კი თოფი ვერ ვიშოვე, ის ძაღლი რომ მომეკლა.

წამოვჯექი, ლოგინში თითქოს შუშის ნამსხვრევები ჩამიყარესო, მოსვენება დავკარგე... რა მექნა, სად წავსულიყავი... რა გაათენებდა ამ უსაშველო ღამეს.

მერე მდუმარება კიდე ერთმა ხმამ გაჰკვეთა. დეიდა ანეტამ შეჰკვივლა რალაცნაირად სუსტად, მოგუდულად, დაზაფრულად...

გიჟივით წამოვხტი. სიბნელეში რალაცას შევეჯახე, გადავაცირავე. კარი გავხეთქე... თუთაცირას პატარა ოთახში ღამაშა ვნთო.

დეიდა ანეტა ლოყებს იხოკდა. იატაკზე წამლის ცარიელი შუშა ეგდო. ეჰ, იქვე უნდა მოვმკვდარიყავი, მაგრამ ალბათ ქვისგან ვყოფილვარ გამოთლილი და ახლაც ცოცხალი ვარ.

ზედ გადავემხე ჩემს თუთაცირას. უაზროდ ჩავძახობდი, მომხედე, გოგო, არ დამეკარგო, გენაცვალე, მიყვარხარ, შენს გარდა ქვეყნიერებაზე არავინ მინდა-მეთქი. დამავინყდა დეიდა ანეტას არსებობა. ვუკოცნიდი პირისახეს, გულზე დაკრეფილ ხელებს, ვეხვეწებოდი, ყველაფერი მაპატიე და დამიბრუნდი მეთქი, ვპირდებოდი, მტლად დაგედები-მეთქი... რალა დროს!.. თუთაცირამ სუსტად გაიღიმა, ენადა რალაცა ეთქვა, თბილი სუნთქვა ამოაყოლა და მიიძინა, ალბათ სიზმარში ჩამიყოლია... მე კი იატაკზე დავეგდე, გულამომჯდარი ვტიროდი, თავს ფიცარს ვახლიდი...

გარეთ ძაღლი ყმუოდა უსასოოდ... ის შავი ნაგაზი...

ორი კვირის შემდეგ სამუდამოდ დავტოვე სოფელი. არავის გამოვმშვიდობებხვარ. დეიდა ანეტა დამემალა. იმ დღის მერე ერთმანეთისათვის სიტყვა არ გვითქვამს. ცალ-ცალკე ვეზიდებოდით მწუხარების მძიმე ტვირთს. მთელი სოფელი გარს გვეხვია, თანავიგრძნობდა, მაგრამ ჩვენი განკურნება შეუძლებელი იყო — საიმისო მალამო არავის გამოუგონია. არაფრის თავი არ მქონდა. დიაცივით მივჯდებოდი კუთხეში და ვტიროდი. ვე-

რაფრით დამეჯერებინა, რაც მოხდა და ღრმა ძილისაგან გამოღვიძებას ვნატრობდი... იმ ძაღლის ყმუილი მახელებდა ოღონდაც. დღენიადაგ ეზოს იყო მომდგარი და მწარედ მოთქვამდა. გიჟივით ვესროდი ქვასა და გორახს, თითქოს ის ყოფილიყოს დამნაშავე. მეზობლები მაკავებდნენ, მე კი ვიხვეწებოდი, თოფი მიშოვეთ, უნდა მოვკლა-მეთქი. ნაგაზი გაიძურნებოდა, ცოტა ხნით დაიკარგებოდა, მერე ისევ მოგვადგებოდა და ყმუოდა... სასაფლაომდეც ფეხდაფეხ მოგვყვა. იქვე დარჩა და სოფელს დიდხანს ესმოდა მისი სევდიანი ვაება... მეორე-მესამე დღესაც მივაკითხე ძვირფას საფლავს. ვეფერებოდი ჯერ კიდევ თბილ მიწას. თუთაცირას ისევ და ისევ ვუყვებოდი ჩემი უსაზღვრო სიყვარულის ამბავს. შავი ნაგაზი გამეცლებოდა მაშინ, საფლავთა მიღმა მიიმალებოდა, მაცლიდა. როცა ნავიდოდი, თავის სადარაჯოს უბრუნდებოდა და განაგრძობდა მწუხარე მოთქმას...

გამგზავრების წინ უკანასკნელად გავიარე. ნაგაზი მთლად დაღუულიყო, ნეკნები გვერდებში გამოსჩროდა, ცარიელი ძვალი და ბურძგლა ბენვი შერჩენოდა. ჭკვიანი თვალები მომანათა, სევდით ჰქონდა სავსე. გაცლა მოინდომა, მაგრამ ფეხებმა უმტყუნეს და საცოდავი ნკმუტუნი აღმოხდა. პირველად მაშინ შემებრალა, თავზე ხელი გადავუსვი და ყველაფერი ვაპატიე. უპეებიდან წვეთები გადმოუგორდა. „ეჰ, ჩემო უტუტი, არც შენა ხარ ამქვეყნისა!“ — გულში გავივლე და უკან მოუხედავად დავადექი იმ ერთადერთ ბილიკს, რკინიგზის ბაქანზე რომ უნდა გავეყვანე.

ჟურნალი „ცისკარი“, 5, 1983, კრებულები:
„პირველი ზეკარი“, 1983, გამომცემლობა
„ნაკადული“ და „კუნძული“, 1988,
გამომცემლობა „საქართველო“.

ეპიგრაფიკა და მოხუცი დედისა

1

აეროპორტის თავზე ჭექა-ქუხილმა გადაიგრილა, თქემი წამოვიდა. ღამის თორმეტი საათია, თვითმფრინავი კი მხოლოდ ორზე უნდა ჩამოფრინდეს. ეს ორი საათი, არ ვიცი, რა ვაკეთო. მოსაცდელი დარბაზის ფართო კედლებზე ფერწერული ტილოები გამოუფენიათ. ვათვალერებ, მაგრამ უგულისყუროდ, გულშეჭირვებულს მიჭირს ფერთა სიჭრელისათვის თვალის მიდევნება... სოხუმის ახალი აეროპორტი მომწონს, ოღონდ ესაა გონისმიერი განსჯა, რადგან ფიქრებში მხოლოდ ის თვითმფრინავი მიტრიალებს და სხვას ვერაფერს ჩავუღრმავებდი. ჩემი უფროსი ძმა — შოთიკო მოფრინავს ვოროშილოვგრადიდან, ამინდი კი გაჭირვებულა და მეშინია, ფრენა არ გადაიდოს...

სამნი ვიყავით ძმები. ერთი სულ ახლახან მომიკვდა. თავისი მოულოდნელობით თავზარდამცემი იყო ეს სიკვდილი. რა ბედნიერები ვყოფილვართ ადრე. ათასნაირი ყოფითი ინილო-ბინილო, რაც მანამდე მანუხებდა, ჩირად ჩასაგდები არ ყოფილა თურმე. იმასაც მივხვდი, უბედურება წინასწარ რომ იყო დაპროგრამებული, ტრაგედიას ფესვები იმ დიდსა და მსხვერპლით აღსავსე ომში ჰქონდა. საიდან სადაო, იკითხავს მავანი, ომი ხომ ორმოცი წელია მოთავდაო. იმ ომმა შეინირა მამაჩემი, იმ ომმა დაგვაობლა, მხრებზე იმოდენა ტვირთი ჩამოგვკიდა, ვერ შევძელით იმ ტვირთის ზიდვა და აჰა, ძმათაგან რიგით მეორე — ჩემი მუნტულია მოტყდა.

რა უცნაური სახელია მუნტუ... მუნტულია... თუმცა ეს უფრო თიკუნია, მეტსახელია, ოჯახში მოსაფერებლად მოგონილი. ჩვილის საალერსოდ წამოსცდა დედას და ზედ მიეკერა, სიკვდილამდე შერჩა. ვის ახსოვდა პასპორტში ჩანერილი ოფიციალური სახელი. მოსაფერებელი სახელით ვიხსენიებდით, თუმცა ჩვენ ისეთ დროს დავიბადენით, ცხოვრება ნაკლებ გვეფერებოდა, მათრახს კი არ იშურებდა. ყველაფერი დროზე ადრე უნდა გვეგემა ამიტომაც. მახსოვს თხუთმეტიოდე წლის ჩემი ძამიკო:

ოქროსფერი თმები, სუფთა, მწყაზარი პირისახე, ახლადაღინდ-
ლული ლბილი უღვაშები... მგონი ცისფერთვალეა იყო. მგონი-
მეთქი, რადგან მის სულში ჩაბუდებული კეთილშობილი უბრალო-
ობა და სიმარტივე ველარ ესადაგებოდა ცისფერსისხლიანთა
ამ არისტოკრატიულ ფერებს. იმ დღეს ფეხით მოდიოდა მამისეუ-
ლი სოფლიდან ჩემი თხუთმეტი წლის ძამიკო და ფეხდაფეხ მო-
ჰყვებოდა თავისი თოთხმეტი წლის თანამეცხედრე, ისიც ქერა,
მსხვილნაწნავებიანი, ბუნჩულალოყება... ნაადრევი ტვირთი
აიკიდა ორივემ და ჟამმა მალევე დააშრო სიცოცხლის წყარო.

ბევრია თუ არა სამი ათეული წელი, რაც იმ დღიდან გავიდა.
ყოველი დღე ამ ოცდაათი წლისა დასახლებული იყო სიღარიბით,
მძიმე შრომით და ბუნდოვანი იმედებით. სოფლისათვის დაბადე-
ბულს ცხოვრებამ პროვინციულ ქალაქში მოუწია, მიწას უნდა
მოფერებოდა, ის კი ქარხანაში მძიმე ტომრებს ეზიდებოდა. შეეცა-
და კიდევ სოფელი ამ ქალაქში ჩამოეტანა. უკანა ეზოში მუდამ
ება ძროხა, სუქდებოდა ღორი და ჭყვიროდნენ გოჭები... ქარხა-
ნაში დაღლილს და წელატკიებულს არც შინ ჰქონია მოსვენება.
ახსოვდა საკუთარი, მშვიდი ბავშვობა და შიში უჩაგრავდა გულს,
ეს ჩემი ნაგრამი, ეს ჩემი ოთხი შვილი არ დამემშესო. საკუთარი
თავი არასოდეს გახსენებია, ძველმანები და ჯღანი ეცვა, პირის
გასაპარსადაც არ ეცალა და ვერც შევამჩნიეთ, მისი სიყმანვი-
ლის არისტოკრატიული ფერები რა სწრაფად გახუნდა, დაიჟან-
გა... მუხლმოუდრეკლად შრომობდა, სამი კაცისას აკეთებდა და
თუ ამნაირად გავზომავთ, ის ოცდაათი იქნებ სამჯერ გადაგვემ-
რავლებინა და მთელი ოთხმოცდაათი გამოგვივიდოდა. მოკლე
დრო ხომ ბევრს იტევს, თუ ის საქმითაა ავსებული...

სხვები დაცოლშვილებას ვერ ასწრებდნენ ამ ასაკში, ის კი
შვილიშვილების პატრონი გახდა. მისი ჯილდოც ეს იყო, სხვა
რამ სიხარული არ რგებია, მანეთიც არასოდეს დაუხარჯავს
კინოსთვის, რესტორნისთვის, ქალებისათვის...

ყველანი ხორციელნი ვართ. ადამიანი სუსტია, ხანდახან
ისიც ვერ უძლებდა მაღალ ძაბვას, უღონოდ მიეგდებოდა სა-
წოლზე და ძილში ჩუმი ხველება აუტყდებოდა, ხანგრძლივი და
მოუთავებელი. გაცივდაო, ვფიქრობდით. ექიმს ერჩენე-მეთქი,

ვეუბნებოდი. ეს სიტყვები ხომ არაფერს გვავალდებულებს.
ფორმალურად ხარკს თუ ვუხდით მოვალეობის გრძნობას.
გულგრილობის სენით დაავადებულებს თითქოს გვეზარება
ზარი შემოვკრათ. კი არ უნდა მეთქვა, უნდა მეყვირა, ხელი უნდა
ჩამეველო და ექიმთან ძალათი უნდა წამეყვანა... მე კი ისე სასხ-
ვათაშორისოდ დავუგდებდი, თავს მიხედე, დაისვენე-მეთქი...
რა დამასვენებსო, მეტყოდა, ბავშვები შიმშილით დამეხოცები-
ანო... ის აღარ არის, შიმშილით კი დღეს აღარავინ კვდება...

მოულოდნელად მესტუმრა. გამიკვირდა, მას ხომ არასოდეს
ეცალა. ლიფტში შესვლისა შეშინებია, ჰაერი არ მეყოფაო, კიბეზე
ფეხით ამოხულა. გაუჭირდა ექვსი სართულის დაძლევა და კარზე
რომ დამიკაკუნა, ფერი არ ედო. უბედურება ვერ დავიჯერე,
იქნებ თავს ვიტყუებდი და იმიტომ. იქნებ სულიერი სიზარმაცე
მიხუჭავდა თავს, დისკონფორტის შიში, თვითშენახვის უს-
აზიზღრესი ინსტინქტი... შიში ახლოს არ გავიკარე. ექიმმა, პნევ-
მონია აქვსო და ამ სიტყვებს ისე ჩამოვეკიდე, თითქოს წყალში
ვიხრჩობოდი და რგოლი გადმომიგდეს.

მერე, როცა ყველაფერი ნათელი გახდა, უკვე გვიანი იყო.
საავადმყოფოს მეცხრე სართულის თეთრ პალატაში ფერხითთ
ვეჯექი და იმედის თვალებით შემომყურებდა. ჩემი იმედილა
დარჩენოდა, მე კი ღმერთი არ ვიყავი, არანაირი ღონე არ გამაჩ-
ნდა და ჩემს სულში უკვე გაგწირე ჩემი ძმა, უკვე დავთმე...
განგებ ვფაციფუცობდი, ვითომც მის გადასარჩენად ვიღვწო-
დი. ახლა კი საკუთარ თავს სინდისის ქენჯნით ვეკითხები, ბო-
ლომდე თუ გავაკეთე ყველაფერი, ბოლომდე თუ ვიომე... იქნებ
საკუთარ თავს გავუფრთხილდი და რალაც გამომრჩა-მეთქი...
ნეტა როგორ შევძელი, ცრემლი დამემალა, პირზე ღიმილის
ნიღაბი ამეფარებინა, რიხით მელაპარაკა, როდესაც ვითომც
პირდაპირობას ვჩემულობდი, მძიმე ავადმყოფი ხარ, მაგრამ
სასიკვდილო არაფერი გჭირს, ოღონდ თვითონაც უნდა გამ-
აგრდე, უნდა გაუძლო-მეთქი... ჩემი სჯეროდა, იმედითა და სა-
სოებით მიყურებდა. იცოდა კი, ყოველს შემძლე რომ არ ვიყავი?...
იქნებ ხვდებოდა კიდევ, მაგრამ ეჭვს არ იკარებდა... ისე უნდო-
და სიცოცხლე, თუნდაც ისეთი გაჭირვებული, მძიმე შრომითა

და ტკივილებით, — მზად იყო ყოველნაირი ტანჯვა აეტანა. მკლავზე ცოცხალი ადგილი აღარ შერჩა, ნემსებით ჰქონდა დაჩხვლეტილი, და მაინც უყოყმანოდ და მორჩილად უწვდიდა მაჯას... საშველი არსაიდან ჩანდა. ღონე თანდათან აკლდებოდა, ჟანგბადით გაჯერებულ ქვეყნიერებაზე მხოლოდ მისთვის არ იყო საკმარისი ჟანგბადი, ჩემს თვალწინ იხრჩობოდა და ვერაფერს ვშველოდი... იმას კი ჯერაც იმედი აძლებინებდა, პატარა შვილიშვილებს იხსენებდა, იმათზე ლოცულობდა... შინ რომ დავბრუნდები, ერთი მანქანა თივა უნდა მოვზიდოო, აეკვიატებინა... პირუტყვიც ადამიანით უყვარდა და ეგონა, უმისოდ ისინიც იშემილებდნენ.

არისტოკრატიული-მეთქი, ზევით ვახსენე... ორი წიგნიც არ ჰქონდა წაკითხული, მაგრამ უჰაერობითა და ტკივილებით დატანჯულს სიცოცხლის ძვირი არ დასცდენია. იმასლა ნაღვლობდა, ყველანი როგორ აგანრიალეთ და შეგანუხეთო. მებოდიშებოდა, მაპატიე, შენ იმდენი საქმე გაქვს, ჩემთვის სადა გცალიაო!.. ღმერთო, რა საქმე უნდა მქონოდა ძმის სიცოცხლეზე მნიშვნელოვანი... გული მეკუმშებოდა, მეტირებოდა, ნიღაბი სულს მიხუთავდა. მაგრამ ვერ ვიშორებდი და მსახიობის დიდი ნიჭი გამოვაავლინე. ვითომც ხალისიანად ვქაქანებდი, საჩოთირო თემებზეც ვჭიკჭიკებდი. სიკვდილსა და სასაფლაოებზეც კი ვილაპარაკეთ. ესეც განგებ, ვითომც იმიტომ არ მერიდება, შენ საიმისო არაფერი გჭირს-მეთქი... ინტიმურ თემებსაც ვეხებოდი. მისი სიმორცხვე გულს მიწინააღმდეგებდა. ყველანი ხომ ადამიანის შვილები ვართ, ნებას არავის გვაძლევდა, დავხმარებოდი. ერთხელ, სისხლის ლებინების შემდეგ, რეანიმაციაში, მედდა ვერ შეაწუხა. თვითონ მოინდომა წამოდგომა, იატაკზე გულშეღონებული დაეცა და მაშინ მოეჩვენა: ომში დაღუპული მამაჩვენი მოვევლინა თითქოს. უთხრა, ნუ ჩქარობ, შვილო, ჯერ შენი ჯერი არ მოსულაო... გონს რომ მოეგო, ამით ხარობდა, მამა ვნახე და არ წამიყვანაო...

ავავაი, ავავაი, ჯიმა!..

მუნტულია, სქუა, ჩემო ბარდღუნა ბიჭო, ჩემო არგახარებულო და უდროოდ წასულო შვილო, ვაი დედაშენს, სქუა!..

ვავა, ვავა, სქუა!..

შიმშილსა და ობლობაში გამიზრდინარ, სქუა, მამა ომში დაგელუბა, სქუა, მე ულონომ ხელი ვერ მოგიმართე, სქუა, შენს გაზრდაში იმას წილი არ ედო, ახლა კი რად გაგიხსენა, სქუა, თავისთან რა უფლებით წაგიყვანა, სქუა, გული რად მომიკლა, სქუა!..

ვავა, სქანი დიდა, სქუა!..

დოხტურები მამხნევებდნენ მე უბედურს, სქუა, თურმე ვეცოდებოდი და მატყუებდნენ, სქუა... შენი საბრალო ცოლი, სქუა, შენი შვილები, სქუა, შენი დები, სქუა, დერეფანში ჩუმჩუმა ტიროდნენ, სქუა, მე კი ბრმა ვყოფილვარ, სქუა, მე კი ყრუ ვყოფილვარ, სქუა, შენი სიკვდილისა არა მჯეროდა, სქუა, თორემ ხომ გადავხტებოდი იმ მეცხრე სართულიდან, სქუა...

ვავა, სქანი დიდა, სქუა, სქანი დიდა, სქანი დიდა, სქუა!..

მშიერ-მწყურვალე შეგიყვანეს, სქუა, იმ საოპერაციოში, სქუა, არაფერი გაჭამეს და წყალიც არ დაგაღვინეს, სქუა, თურმე ჰაერიც არა გყოფნიდა და დაგახრჩო უჰაერობამ, სქუა... ვავა, სქუა, სქანი დიდა, სქუა!..

მერე შემოვარდა შენი ძმა, სქუა, მდულარე ცრემლით ტიროდა, სქუა, მუნტულია არა გვყავსო, შემომბლავლა, სქუა!.. ვავა, სქუა, ღია ფანჯარა იქვე იყო, მე კი ღონე აღარ მეყო, სქუა, ველარ მივფოფხდი და შენსკენ ვერ გამოვფრინდი, სქუა!..

სიზმარში გამომეცხადე, დედა გენაცვალოს, კარგადა ვარო, მითხარი, ოღონდ მენატრებითო, სქუა... ნუ, ნუ, სქუა, მე წამიყვანე, სხვებს კი ნუ ინატრებ, სქუა!..

ვავა, სქანი დიდა, სქუა!..

წვიმამ იკლო. ღრუბლებში უკანასკნელად დაიკლაკნა ელვა, გრუხუნით გადაირბინა ღვთაებრივმა ეტლმა. ცის ლიობში აქა-იქ ვარსკვლავებმა გამოაჭყიტა, თუმცა სუსტი იმედი უმალ გამოქარწყლდა. ზუსტად ორ საათზე რადიომ გამოაცხადა, უამინდობის გამო აეროპორტი დილამდე იხურებაო... ვიცი, ამ დროს თვითმფრინავი უკვე ჰაერშია. ადღერში უკეთესი ამინდია და იქ ჯდება. მგზავრები ჩამოდიან. დილამდე აეროპორტის მოსაცდელში უნდა იყურყუტონ. ჩემი ძმა უსიტყვოდ ემორჩილება ხვედრს. ზის ჩუმად თავისთვის, ხელში სამლიტრიანი ქილა უჭირავს, შიგ გამჭვირვალე წყალია, წყალში კი ოქროსფერი თევზები დაცურავენ. ბიძაშვილის პატარებს შეჰპირდა, აკვარიუმის თევზებს ჩამოგიყვანთო და ახლა ელოლიავენა, იმასლა წუხს, გზაში არ დამეხოცონო...

სხვა რა გზა მაქვს, ჩემს მანქანაში ვჯდები, სავარძლის ზურგს უკან გადავწევ, მოხერხებულად მივესვენები და თვალს ვხუჭავ. დავიღალე, მაგრამ რა დამაძინებს.

უკვე ვიცი, რომ ბედი ახალ უბედურებას მიმზადებს. წარმოსახვითაც კარგად ვხედავ ადღერის აეროპორტის მოსაცდელ დარბაზს. იქ ჩემს ძმას ხელში აკვარიუმის ოქროს თევზები უჭირავს. აქეთკენ მოემგზავრება მშვიდად და უდრტვინველად, რათა ჩემს ხელში მოკვდეს... ამას ვერაფერი შეცვლის. ეს ალბათ იმანაც იცის, თუმცა ამაზე არასოდეს გვისაუბრია...

ან როდის უნდა გვესაუბრა?.. შორეულ ბავშვობაში?.. ის გაცილებით უფროსი იყო. შემდგომ თითქოს წაიშალა სხვაობა, მაშინ კი იგი გადაულახავი მეჩვენებოდა. სკოლის შემდეგ ჯარში გაიწვიეს. მერე?.. შემთხვევამ დატოვა იქ, მაღაროელთა მტვრიან ქვეყანაში; ბედისწერამ... უმამობამ... იქნებ პირველმა დიდმა ხელფასმა შეუბოჭა ხელ-ფეხი?.. ახალგაზრდა და ჯანმრთელი იყო და ქვანახშირის ნგრევა ეიოლებოდა!.. იქნებ მის პატივმოყვარეობას მიეცა ასპარეზი?.. ბურთს აგორებდა პერიფერიულ გუნდში და ორიოდ თაყვანისმცემელი გაიჩინა... იქნებ

გოგო შეარჩია და იმას ვერ ჩამოშორდა... წარსული მითებსა და ლეგენდებშია ჩაფლული. თითქოს ყველაფერი პოვა უცხო მხარეში: სამუშაო, ხელფასი, ბინა, მანქანა, ცოლ-შვილი, მეგობრები... მაგრამ მუდამ თან ახლდა გაუმხელელი, სხვათა თვალთაგან დაფარული სევდა... ხშირად ვერ ჩამოდიოდა, მაგრამ ყოველი ჩამოსვლა მისთვის ზეიმი იყო. მამულში ხანმოკლე მობრუნება ნეტარებას გვრიდა. ყველაფერი ეგემრიელებოდა: პურ-მარილი, მზე და წყალი, ალერსი და სიტყვა მეგრულქართული... რამდენჯერ უთქვამს, მალე გადმოვსახლდებიო... ჯერ ამას გავაკეთებ, მერე იმასო, ახლა ამას და ახლა იმასო, მერე კიო... მერე და მერეო... ამასობაში დაგვიანდა, ნახევარი საუკუნე მოითავა და აი, ახლა, იქნებ ეს თვითონაც არ იცოდა, საბოლოოდ ჩამოდიოდა... ჩამოდიოდა, რათა თავის მიწაში დარჩენილიყო...

რვა თვის წინ თბილისში მოვიხმე, მიწოდდა ცოცხალი ეხილა ჩემი მუნტულია. პირველსავე რეისს ჩამოჰყვა. ხმა დასუსტებოდა. ცუდად მენიშნა. მანამდე ყურმოკვრით გამეგონა, კურორტებზე ხშირად დადის და საავადმყოფოშიც ხანდახან წვებო... ცუდად მენიშნა-მეთქი, მაგრამ მე ხომ ერთი ძმა მიკვდებოდა და სხვა შიშისათვის ჩემს გულში ადგილი არ დარჩენილიყო. მუნტულიას მოეფერა. სუსტი, დაღლილი ხმით ამხნეებდა... იმ ღამესვე, შინ რომ მივბრუნდით, სასწრაფოს გამოვუძახე. მოულოდნელად წნევა აუვარდა და პირველი, მომაკვდავი ძმა დამავინყა... საავადმყოფოში დავანვინე ისიც. თავგზააბნეული დავრბოდი ორ საავადმყოფოს შორის. არ ვიცოდი, რა სჯობდა და ოდნავ რომ მოკეთდა, სასწრაფოდ უკან გავამგზავრე... ორი კვირაც არ გასულა, ხელახლა ჩამოვიყვანე. ძმის კუბოსთან გული შეულონდა და ძლივს მოვაბრუნეთ...

ავავაი, ჯიშაია, ალბათ ეძნელა მუნტულიას შენთან დაშორება!

ისევ გაბრუნდი იმ შენს დონბასში, ისევ შეაღე საავადმყოფოს კარი და იმ ჟამიდან მოაქნობამდე იქიდან არ გამოსულხარ...

თოვლ-ყინულიან ზამთარში ჩამოგაკითხეთ. პირისახე გაგიბრწყინდა სიხარულისაგან. ჩვენი ფერებით ველარა ძლებო-

და. არაფერი მტკივაო, აქეთ გვამხნევენბდი. ვიცოდი, მეორეჯერ ვიღუპებოდით და არაფერი გვიშველიდა. მაინც მივაშურეთ მოსკოვ-ქალაქს, კარდაკარ ვიარეთ, მაგრამ ყველგან ერთი პასუხი მივიღეთ: სამნუხაროდ, თქვენი ძმა ვერ გადარჩება!

ვავა, ვავა, ჯიმაია! თითქოს შავები არ გვეცვა ტანზე, თითქოს დავივინყეთ საბრალო მუნტულია. იქნებ ცოტათი გავახაროთ-მეთქი, დავავლეთ ხელი შენს წამოჩიტულ გოგოს, მეფურთხი ქორწილი გადავუხადეთ. ცოტა ხნით გამოგიყვანეთ იმ შენი საავადმყოფოდან, საქორწილოდ მორთული შვილის გვერდით დაგაყენეთ. ბედნიერების ნაცვლად სახეზე დარდს გატყობდი... ავდექი, მკლავები გავშალე და ვიცეკვე...

ვავა, ვავა, ჯიმა!..

4

რიჟრაჟზე ცა გადაინმინდა, საბოლოოდ გამოიდარა. აეროპორტი გაიხსნა და გუგუნით ეშვებოდნენ პირველი ლაინერები...

შვიდ საათზე ვოროშილოვგრადის თვითმფრინავიც ჩამოფრინდა. ჭიშკართან ვიდექი და შორიდან ვუყურებდი ქვეითად მომავალ მგზავრებს. ბრბოში ძლივს გავარჩიე ჩემი შოთიკო და მისკენ გავქანდი. იმანაც შორიდან მიცნო, მაგრამ არ აჩქარებულა. ჩანთა ჩამოვართვი, ოქროს თევზებიანი ქილა კი თვითონ ეჭირა. არც ერთი არ მომკვდომიაო, მახარა. ხმადაბლა, ულონოდ მელაპარაკებოდა. მეც ისე სათუთად ვექცეოდი, თითქოს თვითონაც ის ოქროს თევზი ყოფილიყოს და სულის შებერვით თუ შევიწახავდი.

მანქანაში ჩუმად იჯდა, მოკლე სიტყვებითლა შემეხმიაანებოდა. მე კი ენა ავიდგი. ფარული წუხილი სიტყვებით უნდა დამეფარა. გული დარდით მიკვდებოდა, ენა კი ნაკადულივით რაკრაკებდა...

შინ მივიყვანე, დედასთან... შეშინებულმა შეხედა დედამ. შენ მაინც არ დამლუპო, შვილო! — თითქოს ეწერა მის თვალბში... კარგადა ვარო, — ნელა, სვენებ-სვენებით ლაპარაკობდა ჩემი შოთიკო. არაფერი მტკივაო, საავადმყოფო კი ყელში ამო-

მივიდაო... აი, დავისვენებ ერთი-ორი თვე, დავჯდები წყლის პირას, თევზს დავიჭერ, ბადე და ანკესი წამოვიღეო...

მან თავისთავს აჩუქა ეს უცოდველი სიამოვნება, — სიცოცხლის ბოლო დღეებში თავი შეეფარებინა დედის კალთისათვის, როგორმე აღედგინა ის დაწყვეტილი ფესვები მიწასთან, რომელმაც, მართალია, ღარიბულად, მაგრამ გამოკვება და გაზარდა... მისმა სიმშვიდემ ცოტათი მეც დამამშვიდა, ვიფიქრე, მოლონიერდება და მერე რამეს ვილონებ-მეთქი...

თბილისში დავბრუნდი, ყური კი ტელეფონისაკენ მეჭირა. ცუდი წინათგრძნობა არ მტოვებდა. ვიცოდი, დამირეკავდნენ, თუმცა არ მეგონა, რომ ასე ჩქარა.

მეორე კვირის თავზე ჩამოიყვანეს... ვაგზალზე სასწრაფოს მანქანა დავახვედრე. ფეხს ძლივს ადგამდა, გაუთავებლად ასლოკინებდა და საშინელი ტკივილებისაგან იტანჯებოდა.

თითქოს თავიდან მიმეორებოდა ყოველივე. კვლავ თამაშდებოდა გულისგამანვრილებელი სპექტაკლი, როცა მხრებზე ყოვლისშემძლე ღმერთის ტოგა მქონდა მოსხმული, თუმცა, ვგრძნობდი, ამჯერად როლს ვერ მოვერგე...

მან ყველაფერი იცოდა. სერიოზული თვალბებით მიყურებდა. იმედი არაფრისა ჰქონდა და არც არაფერს მთხოვდა. „ნადი, დაიძინე!“ — მიბრძანებდა. ანდა — „ბალიში ამინიე!“ მისი სიცოცხლე წუთებს ითვლიდა, ჩემი გული და გონება კი მაინც არ თანხმდებოდა გარდუვალს... გავრბოდი ექიმთან, გავრბოდი წამლის საშოვნელად, გავურბოდი საშინელ ფიქრებს, მენადა საკუთარ თავს გავქცეოდი...

„ნეტა მე დამმართნოდა ეს სენი!“ — ტირილით თქვა უფროსმა დამ. შოთიკომ დაკვირვებით შეხედა: „დედისთვის სულ ერთი არ არის?“ მერე მე მომიკითხა. დიალეზის მოსატანად გაიქცაო, უთხრეს. სივრცეს გაუშტერა მზერა და ორად-ორი სიტყვა აღმოხდა: „საბრალო დედაჩემი!“

ვავა, ვავა, ჯიმა!..

ზუგდიდის გარეუბანში, სოფელ ინგირის სანახებში ახალი სასაფლაოა. იქ გვერდიგვერდ წვანან ჩემი ძმები — შოთიკო და მუნტულია. საღამოობით დედაჩემი აკითხავს. ძლივს მოფაჩუნობს ჭიშკრიდან. მთლად დაილია, დაპატარავდა, ერთი მუჭა გახდა... ტირილის ღონეც არ შერჩენია. უბნის ექიმი უკრძალავს, მაგრამ თავისას არ იშლის. სიცოცხლე არაფრად უღირს და ექიმის ნათქვამს ყურს რად მიუგდებს...

შორიდან ინყებს ხმადაბალ პუტუნს...

სანთლებს აუნთებს შვილებს.

ორ საფლავს შორის პატარა ჯორკოზე დაეშვება და ინყებს მოთქმა-ტირილს, მოსაფერებელი, ცრემლში ამოვლებული სიტყვები მოედინება მწუხარე ელეგიად...

ვავა, სქუალეფი, თქვანი დიდა, თქვანი დიდა, სქუალეფი!..

შოთიკო, ნანა!.. გული მენწება, სქუა, შენი ცოლ-შვილი შორსაა და საფლავზე ცრემლს ვერ გაპკურებენ, სქუა!..

მუნტულია, ნანა!.. შენს ცოლ-შვილს ცრემლი აღარ უშრება, სქუა!..

ვავა, ვავა, სქუა, უბედური თქვანი დიდა, სქუა!..

6

ჩემი პატარა ბიჭი მეკითხება:

— მამიკო, შენ დაბერდები?

— დავბერდები!

— მალე მოკვდები?

— აბა, რა ვიცი!

— მილიონი წელი ბევრია?

— ბევრია, შვილო, ძალიან ბევრი!

— ჰოდა, მილიონ წელს ნუ მოკვდები!

სევდიანად მეღიმება...

კრებული „კუნძული“, 1988, გამომცემლობა „საქართველო“.

ომის შემდგომი მშვიერი წელია. სასკოლო ასაკამდე ჯერ ვერ მიმიღწევია და ერთი კნაჭა, გამწვანებული ბიჭი ვარ, გვერდებზე ნეკნები დამეთვლება. გავვიძებოდან დაძინებამდე აღმა-დაღმა დავსუნსულებ, ეზო-გარემოს ვჩითავ, იქნებ საკბილოს რამეს წავაწყდე...

გაზაფხულია და ტყემალზე წაკულაკი გამოჩნდა, ღობის ძირას კი — მჭაუნას ნორჩი ფოთლები.

ჩემი სახლის წინ ქვიშა დგას. სახლი მეორე სართულის სიმაღლეზე, მაღალ ბოძკინტებზეა შედგმული. ქვევით ღია სარდაფია. დილ-დილაობით აივანზე რომ გამოვალ, უმაღლ ქვიშას შევავლებ თვალს. ჯერ კიდევ მარტში დაიპენტა, აპრილში ჩამოიფიფქა, ფოთლებში მწვანე ალუბალმა გამოიხედა, თანდათან ფერი მოუღიავდა, მოუთეთრდა, მერე გვერდები შეუწითლდა და სულ მალე, მაის-ივნისის გასაყარზე, წითლად აღვივდება... თუმცა ბოლომდე დამწიფებას ვინ აცლის, ზედ დღეში ხუთჯერ გავდივარ, ამოჩემებულ ტოტზე ჩამოვსკუბდები და ვუთვალთვალე, რომელი ალუბალი უფრო ადრე გამუქდება, ხორციითა და გემოთი შეივსება.

ერთხელ ვზივარ ასე, ირგვლივ ჩამიჩუმი არ ისმის. დედაჩემი შინ არ არის და ვერავინ ამჩნევს ჩემს სიქველეს — მე ხომ იმ სიმაღლეზე ვარ, აივანს ზევიდან დავყურებ. კარები მიგმანულია. ერთი კარი ჩვენია, მეორის მიღმა, ვიცი, ახალი მდგმურები ჩასახლდნენ... წუხელ, ბინდისპირზე შემოზიდეს თავიანთი მცირე ხაბაკ-ხუბაკი, შეთვალერებაც ვერ მოვასწარი. დედამ ჩამჩურჩულა, ჭკვიანად იყავი, ჩვენთან მიშა ურია გადმოდის საცხოვრებლად, მის შვილებს არაფერი აწყენინო, თორემ ყურებს მაკრატლით დაგაჭრისო.

ყურების დაჭრისა არა მჯერა, მაგრამ ცნობისმოყვარეობა მიპყრობს: ვინ არიან? რა ხალხია? აქამდე არაქართული ჯილაგისა ცოტა ვინმე თუ შემხვედრია. ერთი რუსი ვნახე, დედამ ბაზრიდან ფქვილი მოატანინა და სამმანეთიანი აჩუქა, თან ჭიქა

არაყი დაუსხა. რუსმა კეთილი, ცისფერი თვალები მომაპყრო, მხიარულად ჩამიპაჭუნა, „ბუდ ზდაროვო“ და სულმოუთქმელად გადახუხა... ერთხნობას ჩვენი ღია სარდაფი ბოშებს ეჭირათ, სამჭედლო გამართეს და რაც ჩვენს სახლში ურდული და საკეცია, სულ მათი ნახელავია... სიტყვა „ურია“ რალაც იდუმალ, გაუცნობიერებელ საშიშროებას შეიცავდა, რომელიც ბუნდოვანი სამყაროდან მოსულიყო, მტრობის სურნელიც ახლდა, დამცრობის სურვილიც, მეორეხარისხოვნობის, არაჩვენებურის კვალიც. გზად ჩავლილი ურიასათვის ქვა და გოროხი უნდა მესროლა, ენა უნდა გამომეყო... ის სხვანაირი იყო, სხვა ჯიში, თუმცა მისი გვარიც „ძესა“ და „შვილზე“ მთავრდებოდა, ბაგე კი ქართულად მეტყველებდა.

ვზივარ ახლა ალუბლის ტოტზე, მივჩერებივარ მდგმურების კარს და ხელში ოდნავ შენითლებულ კუნწულს ვათამაშებ... ჯერ გაუბედავად ვინყებ სიმღერას, ხმადაბლა, ჩემთვის... ვინ მასწავლა ეს სიტყვები? საიდან მოვიდა? ან რას ნიშნავს ისინი? ამაზე არც ვფიქრობ და არც პასუხი გამაჩნია.

*შორი გზიდან მომავალსა
ჭიქა წყალი მწყურია
ქრისტიანი კაცი ვარ და
შემიყვარდა ურია...*

დიდი ვერაფერი მომღერალი ვიყავი, თანაც მომეჩვენა, რომ არავინ მისმენს, გარდა ოქროსთვალა ბუზისა, თავზე რომ დამბზუის...

*სულ სხვა ხატზე ვლოცულობდი,
ამერია რჯულია,
ნეტავი რა დავიშავე
ურიელა — ურია და...*

ამ სიტყვების შინაარსი არც გამეგებოდა, სამაგიეროდ მელოდია მეიოლებოდა, უცნაური სახელი „ურიელა“ მომწონდა და ამიტომ თითქმის ყვირილი მოვრთე:

*ურიელა ცეცხლი და ურიელა შეშა,
ურიელა რალამ გაგაშეშა,
ურიელა ღვინო და ურიელა წყალი,
ურიელა ცო-ცხალს მო-მის-წარი და...*

ისე დავიგლიჯე ყელის სიმები, ალბათ მთელ უბანს გავაგებინე. მოულოდნელად გაიხსნა დაგმანული კარი, აივანზე გამოვიდა პირმრგვალი, ფაშფაშა ქალი, რიკულს გადმოეყრდნო და დაბალი, ლულუნა ხმით, თითქოს მომეფერაო, დამიძახა:

— არ ჩამოვარდე, დაგენაცვლე, ამოდი ჩემთან, ფაფა უნდა გაჭამო!

ძია მიშას მეუღლე იყო, დეიდა სონა.

ენა ჩამივარდა, დავიმორცხვე.

ხიდან ძლივს ჩამოვფოფხდი. ერთი პირობა ვიფიქრე, მოვკურცხლავ-მეთქი, მაგრამ დეიდა სონა ისეთი ალერსით მეღულუნებოდა, პირში თითგარჭობილი აივანზე დავერჭე და თავი ჩავლუნე.

— მოდი, მოდი, ნუ დავიმორცხვე!

ნამითავიხედე და ელდამეცა, თითქოს ნითელიალი აბრიალდაო.

ჩემი კბილა გოგონა იყურებოდა კარიდან, ცნობისმოყვარედ მათვალაიერებდა. თავზე ძნასავით ეყარა ცეცხლისფერი თმები.

— აგერ ურიელაც გამოვიდა! — ჩაიციინა დეიდა სონამ. — მიხარია, რომ ცოცხალს მოგისწრო!

ვძლიე სიმორცხვეს და უმნიფარი ალუბლის კუნწულა გოგონას შევაჩეჩე:

— აჰა!

* * *

ადრე ამ ფერისა არავინ მენახა. ჩემს ტვინში ჩაიბეჭდა: ებრაელი მაინც და მაინც ნითური უნდა იყოს, თუმცაღა ძია მიშას ოჯახის დანარჩენი ნევრები შავგვრემანები გახლდათ.

უკვე საცოლე ბიჭი თბილისში ერთ ჩემს ნათესავს ვესტუმრე. მისი აივანი ებრაელის ბინას გადაჰყურებდა და ღია ფანჯარაში ქალიშვილმა გაიელვა. დავინტერესდი. ნათესავს, კეთილ, შინჩარჩენილ ქალს, ართობდა ახალგაზრდულ-ამურული ამბები და ქალიშვილს შეეხმინა, გადმოდი, სტუმარი უნდა გაგაცნოო. შემოცქრიალდა საშუალო ტანის მოხდენილი გოგონა. შავად მბზინვარე ხუჭუჭა თმები ტალღებად ჩამოჰფენოდა და თვალები ზედ შემრჩა... უმალ ხაფანგი გავუმზადე, მართა-

ლი თუა, რომ ებრაელები სხვა ეროვნების სასიძოებს ქალიშვილებს არ ატანენ-მეთქი. ინყინა, ვინ მოგახსენათო. „აი, მაგალითად, მამაშენს რომ ვთხოვო, შენს თავს გამატანს?“ — უცოდველად ვკითხე. იმან სწრაფად მიპასუხა: „რა თქმა უნდა, მამაჩემი ისეთი ჩამორჩენილი არ გეგონოთ!“ უცებ მიხვდა, რომ სიტყვაზე ვიჭერდი, საყვარლად განითლდა და სამაგიერო უმალ, იქვე გადამიხადა. სპორტული აღნაგობის ქერა და ცისფერთვალება ყმანვილს ჰკიდა თვალი, რომელიც წამით ტროტუარზე შეყოვნდა. „ესაა ჩემი „მასტი“!“ — ონავრულად მომიგლო, ამით მიმახვედრა, შენი ფერი არ მომენონაო.

მომწონდა კი ურიელას „მასტი“? არ ვიცი, ამაზე არც მიფიქრია... თვალს ვერა ვწყვეტდი მის თმებს, რომელთაც, ალბათ, ვერა სავარცხელი ვერ გაუძლებდა, ანდა როგორ შეიძლებოდა კოცონის დავარცხნა... თავს შეარხევდა და თითქოს ცეცხლის ენები აცეკვდებოდა. ერთი სული მქონდა, ხელით შევხებოდი. როგორც კი დავიმართოხელებდი, უმალ თმებში ნავეტანებოდი. ალბათ ეწინკნებოდა, მაგრამ გაიტრუნებოდა ხოლმე, მორჩილად ითმენდა... პირისკანი თეთრი და გამჭვირვალე ჰქონდა, გრილი და გლუვი... ცხვირზე და ყვრიმალეებზე ჭორფლი ეყარა ძუნნად, რაც უხდებოდა კიდეც... თვალების ფერი დამავინყდა, ირიბად გაჭრილი უპეებიდან ისე შემომყურებდა, თითქოს ზედ უხილავი ბინდი ეფინებო.

მანამდე გოგოებთან არასოდეს მითამაშია, გარს მუდამ ჩვენი ქუჩის ბიჭბუჭები მეხვია. იმ დღიდან კი ძველი მეგობრები დავივინყე და მხოლოდ ურიელასთან ვითამაშობდი. სიზმარში ჩამყვებოდა ხოლმე, გავიღვიძებდი და თვალწინ მისი ხატი დამიდგებოდა. უმალ აივანს ვეშურებოდი, ხან მე მივასწრებდი, ხან ის!.. ჩვენი აივანი ქალაქის უბნებს ზევიდან გადაჰყურებდა, ჭრელი სახურავები ხეთა მწვანე ვარჯებში იფლობოდა. აღმოსავლეთის მზე სხივებს გადმოაფენდა, მთელ ცისქვეშეთს ააკამკაშებდა და ჩვენს აივანსაც მოსწვდებოდა, მცხუნვარედ დაგვხედავდა, ურიელას თმებში აბრიალდებოდა... უნებლიე სიცილი წამსკდებოდა... ისიც გაიცინებდა... თითს მივაშვერდი — „მზე!.. მზე!..“ — ვიმეორებდი და ვიცინოდი... ისიც იცინოდა. თუმცა, იქნებ, არც გაეგებოდა, რა მაცინებდა.

მთელი დღე ვთამაშობდით, უმთავრესად აივანზე და უმთავრესად — „ცოლქმრობანას“. იმას თოჯინა არა ჰქონდა, მე — ბურთი... სამაგიეროდ ერთხელ „სახლი“ მოვანყვეთ: მოვზიდეთ კენჭები. შემოვავლეთ ოთხკუთხედებად, ვითომც ოთახებიანო. აქ კარი უნდა ყოფილიყო, იქ — ფანჯარა, ამ კუთხეში ბუხარია, იმ კუთხეში — სანოლი და ა.შ. ხანდახან უაზროდ გავფიცვდებოდი, მოულოდნელად ვეცემოდი და დავეჭიდებოდი ისევე, როგორც მეზობლის ბიჭებს. არ ვიცი, იმ წუთას რა წერა ამიტანდა, რა შინაგანი ლტოლვა მეძალებოდა. ურიელა ცოტა ხნით კი მიწვედა წინააღმდეგობას, მერე ულონოდ მოემეგებოდა, ჩაიკეცებოდა... მე, გამარჯვებული, მამლაყინასავით ზევიდან დავყურებდი, ის კი, დამარცხებული, ქვევიდან ამომხედავდა, ტუჩები სატირლად მოებრიცებოდა და თვალები აუნყლიანდებოდა, თუმცა მის გამოხედვაში მორჩილება უფრო იკითხებოდა, ვიდრე საყვედური. უცნაური ჟრუანტელი დამივლიდა, არ ვიცი, რატომ... დავიმორცხვებდი, ხელს გავუშვებდი და პირქუშად გავშორდებოდი... სადმე კუთხეში დავიმალებოდი. ოღონდაც, დიდხანს ვერ გასტანდა ეს დაშორიშორება, კვლავ ერთმანეთს მოვძებნიდით და უმიზეზო სიცილი აგვიტყდებოდა.

თავიდან უფროსები ყურადღებას არ გვაქცევდნენ. მერე მასხრობა დაიწყეს. „სიძე, შე ძველო!“ — დააგლო ერთხელ ძია მიშამ და ხითხითით გაგვშორდა. დეიდა სონა კი სიცილს ხელისგულში მალავდა. დედაჩემიც ღიმილით დაგვხედავდა, ხანდახან კი გამაფრთხილებდა — იცოდე, არ აწყენინოო... ურიელას უფროსმა ძმამ გუჯამ კოპები განგებ შეკრა და გამოგვიცხადა, თქვენს სიცილს თუ გავიგონებ, ყურებს დაგათლითო... მართალი გვეგონა, ორივენი სანოლის ქვეშ შევიპარენით და გავისუსეთ... ძლივს მოგვძებნეს და ხვენწით გამოგვიტყუეს.

ჩემს პატარა თავში მომნიფდა აზრი, რომ ურიელა „ჩემი ცოლია“. ერთხელ „ცოლქმრობანას“ თამაშის დროს დავუძახე: „ცოლო!“ იმანაც მიპასუხა: „ქმარო!“ მე ისევ გავუმეორე, იმანაც... ისე გავერთეთ, ყველაფერი დაგვავინყდა, აივანზე ვსტუნაობდით და მთელი ხმით გავიძახოდით — „ცოლო!“ „ქმარო!“ „ცოლო!“ „ქმარო!“

უცებ ხარხარი შემოგვესმა და ელდა გვეცა.

მთელი ოჯახი აივანზე გამოკრეფილიყო და ისე იცინოდნენ, მუცელი ხელებით ეჭირათ. დედაჩემიც ღია კარში იდგა და სიცილის ცრემლებს ინმენდდა... ურიელი გაისუსა და დეიდა სარას ამოეფარა. მე თავი უსაზღვროდ შეურაცხყოფილად ვიგრძენი და ავტირდი. დამინყეს ფერება, მაგრამ ვერაფრით დამანყნარეს. გვიან, ძილის წინ დედამ მისაყვედურა: „კაცი ხარ ახლა შენ? ცოლი მოგყავს და ტირილით კი სკდები!“ გავჩუმდი, ხანდახან თუ ამოვისლუკუნებდი.

დედა ჩამეხუტა და მკითხა:

— გინდა, რომ ურიელა ჩვენთან იყოს?

— ჰო! — ოხვრას ამოვატანე.

— ახლა დაიძინე! ხვალ კი ძია მიშას შევეხვეწოთ, იქნებ, დაგვითმოს!

გული უცნაურად შემიხტა და ჩუმი სიცილი დამცდა... სიცილშივე ჩამეძინა. სიზმარში მზიანეთი ვიხილე. ადრეც ბევრჯერ დამსიზმრებია ასე: თითქოს აივანზე გავედი. თავისი ოთახიდან ურიელა გამოცქრიალდა. ერთმანეთს ხელები ჩავჭიდეთ და აივანიდან სინათლით გამსჭვალულ სივრცეში გადავეშვით, აღმა და აღმა ვიფრინეთ მზისაკენ... მერე ურიელა დამისხლტა, წინ გავარდა, მისი ცეცხლოვანი თმები მზის სინითლეს შეეწნა და იგი მნათობის წიაღში გაქრა... ვცდილობდი მივწეოდი, მაგრამ საკუთარი სიმძიმე ქვევით მენეოდა და ბოლოს ფეხქვეშ კვლავ ჩვენი აივნის იატაკი ვიგრძენი.

მოგვიანებით, მეხსიერებაში ცხადი და სიზმარი ერთმანეთს გადაეხლართა და გამიჭირდა იმის გარკვევა, მზის სხივებში ურიელა მართლაც ათინათობდა, თუ ყოველივე ჩემმა ფანტაზიამ დაჰბადა.

* * *

ივლისის ბოლოს სოფლიდან ბებია გვესტუმრა, ჯანჯუხა და ტილისკვერი მომიტანა. უმალ ურიელასთან გავაქანე. კუთხეში მივიჭუჭკეთე და ტილისკვერი სასწრაფოდ შევსანსლეთ... ჯანჯუხა შუაზე გავტეხე და ნახევარი გავუნოდე. თეთრად

ჩანიკნიკებული, ბასრი კბილებით გაკვნიტა... ჩუმად შევეყურებდი, ჩემი თალია ხელში მეჭირა... როცა მოათავა, რაც მქონდა, კვლავ შუაზე გავყავი და ნახევარი მივეცი... გაეცინა... მის ცეცხლოვან, რბილ თმებს თითები შევასხე. „ცოლო!“ — ჩავჩურჩულე. „ქმარო!“ — მიპასუხა. ჯანჯუხას ის პატარა ნატეხიც შევაჩერე... მერე უცბად, დაუფიქრებლად, ისეთი რამ ჩავიძინე, თვითონაც ვერ მოვიაზრე, რას ნიშნავდა. დავიხარე და ლოყაზე ვაკოცე. უფრო სწორად, ცხვირ-პირი ლოყას ვატაკე, კოცნა კი ჰაერში გამომივიდა... გაცეებით შემომხედა, თავი გააქნია, თითქოს ცეცხლი გააღვივო და ჯანჯუხის ნატეხიც შესანსლა.

მომდევნო დღეს ბებიამ სოფელში წამიყვანა, სკოლამდე დარჩენილი ორი თვე მასთან უნდა გამეტარებინა.

მიხაროდა, მაგრამ თან გული უკან მენეოდა, წამდაუნუმ მზერას აივნისაკენ ვაპარებდი. იქ მზის სხივებში ცეცხლოვანი ყვავილი კიაფობდა.

თავდაპირველად გამიჭირდა, გული გაურკვეველი სევდით ამევსო. თითქოს სულ მარტო დავრჩი. შემამჩნიეს, მოიწყინაო და ალერსი გამიასკეცეს. ასაკმაც თავისი ქნა, ჩემი კბილა ბიჭების ონავრულ მარაქაში გავერიე და სულ მალე პატარა კვიცივით დავჭიხვინებდი, კაცს ეგონებოდა, სახლიც დაავიწყდა, დედაც და ურიელაცაო... ღამით, ბებიის ფერხთით ჩაკუჭულს, ბნელი ოთახის ლანდებით სავსე მდუმარებაში უცბად გამომეცხადებოდა ურიელა, ირიბად გაჭრილი თვალებით შემომცქეროდა, თითქოს რაღაცას მსაყვედურობდა. ეს ხატი ძილში ჩამყვებოდა ხოლმე, მესიზმრებოდა, რომ რაღაც დავკარგე, ველარ ვპოულობ და ჯავრიანად ვსლუკუნებ... „დანყნარდი, ბებო გენაცვალოს, ჩემო ანგელოზო, ნურაფრის გეშინია, აგერა ვარ!..“ — ჩამჩურჩულებდა ბებია და მის დაკორძებულ, გაუხეშებულ ხელისგულს შუბლზე ვგრძნობდი.

დრომ თავისი გაიტანა, თანდათან გამქრქალდა ძველი ფერები, მეხსიერების სკივრში ჩაიკეტა, მისი ადგილი სხვა ცისარტყელებმა და ყვავილეთმა დაიჭირა.

ზაფხულის ბოლოს შინ მიმბრუნეს. სკოლა მომელოდა, თან დედა მომენატრა. როგორც კი მოსახვევიდან ჩვენი სახლი დავ-

ლანდე, თავქუდმოგლეჯით გამოვიქეცი. დედა ჭიშკართან დამხვდა, ამიტაცა და ჩამიხუტა... ხელებიდან დავუძვერი და მოუთმენლად ვკითხე:

— ურიელა?

არაფერი მიპასუხა.

კიბეს მივაშურე, მივრბოდი და მივიძახოდი:

— ურიელა! ურიელა!

არავინ შემომეპასუხა.

კიბეზე ავირბინე, კარი შევალე და ოთახის სიღრმიდან სიცარიელე შემომეგება...

ჩემი ბავშვობის პირველი ზღაპარი გამქრალიყო...

* * *

სიცოცხლის გარიჟრაჟის სურათები მუდამ თან დაგვყვება. ბედმა მთელი ქვეყანა შემომატარა, მაგრამ ნეტავ რა დამიკარგავს და რა მიპოვნია. უამრავი ადამიანი გავიცანი, ზოგი დავიმეგობრე, ზოგი ვიმტრე. რა თქმა უნდა, ასაკითა და მდგომარეობით რომ შემეფერებოდა, ისეთი ამურული თავგადასავლებიც გადამხდენია. ერთი-ორჯერ კინალამ დავქორწინდი, მაგრამ ყოველთვის რალაცამ შემეშალა ხელი. ის ჩემი პირველი, უმანკო და უცოდველი გატაცება არ მომშორებია, გულს მითბობდა, თუმცა არასოდეს გამიმხელია ვინმესთვის. ის მხოლოდ ზღაპარი იყო, უცხო, ირეალური სამყაროდან მოვლენილი... მას საერთო არაფერი ჰქონდა ამ ჩვენს აბსურდულ, ქაოტურ ყოფასთან... მხოლოდ ერთხელ ვახსენე ყველასათვის დაფარული სახელი. თვრამეტი წლისა ლენინგრადში ესწავლობდი და ებრაელი ყმანვილი დავიძმაკაცე, იზრადელი ერქვა სახელად, გვარად შუბატი. ვერაფერი სახარბიელო გარეგნობისა იყო, პირისახეზე ჭვავის პურისფერი დაჰკრავდა, სათვალის ბეცი თვალეზით შემომყურებდა, მაგრამ იმ ბეც თვალეზში ისეთი გონიერება იკითხებოდა, უცბად შემეყვარდა და გვერდიდან არ ვიშორებდი. უფრო ისტორიული მეცნიერებით იყო გატაცებული და ჩვენი საუბრის თემა ძირითადად „ებრაულ საკითხს“ უტრიალებდა — ძველი აღთქმის გმირები, მარადი ურია, დევნილი ხალხის იერსახე, ოსვენციმისა და მაუტჰაუზენის საშინელებები და სხვა

მრავალი. ეს საუბრები ხშირად მწვავე კამათში გადაიზრდებოდა, რადგან პროპაგანდისტულ კლიშეებს ვერც ჩვენ ვაღწევდით თავს და გვიჭირდა მრუდე სარკიდან ჭეშმარიტების ამოკითხვა... ერთხელ საექსკურსიო გემით ფინეთის ყურეში გავისეირნეთ, „ლენინგრადის თეთრი ღამე“ ერქვა ამ ექსკურსიას. ვიდექით გემბანზე, გავყურებდით ვერცხლისფრად მოლივლივე მსუბუქ ტალღებს და უცებ ურიელა ვახსენე, მისი ირიბად გაჭრილი თვალის უბეები და ცეცხლოვანი თმები მოვიგონე. ისე ცოცხლად წარმომიდგა „ჩემი ურიელა“, ისე თვალნათლივ დამეხატა... წამის შემდეგ კი ვერცხლისფერ ტალღებში გაქრა... იზრადელი მიუხვდა ჩემს სევდას, მხარზე ხელი მომხვია და დიაგნოზი დამისვა: „უცოდველი კრავის სიყვარული!“ ამაზე წყნარად გამეცინა. ეს იყო და ეს! მერე ლენინგრადიდან წამოვედი. ჩემს მეგობარს გრძელ წერილებს ვუგზავნიდი, ისიც მპასუხობდა. ყოველივეს თავისი დასასრული აქვს. ბოლო წერილი კითხვით მთავრდებოდა: „გახსოვს ურიელა?“ დამეკარგა ჩემი მეგობარი, არ ვიცი, საით წავიდა, გეზი საითკენ მიმართა!.. ხანდახან გამახსენდება და გულში ტკივილი ახმიანდება — „სადა ხარ, მეგობარო?“ პასუხი არსაიდან ისმის, მანუხებს ეჭვი, რომ იმას უკვე სხვა მეგობრები ჰყავს, სხვა განზომილებანი იტაცებს, მე კი მისი მეხსიერებიდან ამოვვარდი, აღარ ვარსებობ...

ოცდაათი რომ შემისრულდა, შორეული ციმბირეთიდან, სადაც კარგა ხანს ვმუშაობდი, მოხუცი დედის მოსანახულებლად ჩამოვედი. დილით სკოლისაკენ გავისეირნე. ადრე ერთსართულიანი ფიცრული გვედგა, ახლა იმ ადგილას ბეტონის კუბი წამომართულიყო. არ მესიამოვნა და მზერა ჩემ წინ, გზაჯვარედინზე გადავინაცვლე. უცებ თითქოს თვალეზში შემომანათა! მე დავინახე ჩემი ურიელა და გული წამით გამიჩერდა... ღმერთო ჩემო, ეს ხომ შეუძლებელი იყო! ათი-თორმეტისა იქნებოდა, თავზე თითქოს ხანძარი უბრიალებდა. ირიბი თვალეზით შემომხედა და ჩამიარა. შევტრიალდი და დავუძახე:

— ურიელა!

გაჩერდა, კრთომით შემომხედა.

მეუხერხულა... ნეტავი რამ გადამრია? შუა ქუჩაში მიმავალ ბავშვს ვაშინებ.

— გოგონა, საათი ხომ არა გაქვს? — წავილულულე, თუმცა მაჯის საათი ხელზე მეკეთა და გოგონას მზერამ იგი უმალ დააფიქსირა.

— ნწუ! — გააქნია თავი და გაიქცა.

მუხლების სისუსტე ვიგრძენი. ღობესთან ბალის სკამი იდგა და ჩამოვჯექი. მესერს ზურგით მივეყრდენი და თვალი დავხუჭე. ცნობიერებაში მთელი სიცხადით განათდა შორეული წარსულის სურათები... თავი ისე ვიგრძენი, თითქოს ჯიბეში განძი მედო და ვილაცხამ ამომაცალა... დავცარიელდი, მარტოობის სევდამ გული მომიწურა.

— ძია, ცუდადა ხარ? — მომესმა ბავშვის ხმა.

იგი ცნობისმოყვარეობამ მოაბრუნა და მაკვირდებოდა. ხელი შევახე მის რბილ თმებს და თითებით სიმზურვალე ვიგრძენი.

— ჰო! — მივუგე. — გული ამიჩქარდა... შენ ურიელა გქვია? თავი გააქნია.

— ნწუ! დედას ჰქვია ურიელა!

— ჰო, კარგი! — უაზროდ წარმოვთქვი, მძიმედ წამოვიწიე, თავზე ხელი გადავუსვი და გავშორდი...

სალამოს, ვითომ სხვათა შორისო, დედას ვკითხე:

— ძია მიშა რასა იქმს?

— აბა, მიშა?

— მდგმურად რომ გვეყენა!

— რამ გაგახსენა? ყური მოვკარი, მიემგზავრებიან.

— როდის?

— რა ვიცი, ამბობენ, კვირასო!

„კვირასო... კვირასო...“ — მთელი ღამე ჩაქუჩივით მიკაკუნებდა საფეთქლებზე, ვერა და ვერ დავიძინე.

მომდევნო დღე პარასკევი იყო და კვლავ სასეირნოდ გავემართე. გზაჯვარედინს რომ მივალწიე, მაშინლა მივხვდი, აქ გულისთქმამ მომიყვანა. ამოჩემებულ სკამზე ჩამოვჯექი. დიდხანს ველოდი, თუმცა თვითონაც არ ვიცოდი, ვის... ავდექი და იმ ქუჩით ჩავისეირნე, სადაც ძია მიშას და სონა დეიდას მომცრო, თეთრი სახლუკა მეგულეობდა. ვინ დამიშლიდა, რომ ძველი ნაცნობივით ჭიშკარი შემელო, კარზე დამეკაკუნებინა, მომეკითხა. რა უნდა ყოფილიყო ამაში საძრახისი, საეჭვო?.. რატომ-

ლაც გაუბედაობამ შემიპყრო, ფეხი ვერ დავიმორჩილე... შორიდან გავხედე. ბენვისოდენა იმედი შემრჩენოდა, იქნებ ურიელასათვის მომეკრა თვალი... არავინ გამოჩენილა, იქ მე არავინ მელოდა!

კვირას რკინიგზის სადგურს მივაშურე. მატარებლის გასვლას ნახევარი საათი აკლდა. ისინი შორიდანვე ვიცანი. მოფიქრებული მქონდა, რომ ლაღად, თამამად მივიდოდი, თუ ვერ მიცნობდნენ, თავს შევახსენებდი და მივესიყვარულეობდი... ცხადია, გაიხარებდნენ!

გული ამიჩქარდა. ჯიბურის კუთხეს მივეყრდენი, სული მოვითქვი... ძია მიშა მთლად მოტეხილიყო, ფანერის დიდ ყუთზე იჯდა და თავი უკანკალებდა. დეიდა სონაც ჩამოედნო დროსა და ჟამს, მაგრამ ეტყობა, ოჯახს ჯერაც ყოჩაღად უძღვებოდა... ვაჟებს, ალბათ, ვერც ვიცნობდი, დაკაცებულან... ერთი ტიპიც ვერა, ზომიერად ჩასუქებული, მცირე ღაბაბის პატრონი იყო, კაი ასაკისაც იქნებოდა. „ქმარია!“ — გავიფიქრე ამრეზით. ქმარი რომ იყო, ალბათ იმიტომაც არ მომეწონა, თორემ რას აშავებდა... პატარა გოგონაც აგერ ჩანთაზე დასკუპულიყო და ნითელი ყვავილივით კიაფობდა... დედამისი ჯერ არ ჩანდა, მაგრამ აი, ისიც გამოჩნდა! ვაგონის კიბის თავზე შეჩერდა, ალბათ კუპე შეამონმა და სხვებს შთაბეჭდილებებს უზიარებდა.

მალალი, გამხდარი ქალი იყო, ალბათ ქმარზე უფრო მალალი...

ნითელი თმები მოკლედ შეეკვეცა...

სადაც ეცვა, სილარიბის კვალი ეტყობოდა...

გული მეტკინა.

„ურიელა!“ — მინდოდა მეყვირა, მაგრამ ყელიდან ხმა აღარ ამომივიდა.

ის უკვე არ იყო „ჩემი ურიელა“, ჟამთა მდინარეებს გადაულახავი უფსკრული ამოეთხარა და უკვე ვერაფერს შეეცვლიდი...

ურიელა ღვინო და ურიელა წყალი,

ურიელა ცოცხალს მომისწარი და...

თვალზე ცრემლი მომადგა და იქაურობას სასწრაფოდ გავეცალე...

ჟურნალი „დროშა“, 83, 1996, თელ-ავივი, იზრაელი, ალმანახი „რინა“, 1—2, 1996.

მოღვაწე უფლის ანგელოსისა ქართველთა ზედა

უფალო სასწაულმოქმედო, რომელი ხარ ცათა შინა!

სამყაროს ცენტრში, ლაჟვარდოვან ციურ სასახლეში ვჭვრეტ შენს ოქროს ტახტს და მსურს ვემთხვიო მის საფეხურებს. შენ გნით გადმოსდინდება სხივი კეთილი, რითაც იმართვის ვარსკვლავთა და ცთომილთა მოძრაობაც და ყოველი მტილისა და ჯინჭველის ბედ-ილბალიც...

მე ერთი ანგელოსი, უკვდავთა შორის უკანასკნელი, უფლის ნებით მომავლინეს მიწასა ზედა. ჟამი იდგა განყოფისა. ადამის ძენი, აბელისა და კაენის მოდგმა განმრავლდა ფრიად, მოედო მიწისპირს და ყოველი ტომი და ერი იტაცებდა ადგილსა გამორჩეულსა და ნაყოფიერსა. იყო დიდი დავა, ხოცა, ჟლეტა და სისხლის თხევანი. ტირილი და მოთქმა მისწვდა მაღალ ზეცას. მოვიდა, უფალო, შენი სიტყვა კეთილი და ყველას მიეჩინა კუთვნილი თვისი... ვითარცა შუქი მზისა, მსწრაფლ ვიდოდი და მივეახლე ჭალაკსა ერთსა, სადაც მწვანე მოლზე ისხდნენ კაცნი მაღალნი, სახიერნი, პირხმელნი. პურსა ჭამდნენ და ღვინოსა სმოდნენ... გამოვეცხადე ვითარცა ხორციელი. სტუმრად მიწვიეს, დამსვეს, მომართვეს სასმისი იგი ყანწად თქმული. ასრე თქვეს, ჩვენა ვართ ქართლოსიანნი, ძენი თარგამოსისა, „ესე თარგამოს იყო ძე თარმისი, ძმისწული იაფეთისა, ძისა ნოესი. ხოლო მას ჰყვანდა შვილნი რვანი, გმირნი ძლიერნი და სახელოვანნი — ჰაოს, ქართლოს, ბარდოს, მოვაკან, ლეკ, ჰეროს, კავკას, ეგროს...“ კაცნო, ვთქუი მე, უფლისა ნებითა ყოველმან ერმან განიჩინა აგარაკი თვისი, რაითა სხედხართ და აგვიანებთ. ჩვენო, მიუბნეს, უფლისა და სიყვარულის სადღეგრძელო უნა შევსვათო... შევსვი, უფალო, სადღეგრძელო იგი უფლისა და სიყვარულისა და სათვალავი ჟამისა დავჰკარგე. ესე ხალხი, გულით რომ შევიყუარე, დაშთა უსამშობლოოდ. ვილოცეთ და გევედრებით, მიზეზი იგი დაგვიანებისა გამცნეთ. მაშინ გარდამოვიდა ჩვენსა ზედა კეთილი ნება შენი და მოეცა თარგამოსის ძეთა მიწაი იგი, აგარაკი უფლისა, მშვენიერ, ნოყიერ და თვალისათვიცა წარმტყვევენელ...

სწრაფად რბის ჟამი. უკვდავთათვის საუკუნე წამია მხოლოდ,

მოკვდავთათვის ცხორებაა მინიერი, დაბადებითგან ვიდრე სიკუდილამდე... მძიმე არს ფრიად ისტორიანი ქართლოსიანთა, რამეთუ შუენიერი ეგე ქვეყანა იყო მტერმრავალ... შენ მიეც, უფალო, ჩრდილოის ვრცელი ველები და ტყენი ხაზართა და ოვსთა და რუსთა, რომელნიცა მხეცებრ ცხოვრებდიან ყინვასა და ხორშაკსა შინა... სამხრით შენ მიეც ცხელი უდაბნოეთი არაბთა და სპარსთა და თურქთა და აგარიანთა... დასავლით დაამკვიდრნე ბიზანტიონნი და ჰრომაელნი... აღმოსავლით ვითარცა კალია ჩინმაჩინსა ზედა გარდამოვიდა იგი მოგოლი, უცხოთა პირისახისანი, რომელთაც ცხვირი უფრო დაბალ არს ვიდრე ლანუნი... ოთხივ მხრივ მოდიოდნენ მტერნი ურიცხვნი რბევად და ხოცვად და პარვად... მათ უმჯულოთა ეწადათ მიტაცებაი უფლისა ბაღისა, გარნა ქართლოსიანნი ბრძოდნენ ხრმლითა და ჰოროლითა და ქრისტეს შჯულითა... შარავანდედითა შეიმოსნეს გმირნი მრავალნი, რომელთა საქმენი ქორონიკონსა შიგა არს...

ნათესავნი ქართველთა ორბუნებოვან არიან. ჰყვანთ კაცნი, კეთილნი ბუნებითა თვისითა, სტუმართმოყვარენი, ხელგამლილნი, მიმტევებელნი, უფლის მლოცველნი და ეკლესიათა აღმშენებელნი, სამშობლოს მოყვარენი და თავდადებულნი, სიკუდილის უარყოფელნი და არად დამგდებნი, სიცოცხლით მომლხენნი, მომღერალნი, ცეკვასა შიგა სწრაფნი და კეკლუცნი, დედაკაცთა და ლექსთა ტრფიალნი, ღვინის მოყვარენი, გლახაკთა და უპოვართა განმკითხველნი, სხვათა შჯულის პატივისმცემელნი... ესენი არიან სიკვდილის შემდგომ სამოთხის ბინადარნი... გარნა არიან სხვანიცა! „ნათესავი ქართველთა ორგულ ბუნება არს პირველითგანვე თვისთა უფალთა, რამეთუ რაჟამს განდიდნენ, განსუქნენ და დიდება პოონ და განსვენება, ინყებენ განზრახვად ბოროტსა...“ ესენი სიკვდილსა შემდგომ შთავარდებიან ტარტაროზსა მას შავბნელსა... ეგრე ორბუნებოვან არიან ქართველნი, გინა წმინდანნი, გინა უკეთურნი, ერთნი ავიდიან ცათა შინა, სხვანი ჩავლიან გეენასა ქვესკნელისასა.

ჟამმა მან მოსრა და წარიტაცა ქვეყანანი და ხალხი მრავალი. არღარა არიან ბიზანტიელნი და ჰრომაელნი, განქრნენ მოგოლნი, უკუიქცნენ სპარსნი და არაბნი და თურქნი... ჩრდილოით,

ტყეთა და ველთა შიგან მოვიდიან ერთმორწმუნე რუსნი, ხალხი მოდგმისა სლავთა და თათართა... ტკბილმან სიტყვამან და ზაკვამან, ზარბაზანმან და ჩინ-მედლებმან, სისხლის თხევამან და ქრთამის გაღებამან სძლია ქართველთა ძალგულოვნებას, მოუიავნანა, რული დაადო წამნამსა ზედა, ბორკილნი იგი ოქროისი გამოუჭედნა, ციხე-დილეგი, ვითარცა პალატნი სამეფოსანი, აღუშენა; სული მისი აცდუნა, ვინაითგან სატანისებრ ჩურჩულებდა, დილეგი ესე არს სიკეთე, ბორკილი ესე არს თავისუფლება, მტერობა ესე არს ძმობა, ღმერთი ერთი გყვანან და სამშობლოც ერთია... აჰარე, თქვენი სამშობლოა ყინულოვანი ციმბირეთიც... მღვდელნი ტყუიან, ღმერთი არღა არს ცათა შინა, არც სამშობლოა დედამინასა ზედა. არს მხოლო ხორციელი იგი სიცოცხლე, ვჭამოთ, ვსვათ, ვისუნთქოთ... მინამ გვშვა და მინა მიგვიღებს, ჩვენი საფლავია მთელი დედამინა...

და აჰა, უფალო, განვლო მან საუკუნემან ორმან რუსთა შიდა ბატონობისამ და განვიღვიძენით!

* * *

მეცხრესა იგრიკასა, მეათხუთმეტე ქორონიკონის რმდ, ხოლო ქრისტეს დაბადებითგან ჩშპთ წელსა ვიხილე მე საქმენი ბოროტნი, მსწრაფლ დავეშურე თავანსა სახლისა, რომელსაც „მთავრობის სასახლეს“ უწოდებდნენ და რომელზედაც ჯერაიც ფრიალებდა დროში იგი სატანისაი... დღენი მრავალნი ვითარცა ტალღაი იგი ზღვისაი მიეხლები ნაპირსა კლდოვანსა, მღვლვარებაი კაცთაი განღვიძებულთა და თვალახელილთა მიეხლებოდის კედელსა ამას... მოვიდიან დედანი და ქალწულნი, ხუცნი და ყრმანი, ილოცვიდის და მღეროდის, არა მორჩილებდეს მთავართა მას მზაკვართაითა. ჩავაგონებდი ხელმწიფესა ამა ქვეყანისა გონიერებასა და მიტევებასა, სიყვარულსა და დათმობასა, გარნა ურწმუნობა იყო დაუნჯებული გონებასა მისსა, შეეკვროდის ჯარსა სატანისასა. იხმო მან ტანკნი და ჯავშნოსანნი, აღილის ნიჩაბნი და კონდახი და სანამლავი თავსა ზედა ქართლოსიანთა, ყრმათა და უწლოვანთა, კაცთა და დედათა ხეთქნეს და წამლვიდეს და ხოცდეს... მიმოვფრინავდი

ადამის ძეთა შორის, ჩავჩურჩულებდი ქრისტეს მცნებას — არა კაც ჰკლა! არა კაც ჰკლა! — გარნა ყური მათნი დახშულ იყვნეს სასმენელად, თვალნი მათნი ბრმანი, გონებაი ბნელ და ბოროტ, რამეთუ უმეცრებითა თვისითა განბოროტნეს და კვლიდეს დედასა, დასა და ძმასა თვისსა...

ბნელსა მას ღამესა ვცრემლოდი და მივუძლოდი სულთა ამაღლებულთა და სპეტაკთა სამოთხის კარიბჭისკენ და იგინი სიხარულით ვიდოდნენ, რამეთუ დათმეს ხორციელი სიცოცხლე თვისი სამშობლოსათვის. შევავედრე სულნი მართალნი სინათლითა და შარავანდედით მოსილ დედასა მას უფლისასა და მიიღო მან თვისსა წიაღში, სამოთხის წალკოტში ანგელოზთა სადარი ყრმანი უმრწემესნი თამრიკო, ნათია, ეკა, თამუნა, მანანა, მამუკა, ელისო და მათთა თანა კაცნი და დედანი უფროისნი, რომელთათვის მარადიული პალატნი ოქროისი დგას ზეციურ საქართველოში.

დავდექ სასახლისა თავანსა ზედა, ვჭვრეტდი ქალაქს, კვალსა რბევისა და ოხრობისა, გული ჩემი სავსეი ტკივილითა, ცრემლი ჩემი ჩამოსდინდების ღანვთა ზედა, გარნა მიხაროდა, რამეთუ ეს იყო წმიდა მსხვერპლი საკურთხეველსა ზედა, განმბანი წყლულთაი სულისა ერისაი. ვჭხედვიდი მე მომავალსა მას ქუეყანისასა, ხვალე აღმოხდების მზეი და სინათლეი უფლისაი დაეფინების წალკოტსა ამას და შეიქმნების მშვიდობა, სიხარული და ერთობა, რომელი არაოდეს სადა ვის უხილავს. და „ერთბამად ძოვდეს ლომი და ხარი და იხარებდეს ვეფხი თიკანთა თანა და მგელი ცხვართა თანა...“

ეჰა, ესე არს ცთომილებაი ჩემი! დავივინყე ორბუნებოვნება ქართლოსის ძეთა. არღარა დაიუნჯნეს მათ მცნებანი ქრისტესნი — წარუვალი იგი საუნჯე. სატანამან იპყრა გონებაი და გული მათი და უღვთობა და ბოროტება ხელმწიფებდეს სულსა მათსა შიდა. მტერთან ერთად მბრძოლთა სძლია საცდურმან ეშმაკისამან და აღიღეს ხრმალი ერთურთსა ზედა და ბოროტსა უყოფდიან ერთმანერთსა... მტერი ჩვენსა შიდა ჰზი და არღარა უნდიეთ ბრძოლაი საკუთარსა სიბოროტესა ზედა. არა იციან უმეცართა, ომი გვმართებს თავისა თვისისა მიმართ.

ილოცვიდეს არა უფალსა ზედა, არა სამშობლოსა ზედა, არამედ კერპნი ქმნიან თავისაგან თვისისა და ყვიროდიან მხოლოდლა: „მე! მე! მე!“ უმეცარი იგი ცდილობს ბრძნობასა, არაპოლიტიკოსი — პოლიტიკოსობასა, არამწერალი — მწერლობასა, მუნჯი — რიტორობასა და მჭევრმეტყველებასა... ბულბულნი და სახედარნი ერთადა სხენან პარლამენტსა შინა, ბულბული ვერღარა გალობდის, სახედარი კი ყრუი და უსმენელი, სიმღერას ასწავლის ბულბულთა.

მოვიდა კაცი იგი სახიერი, ძე მამისა, მეფობისა ღირსისა, მცოდნე ენათა და მორწმუნეი ქრისტესი, ლექსთა მთხვეელი მცირედი ნიჭიერებითა, მცირედ მეცნიერი, მცირედ პოლიტიკოს, გონიერ მცირედი... „ცხოვარმან ჯორის სახედ ორ ბუნებისა მყოფელმან“, ვითარცა ძემ დავითისმან ამონ შეიყვარა დაი თვისი თამარ და დაამდაბლა იგი, ეგრევე შეიყვარა კაცმან მან სამშობლო თვისი და ესწრაფოდა ხელმწიფებას ზედა, და ერმა და ბერმა უპყრიეს სადავე იგი ქუეყანისაი და მიუძლოდა იგი წინა ერსა. გარნა გულსა მას შეჭირვებულსა სურდის ფრიად პოეტობა დიდ, მეცნიერება დიდ, პოლიტიკობა დიდ, მაგრამ არღარაი იყო სიკეთეი კმარ, არამედ განბოროტდა გონიერთა ზედა, აღაზევა უმეცარნი და დასცა და დაამდაბლა მეცნიერნი... და უწოდინ ამას დიქტატურასა!

და ვითარცა ძემ დავითისამ აბესალომ შეიძულა ძმაი თვისი ამონ უკეთურებისათვის, კაცი იგი ხელმწიფეი შეიძულეს კაცთა მათ სხვათა და იზახდიან, არღარა გვინდის დიქტატურა, გვინდის დემოკრატია.

შეიყარნეს ხალხნი ურიცხვნი, კაცნი და დედაკაცნი, ხუცნი და უმრწემესნი, ვითარცა ტალღანი მიმოეხლებოდიან ადგილსა მას ქალაქისასა, სადაც ქვანი წითლად ღვიოდის დათხეულისა სისხლისა გამო წმიდისა მათ მონამეთა იგრიკისა თვისა... დასცენ კარავნი ქალთა მათ შაოსანთა, მოვიდიან კაცნი წვეროსანნი და ხმოზდიან: „ზვიად! ზვიად!“ სხვანი კაცნი და ქალნი იზახდიან: „ჩაუშესკუ! ჩაუშესკუ!“ და იყო ღელვანი და ჩხუბი და გინებანი... არღარავინ მუშაკობდა, არღარავინ თესავდა და მკიდა, არა განისწავლებოდა, რამეთუ პირველობა უნდის ყოველ-

სა მტილსა და ყმუოდიან მძულვარებით ვითარცა მგელნი: „მე ვარ მართალი, შენ კი მტერ ხარ!“

ყრმამან ერთმან, სადარმან უფლისა ანგელოსისა, რომელსაც ეწოდის სახელად გია, გვარად აბესაძე, ღაღადყო: უფალო, მიიღე სული ჩემი! ეგების სიკვდილმან ჩემმან საზარელმან განაღვიძოს ქართუელნი, განაქარვოს შური და მტრობაი. კმა არს სიცოცხლისა ჩემისა შეწირვა სამშობლოსათვის! ცეცხლმან ამან შვას სიყვარული და განაგდოს სიძულვილი...

და გარდაისხა ყრმამან მან სითხეი ცეცხლისაი, გაჰკრა წუმწუმად ასანთისაი და აბრიალდა ცეცხლი იგი და წარიტაცა სული უბინო და სპეტაკ ცათა შინა. მიეახლა იგი, უფალო, ტახტსა შენსა მაღალსა და შეგავედრა საწყალობელი სამშობლო თვისი.

გარნა ვერღარა იხილნეს ბრმათა მათ ცეცხლი იგი მწველი, ვერღარა ჩაესმას სასმენელთა ყრუთა სიტყვა კეთილი და ჭემმარიტი!

ვითარცა ამონ და აბესალომ, ძენი დავითისნი, ბრძოდიან ერთურთს უფროის მტერთა მოძულეთა, ყრმათა უწლოვანთა აღილეს ავტომატნი და ქვემეხნი, ხოცდიან ერთურთს, მოსრეს ქალაქი იგი და დასწვეს დიდ-დიდნი შენობანი. იავარქმნეს წალკოტი იგი, ვითარცა ურდომან მოგოლთა და სარკინოზთა. განაძევეს ხელმწიფეი იგი ამონ და ინვიეს აბესალომ. რზის ჟამი ნამიერ, არა დაწყნარდა ქვეყანაი ესე, ეშმაკი განძლიერდა უფროის და კაცნი ამონისანნი ინატვრიან მოკვდინებასა აბესალომისა.

ესე არს ვითარცა იგავი ქვრივისა, რომელსა დაშთეს ორი ძე და იბრძოდეს ერთურთს უდაბნოსა და არავინ იყო, რომელმანცა განაშველნა იგინი. და სცა ერთმან მან და მოკლა ძმა თვისნი. და ეტყვიან ქვრივსა მას ნათესავნი მისნი, ვითარმედ — მოგვეც ძმა იგი მისი და მოვკლათ იგი მოკლულისა მისთვის ძმისა მისისა! რაითამცა არა დაშთა მკვიდრი ქმრისა მისისა ქვეყანასა ზედა...

ესე წარხოცების ერი ქართლოსიანთა და მე მჭვრეტელი მომავალისა, ვიტირებ ვითარცა დავით, რომელსაც ახარა მსახურმან მან სიკუდილი ძისა მისისა აბესალომისა, გარნა დავით ხმითა დიდითა ტიროდა და იტყოდა: „შვილო ჩემო, აბესალომ,

აბესალომ, ძეო ჩემო!“

უფალო, განაშორე საფრთხე ესე ტანჯულსა და გვემულსა მას ერსა ქართლოსიანსა, მოეც ძალა და გონი, რაითა დათრგუნვიდეს შურსა და ბოროტსა სატანისასა, ასწავე კვლავაც სიყვარული, თანაღმობა, მიტევება, ხალისი სიცოცხლისაი, ტრფობა შაირისა და დედაკაცისა და ღვინისა, ასწავე კვლავაც მუშაკობა და გარჯა, ღვთისმოშიშობა და გულმონყალება... აღუხილნე თვალნი, რამეთუ ხამს გლოვაი და ტირილი დახოცილთა ზედა, ხამს ძმობაი და მიტევებაი ერთურთსა შორის, ხამს განჭვრეტა მომავალისა, ვინაითგან არს ორნი გზანი — გზა ბოროტისა, ქვესკნელსა შიდა, და გზაი სიკეთისაი, სინათლითა და შარავანდით განათებული, ზესკნელსა ზედა...

გაზეთი „მესამე გზა“, ივლისი, 1993.

ბატონი პრეზიდენტი ჩამოგრიანდა

(პოლიტიკური ფანტასტიკა)

სწორედ ასეთ დღეს წინასწარმეტყველებდა ამინდის ბიურო. მოკრიალებულ ცაზე ღრუბლის ფთილაც არსად ეკიდა. ჰაერი მზის სხივებს განემსჭვალა, მაგრამ არ ცხელოდა, რადგან მტკვრის ხეობიდან გრილი ნიაფი უბერავდა... ქალაქი საზეიმოდ მორთული ხვდებოდა მაღალ სტუმარს. ყველგან — დანესებულებებზე, სახლების აივნებზე, განათების ბოძებზე დანყვილებული სახელმწიფო აღმები ფრიალებდა. პრეზიდენტის სასახლის ფლაგმ-ტოკზე აღიმართა საქართველოს რესპუბლიკის სამფეროვანი დროშა. გზატკეცილებისა და ქუჩების გარდიგარდმო გაჭიმული იყო ტრანსპარანტები, რომლებზეც უსასრულოდ მეორდებოდა ორენოვანი წარწერები: „კეთილი იყოს თქვენი მობრძანება!“ „საქართველოსა და რფრ-ს მეგობრობა ურღვევია!“ „საქართველოს რესპუბლიკა მიესალმება საპატიო სტუმარს!“

უშიშროების სამსახურის ვერტმფრენი გუგუნით დაფრინავდა ქალაქის თავზე. პროვოკაცია მოსალოდნელი არ იყო, მაგრამ სიფხიზლეს თავი არ ტკიოდა. ვერტმფრენის კაბინიდან ხელისგულივით ჩანდა ქუჩები და სახურავები. საეჭვო ადგილებში სამსახურის გამოცდილი მუშაკები მორიგეობდნენ. ტერორისტი, თუ ის საერთოდ არსებობდა, ვერ დაემალებოდა უშიშროების მუშაკთა მახვილ თვალს...

ტრასა აეროპორტიდან პრეზიდენტის სასახლემდე გაანთავისუფლეს საქალაქო ტრანსპორტისაგან. აქა-იქ პოლიციის მანქანები თუ დაქროდნენ, წესრიგის დამცველნი მზადყოფნას ამოწმებდნენ. ტროტუარები გაიჭედა ცნობისმოყვარე თბილისელებით, განსაკუთრებით ბევრი ხალხი შეგროვდა რუსთაველზე და თავისუფლების მოედანზე.

და აი, სასახლის კარიბჭიდან დაიძრა გრძელი კორტეჟი. ავტონისპეციის ყვითელი მანქანა წინ გავარდა. მიქროდა და გამვლელთ აფრთხილებდა: „ფრთხილად, სავალ გზაზე ნუ გადმოდიხართ!“

კორტეჟის მეთაურ მანქანაში პრეზიდენტის დაცვის თანამშრომლები ისხდნენ. ტალიკ-ტალიკ, დაკუნთულ ბიჭებს ამჯერად უშიშროების გენერალური ინსპექტორი მეთაურობდა.

მეორე მანქანა — შავი, კრიალა ლიმუზინი პრეზიდენტისა იყო. კაპოტზე ორი პატარა ალამი ფარფატებდა. პრეზიდენტის ლიმუზინის კვალზე ჩამსკრივდა პრემიერ-მინისტრისა და სხვა მაღალი თანამდებობის პირთა მანქანები.

პრეზიდენტის მანქანაში ისხდნენ სახელმწიფოს უზენაესი ხელისუფალი ბატონი X და რესპუბლიკის პირველი ლედი, ქალ-ბატონი ნათელა. წინ კი, მძღოლის გვერდით, პრეზიდენტის თანაშემწე ბატონი გოგი, რომელიც ბოლო წუთს მიღებულ დეპეშებს კითხულობდა.

პრეზიდენტი თვალდახუჭული უსმენდა. ცოტა უქეიფოდ გახლდათ. ექიმი ურჩევდა, ერთი კვირა მაინც დაისვენეო, მაგრამ ეს შეუძლებელი იყო. პრობლემები არ ილეოდა, მათი გადანყვეტისათვის დიდი ძალისხმევა სჭირდებოდა. პარლამენტში ბიუჯეტის კანონის მიღების დროს დამღლეი ბატალიები გადაიხადა, მისი მხარდაჭერა რომ არა, პრემიერს მოუწევდა გადადგომა და დაიწყებოდა ხანგრძლივი სამთავრობო კრიზისი... ბენჯზე ეკიდა იზრაელის წარმოების ავიაგამანადგურებლების შესყიდვის პროექტი, რის განხორციელებასაც დაჟინებით მოითხოვდა თავდაცვის სამინისტრო... სულ ახლახან ისტუმრა თურქეთის პრემიერ-მინისტრი, კუვეიტის ემირი და ევროპის გაერთიანების საპარლამენტო დელეგაცია... აქეთ, ოჯახშიც არ ჰქონდა მთლად ერთსულოვნება... უფროსმა შვილმა კემბრიჯში მოინდომა სწავლის გაგრძელება, რამაც პოლიტიკურ მონინააღმდეგეთა ირონიული რეპლიკები გამოიწვია, უმცროსი კი სტუდენტთა ოპოზიციურ გაერთიანებაში შევიდა და მამას შინ გაუხსნა პარლამენტი...

ბატონმა გოგიმ დეპეშების კითხვა მოამთავრა. საერთაშორისო კომენტატორები ანალიზებდნენ რფრ-ს ლიდერის მომავალ ვიზიტს საქართველოს რესპუბლიკაში, ვარაუდებს ჭეშმარიტებად ასალებდნენ... პრეზიდენტმა წამით იყუჩა, — ისვენებდა, — მერე ანიშნა, რადიო ჩართეო. ბატონმა გოგიმ პან-

ელზე თითი დააჭირა. საქართველოს რადიო უკანასკნელ ცნობებს გადმოცემდა: „მოსკოვის შერემეტიევოს აეროპორტიდან დღეს თბილისში ოფიციალური მეგობრული ვიზიტით გამოფრინდა რფრ-ს პრეზიდენტი ბატონი V. როგორც საქართველოს რესპუბლიკის პრეზიდენტის პრეს-მდივანმა ბატონმა პარმენ მ-მ განაცხადა, ეს ვიზიტი ისტორიული ნიშანსვეტი იქნება ორი სახელმწიფოს ისტორიაში...“

რადიოს ცნობა, ჩვეულებისამებრ, აგვიანებდა. პრეზიდენტის ლაინერი საათზე მეტია, რაც შერემეტიევოდან გამოფრინდა და თხუთმეტ წუთში შემოვიდოდა საქართველოს საჰაერო სივრცეში, კავკასიონის თავზე. ეს მეტად პასუხსაგები წუთი იყო. რესპუბლიკის საზღვრებზე გამოცხადდა „მზადყოფნა I“. რადარები ფხიზლად უთვალთვალდებდნენ, რათა მოულოდნელად რაიმე უცნობი ობიექტი არ შემოჭრილიყო საიდანმე... ორი საათით შეწყდა სამოქალაქო და სამხედრო თვითმფრინავების ფრენა თბილისის ცაზე.

ტელეფონმა ზუმერის ხმა გამოსცა. ბატონმა გოგიმ ყურმილი პრეზიდენტს მიანოდა. თავდაცვის მინისტრი თავისი მანქანიდან ცინცხალ ცნობას ატყობინებდა: რფრ-ს პრეზიდენტის ლაინერი გრაფიკით უახლოვდება ჩვენს საჰაერო სივრცეს. თბილისის სამხედრო აეროდრომიდან ხუთი წუთის შემდეგ აფრინდება საჰაერო ესკორტის ესკადრა — შვიდი ავიაგამანადგურებელი...

ქალბატონმა ნათელამ ხელჩანთიდან სარკე ამოიღო, ჩაიხედა. რფრ-ს პირველი ლედი სვეტლანა მოისევენა მხოლოდ ფოტოზე ენახა და იცოდა, რომ ასაკოვანი დედაკაცი ბრძანდებოდა. „მე უფრო ფოტოგენური ვარ!“ — კმაყოფილებით გაიფიქრა ქალბატონმა ნათელამ.

პრეზიდენტმა საათზე დაიხედა. საჰაერო თავდაცვის სისტემა ნორმალურად მუშაობს. სანამ კორტეჟი აეროპორტს მიადნევედეს, სტუმრის ლაინერი საქართველოს საჰაერო სივრცეში შემოვა. იქ, მყინვარწვერის თავზე პრეზიდენტის თვითმფრინავს ქართველთა საჰაერო ესკორტი შემოენყო და სტუმარს აეროდრომისაკენ გამოუძღვებიან...

* * *

თბილისის აეროპორტში სანამ ორი პრეზიდენტი ერთმანეთს შეხვდებოდეს, შეგვიძლია მაღალი პოლიტიკიდან ძირს დავეშვათ, რათა მოვისმინოთ წითელარმიელი ივანე პენტიუხას თავგადასავალი, ვინაც აჩვენა რუსი ჯარისკაცის საუკეთესო თვისებები — ერთგულება, მორჩილება, მოთმინება და არცთუ საუკეთესო თვისებაც, რაც ჩვენებური ჭაჭის სიყვარულში გამოვლინდა.

იმ დროს, როცა ზემოთ მოყოლილი ამბავი ხდებოდა, პოლიციის ზემდეგი შავლეგ ჯინჭარაძე თავის სამბორბლიან მოტოციკლთან იდგა და რადიოთი უკანასკნელ ცნობებს უსმენდა. „ოჰ, რა დროს მოვესწარი!“ — გაიფიქრა ზემდეგმა და უცებ სახე დაუგრძელდა. რა თქმა უნდა, შავლეგ ჯინჭარაძეს რადიოს ცნობები არ გაუკვირდებოდა. განსაცვიფრებელი ის იყო, რომ პოლიციის ზემდეგისაკენ მტკიცე ნაბიჯით მოდიოდა წითელარმიელი ივანე პენტიუხა. რა არის ამაში გასაკვირიო, — იკითხავს, ალბათ, მკითხველი. ცხადია, შავლეგ ჯინჭარაძეს აქამდე არაფერი სმენოდა ივანე პენტიუხას არსებობის შესახებ, უფრო მეტიც, სიცოცხლეში პირველად ნახა იგი, სახელი და გვარიც ანი, დაკითხვის შემდეგ უნდა გაეგო. მაშ რა მოხდა? შავლეგ ჯინჭარაძემ საკუთარი თვალებით იხილა ნამდვილზე ნამდვილი წითელარმიელი, რომელსაც თავზე წითელვარსკვლავიანი „პილოტკა“ ეხურა, მხრებზე ეფრეიტორის სამხრეები ეკეთა, ფეხებზე ქირზის ჩექმები ეცვა და ზურგზე კალაშნიკოვის ავტომატი ეკიდა... თითქოს ესეც არ კმარაო, წითელარმიელს სარტყელზე ჩამოკონწიალებოდა მათარა, სავაზნე მასრა და სასანგრე ნიჩაბი, რომელმაც პოლიციის ზემდეგის მეხსიერებაში არცთუ სასიამოვნო მოგონებანი გააცოცხლა.

„ნუთუ შპიონია?“ — აი, რა გაიფიქრა შავლეგ ჯინჭარაძემ, თუმცა ეს აზრი უმაღლვე უკუაგდო. ბოლოსდაბოლოს რომელი კბილებამდე შეიარაღებული მზვერავი გამოჩნდებოდა ქუჩაში, რათა პირველსავე პოლიციელს ჩაბარებოდა... „რუსები ხომ არ შემოგვესია?“ — ესეც გაიფიქრა, თუმცა რადიოში სულ სხვა

რამეს ისმენდა, თანაც სროლის ხმა არ გაუგონია, წითელარმიელს კი კალაშნიკოვის ავტომატი კი არა, სასანგრე ნიჩაბიც არ ჰქონდა ნახმარი. „იქნებ სადმე კინოს იღებენ, ჰა!“ — ეს დასკვნა უფრო იყო ჭკუასთან ახლოს.

პოლიციის ზემდეგს ჭოჭმანი გაუგრძელდა. ამასობაში წითელარმიელი ჩექმების ბრაგაბრუგით მოვიდა, ქუსლი ქუსლს მიარტყა, ხელი აუღო და რუსულად ჰკითხა:

— ამხანაგო მილიციელო, ვერ მიმასწავლით სამხედრო ნაწილს?

— ჰმ! — გონს ძლივს მოეგო შავლეგ ჯინჭარაძე, უნდოდა უცნობისათვის აეხსნა, შენი „ამხანაგი“ არა ვარ, „ბატონო“ უფრო უპრიანიო, თანაც მილიციელი კი არა, პოლიციელი ვარო, მაგრამ სულ სხვა რამა თქვა: — მოქალაქეც, აგერ ამ შენობაში შემომყევით და იქ აგისხნით ყველაფერს!

ნუთის შემდეგ პოლიციის ზემდეგი მაგიდას უჯდა, პოლიციელებით გარშემორტყმული წითელარმიელი კი მთელ თავის ამუნიციას მაგიდაზე აწყობდა.

— სახელი, გვარი! — მკაცრად ჰკითხა ზემდეგმა.

— ივანე პენტიუხა!

— აბა, ივანე, მოგვიყევი, ვინა ხარ და საიდან მოდიხარ?

ბევრი ილაპარაკა ივანე პენტიუხამ. ჩვენ კი, რაკი პრეზიდენტებს უნდა დავუბრუნდეთ, მის მონაყოლს მოკლედ გამოგცემთ: ცხოვრების თვრამეტი წელი ივანემ რუსეთის ტაიგაში მიკარგულ პატარა სოფელ ტიხიე ბალოტაში გაატარა. იქ ძელური ქოხებისა და ხავსიანი ლობე-ყორეს გარდა არაფერი უნახავს. ერთადერთი მოზრდილი შენობა სკოლა იყო და სხვა დანიშნულებასთან ერთად სამასწავლებლო ოთახს კინოს საჩვენებლადაც იყენებდნენ. ამ ოთახის შეთეთრებულ კედელზე ნახა ივანემ საქართველოს ლამაზი ხედები. ჯარში რომ გაინვიეს და საქართველოსაკენ გზას გაუყენეს, ეგონა პალმებსა და ლაჟვარდისფერ ზღვას დავინახავო, მაგრამ სამწუხაროდ უღრანი ტაიგიდან პირდაპირ პატარა ციმბირში აღმოჩნდა. საქართველოში ხომ ყოველნაირი გეოგრაფიული გარემონი თანაარსებობენ. სადაც ივანეს სამსახურმა მოუწია, იქ ზაფხულში ხორშაკი იდგა, ზამთრობით კი ყინულიანი ქარაშოტი

ქროდა... ჩივილი არ დასცდენია ივანეს, ერთგულად ზიდა ჭაპანი, თუ არ ჩავთვლით მცირე ცულლუტობებს, როცა ათასში ერთხელ ის და მისი მეგობრები ჭაჭის არაყის საშოვნელად ახლო სოფლებში მიიპარებოდნენ... სინდისიერი სამსახურის სანაცვლოდ ისეთი ჯილდო ერგო, საგანგებოდ ვერავინ მოიგონებდა: ერთ მიგდებულ საყარაულოზე დააყენეს და მიავიწყდათ... იმ დაბალ, მინისპირას გადაფერდებულ ფარდულში, პენტიუხა რომ ყარაულობდა, პერანგის ამხანაგისა და ფეხსახვევის მეტი არაფერი ინახებოდა, მაგრამ ყოჩაღმა წითელარმიელმა ეს არ იცოდა, ეგონა ატომურბირთვიან რაკეტებს მაინც ვყარაულობო და ვაჟკაცურად უმკლავდებოდა სიცივეს, სიცხეს, წვიმას, თოვლს, ქარს და, რა თქმა უნდა, შიმშილს... იმდენი დრო გავიდა, ივანე პენტიუხას სათვალავი აერია... ძლივს მიხვდა, რომ დაავიწყდათ, მერე მოთარეშე ვირთხების მეოხებით ისიც გაიგო, ნიფხვებს რომ ყარაულობდა ამდენი ხანი. ერთი გემრიელად შეიგინა რუსული ლექსიკის შესაძლებლობის ფარგლებში, დაკრა ფეხი და წამოვიდა ნაწილის მოსაძებნად, რათა საკუთარი მეთაურისათვის წირვა გამოეყვანა... ვერსად იპოვა!.. მიდიოდა სოფელ-სოფელ, მოხეტიალე ჯარისკაცს ვინ დაამადლიდა პურის ნატეხსა და ას გრამ ჭაჭის არაყს... მხიარულად მოგზაურობდა წითელარმიელი ივანე პენტიუხა, ნაწილის ძებნაში უამრავი სოფელი მოიარა, პურიც ბევრი ჭამა და არაყიც ბევრი სვა, ამასობაში რამდენიმე ქართული სიტყვა ისწავლა: „დალიე, რუსო!“ „ჩაჩა!“ „მტვრალი კაცი, კაი კაცი!“

პოლიციის ზემდეგმა შავლეგ ჯინჭარაძემ ყველაფერი ეს თეთრ ქალღმერთზე გადაიტანა, თავი ეჭვით გააქნია:

— ვნახოთ, ვნახოთ!.. შევამონებთ!

წითელარმიელი ივანე პენტიუხა საკანში შეაბრძანეს. „ახია ჩემზე, — გაიფიქრა ივანემ, — უპატრონოდ ხომ მივაგდე პერანგის ამხანაგი და ფეხსახვევი, ამაზე პასუხს მომთხოვენ!“

ზემდეგმა ჯინჭარაძემ კი თანაშემწეს მოუხმო, მაცივარში შეახედა და უთხრა:

— ცოდოა ი სანყალი რუსი, შეუტანე პურმარილი და ჭაჭა!

* * *

აეროპორტის შენობის აივნებზე უამრავი მაყურებელი გამოეფინა. ღია მოედანზე დედაქალაქის საზოგადოებრიობის წარმომადგენლებმა მოიყარეს თავი. უშიშროების თანამშრომლები და პოლიციელები ცდილობდნენ წესრიგის უმცირესი დარღვევაც აღეკვეთათ. განსაკუთრებით ახალგაზრდობა ვერ ეგუებოდა ბარიერს უკან დგომას და ცდილობდნენ სხვაზე წინ გაძრომას.

შორიახლო საპატიო აღლუმის მონაწილე ასეულები ჩამომწკრივდნენ — თავდაცვის სამინისტროს გაერთიანებული ორკესტრი და სამი სახეობის ჯარის — სახმელეთო, საჰაერო და საზღვაო ძალების ნაწილები.

თანმხლებმა ავიაგამანადგურებლებმა საპატიო სტუმრის ლაინერი დასაშვებ ბილიკამდე მოაცილეს, აეროდრომს გადაუფრინეს და მიიმალნენ. პრეზიდენტის თვითმფრინავი ჰორიზონტიდან პირდაპირ ბეტონის ბილიკზე დაეშვა, გაირბინა, გუგუნით შემობრუნდა, მასპინძლებისაკენ წამოვიდა და ზუსტად იქ გაჩერდა, სადაც წითელი ხალიჩა იყო დაფენილი.

მცირე ხნით სინყნარე ჩამოწვა. კართან უმაღლ ტრაპი მიაგორეს.

აი, გაიღო კარი და კიბის თავზე გამოჩნდნენ მომღიმარი რფრ-ს პრეზიდენტი და მისი მეუღლე. ხელის აწევით მიესალმნენ მასპინძლებს და კიბეზე დაეშვნენ.

„საკმაოდ დაბერებულა!“ — ასე შეაფასა ქალბატონმა ნათელამ სვეტლანა მოისევენა.

რამდენიმე ოფიციალური პირი საქართველოს პრეზიდენტის ხელმძღვანელობით კიბესთან დახვდნენ სტუმრებს. პრეზიდენტებმა ენერგიულად ჩამოართვეს ერთმანეთს ხელი და რფრ-ს პრეზიდენტმა იოხუნჯა:

— იმედია, ნათელ დღეს პოლიტიკაც ნათელი ახლავს!

— როგორც ამბობენ, მოსკოვშიც თბილი ამინდებია! — თავშეკავებით უპასუხა ბატონმა X-მა.

საქართველოს რესპუბლიკის პირველმა ლედიმ ხელი გაუწოდა სვეტლანა მოისევენას. ამ უკანასკნელმა დიპლომა-

ტიური სალამი არ იკმარა და ენერგიულად ჩაკოცნა.

ბატონ X-თან ერთად აქვე იყვნენ ბატონი პრემიერ-მინისტრი, თავდაცვის მინისტრი, საგარეო საქმეთა მინისტრი, პარლამენტის სპიკერი და გენერალური პროკურორი. სტუმარმა წარდგენილ პირებს სათითაოდ ჩამოართვა ხელი, თუმცა ეტყობოდა, რომ ქართულ გვარებს ვერ იმასხოვრებდა.

ამის შემდეგ ორი პრეზიდენტი მიუახლოვდა სახელდახელო ტრიბუნას. ბატონმა X-მა მისალმების სიტყვა მოკლედ, ლაკონურად წარმოთქვა. საჯაროდ ტრაფარეტების კითხვას ერიდებოდა, ცდილობდა ზეპირად ელაპარაკა... სტუმარმა ჯიბიდან ქალაღი ამოაძვრინა, სათვალე საფუძვლიანად მოირგო და საპასუხო სიტყვა ჩაიკითხა... ლიდერები შეეცადნენ ერთმანეთისათვის ესამოვნებინათ, აღიარებდნენ ორი სახელმწიფოს სრულ სუვერენიტეტს, ერთმანეთის საშინაო საქმეებში ჩაურევლობას, მჭიდრო მეგობრობის აუცილებლობას და ა.შ.

სამხედრო ორკესტრმა გზნებით შეასრულა ორი რესპუბლიკის სახელმწიფო ჰიმნები.

— ყურადღება! სწორდით! — მჭახედ გაისმა ალღუმის მეთაურის ბრძანება.

ახალგაზრდა ოფიცერმა სხარტი მოძრაობით ხმალი იშიშვლა, მხართან გაასწორა, მტკიცე ნაბიჯებით სტუმრისაკენ გაემართა, ქუსლი ქუსლს მოარტყა და პარადისათვის მზადყოფნა მოახსენა, მერე განზე გადაგა, პრეზიდენტებს გზა დაუთმო.

ბატონმა X-მა და ბატონმა V-მა ასეულებს ჩამოუარეს, თან სამი სახეობის ჯარების აღმებს პატივს მიაგებდნენ. ბოლოს მათთვის განკუთვნილ ადგილას, საგანგებოდ დაფენილ ხალიჩაზე შედგნენ.

აგრიალდა გაერთიანებული ორკესტრი. გაისმა სამხედრო მარშის ენერგიული ჰანგები. ასეულებმა მტკიცე ჯარისკაცული წყობით გაიარეს პრეზიდენტების წინ.

— ყოჩაღი ბიჭებია! — თქვა სტუმარმა.

— ასეთი ბიჭების იმედითა ვართ! — ღიმილით შეეპასუხა მასპინძელი.

— მეზობლების მეგობრობის იმედიც არაა წყალში გადა-

საგდები! — სტუმარმა, ალბათ, საკუთარი ქვეყანა იგულისხმა, ანდა თურქეთის პრემიერის ამასწინანდელ ვიზიტზე ჩამოუკრა სიტყვა.

— ქართველებს, ბატონო პრეზიდენტო, მეგობრები გვიყვარს! — ბატონმა X-მა ამ სიტყვებს ხელით შესტი მიაყოლა, ანიშნა, აი, აქეთკენ წამობრძანდითო.

ჩამოუარეს შეკრებილებს. ჯერ მთავრობის სხვა წევრები წარუდგინეს სტუმრებს, მერე პარლამენტართა ჯგუფი, პარლამენტში წარმოდგენილი პოლიტიკური პარტიების ლიდერები, მაღალი რანგის სამხედრო პირები, დაბოლოს, დიპლომატიური კორპუსის მეთაურები, რომელთა დუაიენმა ბურუნდის ელჩმა ოჩიმბორო ჩაკოკიმ პრეზიდენტებს თბილი სიტყვით მიმართა... დანარჩენ საზოგადოებას ხელის აწევით მიესალმნენ. პასუხად გაისმა საყოველთაო „ვაშა!“, რომელშიც გამოკვეთილად ჟღერდა რუსი სტუდენტებისა და ტურისტების დიდი ჯგუფის „ურა!“

აქ კი პრეზიდენტებს ჟურნალისტები შემოეხვივნენ, თავიანთი ტელე და რადიოაპარატებით ყველას ფეხებში ედებოდნენ. შეკითხვები სეტყვასავით დააყარეს ორ ლიდერს, მაგრამ რაკი ერთმანეთს ხელს უშლიდნენ, პრეზიდენტებმა თავი იოლად დაიძვრინეს, ზოგადი სიტყვებით პასუხობდნენ, უმთავრესად მეგობრობასა და ურთიერთპატივისცემაზე, რფრ-ს პრეზიდენტმა კი აღფრთოვანება გამოხატა შესანიშნავი ამინდისა და გულთბილი მიღების გამო... („ვოტ ბი პოზაგარატ!“).

საპატიო სტუმართათვის განკუთვნილ დარბაზში პრეზიდენტმა და მათმა თანმხლებმა პირებმა ათი წუთი შეისვენეს. რფრ-ს პრეზიდენტსა და მის მეუღლეს პირადმა ექიმმა წნევა გაუზომა, მაჯები გაუსინჯა. ბატონი V-ის ჯანმრთელობა ეჭვს არ იწვევდა, არც მისი მეუღლისა.

ოფიცინტებმა ბროლის მაღალყელიან თასებში ჩამოსხმული შამპანური ჩამოატარეს.

ქართული სუფრის მჭევრმეტყველება აქ უადგილო იქნებოდა და ბატონმა X-მა თასი თასს მსუბუქად მიუჭახუნა.

— კეთილი იყოს თქვენი მობრძანება, ბატონო პრეზიდენტო, საქართველოს ძირძველ მიწაზე!

— ბუდტე ზდოროვი! — უპასუხა სტუმარმა და მოსვა.
— აჰ, საქრთველო ჩემი ოცნებაა! — განაცხადა სვეტლანა მოისევენამ. — ადრე ჩვენ ხშირად ვისვენებდით საქართველოში. მამიკოს ლეონიდ ილიას ძე იწვევდა ბიჭვინთაში... ჩემს მეუღლეს მიუსერას აგარაკში...

— აჰ, მილოჩკა... — ფრთხილად შეაწყვეტინა ბატონმა V-მა უადგილოდ აჭიკჭიკებულ მეუღლეს.

— მეგობრებისათვის ჩვენი კარი ღიაა! — უხერხულობის გასაფანტავად ჩაურთო ქალბატონმა ნათელამ. ეს სიტყვები არაფერს ავალდებულებდა, მით უფრო, რომ ბიჭვინთასა და მიუსერას აგარაკები კარგა ხანია ინვალიდ ბავშვებს გადაეცა.

საუბარი ამაზე შეწყდა და ყველანი მანქანებისაკენ გაემართნენ. პრეზიდენტის ლიმუზინი ამჯერად თავახდელი იყო. ქალბატონები გვერდიგვერდ დასხდნენ. პრეზიდენტებმა კი საგანგებო სახელურს ჩასჭიდეს ხელი, ფეხზე მდგარნი უნდა მისალმებოდნენ ხალხს.

სხვებზე უნინ დაცვის მანქანა დაიძრა. მოშორებით პრეზიდენტის ლიმუზინი მიჰყვა. მის ირგვლივ განლაგდა სრულ საპარადო ფორმაში გამოწყობილ მოტოციკლისტთა ესკორტი. დანარჩენი მანქანები საპატიო მანძილზე ჩამორჩებოდნენ... ერთი მეორის მიყოლებით მოწყდნენ ადგილს და დიდი სისწრაფით ქალაქისაკენ გაემართნენ.

ხუთი წუთიც არ დასჭირვებიათ, რომ მიეღწიათ მესამე მასივამდე. აქედან მოყოლებული ტრასის ორთავე მხარეს ხალხი უფრო და უფრო მატულობდა.

პრეზიდენტები ხელებს უქნევდნენ თბილისელებს, პასუხად „ვაშას“ ძახილს ენაცვლებოდა ორი პრეზიდენტის სახელების სკანდირება.

კიდევ რამდენიმე წუთი და კორტეჟმა ისნის რაიონი გადაჭრა. აქ ხალხი საგრძნობლად მეტი იყო. უამრავ დროშას ტკაცუენი გაჰქონდა ჰაერში. ქუჩები აჭრელდა ტრანსპარანტებით.

ბარათაშვილის დაღმართზე რომ ეშვებოდნენ, მთაწმინდის მხრიდან მოისმა არტილერიის ზალპი და ქალაქის თავზე უზარმაზარ თაიგულად გადმოეკიდა მირიადი ფერადი შუშხუნა.

— ჩუდო-გოროდ! — შესძახა აღფრთოვანებულმა სვეტლანა მოისევენამ.

კორტეჟმა ბარათაშვილის ხიდი გადაკვეთა. გაღმა-გამოღმა, ვერცხლისფრად მოცრიატე მტკვრის გასწვრივ, ფართოდ გაიშალა თბილის-ქალაქის მშვენიერი პანორამა.

აურაცხელ თბილისელს გაეჭედა სივრცე ხიდიდან თვით რუსთაველის პროსპექტამდე. ტევა არ იყო და პოლიციელთა გაძლიერებულ რაზმებს უჭირდა ზღვა ხალხის შეკავება, კორტეჟისათვის გზის გათავისუფლება.

მაქანებმა ჩაუარეს ორბელიანის მოედანს, წუთში აირბინეს აღმართი და მაშინ რფრ-ს პრეზიდენტმა მასპინძელს გადაულაპარაკა:

— მახსოვს, მახსოვს, აქ მოედანია და ზედ ლენინის ძეგლი დგას!

ბატონმა X-მა არადიპლომატიურად, ბავშვური სიანცით თვალი ჩაუკრა საპატიო სტუმარს.

— ცდებით, ბატონო პრეზიდენტო, აქ დავითის ძეგლია, აღმაშენებლისა!

მართლაც თავისუფლების მოედანზე, მაღალ კვარცხლბეკზე ბრინჯაოს დავითი იდგა, ცალ ხელში ეტრავი ეჭირა, მეორეში — გელათის ტაძრის მაკეტი...

ბატონმა V-მა წყენა არ დაიმჩნია...

* * *

რუსეთის ფედერაციული რესპუბლიკის პრეზიდენტის პირველი ოფიციალური მეგობრული ვიზიტი საქართველოს რესპუბლიკაში ისტორიის კუთვნილება გახდა. ეს სამი დღე საკმაოდ შინაარსიანი აღმოჩნდა. იყო, რა თქმა უნდა, მხიარული ბანკეტი, მიღება, სტუმარ-მასპინძლობის წესების დიპლომატიურ ეთიკეტთან შერწყმა, იყო მოლაპარაკება, შეთანხმებები, ხელშეკრულებანი... იყო ლამაზი გაცილებაც... ბოლო დღის ცერემონიალზე საქართველოს რესპუბლიკის პრეზიდენტმა სიურპრიზი მოუშადა სტუმარს.

რფრ-ს პრეზიდენტს წარუდგინეს წითელარმიელი ივანე პენტიუხა.

— ვინ არის ეს ყმანვილი? — იკითხა სტუმარმა.
— ეს გახლავთ წითელი არმიის უკანასკნელი ჯარისკაცი საქართველოს მიწა-წყალზე! — ღიმილით აუხსნა მასპინძელმა. — იმედია, ბატონო პრეზიდენტო, მამობრივ მზრუნველობას გამოიჩინებთ და დაეხმარებით ამ ყოჩაღ ჯარისკაცს, რათა მშვიდობიანად ჩააღწიოს თავის პატარა სოფელში, რომელსაც თურმე ტიხიე ბალოტა ჰქვია!..

გაზეთი „ლიტერატურული საქართველო“,
9 ნოემბერი, 1990.

ლორის ტილი

მწერალ ბოკერიას გამზრდელმა ბიცოლამ სთხოვა, შენ იცი და შენმა კაცობამ, მამითობის პატივისცემას უფალი დაგიფასებს, ნამეტანი წიგნის მოყვარული ბავშვია ჩემი დის შვილიშვილი, იქნებ ხელი ნაჰკრა და დიდკაცობისაკენ გზა გაუხსნაო. მწერალ ბოკერიას იმ დროს მთლად მწერალი არ ეთქმოდა. იჯდა თავის პატარა, ჩაღამებულ ქოხში, მაღალი სახლების ჩრდილში რომ მოცუცქნულიყო, ყაირათიანად იზოგავდა მცირე ხელფასს და უკაკუნებდა ჯაბახანა საბეჭდ მანქანაზე, თუმცა ჯერჯერობით ვერაფერი გამოექვეყნებინა და ლიტერატურულმა საზოგადოებამ არაფერი იცოდა მისი მწერლობის თაობაზე. პროვინციულმა ნათესაობამ კი, რაკი ქალაქზე აღამ-ათენებდა და შიმშილისაგან კუჭი უხმებოდა, მწერლად მონათლა და ეგონათ, ამან თუ მოინდომა, ინსტიტუტში კუნძსაც კი შეაგდებსო...

ბოკერიას მარტოობა სტანჯავდა უკვე, იმ ასაკისათვის მიეღწია, როცა ადამიანს მოზარდზე ზრუნვა მოეთხოვება, მასში გაიღვიძა ქალაქის ჩრჩილით შელახულმა მამობრივმა გრძნობამ და თვრამეტი წლის აბიტურიენტს თავისი ქოხის კარი გაუღო.

ყმანვილს რომ შეხედა, ბოკერიას გულმა რეჩხი უყო. ამას ვერასოდეს შევიყვარებო, უსიამოვნოდ გაიფიქრა, მაგრამ სიტყვას უკან ვერ წაიღებდა და ვინრო ოთახის კუთხეში გასაშლელი საწოლი დაადგმევინა... ყმანვილს წინ წანვეტებული ცხვირ-პირი ტურას ამსგავსებდა, გაურკვეველი ფერის თვალებით მამებლურად იყურებოდა, ადრეული მელოტის ნიშნები დასტყობოდა, რაც ვინრო შუბლს თითქოსდა სიმაღლეს ჰმატებდა. „ტურიკელა!“ — წუთში მონათლა ბოკერიამ და ამიერიდან ფიქრში სულ ასე ეძახდა, თუმცა ხმამაღლა არასოდეს წამოსცდენია. წუთიერი ზიზღი მოითოკა და შეეცადა სიბრალულის მიმქრალი გრძნობა გაეღვივებინა... იცოდა, ყმანვილს მძიმე და უსიხარულო ბავშვობა ერგო. ურჯუკსა და ლოთბაზარა მამას ცოლ-შვილი დანიოკებული ჰყავდა, რასაც ბიჭის სულში ღრმა ნაჭრილობევი დაეტოვებინა. ადრე დაქვრივებული დედა ჩაის კრეფით არჩენდა შვილს (ამბობდნენ, თან ფაქიზად წაიბოზებდაო, თუმცა ბოკერიას ამ ქორებისა არა

სჯეროდა!). ჩაის კრეფა, ალბათ, ზომიერად სარფიანი იყო, რადგან ქვრივის შვილი მუდამ მოდაზე იცვამდა, ოღონდ ეს უქმი ხარჯი ვერ აფერადებდა მისი იერის უფერულობას.

ასე იყო თუ ისე, ორი მამაკაცი ერთ ჭერქვეშ მოთავსდა, მათი ურთიერთობა ოსტატისა და შეგირდისას დაემგვანა და დღის განაწესიც შესაბამისი შედგა. დღის ჩაის შემდეგ ბოკერია სამსახურში გარბოდა, ტურიკელა კი კოხტავდებოდა და წიგნს კითხულობდა. ცოდნა ადამიანს აკეთილშობილებსო, ფიქრობდა ბოკერია. დარწმუნებული იყო, რომ წიგნიერი ადამიანი თავისთავად შეიყვარებდა ქრისტეს მცნებებს და ცხოვრების კანონად გაიხდიდა მათ. ცოდნის მეშვეობით, რბილი თიხისაგან თანდათან ღირსეული პიროვნება გამოიძერწებოდა. ამიტომაც ბოკერია ცდილობდა გეგმაზომიერად ეზილა სველი თიხა და შეგირდი წუთითაც უყურადღებოდ არ მიეტოვებინა. შესვენებაზე აუცილებლად შინ შეირბენდა და ინსტიტუტის სასაფლაოში წაიყვანდა. სადილი აქ იაფი ჯდებოდა, თან „ბოკერიას ბიჭს“ ინსტიტუტელი ნაცნობ-მეგობრები ეცნობოდნენ, უშინაურდებოდნენ... სადილად მუდამ ერთი და იგივე ჰქონდათ, პირველი, მეორე და ბოლოკი. ბოლოკი ერქვა, თორემ თეფშზე ჭიით დაჭმულ ფოთლებს შორის წითლად ღვიოდა ორი-სამი პანანკინტელა ბოლქვი და ბოკერიას ერთხელაც არ უხვლია ხელი, თავისთვის არ ემეტებოდა. შეგირდმა ეს თვეების შემდეგ შეამჩნია და გაკვირვებით ჰკითხა: „რატომ არ გიყვარს ბოლოკი?“ ბოკერიამ მხოლოდ გაუღიმა, არაფერი უთქვამს... სადილის შემდეგ იგი კვლავ სამსახურში მიიჩქაროდა ხოლმე. საღამოობით ოსტატი და შეგირდი ერთად დასეირნობდნენ თბილისის ქუჩებში, ხან კინოში შეივლიდნენ, ხან თეატრში, ნათესავებსა და მეგობრებს ესტუმრებოდნენ და ბოკერია ცდილობდა ცხოვრებისა და ლიტერატურის ავანჩავანში გაერკვია თავისი ახალგაზრდა შეგირდი, მაგრამ მისი მცდელობა, ყმანვილისათვის ეჩვენებინა სიკეთის უპირატესობა, აწყდებოდა გაუგებრობის ყრუ კედელს, რადგან ტურიკელას სულს შავი სიძულვილი ხრავდა... მას სძულდა ყველა ახლობელი, დედის მხრიდანაც და მამის მხრიდანაც. ისინი სათითაოდ დამნაშავენი იყვნენ მის წინაშე, რადგან არსებობდნენ და მასზე უკეთ ცხოვრობდნენ. სძულდა საბავშვო ბაღის ამხანაგე-

ბი, შემდგომ თანაკლასელები, რადგან იმათ მამიკოები არ სცემდნენ, დედიკოები ეფერებოდნენ, აცმევდნენ და კამფეტებს აჭმევდნენ... „მამიკოს შვილები!“ „ფულიანები!“ — იტყოდა ბოლმით და ცხადი ხდებოდა, თვითონ ისეთი რამ უნდა მოემოქმედა, ყველა დაეჯაბნა, ტრაქტორივით გადაევილო, უმაღლეს მწვერვალზე საკუთარი დროშა აეფრიალებინა... ერთადერთი ადამიანი, ვისაც ტურიკელა ეთაყვანებოდა და მონად უდგებოდა, ბოკერია იყო (რა თქმა უნდა, საკუთარი დედის შემდეგ, ვინაც ამ დროს ფაქიზად ჩაის კრეფდა!). ჩვენს გაუხარელ მწერალს აშინებდა ეს უსაზღვრო სიძულვილი და ეს ნეკათითისოდენა, არამყარი სიყვარულიც... მათი საუბარი ხშირად კინკლავსა და სიტყვიერ ჩხუბში გადაიზრდებოდა. უფრო სწორად, ბოკერიას აენენებოდა ნერვები, ცდილობდა შეგირდის ტვინში საყოველთაო, ყველასათვის იოლად გასაგები ჭეშმარიტებები ჩაეჭედა, ტურიკელა კი სდუმდა, ნაცემივით შემოჰყურებდა, ხანდახან ჩაინუნუნებდა, მაგრამ ეტყობოდა, რომ მისი თავის ჯავშანში ნაცრისფერის ნაცვლად შავი მასა შედედებულიყო და არა ესმოდა რა შესახებ ყვავილეთისა და სიკეთის არსებობისა, იქ მხოლოდ შხამი და ბალღამი დულდა... ბოკერია ცდას არ აკლებდა, სწამდა, რომ საბოლოოდ გაიმარჯვებდა და შეგირდს გზას გაუხსნიდა სინათლისაკენ.

ასე ჩაიარა წელიწადმა და ინსტიტუტის გამოცდების დრომაც მოაღწია. ბოკერიას თითის განძრევა არ დასჭირვებია, კომისიებში სულ მისი თანაკურსელები და ახლანდელი თანამშრომლები ისხდნენ და „ბოკერიას ბიჭს“ სიცილ-სიცილ, ანგლობით უწერდნენ ნიშნებს... ლურჯ ცაზე ღრუბელი არსად ჩანდა, მაგრამ ტურიკელამ წაიბორძიკა. უცხო ენათა კომისიას არაფერი სმენოდა მწერალ ბოკერიას არსებობაზე, ტურიკელას მხდელი თვალეები და ვიწრო შუბლი არ ეჭაშნიკათ და ორიანი ტყიპეს...

დამცირებული, ბოლმით გასიებული ტურიკელა კომისარიატში გამოიძახეს და წითელ ჯარში უკრეს თავი. ბოკერიას სახეზე წყენა აღებეჭდა, გულის სიღრმეში კი შვება იგრძნო. თავი ვალმოხდილად ჩათვალა და საკუთარ საქმეებს მიუბრუნდა...

* * *

ზღაპრის გმირიც ვერ გადაივლის ერთ დღეში ცხრა მთას, მაგრამ მთხრობელი დროსა და ნერვებს იზოგავს და მოკლედ ამიტომ იტყვის — „იარა, იარა, ცხრა მთა გადაიარაო“... ყველაფერი იცვლება და მწერალ ბოკერიას ცხოვრებაც შეიცვალა. ლიტერატურული ვნებანი დაუფასდა, ჟურნალ-გაზეთებისაკენ გზა გაეხსნა და მწერლურ საქმეში ჩაენერა. ამასობაში დაცოლშვილდა კიდეც, რამაც მის ყოფას მეტი სიმყარე შესძინა, თუმცა ჰონორარებით ვინღა აშენებულა, ბოკერია რომ გალალეზულიყო... ჩვენი ტურიკელაც მთლად არ გადაკარგულა თვალსაწიერიდან. „ჯარი ახალგაზრდას ავაჟკაცებს! — ასე სჯიდა ბოკერია. — ჩემი ტურიკელაც სულ სხვა კაცი დამიბრუნდება!“ ოღონდაც, იმედი გაუცრუვდა. ისევ ის ტურიკელა დაუბრუნდა. თითქოს სამხედრო წვრთნას მასზე არც ემოქმედა. მეტიც, სხვა, ადრინდელ სიძულვილებს ჯარის ამხანაგების სიძულვილიც დაემატა და ბოკერია არ ჩასძიებია ჯარგამოვლილ ქაბუკს, რომელიც წინანდელზე მეტი გატაცებითა და ფრფინვით შეჰყურებდა და მწერლის პატივმოყვარე გულს ასეთი ერთგულება მალამოდ დაედო... „წინ სტუდენტობა ელოდება, ამხანაგობაში გაერევა, დამეგობრდებიან და ხასიათიც გამოუსწორდება!“ — ფიქრობდა ოპტიმისტი მწერალი. ბოლოს და ბოლოს, ცომს მეტი ზელა უხდება, თუ გინდა, რომ კარგი მჭადი გამოცხვეს; თიხასაც ხელში მეტ ხანს ათამაშებენ, ქოთანს რომ წყალი არ გასდინდეს... ჩაიარა სტუდენტობის წლებმა. ტურიკელამ წარმატებებს მიაღწია: ჩაენერა გააიმასქნა (მგონი, ხუთასი მან. კმაროდა!), პარტიაშიც შევიდა (მგონი, ორიათას ხუთასი ლირდა!), კომკავშირული სამსახური იშოვა (ბოკერიამ ამისი ნიხრი არ იცოდა!)... დიპლომი რომ გაიკრა, ბოკერიასთან გამოსამშვიდობებლად მოვიდა. „აღბათ, გული დაგწყდება, მეგობრებს რომ შორდები?!“ — გამომცდელად შეეკითხა მეტრი. „ჰმ, ვისზე უნდა მწყებოდეს? მამიკოს შვილები, ფულიანები!“ — ბოლმით ჩაისისინა ტურიკელამ და მწერალმა ბოკერიამ ამოიხსრა, მისმა აღმზრდელობითმა მეთოდმა ჯერ-

ჯერობით ვერ გაამართლა, ოსტატის ნერვებს კი დაღლილობისა და გაღიზიანების ნიშნები დაეცყო... „ცხოვრება წინ არის!“ — ყოყმანით გაიფიქრა მწერალმა ბოკერიამ...

* * *

რა თქმა უნდა, ცხოვრება მართლაც წინ იყო! მწერალთა საქმომ ქალაქ ჭალალელეში დიპლომატიური მისია წარგზავნა და ხელმძღვანელად ამ ქალაქის მკვიდრი მწერალი ბოკერია დანიშნა. ბოკერიას საფეთქლები უკვე შევერცხლოდა, არაერთი სქელტანიანი წიგნი გამოეცა, რომლებშიც უმთავრესად სიკეთე იმარჯვებდა ბოროტებაზე, და მკითხველთა და კოლეგათა ზომიერი კეთილგანწყობა დაემსახურებინა. ამიტომაც დიდი პატივით მიიღეს ქალაქ ჭალალელეში, შუბლი დაფნის გვირგვინით შეუმკეს და შესაფერისი რეზიდენცია გამოუყვეს. მიიხედ-მოიხედა ბოკერიამ და დამხვდურთა შორის ყოფილი შეგირდი შეამჩნია. ტურიკელა თავისი კეთილი ბუნების წყალობით უკვე არაერთი სამსახურიდან გამოეპანლურებინათ და უსაქმოდ იყო. ოსტატმა თავი დამნაშავედ იგრძნო, გაახსენდა, რომ აღზრდის პროცესი ჯერ კიდევ ბოლომდე ვერ მიიყვანა. შეგირდს თუმცა აქამდე არც ნამგალი აუღია ხელთ, არც ურო, არც კალამი, მაგრამ კალმოსნობის ხურვება სიფათზე ენერა. „აი, წამალი, — გაიფიქრა ბოკერიამ, — ამ საცოდავს პატივმოყვარეობის ჭია ხრავს. მცირე წარმატებაც გულს გამოუკეთებს და სიძულვილისაგან განკურნავს!“ დიდხანს არ უყოყმანია, სამსახურში გაამწესა და მეტად პრესტიჟული საქმე — დამწყებ პოეტთა და პროზაიკოსთა წრთვნა დაავალა...

ოჰო! ტურიკელამ ახალი პიჯაკი ისე მოირგო, თითქოს მასში დაბადებულაო. თავი მალლა ასწია, მხრებში გაიშალა, მკერდი გამოებურცა, თავის გამპანლურებლებს ნიშნი მოუგო. ერთი სიტყვაც არასოდეს დაენერა, მაგრამ წამდაუნუმ, ოლიმპის მცხოვრების კილოთი იმეორებდა: „ჩვენ, მწერლები!“ ბოკერიას რიდილა შერჩენოდა, მისი მზერის ქვეშ თითქოს ილეოდა, იცრიცებოდა. პირველ კაცად არა, მაგრამ ჭალალელეში მეორე

კაცად მაინც მოჰქონდა თავი. პირველი კაცი, მისი აზრით, ბოკერია იყო. ხოლო ქალაქის მასშტაბის პარტიულ და სახელმწიფო ნომენკლატურას, ხელმძღვანელ მუშაკებს, კულტურის მოღვაწეებს და ა.შ. იერარქიის ქვედა საფეხურებზე ამწკრივებდა. ადამიანთა დანარჩენ ჯილაგს კი მთლად ჭიალუად თვლიდა... შეგირდის ეს ახირება ბოკერიას კიდევ აცინებდა და კიდევ ალიზიანებდა, რადგანაც მონაფის უტაქტობა ოსტატსაც ჩირქსა სცხებდა. ოღონდაც, ტურიკელა ისეთ ერთგულებას ამჟღავნებდა, ვერა და ვერ შეელია... სულ თვალეში შესციცინებდა, ლანდად ასდევნებოდა, „ბოკერიას ადიუტანტიო!“ — ხუმრობდნენ ქალაქში, თუმცა აკვირვებდათ ამ ორი შეუთავსებელი ადამიანის უცნაური ტანდემი.

ბოკერია ცდილობდა, აღვირი ამოედო ტურიკელას ქედმაღლობისათვის, ეგონა, ვახერხებ კიდევ ამასო. „ჩვენ, მწერლებო, რომ იძახი, დანერე რამე!“ — ხშირად ეუბნებოდა. შეგირდი თითქოს უჯერებდა, შუბლზე ოფლს მოიდენდა, სამი-ოთხი თვე წვალობდა და ორ-სამ გვერდიან წერილს გამოაცხობდა, რომლებშიც სულეთს გამგზავრებულ წინაპართა ბანალურ სიბრძნეებს თავისად ასალებდა და თანამედროვე ტერმინოლოგიით ისე შეაზავებდა, მკითხველს აბნევდა. ბოკერიას ამ წერილების კითხვისას სიფათი უმჟავდებოდა, მაგრამ ცდილობდა მონაფე წაეხალისებინა და პარმალებს უტალახებდა თავის ნაცნობ ჟურნალ-გაზეთების რედაქტორებს. ისინიც, ბოკერიას ხათრით, ხანდახან ბეჭდავდნენ კიდევ... მაგრამ ის, რაც, ბოკერიას აზრით, სამკურნალო წამალი უნდა ყოფილიყო, მისი შეგირდის სულში სულ სხვა ნაყოფს ამნიფებდა. ტურიკელას ამბიციურობა ყოველი სტრიქონის დაბეჭდვით იზრდებოდა და მალე ქალაქში ისე დააბიჯებდა, თითქოს საფრანგეთის აკადემიაში აერჩიოთ, ანდა ნობელზე წარედგინოს ვინმეს, ან თვითონ სპილო ყოფილიყო, დანარჩენი თანამოქალაქენი კი ცეროდენების ლაშქარი...

ამასობაში მოაწია არეულობის ჟამმა...

* * *

მიძმე დღეები დაუდგა ჭალაღელეს. მიტინგებმა წალეკეს ქუჩები და მოედნები. მწერალი ბოკერია წალვლიანი დადიოდა. მის შემრიგებლურ სიტყვებს ყურს არავინ უგდებდა, რაკი შერიგება არავის ეწადა. ტურიკელამ გააასკეცა ყურადღება. ლეკვივით კუდში დასდევდა თავის „შეფს“, იცავდა არსებული და არარსებული საფრთხეებისაგან... მოჰქონდა ცინცხალი ჭორები, დღეს მიტინგზე გაგლანძღეს, „მოლალატი“ გინოდესო. ურჩევდა, ხალხში ნუ გამოჩნდები, რაიმე პროვოკაციას არ გადაანყდო, ხანდახან ფრთხილად ჩაურთავდა: „შეფ, იქნებ ვინმემ ენა მოგიტანოს, ვითომ შენს აუგს ვიძახდე, არ დაიჯერო, მე ისე, ხანდახან... თორემ მეც გადამთელავენ...“ ამას რომ ამბობდა, უფერული თვალეები აცაბაცა გაურბოდა და ბოკერია კარგადაც ხედავდა, ტურიკელას სულში რა ცეცხლიც ტრიალებდა. ბოკერიას თავისი ზნეობრივი სიმართლისა სწამდა და შეგირდის გაორგულებას ფილოსოფიური სიმშვიდით ხვდებოდა. „დროა ასეთი, — ფიქრობდა თავისთვის, — ადამიანები სიძულვილით დაავადნენ!“ ამიტომაც შემოეფანტნენ ნაცნობ-მეგობრები, თანამშრომლები და იძულებული ხდებოდა ტურიკელას დაყრდნობოდა... ტურიკელას კი მოხრაკულის სუნი სცემდა, იერარქიის საფეხურები ეზმანებოდა. „შეფის“ სტატუსს იგი ვერ შეჰბედავდა, დანარჩენ საფეხურებზე კი ბოკერიას ისედაც აჰყავდა... დედაქალაქში დაბრუნებისთანავე, მწერალთა საძმო შეაწრიალა, შეგირდის ნამცეცა ღირსებები ცამდე ასწია და იმდენი მოახერხა, სასწაული მოახდინა, საძმოს წევრებმა მისი ხათრით საკუთარ წესდებას თვალი დაუხუჭეს და ტურიკელას საძმოს წევრობის ბილეთი მიართვეს... მაღლიერი შეგირდი ტყავიდან ძვრებოდა, ხშირად ურეკავდა ჭალაღელიდან, იქაურ ამბებს ჩამოუკაკლავდა. მისი ნაამბობი დასმენას უფრო ჰგავდა, რადგან ბოკერიას გულის მოსაგებად მეგობრებსა და თანამშრომლებს უბეზდებდა, ოღონდაც ჭალარა მწერალი გუმანით ხვდებოდა, რა თამაშიც თამაშდებოდა, და ამ დასმენებს ყურს არ უგდებდა, თუმცა ცნობისმოყვარეობას შეეპყრო, აინტერესებდა, რამდენად შორს შეტოპავდა მისი მონაფე...

დაბადების დღეზე ჩამოაკითხა თავის მფარველს ტურიკელამ. ლამაზად შეფუთული ფერწერული ტილო მოართვა — „იმერული პეიზაჟი“. ალბათ, ხელფასი ამას ვერ შეწვდებოდა. ბოკერია შენუხდა, არ იყო ჩვეული ასეთ საჩუქრებს, მაგრამ უკან გატენევა ომის გამოცხადებას ნიშნავდა და მადლობა უთხრა... კაბინეტში განმარტოვდნენ და მაშინ შეგირდმა ხვეწნით შეაპარა: რამდენი ხანია შენი მოადგილე ვარ, ბრძანებას კი არა და არა წერ, ალბათ ამიტომაც, არავინ არაფრად მაგდებს, არავინ მაფასებს... მწერალ ბოკერიას გული კარნახობდა, შეჩერდი, ეყოფა, რა სიკეთეც ამისთვის გიქნია, ხვალ ხელსა გკრავს და უფსკრულში გადაგჩეხავსო... ერთხელ კიდეც მოერია ბოკერია თავის თავს, გულისთქმა ჩაიხშო და ბრძანების ტექსტი ჩამოანიჭნია. ბოლო წუთს კალამი ასწია, შეგირდს გაუღიმა და წინასწარმეტყველურად უთხრა: „ერთმან თქვენგანმან მიმცეს მე!“ ტურიკელას პირზე სისხლმა მოასხა, აცმუკდა, ნათქვამი ფამილარულ შეხუმრებაში გადაუგდო: „მე მეუბნები მაგას?.. მე შენ გილალატებ?..“

ბოკერიამ ბრძანებას ხელი მოაწერა...

* * *

ბოლო თვეები მწერალი ბოკერია შეუძლოდ გახლდათ, წნევა დაუჩემდა, თავის ტკივილები აწუხებდა, ღამ-ღამობით ველარ იძინებდა. ზამთრის ცივი ღამეები, უსახსრობა, შიმშილი, — ოჯახს ძლივს არჩენდა და საფიქრალი მოეძალა... მისი იმედები და ოპტიმიზმი აფხაზეთის ომში ჩაიბუგა. ძალა არ ყოფნიდა ძველებურად ევლო ჭალაღელეში, ხელფასი ხომ ავტობუსსაც ველარ განვდებოდა. თანდათან გუნებაში უყალიბდებოდა აზრი, გადავდგები და თუ რამ ღონე დამრჩენია, სჯობს ოჯახსა და სანერ მაგიდას შევალიო.

ერთი ღამის სავალ გზას ორი ღამე დასჭირდა ჭალაღელემდე. ჭუჭყიან ვაგონში მოკუნტული ბოკერია ფიქრში ისევ და ისევ იმას წონიდა, როგორ მოევლო თავისი აწეწილი, უიმედო საქმეებისათვის, ჭოჭმანობდა, ჩემი ადგილი ტურიკელას თუ დავუთმე, ამით საქმე წახდება თუ ბოლოს და ბოლოს ტურიკელა სძლევს თავის თავს, დაიკმაყოფილებს პატივმოყვარეობას

და სიკეთისკენ შემობრუნდებო.

დაღლილი, გამოუძინებელი მივიდა სამსახურში. ჯერ კიდეც ადრე იყო, თანამშრომლები აგვიანებდნენ. ბოკერია მაგიდას მიუჯდა და ჩაფიქრდა. განცხადების ტექსტი თითქმის მოაზრებული ჰქონდა, მაგრამ ალბათ აჩქარებაც არ ივარგებდა. სამსახურის სუფთა ბლანკი მოიძია და ვერ იპოვა. მოადგილის კარადიდან სქელტანიანი საქალაღდე გადმოიღო. ახსოვდა, რომ ტურიკელა ამ საქალაღდეში სუფთა ბლანკებს ინახავდა.

ჩახედა ბოკერიამ და თვალი აუჭრელდა, გული აუჩქარდა. ჯიბიდან ვალიდოლი ამოიღო და მონუწნა. „ნაბიჭვარი!“ — შეუკურთხა ხმადაბლა. დიახ, მთელი ოცნლიანი მცდელობა წყალში გადაეყარა, მისმა აღმზრდელობითმა ექსპერიმენტმა სრული ფიასკო განიცადა.

თითქოს ელოდა კიდეც მსგავს რამეს, მაგრამ ბოლომდე არა სჯეროდა. ახლა კი ვალიდოლს წუნნიდა და კითხულობდა ღამაზი კალიგრაფიით დანერილ ტექსტებს, შინაარსზე მეტად მისი მასშტაბები და მრავალფეროვნება აოცებდა... ხანგრძლივობა დროისა, რადგან ეს ნაღვანი, ალბათ, მრავალი წელი გროვდებოდა.

ტურიკელას საოცარ წესრიგში მოეყვანა თავისი ერთადერთი ნამდვილი წიგნი, ერთადერთი ნაწარმოები, რომელიც დიდი რუდუნებითა და მონდომებით შეექმნა — ეს იყო კრებული განცხადებებისა და საჩივრებისა, „დონოსების“ კლასიკური ნორმებით შედგენილი... სკრუპულეზურად აღრიცხული და დანომრილი, ადრესატების მიხედვით დალაგებული, ჭალაღელის გამგეობიდან გაერომდე... ხან გულისამაჩუყებელი ლირიკა, ხან ცრემლიანი ჩივილი, მხატვრულად შეღამაზებული ცილისნამებანი... კითხულობდა მწერალი ბოკერია და ამ ავადმყოფურ ნაბოღვარში საკუთარი თავი ვერ ამოეცნო... თურმე იგი ტირანი და კაცთმოძულე ყოფილა, გზის ყაჩაღი და მძარცველი, დონ ყუანი და კაზანოვა, თურმე განუდგა ქრისტეს რჯულს და ერთბაშად მაჰმადის მიმდევარიც გამხდარა და იუდეველიც, თურმე აღმოსავლეთში შევარდნაძისტია, დასავლეთში — ზვიადისტი, თურმე რაც დაუნერია, მის დანერილს არა ჰგავს და თუ მართლაც მისია, ამით ყოყოჩობს და სპეკულიანტობს, თურ-

მე „დიდი კაცი პატარა კაცის როლს თამაშობს“, ვითომ კეთილ, თბილ ადამიანად წარმოგვესახება, თორემ გულში ბნელი ზრახვები აქვს და სამშობლოს ერთ მუჭა ვერცხლად გაყიდის...

კითხულობდა ამებებს ბოკერია და ვერ მიმხვდარიყო, გასცინებოდა თუ ეტირა. გრძნობდა, რომ ბინძურ ქაობში ეფლობოდა, ტალახში იგანგლებოდა და, რაც ყველაზე შეურაცხმყოფელი იყო, ეს ტალახი საჯაროდ უნდა ჩამოერეცხა.

ზიზლით გასწია საქალაქდე... „როგორ უნდა შემომხედოს!“ — ფიქრი აეკვიატა, იმის მაგივრად თვითონ რცხვენოდა.

„შეფ!“ — ტურიკელას ნანვეტიებული ცხვირ-პირი დაბარებულივით დაეხატა.

„ღორის ტილი!“ — დააგდო ბოკერიამ და წავიდა...

გული ცუდად უხდებოდა, მუხლებში ძალა ელეოდა.

ზურგიდან კი ტურიკელას გამყინავი კივილი წამოეწია:

„გაგასაღებ, იცოდე!.. შენი ყოყოჩობით გვარცხვენ ჩვენ, მწერლებს! მეც კი დავწერ შენისთანა ნიგნებს! ზევიდან რომ მიყურებ, იმიტომ გაგიკეთე ეგრე!..“

თითქოს ტალახის გუნდები ხვდებოდა ბოკერიას და სული ეხუთებოდა, მიიჩქაროდა, რათა სადმე ანკარა წყალი ეპოვა და დროზე ჩამოერეცხა ქუჩყი და ზილფი...

* * *

მეგობარი გაეხუმრა:

„აკაკის „გამზრდელი“ ხომ წაგიკითხავს? თუ გინდა, პისტოლეტს გათხოვებ!“

ბოკერიამ ამოიხრა:

„ოცი წლის წინ თიხა ავიღე, ვიფიქრე, მოვზელ, ქოთანს გავაკეთებ, ლობოს მოსახარშად მაინც გამოდგება-მეთქი. ოცი წლის წვალების შემდეგ ძლივს მივხვდი, თიხა კი არა, ფუნა ამიღია, აბა, რა ქოთანი გამომივიდოდა!“

თქვა რუქამ არაკი: მავანს განგებამ ბუზისტოლა ნიჭი უბოძა, იმან სპილოსხელა ამპარტავნობა აიკიდა, ნაყოფად კი შხამი და ბალღამი მოისხა.

გაზეთი „ლიტერატურული საქართველო“,
7 ოქტომბერი, 1994.

მოყაე ქალაქში

იქნებ არ დამიჯეროთ, მაგრამ უცხო მოყმე ჩემი თვალთ ვიხილე 9 აპრილის ბაღში, ამერიკის საელჩოს წინ, სადაც ჯიგარი ბოლშევიკების პატივისაცემად კედელია აყუდებული და წყლის კასკადი მუდამ ამომშრალია. მუდამ-მეთქი, თუმცა ზოგჯერ, როცა მერია მოისურვილებს, ზედა ბაღში შადრევანს ჩართავენ, ქვედას კასკადი წყლით აივსება და მსუბუქი ლუკლუკით მიედინება. ეტყობა, ასეთი დღე იყო სწორედ, მავანმა თადარიგი დაიჭირა და წყალი მიუშვა...

დილის თერთმეტი იქნებოდა, ქაშუეთიდან ბილიკი მოკლევზე გადავჭერი. ირგვლივ ვერაფერს ვამჩნევდი, რადგან, როგორც ბოლო დროს დამჩემდა, ღრმად ჩავიძირე ფიქრთა შინაპური არსობისას თემაზე, რაიც დღეს ყოველი ჭეშმარიტი ქართველის საფიქრალია. მოულოდნელად ჩოჩქოლმა გამომაფხიზლა. ვხედავ, ლუდის რესტორან „ყაზბეგსა“ და კასკადს შორის ბრბო წრედ შეყრილა, რალაცას მისჩერებია, ჩვენი მედიის ყოჩალი წარმომადგენლები კი აქეთ-იქით დარბიან თავიანთი მიკროფონებითა და აუდიოვიდეო აპარატებით. ვიფიქრე, ერთი რიგითი საპროტესტო აქციაა და საცაა რომელიმე პარტიული დემაგოგი მეგაფონში ჩასჭექს-მეთქი. ყელში ამომივიდა ეს უშედეგო მიტინგური ბაკჰანალია, რომელთა მეშვეობითაც მავანნი (პატიოსნად დაკომპლექსებულნი ან, კიდევ უარესი, პოლიტიკური „პროსტიტუტკები“) ცდილობენ ზედაპირზე ისე იტივტივონ, როგორც ნეხვმა წყალზე და გადავწყვიტე, გვერდი ამევლო, მაგრამ ცნობილ ჟურნალისტსა და სიმართლის ქომავს კაკოს შევეჩქეხე, მეგობრულად კაკულიჩას რომ ვეძახით... ცხვირი სენსაციაზე დაგეშილი ძალღვივით უთრთოდა, მელოტით მზის სხივს ირეკლავდა და ლაპლაპი გაჰქონდა. კალთაზე ხელი მტაცა კაკულიჩამ, მიკროფონი პირში ჩამჩარა და შეკითხვები მომაცარა, რას ფიქრობოთ, რა აზრისა ხართო, რას უნდა ნიშნავდესო და ამდაგვარები. მე, რა თქმა უნდა, ჯერჯერობით არაფერსაც არ ვფიქრობდი, აზრზეც არ ვიყავი და არც ვიცო-

დი, რას ნიშნავდა ყოველივე ეს, მაგრამ წელანდელი ჩემი ნაფიქრალი გამახსენდა და მსმენელს უმალ გავეუზიარე: მიტინგებით საქმე არ გაკეთდება, „ამათ“ ე.ი. მთავრობას, ერთი კარგი მათრახი მოუხდება-მეთქი.

მათრახიც აგერააო, მიმახედა კაკულიჩამ და უცხო მოყმე მაშინ დავინახე, ჯდა მტირალი წყლისა პირსა... დიახ, ქვაზე ჩამომჯდარი დევგმირი მუხლს იდაყვით ეყრდნობოდა და მჯილი ნიკაპქვემ ამოედო. ტანზე ვეფხის ტყავი ემოსა, ქუდიც ვეფხის ტყავისა ეხურა. ხელთ ნაჭედი მათრახი ეყურა, მკლავის სიმსხო იქნებოდა (ჩემს მკლავებზე დავიხედე!). იქვე შავი ცხენი იდგა, ლაგამ-ალვირ-უნაგირზე თვალ-მარგალიტი უხვად ეყარა. ფლოქვს ფილაქანს სცემდა და დრუნჩს პატრონის ზურგს უხახუნებდა, თუმცა პატრონი ამქვეყნიურს გარიდებოდა, წყალს ჩაწყურებდა, თვალთაგან ცრემლი წკაპა-წკუპით სცვიოდა...

პირი დავაღე... აქ რა უნდოდა? საიდან ჩამოეხეტა? რისთვის? (ისიც ვიფიქრე, ალბათ, გადაღებაა და ეს გრიმიანი კახი კავსადეა-მეთქი!).

კაკულიჩასაც მსგავსი ეჭვები ანუხებს, ცდილობს მიუჩორდეს, კითხვები დააყაროს, მაგრამ ცხენი ავად ფრუტუნებს და მამაცი ტელეფურნალისტი უკან იხევს.

ბრბო თანდათან მატულობს, ბევრდება, ხმამაღლა ყაყაინებს... ვილაცამ დროშა ააფრიალა, სხვებმა სახელდახელო პლაკატები გამოაჩინეს — „მოგვეცით პენსია!“ „ვინ შეჭამა ჩვენი 12 ლარი!“ „გმირთაგმირო, გვიშველე!“

ამას უკვე პოლიტიკური პროვოკაციის სუნი ასდინდა, რადგან ყველამ იცის, ჩვენს სახელმწიფოს ხაზინაში 12 ლარი არა აქვს.

მშრალი ხიდის მხრიდან მუხრუჭების ხმა გაისმა. ბალის კიდესთან „მერსედესი“ და რამდენიმე მიკროავტობუსი გაჩერდა.

მერსედესიდან ტელეეკრანებით ცნობილი, ფორმით ბებერი, შინაარსით ახალგაზრდა (ან პირუკუ) ჭალაროსანი (რათქმა უნდა, მღებრიშვილი) გადმოვიდა, მიკროავტობუსებიდან კი სულ დარჩეული, ტალიკ-ტალიკი სპეცნაზელები ჩამოცვივდნენ, მწკრივში გაიშალნენ და წამოვიდნენ, თან ხელკეტები გასაგებად აათამაშეს. ამათ, ცხადია, წინ ჭალაროსანი წამოუძღვა,

თან მამაშვილურად გვმოძღვრავდა:

— რა გინდათ აქ? წადით სახლებში! ოჯახები არა გაქვთ? შვილები არ გეცოდებათ? მაინცდამაინც უნდა მეცემინოთ, მერე კი ქვეყანას მოსდოთ, გვცემო?

გულუბრყვილონი ამ დარიგებას ყურს არ უგდებდნენ, მრავალგზის ნაცემნი, მათ შორის კაკულიჩაც, ფრთხილობდნენ.

აგერ ტარიელამდე მიაღწია ჭალაროსანმა. კინალამ დავნერე, თავს წამოადგა-მეთქი. თავს როგორღა წამოადგებოდა, როცა დამჯდარი ტარიაც უფრო მაღალი და წარმოსადეგი ჩანდა.

— მოქალაქე! მიტინგის ნებართვა გაქვს? სანქცია მოგცეს? რატომ მაიძულებ, გენაცვალე, რომ დაგაპატიმრო, ჰა? წადი, ძამია, შინ და ეგ ცხენიც თავლაში დააბი!

როდის-როდის გამოფხიზლდა ტარიელი, თავი ასწია, ამოიხრა — „აჰ, ნესტან, ნესტან!“ მერე უცხოდ გადახედა გარშემომყოფთ, წამოიმართა და ზევიდან ზვიადად დაგვაცქერდა, ხელები აგვიქმია, როგორც აბეზარ ბუზებს.

— ხულიგანია! — დაასკვნა ჭალაროსანმა. — ჩატენეთ ერთი მანქანაში!

ჩატენეთო? რაც ამ ბრძანებას მოჰყვა, იმისი აღწერა მხოლოდ შოთას კალამს ძალუძს!

როგორც ატოტვილ დათვს მიესევინა დაგეშილი ძაღლები, ისე მიესიენ ტარიელს სპეცნაზელები. ზოგი ფეხებში შეუვარდა, ზოგი წელში ჩაეჭიდა, მკლავებზე ჩამოეკიდნენ, უფრო მკრთალნი ცდილობდნენ ხელკეტი შორიდან ზურგზე დაერთყათ. მსუბუქად შეტრიალდა ტარია, წამში ჩამოიბერტყა შემანუხარნი. ორმა სპეცნაზელმა წყალში მოადინა ტყაპანი, ერთი ფილაქანზე პირქვე გაიშოტა, ერთმა კიდევ თავით ბალის სკამი გაანგრია...

ტარიამ მათრახი ასწია, მეგონა ჭალაროსანს გადაფხრინავს-მეთქი, მაგრამ გადაიფიქრა, ცხენს ალვირზე მოჰკიდა ხელი და ბრბო დინჯად გაარღვია. ცხადია, გზას შიშინად და თან აღფრთოვანებით უთმობდნენ, ხმის გაცემას ვერავინ უბედავდა.

დაიძრა ეს ხალხი და უკან მიჰყვა, სხვებს არც მე ჩამოვრჩი, ლამისაა ცხენის კუდისათვის ხელი ჩამეგლო.

თაბუკაშვილის ქუჩაზე რომ გავედით, უცბად სიმღერა შემომესმა. მავანი ისეთი ტენორით არაკრაკებს, პავაროტი მონილია. გიორგი ჭანტურიას ქუჩის მხრიდან კაი ყმა თეთრ ცხენს მოაგელვებს, თან ისე მღერის, სხვა ვითარებაში, ალბათ, სმენად მხეცნი მოვიდიან, თუმცა ამ ქალაქში ადამიანებთან ერთად მხოლოდ ძაღლები, კატები და ვირთხები სახლობენ და ყველამ ყურნი ვცქვიტეთ... ვიცანი, როგორ ვერ ვიცანი!.. ბატონ ავთანდილს ვინ არ იცნობს! გუმანით იმასაც მივხვდი, რომ იმ მხარეს, ალბათ, ლიტმუზეუმში სტუმრობდა ყავაზე ლამაზ ქალბატონ იზასთან, ქალთა ეს გამოუსწორებელი მუსუსი ესა...

მოვიდა, ცხენიდან ჩამოხტა, ძმობილს ჩაეხვია და ჩვენს თვალწინ ორივემ ცხარე ცრემლით იტირა, რითაც გული ფრიად აგვიჩუყა.

„აჰ, ნესტანო ჩემო, დარეჯანო!“ — ერთხელ კიდევ ამოიხრა ტარიელმა და ზედა ბალის ბილიკს შეუყვინ. ჩვენც, რა თქმა უნდა, ფეხდაფეხ მივყევით.

გუდიაშვილის ქუჩის ბოლოს, სადაც ადრე ლადო კეცხოველის ძეგლი იდგა, ძმობილები შეჩერდნენ. საჯარო ბიბლიოთეკის კარებთან ხმაური გაისმა. კიბეს ტაიჭოსანი მოწყდა და აქეთ გამოემშურა. წვეროსანი ვაჟკაცია, წონოლა ქუდი ახურავს, ცხენი ჩორთით მოჰყავს, უკან კი აქოშინებული, ბუნჩულა ლევან ბერძენიშვილი მოსძახის — „მჯერა, მჯერა!“ თუმცა, ეტყობა, ტაიჭოსანს, ჩვენს ძველ ნაცნობს (ამას რა მიხვედრა უნდა!) — ნურადინ-ფრიდონს, არ ვიცი რა და რატომ, მაგრამ არა სჯერა.

ცხენიდან ჩამოხტა ბატონი ფრიდონი, ძმობილებს გადაეხვია, მთელი ხუთი წუთი ცრემლი ჰყარეს და როცა დაწყნარდნენ, სამთა თათბირი გაიმართა.

ტარიელმა თქვა: კი ჩამოვალწიეთ ქაჯეთს, ამ ციხეს სამი კარი აბია — მერია, პარლამენტი და კანცელარიაო...

ფრიდონმა ბრძანა: ჩვენ სულ სამნი ვართ, ქალაქი დიდთავან საომარიაო. დავრაზმით პენსიონერები და ვეტერანები, შევუსიოთ და მივლენ-მოვლენოთ აქაურობაო...

ავთანდილმა ბრძანა: თქვენ დაიმაღენით, მე კი ნატოს

გენერლად „მოვეკაზმი, საქმესა ვიქმ მე მართალსა...“ ისეთ საბუთებს გავშანსავ, ყველა კარი თავისით იღებოდესო...

ტარიელმა ბრძანა: კრედიტს მოგვთხოვენ ეგ წუნკები, ამათ მთელი ინდო-ხატაეთისა და არაბთა სამეფოს ოქრო-ლარით ვერ გამოაძღობ! ამიტომ სამთავემ სამგნით მივჰმართოთ, ფიცხლად დავსხლიტოთ ცხენებო...

ამ დროს ვაზისუბნელმა კოკა ყანდიაშვილმა მოირბინა, მრგვალ პირისახეზე ზრდილობიანი, უკონფლიქტო ლიმილი ახატია: „მეგობრებო, რა ხდება?“ პასუხს ვინ მისცემს, როცა არავინ იცის, თუ რა ხდება, თვითონ კოკამ კი უკვე იცის, რომ რუსთაველზე და თავისუფლების მოედანზე ბეტეერები გუგუნებენ და ჩასუქებულ-ჩაკურატებული, არაკორუმპირებული პოლიცია გზებს კეტავს.

მოახტა ტაიჭს ბატონი ფრიდონი და მერიისაკენ გაქუსლა. შეაფრინდა თეთრ ცხენს ბატონი ავთანდილი და მიუშვა პარლამენტისაკენ. შავ ცხენზე დინჯად შეჯდა ტარიელი და ჩორთით წაიყვანა კანცელარიისაკენ... თავი არ დავიზოგე და კუდზე ხელჩაჭიდებულმა მივდიე.

ბატონი კაკოს ტელერეპორტაჟი გადაცემიდან „60 წუთი“ (ზარისდამცემი მუსიკა, ასიმეტრიული ბადე, გულისგამგმირავი მზერა): ჩვენი ყურნალისტური გამოძიება ეყრდნობა შემდეგ პოსტულატს — ზღაპარი, ფაქტი, ზღაპარი... ამჯერად ჩვენ თვითონ გახლდით თვითმხილველი სკანდალური მოვლენისა, როცა ზღვისპირეთიდან მოვარდა ხელმწიფე ვინმე ნურადინ-ფრიდონი. თუმცა მის სამეფოსთან დიპლომატიური კავშირიც კი არა გვაქვს, მან დაარღვია ჩვენი სუვერენიტეტი და ჯიქურ შეუტია ჩვენს მერია-საკრებულოს. ვფიქრობთ, მის ამ ქმედებაში კლანურ-მაფიოზური დაჯგუფებების აშკარა კვალი იკვეთება. ჭორები უფრო პრეზიდენტის სანათესაოზე მიგვითითებს. აქვე გამოვლინდა სამართალდამცავი ორგანოებისა და მერიის უსუსურობა. თავისუფლების მოედანზე, რომელსაც, ვფიქრობთ, ჯერ კიდევ ცოტათი ილიჩის პოლიტიკური სუნი უდის, ბატონი ფრიდონი რომ გამოვარდა, წინ ველარავინ აღუდგა, გარდა მსუბუქი მანქანების ნაკადისა, ორბელიანის მოედ-

ნიდან რომ მოემართებოდა, და ორი ტროლეიბუსისა, რუსთა-ველიდან რომ შემოუხვია. ბატონი ფრიდონი თავს გადაეველო მანქანათა ნაკადს, გადაჯეგა მწვანე სკვერი და ცხენის ფლოქვებით დააფშვინა მერიის წინ ჩამწკრივებული ფირმა-მანქანების შუშები, რომელთა ფასი, ჩვენი დაანგარიშებით, მისი სამეფოს ღირებულებას აღემატება. ბატონ ფრიდონს ალბათ ქაჯთა ლაშქარი ეგონა ჩვენი ლოყანითელი პოლიციელები და კაი-კაი მათრახი გადაუჭირა, რასაც წინ აღუდგა პოლიციის შეფი ბატონი სოსო, კაცი ფრიდონზე არანაკლებ პირმშვენიერი, პიერ-კარდენის კოსტუმში გამონყობილი და ძვირფასი ჰალსტუხით დამშვენებული. ამ დროს ბატონი ფრიდონის ცხენმა დიპლომატიური ეთიკა დაარღვია და მერიის შესასვლელთან ჩონჩორიკი დაყარა, რითაც, ერთი მხრივ, მერიის სანიტარული მდგომარეობა გააუარესა, მეორე მხრივ, პიერ-კარდენის კოსტუმიც გასარეცხი გახდა... სამწუხაროდ თუ საბედნიეროდ, ეს ჩვენ ჯერაც ვერ გაგვირკვევია, პოლიციამ გავეშებული გამირთავმირი ვერ შეაკავა, იგი ფოიეში შეიჭრა, თან ხულიგნურად ყვიროდა — გამოდით, დამენახვეთ ქაჯებო, რაც უპირველესად, ალბათ, საკრებულოს ეხებოდა, თუმცა მამაცი დეპუტატები მაგიდებქვეშ შეძვრნენ და გაისუსნენ, რადგამ ამათ არამც და არამც მათრახი არ უყვართ. სამაგიეროდ, უცხო სტუმარს გამოეგება ინტელიგენტურად დახვეწილი ბატონი ვანო და აუნყა, რომ ქალაქის მომდევნო წლის ბიუჯეტში გავითვალისწინებთ ბატონი ფრიდონის ყველა მოთხოვნასო...

ბატონ კოკას ტელერეპორტაჟი გადაცემიდან „რა ხდება?“
(სარეკლამო რგოლი ცოცხალ-მკვდართა პოლიტიკური სიფათებით): რა ხდება, მეგობრებო, და ჩვენს არეულ, მაგრამ მაინც დამყაყებულ დროში გამოგვეცხადა არაბთა ხელმწიფის ზედსიძედ მყოფი მისი უდიდებულესობა ბატონი ავთანდილი... ალო, გისმენთ!.. მაყურებლის ზარი ვერ გამოვიდა!.. დიახ, მე ფეხდაფეხ მივყვებოდი მის თეთრ ცხენს, თუმცა სირბილის დროს ფლოქვების მეტს ვერაფერს ვხედავდი. ბატონმა ავთანდილმა და მეც, რა თქმა უნდა, დავარღვიეთ ქუჩის მოძრაობის წესები და გადავკვეთეთ რუსთაველის პროსპექტი, რამაც მცირე გა-

უგებრობა გამოიწვია, მაგრამ არავინ დაგვეჯახებია. ამასობაში პარლამენტმა თურმე მოასწრო და სასახლის სვეტებზე არაბეთის სამეფოს დროშა ჩამოჰფინა, თუმცა ბოლომდე დარწმუნებული არავინ იყო, რომ დღემდე მეფის სიძეა ბატონი ავთანდილი თუ რამდენიმე საუკუნის წინ ქალბატონ თინას გაეყარა. პარლამენტმა პროტოკოლს მაინც არ გადაუხვია და ბატონ ავთანდილს შესაბამისი პატივი მიაგო. ტროტუარები და კიბეები წითელი ხალიჩებით მოიფინა... ალო, გისმენთ! მაყურებლის ზარია, ისევ ვერ გამოვიდა... თავდაპირველად სტუმარი საომრად იყო განწყობილი, მაგრამ ბატონი ზურაბის არაჩვეულებრივი დიპლომატიური მოქნილობის წყალობით ვითარება განიმუხტა და არაბეთთან აშკარა ომს გადაფურჩით. ბატონი თავმჯდომარე კიბესთან შეხვდა ბატონ ავთანდილს და სიტყვით მიმართა: ბატონებო, ყველაფერი მოლაპარაკებითა და კონსესუსით მოვაგვაროთ! გამოირკვა, რომ ბატონმა ავთანდილმა სიტყვა „კონსესუსი“ არ იცოდა. უმრავლესობის ლიდერი ბატონი მიხეილ სააკაშვილი შეეცადა მისი უდიდებულესობისათვის განემართა ამ სიტყვის მნიშვნელობა, მაგრამ იურიდიულ ტერმინოლოგიაში ჩაიხლართა და თუმცა ოპოზიციონერი ჯემალ გოგიტიძე ეხმარებოდა (უფრო სწორად, კვანტს უდებდა!), ბატონმა ავთანდილმა ალბათ იფიქრა, სასახლის შიდა ეზოში საჭიდაოდ მიწვევენო. ცხენიდან ჩამოსვლა არ ინება და ისე აჰყვა ხალიჩამოფენილ კიბეს. პარლამენტის ეზოში მთელი დეპუტაცია, იმის შიშით, მათრახი არ დაგვერასო, მუხლმოყრით გაეგება. ამაში გასაკვირი არც არაფერია, რადგან თუ არ გვინდა უცხოური მათრახი ვიგემოთ, დიპლომატიურ ემშაკობას მივმართოთ და მუხლი უნდა მოვიყაროთ, მით უფრო, ადგილობრივი პოლიტიკური ბუშტების წინაშე იოლად ვიყრით მუხლს. გახედა ბატონმა ავთანდილმა მარჯვნივ მოქცავშირელებს, მარცხნივ ამლორძინებლებს და ფრიად გაიკვირვა. ჩემი აზრით, მოქალაქე ცოტათი მუცელჩავარდნილი უნდა იყოს, ამლორძინებელს კი სამშენებლო მტვერი უნდა ეყაროს და ხელისგულეები ნაჯაფი უნდა ჰქონდესო. ამდენი ვარდისფრად დაბანილი, ჩასუქებულ-ჩამრგვალებული დეპუტატი ალბათ იმას ნიშნავს, ეს ქვეყანა

ქონში ცურავსო და აქვე შესთავაზა, ამ სამას კაცში ერთი ვაჟ-კაცი მაინც გამოარჩიეთ, დამეჭიდოს, ღონე მოვსინჯოთო. სამ-წუხაროდ, ამდენ ხალხში ძალგულოვანი არავინ აღმოჩნდა (ზურა ქაფიანიძეც კი!). ქალბატონმა ელენე თევდორაძემ კი გაბედა გამონვევის მიღება, მაგრამ ბატონმა ავთანდილმა დღისით-მზისით, ამდენი ხალხის თვალწინ ქალთან ჭიდილი არ ისურვა და ცხენი დაძრა... ეგონა, ამ ხალიჩას თუ გავყვები, სამეფო, ე.ი. საპარლამენტო დარბაზებში აღმოვჩნდებიო, მაგრამ, ჩვენ ხომ ვიცით, ბოლო კიბე ისევ ქუჩაში გადის და წინიდან შემოსული ბატონი ავთანდილი უკანა კარით კვლავ ქუჩაში აღმოჩნდა... რას იზამ, როცა არც ტანკი გაქვს და არც კუნთი, უნდა იეშმაკო... ალო, გისმენთ? მაყურებლის ზარია!.. გისმენთ!..

რაც ჩემი თვალთა ვნახე (საგაზეთო მიმოხილვა): როგორც ზევითა ვთქვი, ტარიელის ცხენის კუდს ჩავეჭიდე და სირბილისაგან ხვითქი გადმომდინდა. მხოლოდ შავად მბზინავ გავაზე გადმოფენილ ვეფხის ტყავს ვხედავდი, მაგრამ გუმანით მივხვდი და ფეხებმაც დამიდასტურეს, რომ რუსთაველი გადავკვეთეთ, მეტროსთან შეყრილმა ხალხმა აქეთ-იქით უტია, გზა დაგვითმო და კიბეს შევეყვებით. აქ კუდი ხელიდან გამისხლტა, საფეხურზე მუხლი ვიტკინე, თუმცა ყოჩაღად წამოვხტი და ცხენს გამოვენთე. სასახლის ბალის გასწვრივ სხვა დროს მათხოვრები ბლომად სხედან, ამჯერად უსინათლო აჩხაკუნებდა ფანდურს და გულჩვილმა ტარიელმა ოქრო გადაუგდო...

ასე სირბილით ავალწიეთ კანცელარიამდე. აქ კი შევშინდი, თუ შევშინდი! მთელი მოედანი და მისასვლელი გზები პოლიციისა და არმიის ქვედანაყოფებს უჭირავს. ჩვენი მაძლარი პოლიციელები და მშვიერი ჯარისკაცები მედგრად დაგვხვდნენ. ტარიელის გამოჩენაზე ისეთი ბუქი დააყენეს, არ ვიცოდი თავი სად წამელო, ცხენის უკანალი მიცავდა ტყვიისაგან... მგონი, ტყვიამფრქვევიც კი დაგვიშინეს, მაგრამ ტარიელი რისი ტარიელი იქნებოდა, ან ჭკუისათვის მოეხმო, ან შიშის გრძნობა დაუფლებოდა. ცხენი ციბრუტივით დაატრიალა, ჰკრა მათრახი აქეთ და იქით. სანაქებო სამხედრო ოპერაციის შედეგად ჩვენები ოდნავ დამარცხდნენ. მზერა ძლივს შევასწარი, ტარიელი ლომივით

გადმოხტა, შუშის კარები შელენა და ვინც წინ დახვდა, ფარასავით გაირეკა... მან არაფერი იცოდა ლიფტის არსებობის შესახებ, კიბეზე აღიოდა ფრენა-ფრენით, თან მათრახით მიდენიდა ყოფილ და ახალ მინისტრებს, დეპარტამენტებისა და განყოფილებების ტრაკვასიებულ ხელმძღვანელებს, რომლებიც კარგადაც მოსუქდნენ, არასოდეს ურბენიათ და ამათი ქოშინი კილომეტრზე ისმოდა...

ტარიელი კი მისდევდა და იზახდა და ყიოდა — „ნესტან, ნესტან!..“

„რა უნდა ერთი ამ კაცს!“ — იკითხა ბატონმა პრეზიდენტმა.

„ნესტანის განთავისუფლება!“ — მორიდეებით მოახსენა ბატონმა მამრადემ.

„მერედა, ამაზე იოლი რაა? გამოუყვანეთ ქალბატონი ნესტან კირთაძე!“

დერეფანში გამოგოგმანდა ყოფილი პარლამენტარი და მაინც ლამაზი ქალბატონი ნესტანი. ცხადია, ბატონ ტარიელს არავინ გააგებინა, რომ ქალბატონი ნესტანი სხვისი მეუღლეა. შეხედა ძალგულოვანმა („მზისა შუქსა სჯობდა მეტად!“), ვეფხს შეადარა და ბნედამ უნია, გულშემოყრილი ძირს დაეცა...

დიახ, დიპლომატიურმა მოხერხებულობამ ამჯერადაც გადაგვირჩინა ჩვენი მთავრობა და სახელმწიფოებრიობა.

ბატონი ლევანის ტელეგადაცემიდან „მჯერა“ (პატარა მაგიდა, რომელსაც უზის დიდი ლევანი და ხვნეშის): მე მჯერა, რომ ტარიელი გამოჯანმრთელდება და იპოვის თავის ჭეშმარიტ ნესტანს, შესაძლებელია დარეჯანსაც!..

გაზეთი „ლიტერატურული საქართველო“, 22—28 სექტემბერი, 2000.

პური ჩვენი არსობისა (ჩაწიოიისა)

მოქმედი პირნი

ლადიკო — ომის ვეტერანი, გაურკვეველი ეროვნებისა

დარო — ომის ვეტერანი, ყოფილი მფრინავი

თამუნა — 17 წლის

გიგა — 16 წლის

**გამყიდველი, მძლოლი, ჟორა, ელვირა, გალინა სერგეევ-
ნა, თინა, მოქალაქენი და ბავშვები პურის რიგში.**

ისმის ქარის ზუზუნი, ძაღლების ყფა-წკავენკავი

ლადიკო — გაგნვიტოთ ჭირმა! მაინც საიდან შეიყარა ამ-
დენი? ლამისაა დაგვჭამონ! პატრონი არა ჰყავს ამ ქვეყანას,
თორემ ამდენ ძაღლს ვინ გააჭაჭანებდა ქუჩაში! ვონ ოტსიუდა,
ბრის! შეგჭამათ მგელმა და ჩაცვივდით ჯოჯოხეთში! წაიღეს რა,
ტვინი! უჰ, რა ცივა, კაცო! ცეცხლი თუ არ დავანთე, გავიყინები!
აი, აქ მოფარებულა! (შეშის დაყრის ხმა) კიდევ კარგი, ეს შეშა
რომ ვიშოვე! ჯერ ფიჩხი დავანყოთ! მერე ქალაღი ჩაფრთოთ!
ნეტავი რა გაზეთია? არც მახსოვს, გაზეთი როდის ვიყიდე!..
ბნელში ასოებს ვერ ვარჩევ! პარასკევს აქეთ დენი არ ყოფილა,
ვზივარ ამ წკვარამში და არ ვიცი, რა ხდება ცისქვეშეთში! ესეც
ასე! (ასანთს გააჩხაკუნებს) ჩამიქრა! ფუჰ! ვინ იფიქრებდა, ასან-
თი რომ ასე გაძვირდებოდა! (გააჩხაკუნებს) აინთო! ფრთხილად!
აინთო! აქედან უბერავს! აჰა, ქალაღს ეკიდება! ეკიდება! მოეკი-
და! ქარმა შეუბერა! მოეკიდა! მოეკიდა!.. „კომუნისტი“ ყოფილა,
ლიონიას სიფათი გამოჩნდა, ვილაცასთან კოცნაობს! ეჰ, კაი კაცი
იყო ლეონიდ ილიჩი! ძეხვი გინდა, კარაქი გინდა, ვეტერანები პა-
ჩიოტში ვყავდით!.. აბა, ფიჩხი მივამატოთ! ახლა შეშა დავანყო-
თ!.. კაი ღობე ჰქონდა პლატონიჩის ბოსტანს, ქურდებმა ააღ-
ლიტეს, შეშად დაიტაცეს!.. გზაში რაც დაუცვივდათ, ის ავკ-

რიფე! კაცო, აქამდე თუ ვინმეს სმენია, ღობეებს რომ ანგრე-
დნენ და შეშად მიჰქონდათ! პლატონიჩს გულის ხეთქვა ზედვე აქვს!
(ძაღლების ღრინაცელი) განყვეტა-ა!.. არდარჩენა-ა!.. აი, ამ ქვას
გავუქანებ! (ისმის ბრავუნი და ძაღლის შესაბრალისი წკმუტუნი)
ჰი-ჰი-ჰი, მოვარტყი! უყურე შენ, ღონე კიდევ შემრჩენია!.. ვონ ოტ-
სიუდა, უბირაისია! აჰ, დარია ილიჩინა, თქვენა?

დარო — დარო ვარ, დარიკო!.. ძლივს მოვალნიე... რამ გაგ-
ამწარა, კაცო, იმხელა ქვა კინალამ თავში მთხლიშე!

ლადიკო — ლამისაა ძაღლებმა შეგვჭამონ!

დარო — მაგი გიკვირს? ძაღლებისაა ეს ქვეყანა და შეგჭამენ,
მამ რას გიზამენ!

ლადიკო — აქეთ მოინი, აგერ ამ ყუთზე ჩამოჯექი და გათბი!

დარო — ხელი გამომინოდე, თორემ ფეხს წამოვკრავ! აი,
ასე! აგაშენა ღმერთმა! ნაბიჯის გადადგმა მიჭირს, ქუსლებში
თითქოს ნემსები მერჭობა... სიცივემ გამათავა!

ლადიკო — ძაან კი დაგვიბერა! ამბობენ, ქვეყანა რომ
დაიქცევა, ამინდიც მაშინ ჭირვეულობსო. დიდი თოვლიც მაშინ
ცოდნია, სეტყვაც და მიწისძვრაც.

დარო — დავლუპულვართ და ეგაა! თუმცა განა დალუპულნი
არა ვართ, რომ ამ ყიამეთში ქუჩა-ქუჩა დავწანწალებთ? წელან
ერთი წუთით ნათურა აინთო, მთელმა უბანმა სიხარულის სტვენა
დასცხო, ის კი უმაღლ ჩაქრა... გაუხმა ხელი იმის გამომრთველს,
დაუნაცრდა ის თითი, ღილაკს რომ დააჭირა!

ლადიკო — აირია, ბატონო, ქვეყანა და იმის ბრალია! გახსოვს,
ომის დროს რა დისციპლინა გვქონდა! უფროსის ბრძანება კანო-
ნი იყო. დედიშენისაა, სტალინზე ანეკდოტს გაბედავდი, ტყვი-
ას მიიღებდი შუბლში! რაზ-დვაზე იყო მთელი ქვეყანა და ომიც
იმიტომ მოვიგეთ!

დარო — ეჰ, მაშინ კალმით ნახატი ყმანვილქალი ვიყავი,
ცეკვისაგან ქუსლი მიცვდებოდა... ქალთა ესკადრილია გვქონ-
და, ბომბდამშენებზე დავფრინავდით. ბრძანება მივიღე — ნა
ბერლინ! ოჰ, რა ღამე იყო... აი, ასეთივე შავი და უცებ ჭურვები-
საგან და პროჟექტორებისაგან დღესავით განათდა... აფეთქე-
ბების ტალღა თვითმფრინავს აძაგდაგებდა, მეგონა, ვერ გა-

ვალწევდი! ალბათ, ბედი მწყალობდა! ჰე-ჰე, ჩვენ, მფრინავებს ომის დროსაც კი „პაიოკი“ გვექონდა... ორჯერ მივიღე სტალინის მადლობა!

ლადიკო — მე რომ ძალა მქონდეს, იცი, რას ვიზამდი? სტალინის გავაცოცხლებდი... მაგი დაანყობდა ქვეყანას!

დარო — ოჰ, ოჰ, მათრახით გადაგვივლიდა!

ლადიკო — მერე არა ვართ მათრახის ღირსნი? მე რომ შემეძლოს, დავხვრეტდი, დავხვრეტდი, დავხვრეტდი...

დარო — კარგი, დანყნარდი, არავისი დამხვრეტი შენ არა ხარ!

ლადიკო — ჯერ გორბაჩოვს დავხვრეტდი, მერე შევარდნაძეს...

დარო — ვითომ რათაო?

ლადიკო — ვიყავით წყნარად, ჩემი პენსია ყელამდე მყოფნიდა. კონტრდაზვერვაში ვმუშაობდი, სხვა ქვეყნებში პაკეტები მიმქონდ-მომქონდა. მენდობოდნენ და იმიტომ! პენსიაზე გასვლის წინ პადალაკოვნიკობა მომცეს და ექვსასი მანეთი დამინიშნეს!

დარო (*აღფრთოვანებით*) — უხ, ტი!

ლადიკო — მა-აჰ! ექვსასი მანეთი პრაფესორს არა ჰქონდა! კარგადაც ვცხოვრობდი!.. გამოჩნდნენ მერე ის ტყირპიანი და ეს მელაძუა, აშალეს ქვეყანა. გერმანელებმა თურმე ოქროებით აუფსეს ჯიბეები, ოლონდ თქვენ ეს საბჭოთა ქვეყანა დაანგრიეთ და სულ ტორტებს გაჭმევთო... მა-აჰ! ახლა არც სინათლეა, არც გათბობა, არც პური... გერმანელებს თურმე ისიც უთქვამთ, სტალინმა ხომ ომი წაგვაგებინა, სამაგიეროდ მის სამშობლო-ქვეყანას ყრონჭში რომ შიმშილის ხელებს წავუჭერთ, სულ ვაი-დედას ვაძახებინებთო...

დარო — ვაი-დედას გავიძახით და ეგაა!

(*ძაღლის ყეფა*)

ლადიკო — ვილაცა მოეთრევა!

დარო — ჩვენ პირველები ვართ!.. ნეტავი ვინ არის? ის ნარკომანი დაეთრევა ღამ-ღამობით. დაგვინახავს და აგვიხირდება, ტკიპასავითაა, თუ აგეკიდა, აღარ ჩამოგცილდება!.. ხომ ვთქვი, გამოგვეცხადა ხატივით!

გიგა — (*ძაღლს უსისინებს*) ქს-ქს... ეცი, ეცი!.. შეჭამე ეს ბებრები!

დარო — შენ შეგჭამა ჭირმა!

ლადიკო — არა გრცხვენია, ბიჭო, ყოველთვის ასე უნდა დაგვიხეთქო გულები?

გიგა — ვაჰ, თქვენ გულებიცა გაქვთ? ბებრებო, ხედავთ, ძაღლებმაც უარი თქვეს, ამ გადარძუებულებს კბილებს ვერ დავაკარებთო!

დარო — გადარძუებული ბებიაშენია, შე გიჟო, შენა!

ლადიკო — შარზე ხარ, ბიძიკო? ამ შუალამეს ვერ დაეტიე შინ?

გიგა — შინ რა გამაჩერებს? ხომ იცით, რა ჩავიფიქრე?

ლადიკო — კაის რას ჩაიფიქრებდი, ბიძიკო, შენ?

გიგა — უნდა დაგბრიდოთ! მერე კასრში ჩაგამარილებთ და თურქეთში წაგიღებთ გასასყიდად!

დარო — უი, შენ ჩაგინყდა მაგ სალაპარაკო ხმა! შენ დაგიღუძა ენა!

ლადიკო — ისეთი რა დაგიშავეთ, ბიძიკო?

გიგა — იცოდეთ, რიგში პირველი მე ვარ! თქვენ ჭამა რად გინდათ, კბილები აღარ შეგრჩენიათ! ახლა წავალ, დანას გავლესავ და დაგბრუნდები!

დარო — მაგ დანით გაგეფატრა მუცელი!.. არ დაგვაფეთა?

ლადიკო — ჩვენც რას დავფეთდით, ჰა? ეგრე ხუმრობს და...

დარო — ეგ რანაირი ხუმრობაა, ქა? გაგიგონია?.. იმიტომ ვიომე და ვიშრომე მაგდენი, ასეთი რამ მაკადრონ?

ლადიკო — რას იზამ! ქვეყანა გადარეულია და ჭკუა ამას უნდა მოჰკითხო?

დარო — ჭკუა არც მე მომეკითხება, რომ იცოდე! მომწყდეს თავიდან ეს გიჟი-გადარეული, თორემ ისე მაქვს გული გასიებული, იქნებ სულიც გავაფრთხოვინო!

ლადიკო — რავა, თან დაგაქვს შენი „იმენნოი“?

დარო — ნახევარი საუკუნე უჯრაში მედო, არ დამჭირვებია. ახლა ქუჩაში ჭირს გავლა, ვინ იცის, რომელი აგვიხირდება! აგერ სახელურზე აწერია, დარიე ილინიჩნე, ტაკ ი ტაკ, ზა ოტვაგუ ვო ვრემია ვზიატია ბერლინა, ატ ვერხოვნოგო... დიას, ასე აწერია!

ლადიკო — გაისვრის?

დარო — რა ვიცი, გამარჯვების დღეს, ორმოცდახუთში,

ჰაერში ვისროლე! მერე არც გამომიჩენია, იდო თავისთვის, ჭამას არ ითხოვდა! მგონი ჩაიჭანგა შიგ ყველაფერი, ტყვიაც არა დღეს, მაგრამ იმ შტერს კი შევაშინებ!

ლადიკო — გგონია, შეეშინდება? გიჟს ტყვიაც ვერ შეაშინებს! (*ისმის ყეფის ხმა*) მგონი, ვილაცა მოდის!

ჟორა — უჰ, უჰ, რა ცივა, კაცო! კაი გამარჯობა თქვენი! უკვე რიგი დაიკავეთ? მესამე მე ვიქნები! ლოგინიდან ძლივს გამოვძვერი, მთქნარებისაგან ყბები მისკდება. გასკდომა იმას, ვინც ამ დღეში ჩაგვაგდო!

ლადიკო — მა-აშ! ჩვენი წყევლით გასკდებიან სწორედ! ჩვენ ვიკითხოთ, თორემ თვითონ კი არიან თბილ ბინებში მოყუჩებულნი და დოლარებს ითვლიან! გაძარცვეს ქვეყანა და ჩვენ რაში ვენაღვლებით!

დარო — მთელი ცხოვრება ბურჟუასთან ბრძოლაში გამატარებინეს და აგერ თავზე არ წამოგვასვეს! აი, შენი კაპიტალიზმი! პენსიონერი ქალი, ყმანვილქალობა სამშობლოს რომ შევნირე, ახლა ამ ყინვასა და ქარაშოტში ვგდივარ, რათა შიმშილით არ მოვკვდე და მათხოვრული კუპონით ტალონის პური ავილო!

ჟორა — ამბობენ, კიდევ გაძვირდებაო!

დარო — ბარემ დაგვხოცონ და ეგაა!.. ქალის ფეხის ხმა მომესმა!

ელვირა — პასლენი ხარ?

ჟორა — პასლენი რომ არ ვიყო, ამ ცივ შუალამეს კარში ვინ გამომაგებდა!

ელვირა — თქვენა ხართ ბოლო?

ჟორა — ჰო, სამში ბოლო ვარ! მერე გავიხედავ და მეთავე აღმოვჩნდები. პური რომ მოვა, მეთავე ხარო, მეტყვიან... ესაა ადამიანობა?

ელვირა — თქვენს შემდეგ მე ვიქნები, ჩემს შემდეგ სვეტა, გრუშა, სოფა და კარენა!

დარო — რა ამბავია? ჩვენ აქ ვიყინებით, ესენი კი ლოგინებში შუშდებიან და დილით ცხელი პური უნდა მიირთვან! ბარემ მთელი კორპუსისათვის დაიკავე რიგი!

ელვირა — თქვენ რა გენაღვლებათ, ქალბატონო, თქვენ

მაინც წინა ხართ! ამათ სპრავკა აქვთ, ურიგოდ ეკუთვნით, მაგრამ ხალხი რომ არ გვეჩხუბოს, იმიტომ ვიკავებ!

დარო — ეს კაცი ომის ვეტერანია და ურიგოდ ეკუთვნის, მეც, მაგრამ მთელი ღამე აგერ ვგდივართ და ველოდებით!

ელვირა — დედიჯან, ახალგაზრდებს ძილი უყვართ. პენსიაზე რომ გავალ, მეც ეგრე გავაკეთებ!

ჟორა — კაია კაი ძილი, მაგრამ სადაა. ჯერ ამ გაყინულ ლოგინში უნდა ჩაძვრე, ძლივს ჩათბუნდები და თვალის მოხუჭვას ვერ მოასწრებ, უნდა ადგე, ეს ოხერი კუჭი წამოგაგდებს... გალინა სერგეევნა, თქვენა?

გალინა სერგეევნა — ზდრასტტე, დარაგოი! გუშინ ვერ ვიკიდე პური, რა ვკნა, რა ვაჩამო ბავშებს? ოჩერედის სპისოკი გაკვთ?

ელვირა — თქვენ მეთავე იქნებით!

ჟორა — ქალი მეოთხედ მოვიდა და მეთავე რატომ იქნება?

ელვირა — დანარჩენი დაკავებულია, აგერ სპისოკს ვადგენ!

ლადიკო — ვინ უყურებს მერე მაგ სპისოკს, პური რომ მოვა, გააქრობენ და რიგს იერიშით აიღებენ! (*ისმის ძაღლის ყრუ ღრენა*) მგონი, ისევ ვილაცა მოდის!

დარო — ანი მალე გათენდება, მოცვივდებიან ნებიერები და რიგსაც ჩვენზე წინ დაიკავებენ!

ქალიშვილის ხმა — ვაიმე, არ მიკბინოს! მურა, მურა!

ლადიკო — ბრის! რომელი ხარ, ქვა არ მოგხვდეს!

ხმა — არ ესროლოთ, ეს ძაღლი კეთილია!

ლადიკო — დღეს ძაღლი კი არა, კაცი არაა კეთილი!

დარო — ევა თქვი, ძაღლური ყოფა ჯობია ჩვენს ცხოვრებას!

თამუნა — გამარჯობათ, ძალიან შემეშინდა! დიდი ძაღლი იყო, მეგონა, გადამყლაპავდა, მან კი ლაქუცი დამინყო!

ლადიკო — უპატრონო ძაღლებით აივსო ქვეყანა!

ელვირა — ძაღლი ვის გაახსენდება, ადამიანმა არ იცის რა ჩახეთქოს!

ჟორა — ჩემს მეზობელს ჰყავდა, დღეში სამ კილო ხორცს მიირთმევდა. ახლა ხორცი თავისთვის არა აქვთ. შვილივით ზრდიდნენ და ქუჩაში კი გამოაგდეს!

გალინა სერგეევანა — საცკალი! დზაგლი კი არა, ნიშჩი ბავშვებით აივსო კალაკი!

თამუნა — მოდი, მურა, მოდი, აგერ ცეცხლთან დანეკი და გათბი!

(ძაღლის ნკმუტუნნი)

ლადიკო — მურა ჰქვია?

თამუნა — არ ვიცი რა ჰქვია! მურა-მეთქი და კუდი დამიქიცინა!

ლადიკო — იქნებ ცოფიანია, ახლა ხომ იცი, ცოფიანის ნამალი არ იშოვება!

დარო — ადამიანზე ცოფიანი მაინც არ იქნება! შენ ნარგიზა მასწავლებლისა არა ხარ?

თამუნა — დიას!

დარო — მერე ამ სიცვიეში რას გამოგაგდო, რანაირად გაგიმეტა?

თამუნა — არ მიშვებდა, მაგრამ ჩაეძინა და გამოვეპარე. სიცხიანია, ველარა დგება, ჩვენ კი სამი დღეა, პური არ აგვიღია. შინ ფინჩხიც არ მოგვეძევა, შიმშილით ხომ არ დავიხობცებით.

ლადიკო — მამა სადაა?

თამუნა — არა მყავს! მილიციაში მუშაობდა და ოსეთში გააგზავნეს. იქ მანქანა ნაღმზე აუფეთქდა...

დარო — ახლა იმდენი სიკვდილებია, თვლას ვერ აუდიხარ ადამიანი. ყველასათვის თითო ცრემლი რომ გაიმეტო, თვალეზი ამოგიშრება... ნადი ახლა შინ, რიგი დაკავებული გექნება, ამ რუსის ქალის შემდეგ დადგები!

თამუნა — გმადლობთ... ვერ წავალ!

დარო — რატომ?

თამუნა — სადარბაზო ისეა ჩაბნელებული, სულ მუხლების კანკალით ჩამოვედი. საფეხურები სათითაოდ დავთვალე, კისერი არ მოვიტეხო-მეთქი. მეჩვენებოდა, რომ ვილაცა დადარაჯებულია... ხელი რომ მტაცოს, შიშისაგან იქვე მოვკვდები.

ლადიკო — იჯექი მაშინ ჩვენთან, აქ თითს ვერავინ დაგაკარებს! ესაა ცხოვრება? საკუთარ სადარბაზოში ვერ შესულხარ კაცი, შიშისაგან სული გძვრება. არადა, სიყმანვილეში შიში არ ვიცოდი, რა იყო! ერთხელ პაკეტი მიმიქონდა, კაიროდან

ალექსანდრიაში, რა თქმა უნდა, სეკრეტნი. მოტოციკლით ჩავგრიალდი. ომი იყო, რომ დავეჭირეთ, შპიონი ხარო და დახვრეტა ზედვე მქონდა. მე კი ვითომც არაფერი... ახლა სიცოცხლე არცა ღირს, მაგრამ სიკვდილი მაინც მაშინებს ეს ოხერი...

დარო — ეჰ, ამ გაძალღებულ სიცოცხლეს რა ფასი აქვს, ვინც მინაშია, უფრო ბედნიერია! შენ რა გქვია?

თამუნა — თამუნა!

დარო — შენს ასაკში პირველად ჩამოვხტი პარაშუტით, „კუკურუზნიკიდან“. თავდაპირველად ძირს რომ დავიხედე, თავბრუ დამესხა, მაგრამ ახალგაზრდას სიკვდილ-სიცოცხლე თამაშად მიაჩნია... ვისკუპე და გადმოვფრინდი! ბედნიერი ვიყავი, რომ გავბედე! ახლა ამ ყუთიდან რომ ვისკუპო, მიწამდე სული არ დამყვება! რად მინდა ეგეთი სიცოცხლე, მაგრამ დახე... თავს მაინც ვერ ვიკლავ!

თამუნა — რა ბედნიერებაა, პარაშუტი... *(ძაღლის ყრუ ღრენა)* მურამ ვილაცა იყნოსა!

ლადიკო — ისევ ის იქნება, ვერა და ვერ მოისვენა!

დარო — ჭკუაზე ნუ შემშლის, თორემ მართლაც დავუძრობ ჩემს „იმენნოს“!

ლადიკო — არავინაა! ნეტავი მაგდენს არ ლელავდე! მატრ-ბაზობს და რა გენაღვლება, გაერთოს. შენ ვითომ არაფერი, ვითომ არც გაგიგონია...

დარო — ვილაც დამთხვეულმა გადაღრძუებული მიწოდოს და მოუყრუო? აფსუს, ჩემო ყმანვილქალობავ! ერთხელ უშნოდ ატროკებულ მაიორს სილა რომ გავუღანუნე, იმისმა ტკაცანმა პოლკის შტაბამდე მიაღწია! ორი მეტრის სიმაღლისა კი იყო, მაგრამ კინალამ წაიქცა...

თამუნა — დედა-ა, არ შეგეშინდათ? მე კი გული გამისკდებოდა. ახლაც მაკანკალებს, მეჩვენება, რომ სიბნელიდან გვითვალთვალევენ!

ჟორა — ძაღლის თვალეები იქნება, გენაცვალე, სიბნელეში ანათებს!

ლადიკო — აი, თვალეებს შორის ამ ქვას რომ გავუქანებ, მერე მითვალთვალოს რამდენიც უნდა!

გიგა — აგერ მეც გამოვცხადდი! სალამი, სალამი! საგრძნობლად მომრავლებულხართ!

ლადიკო — მატრაბაზობს რა!

დარო — სიხარულისაგან ლამისაა სუნთქვა შემეკრას! საუკუნე იქნება შენი ხმა არა მსმენია!

გიგა — ვა, რა ნაშები შეკრებილან! ეს რა კაი რუსის დედაკაცია!

გალინა სერგეევნა — ია ტებე დამ რუსის დედაკაცი! ამ ბიჩს რა უნდა?

ლადიკო — ერთობა!

გალინა სერგეევნა — პოლიციაში დავუდზახებ და იკ გაერთობა!

გიგა — გული არ გამიხეთქო! ეს კიდე ვინაა? აჰ, სირუნ-სირუნ...

ელვირა — ჭკუით იყავი, თორემ ჩემს ქმარს ვუთხრა, ავტომატი გამოარბენინოს...

გიგა — შეითხაროს მაგ ავტომატი, სადმე მოპარული ექნება!

ჟორა — შენ, ბიჭო, ცოტა ზრდილობიანად...

გიგა — ბიძა, უკან დაიხიე, თორემ მოვიდა დანა...

თამუნა — ვაიმე!

გიგა — გეშინია ჩემი? ვაჟკაცურად მითხარი, ხომ გეშინია?

თამუნა — ჰო!

გიგა — ღრრ!.. ჰამ! მგელი ვარ და შეგსანსლავ! აი, ამ გოთვერანს კი ჩემი არ ეშინია! ძაღლო, ხომ არ გეშინია ჩემი? აი, შე ბამბურავ, შენა! (*ძაღლი წკმუტუნებს*) მეპადხალიმები, ტო? პირუტყვია და იცის, რომ უნდა წამეპადხალიმოს!.. ამას არ ეშინია, შენ კი გეშინია!

დარო — რა გააჭირე საქმე, გეშინია-მეშინია... არავის შენი არ ეშინია!

ლადიკო — ჰო, არ გეშინია!

გიგა — თქვენ ხმა გაკმინდეთ, თორემ ხომ იცით, დანა გალესილია. მე თქვენი ყროყინი არ მაინტერესებს, მე ამ გოგონას ვეკითხები.

თამუნა — ჰო, მეშინია!

გიგა — რა გქვია?

თამუნა — თამუნა!

გიგა — მე კი გიგა მქვია! რამდენი წლისა ხარ? ახლა არ გადამრიო და ხუთი წელი არ წაიმატო, ისედაც ვხვდები ჩემოდენა ვერ იქნები!

თამუნა — ჩვიდმეტისა ვარ!

გიგა — თექვსმეტისა ხარ! დაიმახსოვრე! სხვა გოგოები წლებს იკლებენ, შენ რაზე იმატებ?

თამუნა — მე... მართლაც...

გიგა — მე თექვსმეტისა ვარ, შენ ჩემზე დიდი არ უნდა იყო! აბა, შემომხედე, შენთან შედარებით ბებერი ვჩანვარ? ხომ ვჩანვარ ბებერი?

თამუნა — არ ვიცი!

გიგა — ბრმა ხომ არა ხარ, ბნელა, მაგრამ ეს ცეცხლი სახეს ხომ მინათებს?

თამუნა — ჰო!

გიგა — რა სულ ჰოს იძახი, ახლა რომ გითხრა, მაკოცე-მეთქი, ჰოს მეტყვი?

თამუნა — ვაიმე, არ ვიცი!

გიგა — მაშ, მაკოცე!

დარო — მთლად გადაირიე, ბიჭო, შენ?

ლადიკო — ბიძია, ეს წესიერი გოგოა, ნარგიზა მასწავლებლის შვილია!

გიგა — მერე მასწავლებლის შვილმა კოცნა არ იცის? ჩემისთანა ოხერის კოცნა არ ეკადრება, ხომ? არ იცი კოცნა?

თამუნა — როგორ არ ვიცი? ვიცი! ჩემს პატარა ძმას ვკოცნი ხოლმე, აი, ასე!

გიგა — უჰ, შენი! გამაცურა! რა ტუტუცი ვარ, ტო! ძამიკოს ვკოცნიო და... როგორ გამაცურა!

ლადიკო — ჰო, ბიძიკო, გეყოფა ახლა, წადი შინ, დაიძინე!

დარო — წადი, ჰო, დაიძინე! ქვეყანას სძინავს, შენ კი ქუჩა-ქუჩა დაეხეტები და გულებს გვიხეთქავ!

გიგა — თქვენ რატო არ გძინავთ?

დარო — არ იცი ხომ, ამ სიცივეში რატო ვკანკალებთ? პური გვინდა და იმიტომ! ჩვენ ჭოტები ვართ, ღამით რიგში ვფხი-

ზღობთ, დღისით ვიძინებთ! დაკმაყოფილდი?

გიგა — ვერა! ჯიბეში რა გიდევეთ?

ლადიკო — რა ჯიბეში, ბიჭო?

გიგა — ფულს კი არ გეკითხებით! თქვენი მათხოვრული კუპონი გამოსანმენდად არ ივარგებს...

გალინა სერგეევნა — ნახალ!

ელვირა — უზრდელი!

გიგა — დიახ, უზრდელი ვარ, ან რატო არ უნდა ვიყო? ჯიბეში რა საბუთი გიდევეთ-მეთქი, იმას გეკითხებით!

ლადიკო — რა და აგერ, წითელი წიგნაკი მაქვს — „ვეტერან ოტეჩესტვენის ვაინი“!

გიგა — შენც ეგეთი გაქვს, დედილო?

დარო — ამდენი მლანძღე და ახლა „დედილო“ მიძახე! იმიტომ მაქვს ეგეთი წიგნაკი, რომ ვიომე, ბომბდამშენს ვმართავდი, ბერლინის აღებაში ვმონაწილეობდი...

გიგა — ბერლინს ბომბავდი? გაფიცებ ყველაფერს, მომიყვივი!

დარო — არა, ნამცხვრებს ვაყრიდი თავზე! რა, არ უნდა დამებომბა? ვბომბავდი, სულ გრიალი გაჰქონდა! ზენიტკები მესროდნენ, ზეცა დღესავით გაანათეს, მაგრამ გადავრჩი. ქალაქი ჩონჩხების ტყეს გავდა... აუჰ, ხანძრები, ხანძრები...

გიგა — შენც ხომ მფრინავი არ ყოფილხარ?

ლადიკო — ა-არა! მე დაზვერვაში ვმუშაობდი, ზურგში მგზავნიდნენ, სხვა ქვეყნებში...

გიგა — კაცი მოგიკლავს?

ლადიკო — მტერი მტერია, ომში ყველაფერი ხდება!.. ისე, დაზვერვაში სხვანაირი მუშაობაა.

გიგა — აგენტი იყავი, ხო?

ლადიკო — ჰო?

გიგა — შპიონი?

ლადიკო — ჩვენ მზვერავები გვერქვა!

გიგა — დედას გაფიცებ, ბევრი თუ ჩაუშვი?

ლადიკო — რა?

გიგა — ომი დამთავრდა, ნახევარი საუკუნე გავიდა. შენ ხომ

მერეც შპიონად რჩებოდი! ჰოდა, ბევრი ჩაუშვი?

ლადიკო — მე... მე ჩემს ვალს ვიხდიდი!

გიგა — რა ლამაზი სატყვებია!.. ვალს ვიხდიდი... შეიძლება ძმაკაცი ჩაუშვა და ამას დაარქვა „ვალის მოხდა“.

ლადიკო — შენ... ვინ მოგცა შენ უფლება, ჰა?

გალინა სერგეევნა — მოლოდოი ჩელოვეკ, ეტო ნე პრილიჩნო...

გიგა — თითო რუსი ყველგან გამოეჩინება ქკუის დამრიგებლად! თამუნა, დახე ჩვენს წინაპრებს! ერთი ბერლინს ბომბავდა, ზევიდან დასცქეროდა ქალაქს, ჩონჩხების ტყეს რომ გავდა... მეორე შპიონია, ვინ იცის, რამდენი ვინმე ჩაუშვა „მოვალეობის გამო“ და იმათი ძვლებიც არაა მიწაში... ერთსაც და მეორესაც მშვიდად სძინავს...

დარო — შენ თვითონ ვინა ხარ? შენ თვითონ რა გაგიკეთებია ცხოვრებაში?

ლადიკო — ჰო, ვინა ხარ?

გიგა — ვინა ვარ და არაკაცი და მკვლელი!

თამუნა — ვაიმე, გიგა!

გიგა — როგორი მფრთხალი ხარ! შეგეშინდა? რას აცახცახბდი? მგლების ხროვაში ცხოვრობ და მაინც გიკვირს, რომ ვილაცა არაკაცი და მკვლელია?

თამუნა — გთხოვ რა, გემუდარები, ამათ შეეშვი, ესენი ხომ უბრალოდ მოხუცებია.

გიგა — მიმტევებელი ხარ! ეს იმიტომ, რომ გოგო ხარ და ალბათ მარტო შენ გადარჩი. დიახ, ქვეყანა დაიქცა, შენ კი პატარა და თბილ ბუდეში ცხოვრობდი, მშობლების მეურვეობის ქვეშ და ამიტომ გადარჩი!.. აგერ, პურის რიგში გამოგადგეს, ცივ და ბნელ ღამეს, ესაა და ეს მთელი ტრაგედია...

თამუნა — შენ რა იცი, მე რა მტკივა, გიგა... არა უშავს, თუ გინდა, გამკილე, მაგრამ ამათ შეეშვი, ამათ არაფერი დაუშავებიათ!

დარო — ჩვენ რა ბრალსა გვდებ? მე ბრძანებას ვასრულებდი, მეომარი ვიყავი და არა მკვლელი... თუ მკვლელი ხარ, ეკლესიაში წადი, სანთელი დაანთე და მოინანიე!

ლადიკო — რას გადაგვეკიდე, ბიძიკო, რომ მოგვივარდები და გვლანძღავ. ჩვენ ჩვენი გაგვჭირვებია, არც ღონე და ჯანმ-

რთელობა შეგვრჩენია, არც ცხოვრების ხალისი. შენ თუ მართლაც ვინმე შემოგაკვდა, მე რა, პრაკურატურა ვარ?

გიგა — რა იოლი არჩევანია! ნადი პროკურატურაში, ჩაჯექი! ნადი ეკლესიაში, მოინანიე! თვითონ კი მუდამ ხელდაბანლები, განზე გადგებიან! ამათთვის არც პროკურატურა დანესებულა და არც ეკლესია... მეზიზღებით!

დარო — რატომ, უბედურო ჩემო თავო, რატომ?

გიგა — თქვენ გამხადეთ ის, რაცა ვარ! თქვენ გამიიოლეთ უკეთური გზა! ყურში მუდამ ჩამჩინებდით: ჩვენ გმირები ვართ, ვიომეთ, დავამარცხეთ, გავანადგურეთ, დავხოცეთ — აი, სწორედ ამიტომა ვართ გმირები!.. დაუნდობელ ომს, როცა ადამიანის ფასი გრომ-კაპიკია, თქვენ ოქროს ვარაყი შემოავლეთ — ეს სამშობლოსთვისო, ეს ერისთვისო, — იძახდით, თუმცა არც სამშობლო გაქვთ, არც ეროვნება! ენა თქვენი წარყვნილია, რწმენა — სატანური! თქვენ მასწავლიდით, რომ ომი მართლაც ომი არ მგონებოდა, ომობანას თამაშიაო, კალაშნიკოვი, სტინგერი, ლიმონკა, ეს ყველაფერი სათამაშოაო, აიღო, გაერთე, ითამაშეო... მეც დაგიჯერეთ! მართლაც ყველაფერი თამაში მეგონა! სიკვდილი არც ჰგავდა სიკვდილს, ის თითქოს სიკვდილობანას თამაში იყო, თვალის დახუჭვა, დროებით დაძინება, რომელსაც აუცილებლად მოჰყვება აღდგომა, საძმოში დაბრუნება...

ელვირა — მგონი, გააფრინა რა!

ლადიკო — ვერა ხარ, ბიძიკო, კარგად, აბა, როდის მითქვამს ასეთი რალაცევები?

გიგა — ხედავ, თამუნა, არ ესმით! შენ გგონია, ეს ორი სკლეროტიკი ბებრის გონებრივი სიჩლუნგეა? ესენი თავიანთი თაობის წარმომადგენლები ბრძანდებიან, ეს თაობის სახეა. ამათ, ჩვენს ძვირფას წინაპრებს, არ ესმით ჩვენი, ესენი ვერ გრძნობენ ჩვენს ტკივილებს! ამათთვის შიმშილი უფრო დიდი ტკივილია, პურის რიგში დგომა მეტი ტრაგედიაა... ამათ იომეს, ბატონო, და ამიტომ ქედი უნდა მოვუხაროთ!

დარო — დიახაც, რომ ვიომეთ! თავი გავწირეთ! რამდენი ჩემი მეგობარი დაინვა ცაში, მინამდე მხოლოდ ფერფლმა მოაღწია. ეს საშინელება იყო!

გიგა — მერე და რატომ არ გვითხარით, რომ ეს საშინელებაა, რომ ეს სიბინძურეა, სისხლია, ტილი და ჩირქია, რატომ არ გვასწავლეთ, შევიღებო, ამ სათამაშოებს მოერიდეთო...

თამუნა — გიგა, ამათაც ხომ არ იცოდნენ, ესენი ხომ ჩვეულებრივი ადამიანები არიან. შენ კი ისეთ კითხვებს აძლევ, რაც მხოლოდ უფალს შეიძლება დაუსვა!

გიგა — ჩვენ სულ პატარა ბიჭები ვიყავით... მე, ყველაზე უმცროსი — თოთხმეტისა... ჩვენს შორის ყველაზე უფროსი ცხრამეტისა იყო და ბერიკაცად მიგვანჩნდა. პირველი ტყვია მას მოხვდა, მაღალი ბიჭი იყო, გამორჩეული და ტყვიამ იმიტომ მოძებნა... ომი სიკვდილს გვაჩვენეს, თანდათან იძირები რალაც მაზუთივით სიბლანტეში. იქიდან ამოსვლა შეუძლებელია... გუშინდელი კეთილი ბიჭები, ბატკნის დაკვლაც რომ არ შეეძლოთ, დღეს უკვე მკვლელები არიან... ერთმა კისერზე დაიკიდა მოჭრილი ყურების ასხმულა...

თამუნა — ვაიმე!

გიგა — შენ სულ „ვაიმეს“ იძახი! ირგვლივ ბნელი ღამეა და შენი შიშიანი ხმა ამ სიბნელეს ველარ გაფანტავს!

თამუნა — გიგა, რასაც შენ ყვები, ეს სიზმარია, ავი ზმანებაა, უნდა დავივინყო!

გიგა — როგორღა დავივინყო? გოჩა რომ დავმარხეთ, კინაღამ ჭკუაზე შევიშალე... ალბათ, შევიშალე კიდეც!.. გოჩა ჩემი ძმაკაცი იყო, ჩემი კბილა, ერთად ავიღეთ ხელში იარაღი. ღონიერი, ჩაფსკვნილი, მაგისი მომრევი კაცი არ დაბადებულა და უცებ, წამში, ჩემს თვალწინ ნაფლეთებად იქცა... ძლივს აკრიფეს ბიჭებმა, ძლივს დამარხეს... მე კი მის საფლავეზე თითქმის უგონოდ ვეგდე და თავი რომ ავწიე, ტყვე დავინახე... გოჩასწარი ბიჭი, ოსი, ისიც ჩვენი კბილა... შავი თვალ-წარბი ჰქონდა, შიშისაგან პირისახე გასთეთრებოდა და ამიტომ უფრო მკვეთრად ჩამებეჭდა მეხსიერებაში მისი შავი თვალ-წარბი... ჩემში მოულოდნელად მხეცი დაიბადა, შლეგივით მივეჭერ, დანა დავარტყი და ამოვატრიალე. ხელზე ცხელი სისხლი გადმომესხა და ის სისხლი პირზე ჩამოვისვი... გიჟი ვიყავი, რა თქმა უნდა! მის თვალეში წამის წინ უსაზღვრო შიში კრთოდა, მერე თითქოს

რალაც გაიყინა, ჩაკვდა... იქნებ თქმა ენადა, მე რა დაგიშავეთო... მართლაცდა რა დააშავა? ალბათ ერთი უწყინარი, სოფლელი ბიჭი იყო და თვითონაც არ უწყობდა, რისთვის აიღო ხელში იარაღი. ისიც მოატყუეს, ტვინი შეურყვნეს, ორიენტირი დააკარგინეს...

თამუნა — რა საშინელებაა!

გიგა — საშინელებაა? სიკვდილი იოლია, წამიერი ტკივილი და მეტი არაფერი! უარესია, როცა ცოცხალი ხარ, წინ მრავალი წელი გიდევეს და მუდამ უნდა ზიდო დანაშაულის მძიმე ტვირთი... აღარ მძინავს, თვალწინ მუდამ იმ ბიჭის სახე წარმომიდგება, მისი თვალები მომჩერებიან. მათში არც შიში იხატება, არც სიძულვილი, არც საყვედური, უფრო მიტევება...

ლადიკო — მე თუ მკითხავ, ბიძიკო, ცუდი საქმე გიქნია. პლენი არ უნდა მოკლა, უნდა დაკითხო, სეკრეტები დააფქვევი-ნო და თუ საჭიროა, უშენოდაც კარგად მიაკერებენ ტყვიას.

გიგა — გესმის, რას ამბობს? უნდა გავეცალო, თორემ მართლაც შემომაკვდება! ბამბურა, წამო, ერთად ვიაროთ, მეც შენ-ნაირი ძალლი ვარ!

(უსტვენს. ძაღლის წკმუტუნს)

თამუნა — გიგა, მოიცა!.. წავიდა!

გალინა სერგეევნა — ეხ, ვი, მუჟჩინი!

ჟორა — რა „მუჟჩინი“, რა, ვილაც გიჟს თავი შევაკლა?

დარო — წავიდა და წავიდეს! გაგვიწყალა გული, აქაოდა ვიომეო და თავზე ხელი აუღია. ფუჰ, ეს რა ახალგაზრდობაა!

თამუნა — როგორ არ გესმით... როგორ არ გესმით...

დარო — რა უნდა მესმოდეს, შვილო, შენ არ იყავი, წუთის წინ შიშისაგან სული რომ კინალამ გაგეპარა?

თამუნა — ბიჭს ტკივა, დარდი კლავს...

ლადიკო — მატრაბაზობს, მე თუ მკითხავთ!

დარო — შენ რა, ტირი?

თამუნა — ჰო, მეცოდება.

დარო — გადაგრევენ ეს ახალგაზრდები. ვინ გეცოდება, გოგო, მოკლული თუ მკვლეელი?

თამუნა — მოკლულიც მეცოდება, მაგრამ აწი იგი ხომ ვერ გაცოცხლდება.

დარო — გამოდის, რომ მკვლეელი უფრო გეცოდება?

თამუნა — ჰო, გიგა მეცოდება... იცით, იტანჯება და იმიტომ.

ელვირა — მკვდარს ვერ გააცოცხლებ, გოგოჯან, თორემ ცოცხალის საშველი ყოველთვის იქნება!

თამუნა — იმ ბიჭს ვერ გააცოცხლებ, მაშ საშველი რანაირად მოიძებნება?

დარო — წყლის ნაყვავა ამათთან საუბარი. უფროსის ნათქვამს ყურში არ შეუშვებენ, ჯიუტად მიერეკებიან თავისას... უჰ, მთლად გავიყინე! ნეტა რომელი საათია? ალბათ, მალე გათენდება!

თამუნა — თქვენი შვილი რომ იყოს, ასე იოლად არ განსჯილით!

დარო — ჩემი შვილები მკვლელებად არ დამიზრდია. უმალ-ლესები დაამთავრეს, სამსახურები აქვთ, მალლა დაფრინავენ...

ლადიკო — ტა-ტა-ტა, ჩემი ბიჭი, დარია ილინინა, ხომ იცი, მოსკოვში საქმეებს ატრიალებს...

გალინა სერგეევნა — ჩემი შვილიც რუსეთშია, ტამ ტაკ ხო-როშო, ისეტი ხელპასები აკვთ, კველაპერი იშოვება!

ელვირა — ერევანში წესრიგია, ნუ იტყვი... იქ დედამთილი მყავს, ქონში ბანაობენ. ჩემი ქმარი აფხაზეთში ომობდა და ვერ წავედით...

ჟორა — კაი სპალნია კი ჩამოიტანა...

დარო — ჩემი შვილის კაბინეტში რომ შეხვიდე... ოჰ, ოჰ...

თამუნა — თქვენ კი ამ ბნელი ღამით პურის რიგში იყინებით!

დარო — შენც კაი უზრდელი გაუზრდისხარ დედაშენს! უყურეთ, როგორ აიდგა ენა! მოენონა ის ხულიგანი და აჭიკჭიკდა მის ჰანგზე!

ლადიკო — ახალგაზრდებს რას გაუგებ! ჩემს დროს ახალგაზრდას ასე ვინ დაალაპარაკებდა გოგოსთან! იტალიაში რომ გამაგზავნეს, იქაური მზეთუნახავები კისერზე მეკიდებოდნენ, მაგრამ იმათკენ არც მიმიხედია. აკრძალული გვექონდა, მა-აშ! ჩემს დროს ასეთ „მაკოცეზე“ ცხვირ-პირს დაგინაყავდნენ...

თამუნა — მაპატიეთ, მე თქვენი წყენინება არ მინდოდა. შეხედეთ, უკვე თენდება!

დარო — ასეთი გათენება რითი ჯობია ღამეს? სახლები

მკვდარ ჩონჩხებს გვანან, სინათლე არსად გაკრთება. ძაღლები სადღაც გაიფანტნენ, ღამე გვანახებდნენ, ახლა კი არ ჩანან... ცივა, ღმერთო ჩემო, ძვალ-რბილში გამატანა!

ლადიკო — შეშა გაგვითავდა, ნაკვერჩხალიც ჩანაცრდა.

ელვირა — აგერ თინაც გამოჩნდა, ჩემი კარის მეზობელი!

თინა — ელვირაჯან, რიგი დამიკავე?

დარო — შენ რომ ჩამოთვალე, იმ სახელებში თინა არ გიხსენებია.

ელვირა — როგორ არ მიხსენებია, ჩემ შემდეგ დადგებამეთქი.

გალინა სერგეევანა — ბესტიდნიცა! კველა ტავის ნაცნობს შეტენის!

ელვირა — ცოტა ჩუმად ილაპარაკე, რუსო, თორემ თმებს დაგაპუტავ, შენ აქ რუსეთი ხომ არ გგონია!

გალინა სერგეევანა — ჩტო ანა გოვორიტ, დაგაპუტებო?

ჟორა — ქალებო, დანყნარდით, ჩხუბი სირცხვილია! აგერ თემურ მასწავლებელი მოდის. გამარჯობათ, პატივცემულო!

თემური — გამარჯობათ! ბოლო ვინ არის? გაკვეთილამდე პური თუ ვერ ავიღე... ისე, პედაგოგებს ურიგოდ ეკუთვნის...

ელვირა — ყველას რომ ურიგოდ ეკუთვნის, რიგში ვინ უნდა ჩადგეს?

დარო — ნეტავი გაჩუმდებოდე, მოაყარა აქ მთელი აღმოსავლეთი და თავის კანონებსაც გვიდგენს!

ელვირა — დედიჯან, შენ კი პარიზში გაიზარდე, აი!

თემური — საჩხუბრად არ მითქვამს, პურის გულისთვის გაკვეთილს ხომ ვერ გავაცდენ?

ელვირა — თორემ რაიმე ხეირს ასწავლით, აი!

ჟორა — სჯობია, დროულად დავდგეთ ჩვენ ჩვენს ადგილებზე, თორემ მერე ვერ გავარკვევთ, ვინ სადა დგას!

(ჩოჩქოლი. ახალმოსულების ხმები)

ხმები — ბოლო ვინ არის?.. — დაკავებულა?.. — მე ურიგოდ მიეკუთვნის!.. — აუჰ, როგორ ცივა!.. — იქნებ პური სულ არ მოიტანონ, დენი თუ იყო ნეტავი?.. — პურის ქარხანაში იქნებოდა, იმათ პასტაიანო აძლევენ!.. — ლევად კი იყიდება ბაზარ-

ში და... — რა ფული კეთდება, რა ფული!.. — გავმათხოვრდით, ხელებგანვდილნი დავდივართ!.. — დაიყიდა ქვეყანა ნანილ-ნანილი!.. — პრეზიდენტი რომ დაბრუნდება, პურიც გვექნება!.. — ამერიკას თურმე უთქვამს, ასეთი კაცი რომ გადააგდეთ, მეტის ღირსნიცა ხართო... — აბა, ქა!.. — ნეტავი შაქარს თუ დაგვირიგებენ, ბავშვებს ტკბილი ენატრებათ!.. — შაქარი არ ვიცი და, ამბობენ, მარგარინი რიგდებაო, ზოგან უკვე დაურიგებიათ!.. — პარლამენტში დაჭამეს ერთმანეთი, აქ კი შიმშილით ვიხოცებთ!.. — ვისაც ავტომატი აქვს, ცხოვრებაც იმისია, დაყიდეს ქვეყანა!.. — ბოლო თქვენა ხართ? ნეტავი ყველას თუ გვეყოფა? *(ამათში თანდათან ერთგება ბავშვების წამოძახილები)*

— სეროჟ!.. — ნიკა!.. — აქ დადექი!.. — იკა, გუშინ რატომ გააცდინე?.. — მამამ გაგლახა?.. — იმისი დედა, ბოზიშვილი ვიყო... — მოიტა რა, ჟვანკა!.. — ზედმეტი კუპონი არა გაქვს? თუ არა გაქვს, იშოვნე... — გიორგი, დედაშენი გეძებდა, ფული არ დაკარგოსო!..

ლადიკო — ნუ მიმაჭყეჭყეთ, კაცო, მე პირველი ვარ!

დარო — დამაყენეთ ჩემს ადგილზე! ვერ ხედავთ, ფეხზე ველარა ვდგები! მიმიშვით ჩემს ადგილზე!

ელვირა — თინაჯან, მაგრად მომადექი, თორემ გამოგვაგდებენ!

თინა — მიდი, ელვირაჯან, აგერა ვარ!

ჟორა — აკი ვამბობდი, რიგში მეასე აღმოვჩნდები-მეთქი, ესაა ადამიანობა?

ბავშვების ხმები — მოდის!.. მოდის!..

(მანქანის სუსტი ხმა, მერე ძლიერდება, თან აპიპინებს)

ხმები — გაინით!.. გზა მიეცით!.. არ ჩაუვარდეთ!.. დაიხიეთ, უკან დაიხიეთ!

მძლოლი — რიგი დაიცავით, ყველას გეყოფათ!

ბავშვები — სეროჟ, მიაწექი!.. ნიკა, სადა ხარ?.. გიორგი, არ დამეკარგო!..

გამყიდველი — ხალხო, გზა მოგვეცით!.. გასასვლელი გაათავისუფლეთ!.. პური შემომატანინეთ!.. გაინიეთ, გაინიეთ, თორემ სულ არ დავცლი და უკან გავაბრუნებ!.. სირცხვილია,

ბოლოს და ბოლოს!.. გზა გამითავისუფლეთ!..

ხმები — გაინიეთ!.. მიაწეი!.. ჩემი რიგია!.. რიგი სადღაა?.. პური მომანოდე!.. მხეცებო, მხეცებო!.. პუ-რი!.. რამ გადარია ეს ხალხი?.. პუ-რი!.. ყველას გეყოფათ, დაშოშმინდით!.. პური!.. პური!.. პური!..

თამუნა — *(სლუკუნებს)* ვაიმე, დედა, გამომავდეს!

გიგას ხმა — პური მოსულა, პური!

თამუნა — *(ტირის)* ჩემი რიგი...

გიგა — თამუნა, განზე დგახარ?

თამუნა — ჰო!

გიგა — ტირი? განყენინეს ხომ, ამ ახვრებმა?

თამუნა — მოეშვი, გიგა, აღარ მინდა!

გიგა — მოვეშვა?.. მე ამათი ბოზი დედა... მიმიშვით, რიგი ჩემია! დიახ, წუხელ დავიკავე, პირველი ვიყავი!.. მიმიშვით, თქვენი... დაგბრიდავთ სუყველას!

ხმები — ვინ არის?.. გიჟია ერთი!.. ნარკომანია!.. გააგდეთ აქედან!.. პური!.. პური!.. მომანოდეთ პური!..

გიგა — სადა ხართ, ბებრებო?! წუხელ არ დავიკავე რიგი?.. ჰეი, შპიონო, აქ არ ვიდექი შენთან?

ლადიკო — პირველი მე ვარ!.. მომანოდეთ ჩემი პური!.. ძირს არ დამივარდეს!.. აგერ, კუპონი, დათვლილია... აგერ, ჩანთაც... გამატარეთ!..

დარო — ჩემი რიგია... ნუ მიმასრისეთ!.. პური ამაღებინეთ!..

გიგა — ძველო ნაბოზარო, აღარ გახსოვარ, ხომ?!

თამუნა — გიგა, შეეშვი! არ მინდა პური, არ მინდა!

ხმები — რიგი ჩემია!.. მე მეკუთვნის!.. გადმომანოდე!.. პური!.. პური!.. პური!..

დარო — არ ვიცი ვინ ხარ, მე ჩემი პური მინდა!

გიგა — მიმიშვით-მეთქი, თორემ ვიღაცა მართლაც შემომაკვდება, აი, მოვიდა დანა!

(ჩოჩქოლი, შიშინი შეკივლება)

დარო — დაგახლი ახლა ამ ჩემს „იმენნოის“! *(გასროლა. სიჩუმე)* ღმერთო ჩემო, მართლა გავარდა!

თამუნა — *(განწირული ხმით)* გი-გა!

გიგა — *(წყნარად)* ოჰ, თამუნა! მართლაც არ მომკლა ამ ძველმა ნაბოზარმა? რამდენი ვეძებე სიკვდილი და აი, სად წავაწყდი!.. თურმე როგორ არ მდომებია...

თამუნა — *(ტირის)* გიგა! ვაიმე, დედიკო! ხალხო, ვერა ხედავთ?

დარო — უბედურო ჩემო თავო, მეგონა შიგ ტყვია არ იყო... ვაშინებდი... ეს რა დამმართე, ბიჭო, რად ჩამავდე ამ დღეში?

გიგა — ეჰ, დედილო, ტყვიის ღირსი ვიყავი და მივიღე კიდევ!

თამუნა — გიგა, ვაიმე, გიგა!

გიგა — პური ვერ ავიღე, გოგო!

(მოქალაქეთა ჯერ სუსტი ხმები, რომელიც თანდათან ძლიერდება და სასონარკვეთის კილოს იძენს)

ხმები — პური გვინდა!.. პური!.. პური!.. პური გვინდა!.. პური!.. პური!..

ალმანახი „რინა“, 1—2. 1996.

მემა ბაღა ჩაღს...

სამი დღე გავიდა უკვე, რაც გადარჩენილებმა მიტოვებულ ფერმას შეაფარეს თავი. ორი გრძელი შენობა სახურავახდილი და გაძარცული იყო. მონგრეულ კედლებს ეკალბარდები მოსდებოდა. სანახევზე ჭინჭარი და გვიმრა კაცის სიმაღლეს უწევდა. მხოლოდ სახბორეს არ აწვიმდა და მის ჭერქვეშ შეიყარნენ. ამასაც კარ-ფანჯრები ამოღებული ჰქონდა, რაც ამჟამად დანაკარგად არ ჩაითვლებოდა, რადგან სუსტ ნიავს ნესტი გაჰქონდა, თუმცა ალაგ-ალაგ იატაკი მაინც დაფუტუროებულყო, ობის სუნი იდგა.

პირველ დღეს უთავბოლოდ ეყარნენ. ისე მოულოდნელად აეხვეტა ქარს, გონს ვერ მოდიოდნენ. დაღლილობა, შიში და ზაფრა, სიცოცხლის გადარჩენის სიხარული — ყოველივე ერთმანეთს გადაეწნა და არავინ იცოდა, რა მოემოქმედა, როგორღა მიეღო ბედის ეს დარტყმა... ცხადი ერთი რამ გახდა: ყველა-ფერი დაიკარგა — სამშობლო, სარჩო, იმედი! სახელდახელოდ, ნაჩქარევად ხელს გამოყოლილი მცირე ქონება — ფუტები, ცელოფნის პარკები, ტოპრაკები, წვრილი ხაბაკუბაკი, სულის მოთქმის შანსსაც არ იძლეოდა... ღამე-ბნელში ნერვულ ცახცახს ვერ იოკებდნენ და გათენებას ელოდებოდნენ, რათა კითხვებზე პასუხი მიეღოთ.

მეორე დღეს თითო პური რომ ჩამოურიგეს, მაშინღა ძლივს გაიცნობიერეს, სიცოცხლის გარდა რომ არაფერი ებადათ, თუმცა არც ის იცოდნენ, რაში უნდა გაეხარჯათ ეს დარჩენილი სიცოცხლე. ამ აღვზნებულ გონებებს დაფიქრების ილაჯი აღარ შერჩათ, განსჯის წუთები ჯერაც არ დამდგარიყო, ჯერჯერობით გულიდან სისხლის ლეკერტებად ჩაგუბებული ბოღმა უნდა ამოერეცხათ... უმრავლესობა, უფრო კი ქალები, წყევლა-კრულვით იოხებდა გულს, ისტერიული აჩემებულობით ყვებოდა საკუთარ უბედურ სვეზე, ერთის ნაამბობი ჰგავდა მეორისას და ცრემლს ეხსნებოდა ღარი, რადგან ცრემლში მწუხარე-

ბა თითქოს ლბება, ცრემლის ნაკადს სიმწარე გამოაქვს... სხვათათვის სხვანაირი ბუნება შეურჩევია იღბალს, ამათ ტირილის ნიჭი წართმეოდათ, თვალეში ხურვება ედგათ, გულისგულში მეხი ჩაკირვოდათ, შურისძიების ღველფი ნელ-ნელა იფერფლებოდა და, ალბათ, ბოლომდე ვერასოდეს ჩაქრებოდა.

მესამე დღეს გაღმელმა ტარასმა, გვარად გაბედავამ, ხარი დაკლა. დიდი მდინარის ახლო სანახებში აძოვებდა პირუტყვს, გასაქცევად მოკლე გზა ჰქონდა, დროულად იგუმანა, უბედურება ახლოვდებოდა და საქონელი გადმორეკა. ეგერ, ფერმის ეზოში მიმოფანტულიყვნენ დამშეული ძროხები, ლამისაა, მინისპირიდან აძრობდნენ მწირ ბალახს და ფერდები ჩასცვენოდათ. ხარისათვის ვისღა ეცალა და ამიტომაც ჩამოკიდეს, გაატყავეს, აქნეს და ახლა უზარმაზარი, საარყე ქვაბი შემოედგათ ზედადგარზე, გუზგუზა ცეცხლი შეენთოთ. „ამ ცხოვრების ყოფა ვატირე, ვჭამოთ, სანამ არი!“ — გულს იმაგრებდა ტარასი, თუმცა თვალი უწყლიანდებოდა, სივრცეს დარდიანად გაჰყურებდა და, როცა მოხარშული ხორცი ჩამოატარეს, იქაურობას გაეცალა, მდინარის გადასახედზე, ჭადართან ჩამოჯდა... წყლის ზედაპირს ზოლებად დაჰყვებოდა ბინდისფერი, ვერცხლისფერი და სისხლისფერი, გაღმა ჩამავალი მზის სხივები ირიბად წვებოდა.

გამოღმელები მოვიდნენ, ქალები და კაცები, ზოგს პურები მოჰქონდა, ზოგს კარდალაში ჩაზელილი ცხელი ღომი, ორ ზორბა მამაკაცს კი ოცლიტრიანი ბოცა... მორიდებულად ირჯებოდნენ, თითქოს რცხვენოდათ, რომ თავად ჭერი ეხურათ და საკუთარ ლოგინებში ეძინათ... „ვანშამი, ვანშამი!“ — ნაუმღერა ახალგაზრდა ხუხუტი დუნდუამ, რომელსაც იღლიაში ფანდური ამოედო, ერთადერთი ქონება, შინიდან რომ გამოჰყვა... ვისაც როგორ შეეძლო, ისე ინანილებდა ლუკმას. ზოგს თეფში შეხვდა, ზოგს ქალაღდის ნაგლეჯი, ზოგი ცხელი ხორცის ნაჭერს პურზე იდებდა და სულს უბერავდა. ღვინო ჩამოასხეს, ჭიქებმა ჩამოიარა, გადარჩენილების სადღეგრძელო ითქვა, დაღუპულთა სული მოიხსენიეს, მთავრობაც გულიანად გალანძღეს და გრძნობამოჭარბებულმა ხუხუტიმ იყვირა, დუნდუამ:

— იმათი დედაც!.. ჩვენი ცრემლი და წუხილი იმათ ახარებს,

დავცხოთ სიმღერა და ტაშ-ფანდური!

თითები სიმებს ჩამოჰკრა, ააღულუნა, აახმიანა და ოდნავ ჩახლენილი ხმა ააყოლა: „სახე სქვამი ჭყუნტურუა, გიშერიშა გიგუ თუმა...“ აგერ, ასეთი გოგოც, პირმშენიერი, ქორფა-ჭყუნტურუა, გიშრისთმება... ლოყები შეუხურდება, თვალებს გან-გან წაიღებს და მიუმღერებს: „ბოშ, მუშენი მუკმახვილი, ჩქიმიცალი ბრელი რე...“ დიახაც, ლამაზო გოგო, შენისთანა ბევრია! ზოგი გადარჩება, ზოგი ვერა! ზოგს დარდი და მწუხარება შეჭამს, ზოგი სევდას არ შეეჭმევინება, ხელებს გაშლის, ცეკვა-ცეკვით ჩამოუვლის... გასკდით გულზე, ჩვენ ვართ, ჩვენ არ დავხოცილვართ!..

— ტაში, ტაში, ტაში!.. — გაჰკვივის ხუხუტი, ლამისაა, ფანდურს სიმები დაანყვიტოს.

სიმღერა, ტაში, შეძახილები, ფეხების ბრაგუნია...

ხმები მიტოვებულ ფერმას სცილდება, გზა-გზა სუსტდება, მაგრამ გაღმეთს მაინც აღწევს, მავანთა ყურს სწვდება. უსახელო ლანდები ერთმანეთს გადახედავენ, გაკვირვებულნი მხრებს აიჩეჩენ და სალამოს ბინდში ქრებიან.

ტარასმა კენჭების ჩხაკუნი გაიგონა. წყლისპირას პისტიმ ჩამოიარა, მინჯიების ქვრივმა. შავი სატინის კაბა აცვია, გახუნებული და ფერგადასული, თმაც ასეთივე სატინის მანდილით წაუკრავს. ადრე ლამაზი და სხარტი დედაკაცი ახსოვდა ტარასს, მაგრამ, რაც გუჯა დამარხა და შვილის კვალი დაკარგა, უცბად ჩამოჭკნა, დაბერდა... ახლა კაცი ვერ შენიშნა, წყალთან ჩაცუცქდა, ხელები დაისველა და შუბლზე და საფეთქლებზე მიიდო.

ცივი და მღვრიე მდინარე დუნედ მიედინებოდა, ნაპირს სუსტი ტალღები ეთამაშებოდა.

ტარასმა ჩაახველა, ამოიოხრა:

— მღერიან!

— იმღერონ! — ხმადაბლა თქვა პისტიმ, ერთხანს იყურა, მერე დაუმატა: — პირუტყვი ნუ დაგენანება, მეზობელო, გულს ნუ იხეთქავ!

— ხარი კი არა, ოჯახი დავკარგე, შე ქალო! — იწყინა ტარასმა. — ზარალი არ მანალვლებს მე, შვილივით ვზრდიდი, ჩემი ხელით ვაჭმევდი, დღეს კი ჩემივე ხელით დანა გამოვუსვი ყელში.

მზე ხის კენწეროებზე ჩამოიხა. სისხლი დასდინდა, ხეთა ჩაშავებული გრაგნილი კიდით კიდე წითლად შეიღება. წითელ ზოლს ერთგან კვამლის სვეტი ასცდა, ცისკენ აიწია.

— ვისი სახლია ნეტავ? — იკითხა პისტიმ.

— ჭყლორაიასი თუა? — ჭოჭმანით თავი გააქნია ტარასმა. — მკითხაობას რა აზრი აქვს, ყველას სათითაოდ გადწავვენ.

— დანა ჩვენ თვითონ გამოვისვით ყელში, მეზობელო. — მანდილი შეისწორა პისტიმ, ჭალარანარევი თმა შიგ დამალა. — მტერ-მოყვრის გარჩევა რომ გაგვიჭირდა, მაშინ გამოვისვით ყელში დანა. — დადუმდა, წყლის ლუკულუკს დაუგდო ყური, მერე ხმადაბლა თქვა: — აქ ვერ გავჩერდები, ამაღამვე უნდა დავბრუნდე... სახლს დავხედავ!

ტარასმა გამომცდელად შეხედა, არაფერი თქვა.

— ვიცი, რაც უნდა მირჩიო, მაგრამ მირჩევენია, იქ მოვკვდე, ჩემს ეზოში, გუჯას საფლავთან დავიმარხო. — პისტიმ მდინარის ვარკალა სივრცეს გახედა. — აწი მე სხვა მინას ვერ გადავბარავ და ვერც გავთოხნი. სხვა ადგილს გული ვერ შეიყვარებს. თექვსმეტისა შევედი იმ ეზოში, დამავინყდა კიდეც, რაც მანამდე იყო... ქალის სამშობლო ქმრის ოჯახია, ასეა ეს!

მზე თითქმის ჩაგორდა, ჰორიზონტის სისხლიანი ფერი თანდათან ჩაქრა, ჩაინავლა. წყლის ზედაპირს ჯერ ვერცხლი დაეფინა, მერე ბინდი ჩამონვა. ცაზე ვარსკვლავები აჩახჩახდნენ.

გაღმა, შორს, ძალიან შორს ჩქარი კაკანი გაისმა.

— ისვრიან? — თავი ასწია ტარასმა.

იქნებ მართლაც ისროდნენ ან იქნებ ეჩვენებოდათ მხოლოდ, ბაყაყის კრუალი ფარავდა შორეულ ხმებს.

ფერმაში კვლავ ფანდურს აჩხაკუნებდნენ, ხმას აყოლებდნენ.

— მღერიან! — სევდიანად თქვა ტარასმა.

* * *

თვალი გაახილა. ბნელოდა, ფანჯრიდან ვარსკვლავიანი ცა ჩანდა. ისე ჩახჩახებდა, გათენებამდე, ალბათ, შორი არ იყო. მირიად ვარსკვლავეთში ერთი ერია, სხვაზე კაშკაშა — „ზვიადის ვარსკვლავი“. პატარაობისას იმისკენ იწვედა ხელს, თითქოს მოწყვეტას ლამობდა. ამიტომაც დაარქვა პისტიმ „ზვიადის ვარსკვლავი“. როცა ახედავდა, ეჩვენებოდა, ამით ზვიადს სალამს ვუთვლიო.

ჩაცმული იწვა და სამზადისი არ დასჭირვებია, ფეხებით უხმაუროდ მოძებნა დაბალქუსლიანი „ჩუსტიკები“... იატაკზე მიყრილ ადამიანებს ღრმა ძილით ეძინათ; უსიზმრო ძილით, როცა კაცი ყოველგვარი სანუხარისაგან თავისუფლდება და ღონეს იკრებს, რათა მომავალ დღეებს გაუმკლავდეს.

ეზო უჩუმრად გაიარა.

ვარსკვლავიანი ცარგვალი თავზევით ბრუნავდა, სუსტი, ბინდიანი ნათებით ავსებდა ეთერს.

ნელი ტყლაშუნი მოესმა. ნაპირთან მდინარე ბნელ ხაროს ჰგავდა, რაკი ქადრების ფართო ვარჯებით იჩრდილებოდა. მოშორებით წყალი ოდნავ ლიცლიცებდა, გაღმეთი კი ბურუსში იკარგებოდა.

— მეზობელო! — ხმადაბლა გასძახა.

— აქეთ! — შეეპასუხა ტარასი.

პისტიმ ფრთხილად გასწია იქითკენ. ნაპირთან ნავი ქანაობდა. ბნელში ძნელი იყო რაიმეს გარჩევა. ხელის ფათურით მოძებნა ნავის ცხვირი, გადაძვრა და სკამზე დაჯდა.

წყლიდან სიგრილე მოდიოდა და პისტის გააჟრჟოლა.

— წავედით?

— წყნარად! მდინარეზე ხმა შორს ისმის! — შიშინი ჩურჩულით უპასუხა ტარასმა.

ნიჩბები ფრთხილად მოუსვა.

უხმოდ მიცურავდნენ. წყლის ზედაპირზე ვერცხლისფერი ათინათები ირეკლებოდა, მსუბუქი ტალღა ტალღას მოჰყვებოდა და ჩქარ დინებას ნავი ქვევით მიჰქონდა.

წინ ავტომატმა გაიკაკანა, ალბათ, ძალიან შორს. ხმამ ლამის მდუმარებაში გამოაღწია.

ნაპირი ზვავევით ამოიზიდა. ცოტა ხანს ჩუმად ისხდნენ, ყურს უგდებდნენ. აქ არავინ იყო და ტარასი აჩურჩულდა:

— ვერც ვერაფერს დაგავალებ და ვერც ვერაფერს აგიკრძალავ. დროა ისეთი, ზოგი სიცოცხლეს იზოგავს, ზოგი იოლად წირავს. დიდი ჩაუქი ვინმე არც ადრე ვყოფილვარ, ახლა შიშმა მთლად დამაძაბუნა. შენ ქალი ხარ და კიდევ მჯობიხარ. ჩემს სახლთან თუ გაიარე, ცალი თვალით მაინც შეხედე და ამბავი მომიტანე.

— მხდალი რომ იყო, ამ ნაპირზე ვერ გადმოხვიდოდი. მადლობელი ვარ, რომ გაისარჯე! — უთხრა პისტიმ, ნაპირზე გადახტა და ნავს უბიძგა.

ტარასმა ნელა გაცურა. წყლის ზედაპირზე ნავი კარგა ხანს შავ ლაქად ჩანდა, მერე ბნელ სივრცეს შეერწყა.

პისტი ხაბოზე ავიდა და სოფლის თემშარას გახედა, ნუთის სავალს იქით მიდამო ბურუსში იკარგებოდა.

ფრთხილად მიდიოდა, ცდილობდა, ღობის ჩრდილს არ გასცლოდა. სმენა გამახვილებოდა. მიტოვებული სოფლის მდუმარება შიშსა გვრიდა. შავად წამოყუდებული ოდა-სახლებიდან ჩქამი არ ისმოდა. ეზოში ძალლი არ წკმუტუნებდა, ტოტებში ქათმები არ ყუტყუტებდნენ. ერთადერთი სტუმარი — მდინარის ამონასუნთქი თუ ფაჩუნობდა ფოთლებში.

ამ გზით დადიოდნენ ქალაქში გუჯა და პისტი. თავდაპირველად ცხენის ორთვალათი, სანამ კოლმეურნეობა ცხენს განყვეტდა. მერე ურმით, სანამ საძოვრებს ჩაი გადაუვლიდა. მოგვიანებით პისტიმ იყოჩაღა, აბრეშუმის პარკითა და ჩაის კრეფით ფული გამოიზოგა, იმდენი დაუგროვდა, წითელი „მოსკვირი“ გამოუვიდათ და გუჯაზე ადრე მანქანის ტარების ხელოვნებას ზვიადი მოერგო, დედისერთა ნებიერა... „მოგვიკვდეს, სქუა*, დედა!“ — პისტიმ მჯილი მკერდზე დაიკრა და ხმადაბალი სლუკუნი აღმოხდა. წამით შეჩერდა, მანდილის ბოლოთი უპეები

* სქუა (მეგრ.) — შვილო.

ამოიმშრალა და გზა განაგრძო. ვერა და ვერ დაინყნარა გული, ვერა და ვერ ამოშრა მონატრება და იმედი... თექვსმეტისა იყო ზვიადი და უფრო მეტისა ჩანდა. ლალად მხრებგაშლილი დადიოდა, შავი, ხუჭუჭა თმები ჯიუტ შუბლზე გადმოეყარა, „უჩა ბოში“* იყო, შავზე შავი თვალებით გოგონებს გულს უკლავდა. არც ჩხუბით იღლებოდა, არც სიყვარულით, ბევრი მეგობარი ჰყავდა, მტერიც უთვალავი. მისი სიცილი — კვიცის ჭიხვინი, ბაგეზე — გულღიაობა და სიამაყე... „შინ დარჩი, მაგ ავტომატის სიგრძისა არცა ხარ!“ — უბრძანა გუჯამ, თვითონ კი ამ დროს იატაკზე იჯდა, ფარდაზე ნაწილ-ნაწილ დაშლილი ტყვიამფრქვევი ეწყო და ზეთით წმენდდა. ბიჭს ხმა არ ამოუღია, მაგრამ კოპი შეჭმუხნა, კისერი დაეძაგრა და პისტი მიხვდა, ამბოხი გარდაუვალი იყო. შიშმა შეიპყრო, ყველაფერი მოერღვა და ხმააკანკალებულმა შესთხოვა: „ცუდი სიზმრები მაქვს, სქუა, დაუჯერე მამაშენს!“ ოღონდაც, ახალგაზრდებს ცუდი სიზმრებისა არა სჯერათ, მოკლე წუთისოფელი უსასრულო ჰგონიათ! ზვიადის ამაყი სული ვერ იგუებდა განდგომას, იგი დედის კალთას ვერ ამოეფარებოდა, ღამებნელში გაუჩინარდა და აღარც დაბრუნებულა... „მოგიკვდეს, სქუა, დედა!“ ხმები მოდიოდა, ზვიადი უნახავთო, ხან ავტომატით ხელში, ხან ტანკზე მჯდომი, ხან ცხენს მიაჭენებდაო... მერე შავი ჭორი გაკრთა, სანგარში ყუმბარა ჩამოვარდა და ზვიადი ნაფლეთებად იქცაო... დედის გულიც ნაფლეთებად იქცა, მოკვდა. ალბათ, მართლაც მოკვდებოდა, მაგრამ მავანმა ფიცით უთხრა, ტყუილია ზვიადის სიკვდილი. ჩემი თვალთ ვნახე, ბიჭებს გუმისთისაკენ მიუძღოდაო... ჭორი და მართალი ენაცვლებოდა ერთმანეთს, პისტის დაღლილი გულიც ხან კვდებოდა, ხან ცოცხლდებოდა და თანდათან მისი „უჩა ბოში“ სიზმრისა და ზღაპრის გმირად გადაიქცა, ნამდვილისა და მოგონილის ზღვარზე არსებობდა, მინაზე დაიარებოდა და ზეცაშიც მიფრინავდა. „ზვიად, სქუა!“ — მლოცველის მზერით ახედავდ პისტი ლურჯი ცის თავანს, თითქოს იქ უნდა ეძებნა სამყაროში ლანდად განფენილი ძე...

ახლაც ვარსკვლავებით მოჭიქულ ზეცას ახედა პისტიმ,

* უჩა ბოში (მეგრ.) — შავი ბიჭი.

„ზვიადის ვარსკვლავი“ მოძებნა, პირჯვარი გადაინერა და ფეხს აუჩქარა. უფალი მონყალეა, იქნებ მისი ზვიადი ჯერაც ცოცხალია, იქნებ ისე შორს წასულა, უკან გზას ვერ იგნებს, ანდა ტყვედ ჩავარდნილა და ბორკილები ადევს, ან შურისძიების გრძნობით შეპყრობილი უსიერ ტყეებში მიმალულა და იარაღის დაგდებას არ აპირებს... ეჭვისა და იმედის ზღვარზე ცოცხლობს პისტი და ესლა აძლებინებს.

წინ ლანდი გაკრთა. პისტის გული გადაუქანდა, შეჩერდა. მალალ ლობესთან იდგა და გასაქცევი გზა არსაით იყო. გრძნობდა, ფეხები ეყინებოდა. რა ძნელია სიკვდილი მაშინაც კი, როცა სიცოცხლე არაფრად გიღირს!

შარაზე რალაცა მოძრაობდა, სიბნელეს თანდათან გამოეყო... ხბოსტოლა ძალლი გამოჩნდა, ყრუ ღრენა აღმოხდა.

— რა გინდა, შე უპატრონო, რა გული გამიხეთქე! — ხმადაბლა უთხრა პისტიმ. ბოთვერა იყო, უზარმაზარ შავ გორგალს ჰგავდა. თვალები წყვილად უნათებდა, მაგრამ ღრენას ნკმუტუნი გაურია და პისტი მიხვდა, ძალლი კუდს აქიციებდა.

— მოდი, მოგეფერო! — პისტიმ ხელი ბანჯგვლიან კისერში ჩაუყო, მოუალერსა. „ტაბალუებისაა! — გაიფიქრა. — აქ დარჩენიათ ეს საცოდავი!“

გზა რომ განაგრძო, ძალლი ცოტა ხანს აედევნა, მაგრამ საკუთარ ჭიშკარს ველარ გაშორდა, ერთი-ორჯერ შეუყეფა, ნუ მიდიხარო...

თითქოს უფრო ჩამობნელდა, ღამემ იგრძნო აღსასრულის მოახლოება და სანუთრო არ ეთმობოდა.

სულ მალე თემშარაზე უსაფრთხოდ ვერ ივლიდა. აგერ გერონტი ფეტელავას ჭიშკარს მიაგნო, ხელის ფათურით საგდული მოძებნა და გასწია. ჭიშკარმა მსუბუქად დაიჭრიალა. პისტიმ ფრთხილად გაიკეტა... ფეტელავები შეძლებულად ცხოვრობდნენ. კარ-მიდამო ისე იყო გაკრიალებული, ავ თვალს არ ენახვებოდა. სიღრმეში აღმართული ორსართულიანი ოდა-სახლით მთელი უბანი ამაყობდა. სახლიც და უბანიც ჯერჯერობით გადაურჩა განადგურებას. ახლა ბნელში გაყურებული ოდა თავისი მდუმარებით აფრთხობდა პისტის. ფეხაკრეფით გადაჭრა ეზო

და, ლაფაროს რომ ჩაუარა, უცბად ქვედა სართულის კარი ძალუმად მიჯახუნდა. პისტი კედელს აეკრა. მანამ ასე იყო მინებებული, სანამ არჩქარებულ გულისცემას დაიოკებდა. „იქნებ გერონტი შინაა ან იქნებ ქურდია, გერონტიმ ხომ ვერაფერი გაზიდა!“ კარმა დაიჭრიალა და მეორეჯერ მირახუნდა. პისტის თითქოს დაარტყესო, ააკანკალა, მაგრამ ადგილიდან არ დაძრულა. ცოტა ხანს იყურა... ისევ დაიჭრიალა კარმა და კვლავაც რახუნით მიიკეტა. „ფუი, ეშმაკს, ნიავი არახუნებს!“ — მიხვდა პისტი. ბოლომდე გულდაჯერებული არ იყო, ხელის ცეცებით იმ კარისაკენ წავიდა. ბნელში ისევ გაიჭრიალა კარმა და პისტი მისწვდა, შეაჩერა, ნელა მიხურა. კლიტეში ჩარჩენილი გასაღები ორჯერ გადაატრიალა და გაშორდა.

ჩქამი არ ისმოდა. ქურჩის ბოლოს შეჰყეფა ტაბალუების ბომბორა ძალღმა.

პისტი უკანა ეზოთი ბოსტანში გადავიდა. ფეტელავების დიასახლისს დომნიკას მუდამ სანაქებო ბოსტანი ჰქონდა. ვინ იცის, ვისი ნაშრომით ანი ვინ იხეირებდა. პისტი ვინრო თირით მიიკვლევდა გზას, რათა უნებლიეთ ჩითილები არ დაეტკეპნა.

ბოსტნის მიღმა თხილნარი იყო, ოჯახის შეძლებისა და უბედურების წყარო, რაკი თხილი ოქროა, ოქრო კი შორიდან ბრჭყვიანებს და მომხდურს იზიდავს.

ძველი ნაშენი და კარგად გაზრდილი თხილნარი ჰქონდათ. სწორად განყოფილ რიგთა ბოლოს დღისითაც ვერ მიაწვდენდი თვალს. ახლა კი მალლა გაშლილ ტოტებში ვარსკვლავითი ჩაქრა და ძირს მყუდრო უკუნი გამეფდა. პისტი ვერაფერს ხედავდა, გუმანით მიდიოდა. ხელები წინ გაეშვირა, რათა თხილის ამონაყარს არ გადაყროდა. ეგონა, გავშორდი ცხადს და სიზმრეთში მივცურავო. იმ სიზმრეთში ზვიადის ლანდი გაკრთებოდა ხოლმე, „ურა ბომის“ ხატებას მამის ლანდი ასდევნებოდა, არ შორდებოდა... „მოგიკვდეს, სქუა, დედა!“ — ფიქრობდა სანყლად პისტი... სიზმარში გუჯას ზვიადი თან მიჰყავდა, ცხადში კი გუჯა ზვიადის კვალმა გაიყოლია. „რა დროს შენი ომია!“ — ესლა შეჰბედა პისტიმ, გუჯამ კი მძიმედ შეხედა, თუმცა დაყვავებით კი უთხრა: „ზვიადი ომობს, მე კი შინ ვიჯდე, ქალო?“ დიდი კაცი

იყო გუჯა, ეზო-გარემოში ვერ ეტეოდა, სოფელი ეპატარავებოდა; მკლავებს რომ გაშლიდა, ალბათ, მთელ სამურზაყანოს შიგ მოიქცევდა, თუმცა სამურზაყანომ მხოლოდ მტკაველი მინა მიუზომა. წავიდა გუჯა, შინ კი ტრაქტორის ლაფეტით დაბრუნდა, მისი ძლიერი მკერდი ტყვიას შეენგრია, მისი დაფლეთილი გული მეტს ველარ გულობდა, მის გაყინულ თვალეში ზეცა ცივად ისარკებოდა. იქნებ იქ, ზეცაში ერთად არიან მამა და შვილი, ან იქნებ, ღმერთი ხომ მოწყალეა, მამა ცად ავიდა და შვილი კი ჯერაც აქაა, ამ სანუთროში დააბიჯებს და დედისაკენ მომავალ გზას ეძებს.

სადღაც წინ კაკანი მოისმა. ეს მსუბუქი, მოკლე ჯერები ავტომატისა იყო, უფრო ძლიერი და უწყვეტი — ტყვიამფრქვევისა... უცბად აღმუვლდა, ხაფი ხმით აკივლდა. რა უნდა ყოფილიყო? ნაღმი, ჭურვი... იქ რაღაც ხდებოდა!

თხილნარის ბოლოს თითქოს თალი გადაიხსნა. ცა უკვე გაბაცდა, ვარსკვლავებს ეღვარება მოაკლდა. ცის კაბადონზე მიჭედელი ლურსმნის თავები გაქრა, მხოლოდ აქა-იქ თუ ანათებდა... „ზვიადის ვარსკვლავი“ აღარა ჩანდა.

ფეტელავების მამული მალალი ძეძვით იკეტება, შავ გრაგნილად გადმომხობილა. აქ სადღაც საქონლის ბილიკია და ვინრო კუტიკარი. აგერ ოდნავ გაცრიატდა გზატკეპნილი. იმის ბოლოს აკაციის ლარტყით შეკრული კარია. მავთულის რგოლი აქვს წამოცმული. პისტიმ რგოლი ასწია, კუტიკარი გაალო და ადგილზე გახედა.

ჩაის ფართო პლანტაცია თეთრ ნისლოვანებაში იკარგებოდა. იმის მიღმა სიმინდის ყანა და ბალ-ბოსტნები იგულისხმებოდა, მერე ოდა-სახლები გრძელი მწკრივი და სწორედ იქ, თვალსაწიერის მთელ სიგანეზე წითელი დაფიონი გიზგიზებდა.

— ვავა, ჩქიმიშენი*! — აღმოხდა პისტის.

აქამდე გულში იმედის ნატამალი მაინც ღვიოდა, იქნებ უბედურებამ გვერდი აგვიაროს, ამჯერადაც გადავრჩეთო. ახლა კი ველის კიდეზე ანთებულ კოცონებში მეზობელთა სახლები ამ-

* ჩქიმიშენი (მეგრ.) — ჩემო თავო.

ოიცნო — გერასიმეს სახლი, იპოლიტეს სახლი, გუგუჩის სახლი, გურამის სახლი, გამეგრელებული სომხის კარაპეტას სახლი, ტარასის სახლი („სანყალი ტარასი!“), პისტის სახლი... დიახ, მინჯიების სახლიც იწვოდა.

თექვსმეტისა იყო პისტი, ოცდაორი წლის გუჯამ აქ რომ ჩამოიყვანა. მანამდე ობოლს მამიდა ზრდიდა სამადლოდ. მთის მიყრუებულ სოფელში ცხოვრობდნენ, ორ ტყიან ფერდობს შორის რომ ჩამჯდარიყო, და ორიოდ აფხაზური ოჯახი რომ ემეზობლებოდა. მამიდა მალე გაშორდა წუთისოფელს და პისტიმ იქითკენ გზა დაკარგა, თუმცა მეხსიერებაში რამდენიმე აფხაზური სიტყვა შერჩა. ეს ღვთისკალთადაბერტყილი, გახასხასებული, ხილიან-მოსავლიანი ეზო გახდა მისი სამშობლო. თავდაპირველად ალიზით შეთხიპნილ ფაცხაში ცხოვრობდნენ. წლიდან წლამდე, კაპიკს კაპიკი დაანებეს, ხან აგური იყიდეს, ხან ცემენტი... ჯერ ქვედა სართული ამოშენდა, გაეწყო. წლების შემდეგ (ზვიადი უკვე ათისა იქნებოდა!) მეორე სართულიც წამოიშენდა. დრომ ისე გაირბინა, თურმე კიდევ შეაბერდნენ ამ სახლის შენებას. ასეა ქართველი კაცის ცხოვრება, თავისი დღე და მოსწრება სახლის შენებას უნდება, მეტი ვერაფრისთვის იცლის... ხუთი წლის წინანდელ რბევას უბანი გადაურჩა, მაგრამ აგერ, ახლა პისტის თვალწინ იწვოდა და ნადგურდებოდა მთელი მისი ცხოვრების ნაშრომ-ნაჯაფარი.

ჩაის რიგები აქედან იქითკენ განოლილიყო და პისტი რიგთაშორის ბილიკს მიჰყვა. ჩაის მოსავლელად ვერავინ იცლიდა, მერამდენე წელია არც უკრეფიათ და ტყესავით იდგა, ბილიკიც დაევიწროებინა და, რაც დარჩა, ისიც სარეველას ამოევისო. დილის ყვავმა ფეხები დაუსველა, თუმცა სიცივეს ვერა გრძნობდა. მზერა წინ, კოცონისაკენ მიემართა და ხმადაბლა წყევლიდა თავის მტერსა და მათხარს. ბოლომდე ისე ჩაირბინა, ეგონა, წამმა გაიღვავაო. ბინდი უკვე ილეოდა და ვერ გაეგო, რიყრაჟმა მოაწია თუ ხანძრების ნათებამ სივრცე აავსო, ჰაერი თითქოს მხურვალედ გუგუნებდა.

— ვავა, ჩქიმშიენი! — ერთხელაც წამოიძახა პისტიმ უცებ ავტომატის ჯერმა ხოშკაკალასავით მოაყარა, ტრა-

სირებულმა ტყვიებმა ჰაერი წივილით გახაზეს. პისტი ჩაის ბოლოს, ბარდებში ჩაცუცქდა. მალევე მიხვდა, ამ რიბირაბოში ვერავინ შეამჩნევდა და ტყვიები მისთვის არ იყო გამიზნული. წინ ორმხრივი კაკანი ერთიერთმანეთს პასუხობდა. მინჯიების კარმიდამოს ირგვლივ შედღუხი გაემართათ და, ალბათ, გაცლა ჯობდა, მაგრამ ისევე, როგორც ჭირისუფალს უჭირს მიცვალებულთან გამოთხოვება, პისტისაც გაუჭირდა საკუთარი სახლის ნახანძრალის მიტოვება.

სროლა მოულოდნელად შეწყდა. მდუმარებას უკვე ალარაფერი არღვევდა. ცეცხლს შთაენთქა, რისი შთანთქმაც შეიძლებოდა, უხმო ბოლი ჯერ კიდევ ბოლქვებად მიინევა ცისკენ.

პისტი წელში გაიმართა, თხრილის ბოგირზე გადავიდა, კუტიკარი შეალო და სიმინდებში შევიდა. თითქოსდა ღამეზნელი კუტიკარის უკან დატოვა, წინ, მის ეზოში უკვე ნათდებოდა. სიმინდი წელამდე უწევდა, სუსტი შრიალით ეგებებოდა. გასათოხნი იყო. გაქცევამდე მოასწრო კუთხის გათოხნა და ის მხარე უფრო მუქი ჩანდა. დანარჩენს სარეველა მორეოდა. პისტი წაიხარა, ერთ-ორ ძირს ბალახი მოაცილა, მაგრამ ახლა ამის დრო არ იყო და ასევე წახრილმა განაგრძო გზა. ყანის ბოლოდან უკვე მიხვდა, სახლი არ არსებობდა, მაგრამ მომცრო ორთვალნი სამზადი გადარჩენილიყო, ხანძარი ვერ მისწვდენოდა და ამისათვის უფალს მადლი შესწირა.

სულის მოსათქმელად შეისვენა, მიაყურადა. ნახანძრალიდან მსუბუქი ფშუტუნი ისმოდა, ნაკვერჩხლები იფერფლებოდა.

შორიანლო ლელვს ტოტები გაებარჯლა, კარგ საბოსტნეს ჩრდილავდა და თავის დროზე მოჭრით დაემუქრა, მაგრამ გუჯამ დაუშალა, ეგ ლელვი ზვიადს უყვარსო. ახლა იმის ჩრდილში რალაც ამოძრავდა და შესაბრალისი ზმუილი მორთო.

პისტის გული შეუქანდა — „ძიკი, გოლუაფირო*, გადარჩი?“ ძროხას ბანარი დამოკლებოდა, შიგ გახლართულიყო. ალბათ, შიშისაგან აქამდე ხმას ვერ იღებდა, ახლა კი პატრონს იმედიანად შეეხმინა.

— სუ, სუ, ჩუმად! — ქედზე ხელი გადაუსვა პისტიმ, კისერ-

* გოლუაფირო (მეგრ.) — შემოგველე.

ზე გადაეხვია და უცბად გული ამოუჯდა, ცრემლი ლაპალუპით გადმოსცვივდა.

პირუტყვი თითქოს გრძნობდა პატრონის გასაჭირს, ხენე-შოდა და მორჩილად ელოდებოდა, თუ როდის ახსნიდნენ. არა-და, ცური გატიკნოდა, რძე ძუძუს კერტებიდან წვეთავდა.

გონს მოეგო პისტი, თვალები ამოიმშრალა, მიმოიხედა... დღე დამდგარიყო.

ბანარი ახსნა და ძროხა უკეთეს ადგილას გადააბა. ღობის გასწვრივ მაღალი, ლორთქო ბალახი ხარობდა და ძიკის ის ადგილი მიუჩინა, თან ეფერებოდა და ეჩურჩულებოდა.

— ახლავე, ძიკი, ჩემო კარგო, ჩემო ლამაზო!

ბოსტანზე გადაირბინა. პამიდორი მუხლამდე უწევდა, ყვითელი ყვავილები ესხა. ესეც გასათოხნი იყო. ასეთ დროს ყველაფერი ჩანკინკებული ჰქონდა. ვინ დააცალა! ანდა რა დროს ბოსტანზე ფიქრია, სახლი ნასახლარი გახდა, კვამლის ბოლქვიც ჩანყნარდა, სუნი დგას, გაძლება ჭირს, აქა-იქ მსუბუქად ბოლავს... დახედა და კვლავ ცრემლი მოანვა, მაგრამ გული გაიმაგრავა: „ნეტავი ზვიადი ცოცხალი მომცა და ყველაფერი ცეცხლსაც წაუღია!“ სამზადის აივანზე ვედროს დაავლო ხელი, ჭის წყალი გამოავლო, შიგაც ცოტა ჩატოვა ცურების ჩამოსაბანად და ძიკისაკენ შებრუნდა. ძროხა მორჩილი და თვინიერი ჰყავდა. მადლიერებით შეხედა პატრონს. პისტიმ ცურები ჩამოჰბანა, კერტებზე მოსწია და რძემ ვედროში ჩხრიალი დაიწყო.

წველიდა პისტი ძროხას, თან ათასი ფიქრი და სანუხარი ეძებოდა — გუჯას საფლავი, ზვიადის გაქრობა, ოჯახის იავარქმნა, ნელანდელი შედღუხი... რას ნიშნავდა ეს სროლები და რას ნიშნავს ახლანდელი მდუმარება?

ვედრო თითქმის გაავსო.

— ჩუმად, ჩუმად, ნუ იხმაურებ! — ძიკის დაუბარა.

ძროხამ თითქოს გაიგო პატრონის სიტყვები, მშვიდად შეხედა და ბალახი გემრიელად მოძოვა, ცოტა ხნის წინანდელი შიში და განცდა უკვე დავინწყებოდა.

პისტი სამზადისაკენ გაემართა. რძეს დავაბინავებ და გუჯას დავხედავო, ფიქრობდა. გუჯა იქვე, ეზოში ემარხა. დრო იყო

ისეთი, მეზობელი სატირალში ვერ მოვიდოდა, ჭირისუფალი თავის მიცვალეზულს სასაფლაოზე ვერ ააკითხავდა. „ჩამოვა ჩემი ზვიადი და მამამისს მერე გადავასვენებ!“ — მტკიცედ გადაწყვიტა პისტი. ბოსტანსა და წინაეზოს ტრიფოლიატის ღობე ჰყოფდა და იმ ღობის ძირას დამარხა პისტიმ გუჯა. მიწა მოასწორა, ზედ კონდარი ახარა, რათა მტერსა და მახარს ვერ მიეგნო. ელოდა უკეთესი დროის მოსვლას, რათა მის ქმარს ქრისტიანული საფლავი ღირსებოდა. სამწუხაროდ, უკეთესი დრო ველარ დადგა და პისტის გული ეთანაღრებოდა, ვაითუ, თვითონაც ისე გამქრალიყო, შინ დაბრუნებული ზვიადისათვის ვერაფერი დაებარებინა.

სამზადის კარამდე მიაღწია. ვედრო ძირს დადგა, კარის სახელურს ხელი მოჰკიდა და ამ დროს ხმადაბლა დაუძახეს:

— დეი!*

პისტი სწრაფად შეტრიალდა.

იქვე, თუთის ძირას, მწვანე მოლზე ახალგაზრდა იჯდა, ზურგით ხეს მიყრდნობოდა. მუხლებზე გარდიგარდმო ავტომატი ედო, ძირს დაცლილი მასრები ეყარა.

ჯინსის შარვალი ეცვა, ჯინსის კურტაკი, იმის ქვეშ ნაცრისფერი პერანგი სისხლის უზარმაზარ ლაქას გაეჟღინთა.

— დეი! — ბაგე ძლივს შეარხია.

ჯვარივით თმა ჰქონდა. მზისა და ქარისაგან გარუჯულ სახეს ახლა სიფითრე დასდებოდა. დიდრონ, თაფლისფერ თვალებში მუდარა ეხატა.

— დეი, წყალი!

— ახლავე, სქუა, ახლავე! — დაფაცურდა პისტი, ჭის წყალი მოურბენინა. პირთან მიუტანა, ხელი უკანკალეზდა და წყალი ეღვრებოდა. დაჭრილმა ყლუპი ძლივს გადაყლაპა.

— დეი, არ გამყიდო, იცოდე! — ჩურჩულით შესთხოვა.

— ვაი, ჩემს თავს, უბედურს, რას ამბობ, სქუა! ნუ გეშინია, ახლავე გიშველი რამეს!

პისტიმ ავტომატი განზე გასწია, დაჭრილი გამოცოცხლდა, თვალი გააყოლა.

* დეი (მეგრ.) — დეიდა.

— ეე, იარალი!
— აგერაა შენი იარალი, არ დაგეკარგება! მისმინე, გოლუ-აფირო, ეზოში შენი დარჩენა არ შეიძლება, ვინმე თვალს მოგ-კრავს!

ზურგიდან ილღიებში ხელები შეუყო, წამოყენება მოუნდომა. ძვალმსხვილი და მძიმე იყო, ვერც მოერეოდა, მაგრამ დაჭრილმა თავს ძალა დაატანა, თან ავტომატიც დაითრია, დაეყრდნო.

პისტი ილღიისქვეშ შეებჯინა.
— აბა, ყოჩაღად, ნაბიჯი გადავდგათ!
— მე გია მქვია, ალშიბაია! — თქვა უცვებ ახალგაზრდამ.
— აფხაზი ხარ, ბიჭო? — ეჭვით ახედა პისტიმ.
— აფხაზების დედა ვატირე! — კბილები დააღრჭიალა გიამ.
— დავბრიდე ყველანი! იმათ მკვდარი ვეგონე, მე კი ჯერი მივუშვი!

პისტიმ არაფერი ჰკითხა. დაჭრილს მოძრაობა უჭირდა, ზოგჯერ გონს კარგავდა და ქალს მთელი სიმძიმით აწვებოდა. ძლივს მიაღწიეს სამზადის კარამდე, ძლივს გადალახეს დაბალი ზღურბლი.

გუჯამ თავის ხელით ააშენა ეს სამზადი, აგურ-აგურ აან-ყო. პატარა სამზარეულო და მოხერხებული საძილე გამოუვიდა. მაშინ რა იცოდა, ომი თუ მოვიდოდა. რაც ქვეყანა აირია, გუჯა აქ იძინებოდა. მერე პისტიც ჩამოვიდა. ოდა მაღალი იყო, შორიდან ჩანდა, სამიზნედ გამოდგებოდა. სამზადი კი მოფარებულში იდგა, ზევიდან ხეხილის ტოტები იცავდა. მომხდურს სიხარბეს ვერ აღუძრავდა, უკანა კარიდან სიმინდებში გაქცევაც ესწრებოდა.

ძველი ყაიდის რკინისზამბარებიანი წყვილი სანოლი იდგა აქ. ადრე კარგ შენაძენად ითვლებოდა ეს სანოლები. მერე მოდა შეიცვალა. გერმანული საძილეები იყიდეს და ოდა იმით დაამშვენეს. რკინის სანოლები გადასაყრელად ვერ გაიმეტა გუჯამ და აქ ჩამოიტანა.

პისტიმ დაჭრილი სანოლამდე მიიყვანა. გია უღონოდ გაიშხლართა, ავტომატი ძირს დაუვარდა, ზამბარებმა კი საცოდავად დაიჟღერიალა. აჩქარებით სუნთქავდა, მთლად გადაფითრდა.

კურტაკის ლილები შეუხსნა პისტიმ, დიდი წვალეებით გახადა. სისხლიანი პერანგი დანით შეაჭრა. ჭრილობა გამჭოლი იყო, სისხლი უკვე შეხმობოდა. გია ყრუდ კვნესოდა, გონს მოდიოდა და უმაღვე უფსკრულში იძირებოდა. პისტიმ ზენარი ნაჭრებად დაფხრინა. ნაჭრილობევი არყიანი ჭინჭით მოწმინდა. ადრე, ალბათ, სისხლის დანახვაზე გული შეუღონდებოდა, მაგრამ გაჭირვებამ ბევრი რამ ასწავლა და ჭრილობა მტკიცედ შეუხვია.

— დაიძინე, დაიძინე, მე კი რძეს მოგიდუღებ!
გიამ თითქოს ჭიდან ამოიხედა, თვალი გაახილა და შეშინებულმა შესთხოვა:
— დეი, არ დამტოვო!
— აგერა ვარ, სქუა, ნუ გეშინია, შენი ტოლსწორის დედა ვარ, ჩემს ზვიადს ვენაცვალე!
— ზვიადი, ზვიადი... — გაიმეორა გიამ. — ბევრი ზვიადი შემხვედრია.

— ცოცხალი ნახე? — სულსწრაფად შეეკითხა პისტი.
— ზოგი ცოცხალია, ზოგი დაიღუპა... — ახალგაზრდის ფიქრები სხვა მხარით ქროდა, მოჩვენებებს ეჩხუბებოდა, ნიშნს უგებდა. — ხომ დავბრიდეთ!.. ჩემი მოკვლა გინდოდათ, მე კი დაგასწართ...

— გია, სქუა! — შუბლზე ხელი დაადო პისტიმ, სიცხიანი იყო და ქალის ხმა, ალბათ, არც გაუგონია.

— ჩემი კვალი აიღეს, მოსაკლავად დამედევნენ, მე კი ჩავუსაფრდი და ჯერი მივუშვი, სამივე მივანვინე... ერთმა დამასწრო და, აჰა, როგორ მატკინა... მატკინა...

— იძინე, იძინე, მე კი რძეს მოგიდუღებ! — უფრო საკუთარ თავს ეუბნებოდა პისტი. — დალამებამდე როგორმე გავძლოთ. ვინ იცის, ტყვიამ რა ქნა? ექიმია საჭირო!

რძე ქვაბში გადანურა. ნახანძრალისკენ წაიღო, თავისი ლამაზი ოდისაკენ, რომლისგან მხოლოდ ქვედა სართულის ჩაშავებული, სიცხისაგან დამსკდარი კედლები დარჩენილიყო. მინჯიების ნაჯაფარი — გერმანული საძილეები და კარადა, მოსკოვური პიანინო (ზვიადი უკრავდა ხოლმე!), ჩეხური სერვანტი,

ფაიფურის ჯამ-ჭურჭელი, დივანი და სავარძლები, მატყლის ლეიბები და საბნები (ზვიადის ქორნილისათვის გამზადებულნი!), ნოხები და ხალიჩები, ჭალები და ზვიადის სამეცადინო ნიგნები... ყველაფერი დაიფერფლა, გაქრა, მაგრამ ახლა ამისი ნუხილის დრო არ იყო, ჯერ კიდევ ნაკვერჩხლები ღვიოდა და რძის ქვაბი შიგ ჩადგა... ნახანძრალის მსურველებამ პირისახე აუნვა, გამოაფხიზლა, თავი ასწია და ჭიშკართან დაინახა ის სამი „დაბრედილი“ — გუჯას უხილავი საფლავის სიახლოვეს ეყარნენ სამივენი.

ერთხანს გარინდებული იდგა, მერე ნელ-ნელა ნაჩოჩდა იქითკენ. გული გამალეებით უცემდა, საფეთქლებს ტკივილი აწვებოდა. რამდენი ტვირთი უნდა ეზიდა პისტის გულს ამ ერთი გრძელი დღის მანძილზე, კიდევ რამდენ შიშსა და თავზარდაცემას გაუძლებდა იგი?

ერთმანეთისაგან ხელის განვდენაზე დაცვილიან. ტყვიას არც ერთი ეპუებოდა, მან კი სამივე მონახა.

ყველაზე უფროსი, ქერათმიანი ვაჟკაცი გულალმა ეგდო. ცისფერი თვალები ფართოდ დაეჭყიტა, შიგ სიცოცხლე ჩამკვდარიყო. სწორი თმა უკან, ბალახში გადაეყარა. მკლავები ფართოდ გაეშალა, თითქოს აფრენა სწადიაო. მარჯვენათი ხელის ტყვიამფრქვევი ჩაებლუჯა, დათმობას არ ეპირებოდა. რუსი კაზაკი იყო, ალბათ. საშოვარზე ჩამოსული, აქ კი მხოლოდ სიკვდილი იშოვა.

მეორე, შავტუხა კაცი (სომეხს მიაგვანა პისტიმ) მარჯვენა მხარზე იწვა, ფეხებმოკეცილს ავტომატი გულში ჩაეხუტებინა. გრძელი, ცნობისმოყვარე ცხვირი ბალახში ჩაერგო, თითქოს აკვირდებოდა, ეს რა ჭიანჭველა მოცოცავს ბალახის ღერზეო.

ყველაზე ახალგაზრდა, ჩვიდმეტს ოდნავ გადაცილებული ყმანვილი მკერდით განოლილიყო, პირისახე ბალახში ჩაერგო, ნაბლისფერი თმა კინკრიხოდან წინ გადაცვივოდა. გამხდარი, მოსხლეტილი ტან-ფეხი ჰქონდა, ბავშვურად წვრილი კისერი. სირბილის დროს კაცს რომ ფეხი დაუცდებდა, ისე იყო გაჭიმული. ავტომატი ხელიდან გავარდნოდა და ლუღით მინა მოეჩხვირა.

— თქვან დიდაში ცოდა,* ნანა! — გულჯავრიანად წამოიძახა პისტიმ და პირჯვარი სამჯერ გადაინერა.

ოღონდაც, მოთქმა-ტირილის დრო არ უყო. რალაც უნდა ელონა, რალაც უნდა მოემოქმედა! მაძებარი თუ მოაგნებდა, ეზოს კოინდარიც ვერ გადარჩებოდა... ან უპატრონო ღორი შემოეხეტებოდა და გვამებს დაჯიჯგნიდა...

ვაი-ვიშს თავი გაანება, ნახანძრალისაკენ გაბრუნდა. რძე უკვე მალლა იწვედა, ქვაბის კიდემდე ამოსულიყო. სამზადში შეარბენინა, ჭიქაში ჩაასხა, გასაგრილებლად სული შეუბერა და გიას დახედა.

დაჭრილს მშფოთვარე ძილით ეძინა, შუბლზე ოფლის წინწკლები დაყროდა.

პისტიმ ნაჭრით შეუმშრალა. გია მხოლოდ შეიშმუშნა, ძილს თავი ვერ დააღწია. რძე იქვე, ტაბურეტზე დაუდგა, თვითონ კი საჩეხიდან ბარი გამოიტანა.

ტრიფოლიათის ღობესთან, გუჯას ფერხითთ დაკრა ბარი მიწას, სამარხის გათხრას შეუდგა, თან ხმადაბლა ტუტუნებდა.

— ვო, გუჯა, სი უხანე,* ნუ გამიჯავრდები!.. ამ კაცებსაც დედები ჰყავთ, ალბათ, ცოლ-შვილი ელოდებათ... ადრე მტრები იყვნენ, ახლა მხოლოდ მიცვალებულებია... ნუ, ნუ გამიჯავრდები! სიკვდილის შემდეგ მაინც უნდა შერიგდეთ, იმქვეყნად არც ტყვია-წამალია, არც თოფ-დამბაჩა... უხანე, უხანე, ჩქიმი გუჯა!

დაახლოებით ასეთ სიტყვებს მოთქვამდა პისტი, თან სამარეს ბეჯითად თხრიდა. მონითალო მიწა, დიდი მდინარის მოტანილი ლექი, რბილი და მორჩილი, ნოყიერი და მოსავლიანი, თავის წიაღში უდრტვინველად მიიღებდა ყოველს, მტრად მოსულსაც, რადგან დაღუპულთა სულებს მტრობა აღარ ძალუძდათ, ისინი, ალბათ, უკვე უფლის სასამართლოს წინაშე იდგნენ.

დრო სწრაფად გადიოდა. მზემ ხეთა კენწეროებს აასწრო, გადამწვარი სოფელი გაანათა, დაცარიელებული ეზო-კარები, უკაცრიელი ორლობები სინათლით აავსო... დაცხა...

პისტიმ შეისვენა. სამზადში დაჭრილს დახედა. გიას ისევ ეძი-

* თქვან დიდაში ცოდა (მეგრ.) — საცოდავი დედათქვენი.

* სი უხანე (მეგრ.) — შე უდროოდ (გარდაცვლილო).

ნა. ძილში კბილებს აღრჭიალებდა, ბოდავდა. სიცხის აღმური ასდიოდა. პისტიმ ბოსტანში ნაზამთრალ კეჟერას ფოთლები შეატეხა და სიცხიანს შუბლზე დაადო.

გიას სიგრილე ეამა და ძილი განაგრძო.

ქალი კვლავ ორმოს მიუბრუნდა. ფართოდ თხრიდა, სამივეს სამყოფს. მომხდურნი იყვნენ, მაგრამ მაინც ადამიანის ძენი ერქვათ. საფლავის ღირსი კი ყველაა... დადგება, ალბათ, მშვიდობიანი ჟამი, გამორჩედიან ამათი მოკეთებებიც, წაასვენებენ თავიანთ დედებთან, რადგან დედა ყველგან დედაა, ამათ უბედურ დედებს კი, ალბათ, აღარცა სძინავთ, ცოცხალი შვილები ელანდებათ.

გუგუნი მოისმა. პისტი მსხლის ტოტებს შეეფერა. თავზევით გადაიგრილა რუსულმა ვერტმფრენმა. ღია კართან მჯდომმა რუსის ოფიცერმა ბოლო წუთს პირი მიაბრუნა, ეტყობა, თანამგზავრს რაღაცა გადაულაპარაკა და ამიტომაც ვერ შენიშნა ეზოში დაყრილი გვამები და ტრიფოლიატის ლობესთან გათხრილი სამარე.

კარგა ხანს ისმოდა გუგუნი, თანდათან სუსტდებოდა. პისტიმ კაზაკს ხელი ფარაჯაში წაავლო და შეეცადა გამოეჩოჩებინა. მიცვალებული ლოდივით მძიმე და ყინულივით ცივი იყო. ქალმა უღონობისა და შიშისაგან ტირილი მორთო, მაგრამ ცრემლი ვერას უშველიდა. კაზაკი ჯიუტად არ აპირებდა ადგილიდან დაძვრას, არ ენება ფართოდ გაშლილი მკლავების მოხრა და რაც მთავარია, ხელის ტყვიამფრქვევს არ ეშვებოდა, თან მიჰქონდა სამარეში.

— ვო, გუჯა, უბედურიში გინარჩინა,* მე რალად შემატოვე ამ ჯოჯოხეთს!.. — თავისთვის მოთქვამდა პისტი, სლუკუნებდა, თან კაზაკის ქრელ ფარაჯას ჩაფრენოდა და ცოტცოტაობით, ძალისძალათი მოაჩოჩებდა. ორმაგი ოფლი გადაასკდა შუბლზე. თითები გაუშეშდა, ეგონა, ტვირთის სიმძიმეს ვერანაირად დაეძლევო, მაგრამ მაინც შეძლო შეუძლებელი, თხრილის კიდემდე მიათრია, ტყვიამფრქვევიანი მარჯვენა აუნია და კაზაკი გადაყირავდა, არცთუ ღრმა ხაროში თავდაღმა ჩავარდა.

— უბედური დიასქანი,* რუსო! — ჩურჩულებდა მიწაყრილზე წუთით ჩამომჯდარი პისტი. — ვინ იცის, როგორ მოგელის,

* უბედურიში გინარჩინა (მეგრ.) — უბედურებაში გაჩენილო.

* უბედური დიასქანი (მეგრ.) — უბედური დედაშენი.

შენ კი სად გადაიხვეწე და ვისი ტყვია მოგენია!

დრო ერეკებოდა და ახლა მეორე მიცვალებულს მიაშურა პისტიმ. შავტუხა უფრო მსუბუქი აღმოჩნდა, მაგრამ ისე მოკრუნრხულიყო, ვერა და ვერ გააშლევინა ხელ-ფეხი.

— დედაშენმა რალა ქნას, სომხის ბიჭო, სხვის ქვეყანაში რად იკლავდი თავს! — ახლა ამას ეტუტუნებოდა, თან მიაჩოჩებდა და ბოლოს კაზაკის გვერდით ჩააგდო.

— შენს სახელს ვენაცვალე, ღმერთო, მაპატიე, რომ ასე უდიერად ვეპყრობი მიცვალებულებს, ღონე აღარ მყოფნის მე უბედურს! — პირჯვარი გადაინერა პისტიმ და ახლა მესამესთან, თავდაღმა დამხობილთან მივიდა, ამოაბრუნა და მოულოდნელად მიცვალებულმა ამოიკვნესა:

— ნან!*

ნამით შეჩქვიფდა პისტი. ბიჭი მშველელად დედას უხმობდა... იქნებ ზვიადიც ასე იწვა უგონოდ, ისიც დედის სახელს ახსენებდა, ეძახდა.

„ვინა ხარ, პატარა ბიჭო? ვინ მოგაშორა დედის კალთას? იქნებ შენ იდექი ჩემი ზვიადის პირისპირ, იქნებ შენმა ნასროლმა ტყვიამ წამართვა?... ოჰ, ზვიად, სქუა, ჩქიმი უჩა ბოში!“

ამ არეულმა ფიქრმა ელვის უსწრაფესად გაირბინა ქალის ტვინში, მაგრამ პერანგის ღილებს უკვე უხსნიდა. ამასაც, გიასავით, სისხლიანი მაისური ტანზე მისწებებოდა. სუსტად სუნთქავდა, მწყაზარი პირისახე სისხლისაგან დასცლოდა... ნიკაპსა და საულვაშეს პირველი ღინღლი მოსდებოდა.

პისტი სამზადისაკენ გაიქცა, ჭინჭებსა და არყიან ბოთლს დაავლო ხელი.

— რა მოხდა? — იკითხა უცებ გიამ.

თვალი გაეხილა, ეჭვით ათვალიერებდა.

— გაგაღვიძე, გოლუაფირო? უკეთა ხარ? აგერ, რძე დაგიდგი!

— ვინა ხარ?

— მასპინძელი! პისტი მქვია! აგერ, რძე დალიე და ისევ დაისვენე. დასვენება შენთვის მარგებელია!

* ნან (აფხ.) — დედა.

თავქვეშ მკლავი ამოუდო, თავი აუწია და ჭიქა პირთან მიუტანა, ყლუპ-ყლუპ დააღვეინა.

გიამ ამოიოხრა, ბალიშზე თავი მიდო და თვალეები მილულა.

— დაიძინე, დაიძინე! — ჩასჩურჩულა პისტიმ და ოთახიდან გაფარფატდა.

ორმოში ჩაყრილ კაცებს თვალი აარიდა, დაჭრილთან ჩაჯდა. ბიჭი წელანდელივით ძლივს სუნთქავდა.

პისტიმ მაისური შემოახია. ორგან მოხვედროდა ტყვია. მიმხმარი სისხლი და ჭრილობები არყით მობანა. ისეთი გამხდარი იყო, ნეკნები დაეთვლებოდა. მკერდზე მსუბუქი ბუსუსი ეყარა, ძუძუს ორი ბიჭური კერტი, ოდნავ ამოზურცული კუნთები — ეს ადრინდელი ზვიადის გულმკერდი იყო, სანამ იგი დავაჟკადებოდა, კაცად იქცეოდა — „ენაცვალოს დედა!“

თავის ყურუმ სიკვდილეთში, ალბათ, ტკივილმა ჩააღწია, ბიჭმა კვლავ ამოიკვნესა:

— ნან!

„ჰო, დედა ვარ, ზვიადის დედიკო!.. ვინ იცის, იქნებ ისიც ნატყვიარი წევს და დედაშენი უვლის... ზვიად, სქუა, მოგიკვდეს დედა!“

ჭრილობები მტკიცედ შეუხვია. ილღიებში ხელები შეუყო, წამოსწია, მკერდზე გადმოიწვინა. კისერთან ბიჭის სუნთქვა იგრძნო... მოეჩვენა, თითქოს თავის ზვიადს იხუტებდა, მისი სუნთქვა ელამუნებოდა კისერზე. კვლავ ცრემლი მოეძალა, მაგრამ ცრემლი ღონეს აცლიდა და თავი შეიკავა. წამომართა და დაჭრილი ბიჭიც აიყოლია, ასევე ჩახუტებული წამოიყვანა... უგონოს ფეხები მდელივით მოსთრევდა, კვნესა აღმოხდებოდა და თავის დედას ჭირვეულად უხმობდა:

— დია, იან!*

— ნუ გეშინია, მეც დედა ვარ, დაწყნარდი, დაწყნარდი! — ჩასჩურჩულებდა პისტი.

ასე მიაღწია სამზადამდე, მეორე სანოლზე წამოაწვინა. ფეხებზე ბოტასები გააძრო, შარვალი გახადა. ბიჭს თეთრი, ქათქათა ბარძაყები ჰქონდა, დედიკოს შვილობა ეტყობოდა. პირველად თუ გავიდა შინიდან — ამათ ასაკში ხომ თოფს ეთამაშები-

* დია, იან (აფხ.) — დედა, დედიკო.

ან, სიკვდილი ეიოლებათ.

გიასკენ მოიხედა. შფოთიანი ძილი შებრუნებოდა, ოხრავდა, კბილებს ახრჭიალებდა, სიზმრის ომს განაგრძობდა სიზმრის მომხდურებთან.

„იქნებ მეც სიზმარში ვარ!“ — ფიქრობდა პისტი. ალბათ, მთელი საუკუნე გავიდა იმ წუთიდან, როცა დიდი მდინარე გადმოცურა, რათა საკუთარი სახლის ნახანძრალი ეხილა, მზე კი მხოლოდ შუბისტარზე ავიდა, ჩრდილები დამოკლდა, ჰაერი დაიხუთა.

როგორღა უნდა მოეგლო ორი მძიმედ დაჭრილისათვის, ეს თვითონაც არ იცოდა, მაგრამ ის კი იცოდა, რომ ორი დაღუპულის კვალი დროზე უნდა გაექრო.

ძიკის ზმუილი მოესმა. ძროხას, ალბათ, მზე მიაღვა. პისტიმ ახლა იმას მიაშურა. ძიკის ბანრის სიგრძეზე ბალახი წმინდად მოედოვა და პირს სიმინდისაკენ იშვერდა.

პისტიმ ძროხა სხვაგან გადააბა, მზერა ყანას გადაავლო. „გასათოხნია!“ — თავში გაუელვა და ეზოში შებრუნდა. საჩხეში მიგდებული ძველი ჭილობი წამოათრია, მიცვალებულებს გადააფარა. მიწა სწრაფად მიაყარა, მოასწორა. მორჩენილი ბოსტანში გაზიდა. ახალ საფლავზე დამტვრეული ტოტები დაყარა შესანიღბად.

„მაპატიე, გუჯა!“ — ერთხელაც მოუბოდიშა ქმრის სულს.

კვლავ გადაიგუგუნა ვერტმფრენმა. პისტი ჩრდილში გაჩერდა და იქიდან უყურებდა. ვერტმფრენი სამზადის თავზე დაეკიდა, ნელა შეტრიალდა. პისტი მიხვდა, ძიკი შეამჩნიეს. ღია კართან გადმომჯდარმა კაცმა ავტომატი გადმოიღო, დაუმიზნა. პისტის უნდოდა ჩრდილიდან გამოსულიყო, შეეძახა, მაგრამ დაჭრილები გაახსენდა და თავი შეიკავა... იმ კაცმა ავტომატი უკან წაიღო, ვილაცას სიცილით გადაულაპარაკა. ვერტმფრენი შექანდა და გაფრინდა.

შევებით ამოისუნთქა პისტიმ. ნახანძრალთან შეეყოვნდა. ნაკვერჩხლები თითქმის ჩაფერფლილიყო. მსუბუქი ბოლი ფოფინობდა აქა-იქ. ნემსის საღირალი არაფერი დარჩა, ესაა, ერთი ქვაბი რძე წამოაღულა. გაახსენდა, რომ დღეს პირში ლუკ-

— ია სარა, ია უარა, უნნ-უნნ!*
— ა, რა უნდა გააგებინო ახლა ამას? — გია სასონარკვეთილ ჩურჩულზე გადავიდა.

— Ты сам ничего ни понимаеш!* — ძლივს ნაჩურჩულა ასტამურმა. — ახეილაგა!*

შუბლი დაენიწკლა, გაყურდა, იქნებ გონი დაკარგა ან ჩაეძინა. პისტიმ შუბლი შეუმშრალა, თმაზე ხელი გადაუსვა, „დამშვიდდი, ახშიარა,* დამშვიდდი!“ — ჩასჩურჩულა.

— დი! — თავისი სიზმარეთიდან ამოსძახა ასტამურ წვიჭბამ და სუნთქვა დაუამდა. პისტიმ მოიხედა. გიამ პირი კედლისკენ მიაბრუნა, ჯიუტად სდუმდა.

— თუ ასე იჩხუბეთ, უტყვიოდაც დახოცავთ ერთმანეთს. — შუბლზე ხელი შეახო, სიცხე ოდნავ დაკლებოდა. — დამშვიდდი, სიმშვიდე შენი ნამალია! გავალ, ძროხას დავხედავ!

მზე დასავლეთისაკენ გადაინია, ჩრდილები დაგრძელდა. ძიკი სიცხისაგან დარეტიანებული იდგა, იცოხნებოდა.

პისტიმ ძროხა წინაეზოში გადაიყვანა, წყავის ჩრდილში დააბა. ვედროთი წყალი მოუტანა, დაელოდა, სანამ ამოსვლევდა.

სამზადში უხმაუროდ შეიპარა, ბიჭებს დახედა.

ასტამური ღრმა ძილში ჩაფლულიყო. ხანდახან გრძელი, ქალური წამწამები შეუთრთოლდებოდა, შუბლი შეეჭმუხნებოდა, თითქოს ტირილს აპირებსო, ბაგე დაემანჭებოდა.

გიას არ ეძინა, თვალი მოარიდა ქალს.

— გტკივა? — ჰკითხა პისტიმ.

— ყრუდ! — ერთხანს იყოყმანა, მერე ალაღად ახედა. — მაპატიე, პისტი-დეი, ძალიან ავლელდი!

— ჰო!

— გული ბოლმით გამისივდა, იმდენი უბედურება ვნახე, ასი წლის კაცს არ დაესიზმრება. ახალგაზრდა ვარ, მაგრამ ასე მგონია, დიდი ხანია, დავბერდი... იცი, ესენი რას გვიშვრებოდნენ?

* ია სარა, ია უარა, უნნ-უნნ! (აფხ.) — ან მე, ან შენ, გაეთრიე!

* შენ თვითონ არაფერი გესმის! (რუს.).

* ახეილაგა (აფხ.) — ტვინარეული.

* ახშიარა (აფხ.) — შვილი.

— ვიცი, სქუა! — ამოიხრა პისტიმ. — ეგერ ჩემი გუჯა ღობესთან მიმარხია. ამდენი წელი ერთად ვიცხოვრეთ, მე კი წესიერად ვერც დავიტირე. ნეტავი ჩემი ზვიადი მეღირსებოდეს! გიამ ცოტა ხანს იყურა.

— ეს ლანირაკი მართლაც პატარაა!

— ჰო, პატარაა!

— სულელია!

— ჰო, სულელია!

— გამოუტენეს თავი სისულელებით, ხელში ავტომატი მისცეს...

— ჰო!

— მართლა კი არ მინდოდა ამისი მოკვლა, დაჭრილის მოკვლა რა ვაჟკაცობაა!

— ჰო, სქუა!

გიამ კვლავ იყურა, მოუსვენრად აწრიალდა.

— იცი, პისტი-დეი, შეიძლება ჩვენებმა მომძებნონ, ამას რომ იპოვნინან, დაბრიდავენ. ხომ გესმის, ძალიან გამწარებულნი არიან.

— მესმის.

— მოდი რა, ვუთხრათ, ვითომ შენი ზვიადია, მეგრელი ბიჭია, მე რომ მესროდნენ, ამასაც მოხვდა... ჯერ პატარაა, ვინ იცის, ხვალ რა იქნება!

— ჰო, სქუა, ასე ექნათ! გული დაინწყნარე, სიცხიანი ხარ და წუ დაილღები. რომ დაღამდება, სოფელს დავივლი, რაიმე ორთვალას ვიპოვი, აქაურობას გაგარიდებთ.

გია კედლისკენ შებრუნდა.

პისტი ჯორკოზე ჩამოჯდა, ზურგით კედელს მიეყრდნო. ახლალა იგრძნო, რა საშინლად დაქანცულა, ხელ-ფეხი უბჭუოდა, სახსრებში ამტვრევდა. თვალი მილულა, ბურანში ჩაიძირა. ფიქრი წელა, ზარმაცად ზოზინებდა. ვითომ გუჯას ხედავდა. ახლად მომთავრებული ოდის წინ ისხდნენ ის და გუჯა. პისტის დაღლილი ხელები მუხლებზე დაეწყო, გუჯა კი ყალიონს ექაჩებოდა ნებიერად. ზვიადი ეზოში იდგა, წყავის მაღალ ტოტს მისწვდენოდა, ჩაშავებულ მტევანს წყვეტდა. „რამსიმალლე გაიზარდა! — თქვა გუჯამ. — გამასწრო კიდეც! თუ დამიჯერა,

გაისად ცოლს შევრთავ! თოდუების თინიკოს მოვუყვან, ისეთი გოგოა, ჩვენ ზვიადს რომ შეეფერება!“

ცხადად ჩაესმა პისტიის ეს სიტყვები და უცებ თითქოს მიწა იძრა. სახლი შექანდა. გუჯა და პისტიც შექანდნენ, ზვიადი კი დაილია, დაილია და გაუჩინარდა... „ზვიად, სქუა!“ — ამოიკენესა პისტიმ და გამოელვინა.

ასტამურს თვალი გაეხილა და უყურებდა.

— უკეთა ხარ?

ბიჭმა თავი დაუქნია, მერე ზურგიით შებრუნებულ გასკენ გაიხედა.

— Он спит?*

— ჰო!

— Знаете, ди, наши раненых не бросают, Они придут и если его найдут — თვალებით გაიხე უჩვენა, — расстреляют!*

— ჰო, ვიცი! — წყნარად შეეპასუხა პისტი.

— Если наши придут, скажем, что он абхаз, что он мне родственник*

პისტიმ გაიხედა. იმას თვალი გახელილი ჰქონდა, კედელს მისჩერებოდა.

— გაი, გესმის?

— მესმის! — გაიხე თავი ნელა მოაბრუნა, ასტამურს გახედა და ჩაილაპარაკა: — უყურე შენ ამ წვიშბას! — ბალიშიდან თავი ასწია, ტკივილისაგან შეიჭმუხნა და ყური მიუგდო: — ჩუმად!

სადღაც მანქანის ხმა მოისმა, ჯერ სუსტად თუხთუხებდა, მერე მომძლავრდა, ღმუთილში გადაიზარდა.

— ბეტეერია! — თქვა გაიამ. — რუსები იქნებიან! პარტიზანს ისინი თავზე ხელს არ გადაუსვამენ!

— Абхазцов они не трогают. — ასტამურმა დაიმორცხვა,

* სძინავს? (რუს.).

* იცით, დეიდა, ჩვენები დაჭრილებს არ ტოვებენ, ისინი მოვლენ და ეს თუ ნახეს, დახვრეტენ (რუს.).

* თუ ჩვენები მოვლენ, ვუთხრათ, რომ ის აფხაზია, რომ ის ჩემი ნათესავია! (რუს.).

ხმა ჩაუფარდა. — Я им скажу, что вы тоже Абхазцы!*

— სუ! — პისტიმ თითი პირზე მიიღო. — იქნებ ვერც შეგვამჩნიონ!

უხმოდ უგდებდნენ ყურს. ბეტეერი რახრახითა და ღრი-ალით მოინევედა.

— აქეთ გადმოუხვია! — პისტიმ სარკმელი შეალო და ფრთხილად გაიხედა. სარკმელი ასტამურის თავთან იყო და ბიჭიც ცდილობდა გაეხედა.

— ჩვენს ორლობეში მოდის... გაჩერდა!

ბეტეერი მინჯიების ჭიშკართან იდგა, ძრავა თანაბრად გუგუნებდა, ალბათ გზის გაგრძელებას აპირებდნენ.

უკანა კარიდან ოფიცერი და ჯარისკაცები გადმოხტნენ, ხელში ავტომატები ეჭირათ, ერთს კი ყურბარმტყორცნი.

— А вот и корова!* — მხიარულად შესჭიხვინა ერთმა.

— Осторожно, может кто увидит, гауптвахту не оберешся!*

— Да нет здесь никого!* — კვლავ პირველმა წამოიძახა.

ეზოში შემოცვივდნენ და ძიკის შემოეხვივნენ. შეშინებული პირუტყვი განზე გახტა, მაგრამ მოკლე ბანარს ვერ გაექცა და წუთის შემდეგ ხორხოცით მიარბენინებდნენ ჭიშკრისაკენ.

— ძიკი წაიყვანეს! — სანყლად დასცდა პისტიის და სარკმელს მოშორდა.

უცებ ასტამურ წვიშბამ ტკივილებს სძლია, ძალა მოიკრიბა და სარკმელში გასძახა:

— აურუს, Я Абхаз, это моя корова*

ხორხოცი შეწყდა, ნირშეცვლილი რუსები შემობრუნდნენ, სამზადისაკენ გამოიხედეს.

— Йо-мое засекли!* — წამოიძახა ოფიცერმა.

და მაშინ იმ ერთმა, ყუმბარმტყორცნიანმა, იარაღი შემართა.

* აფხაზებს ხელს არ ახლებენ. მე იმათ ვეტყვი, რომ თქვენც აფხაზები ხართ! (რუს.).

* აგერ ძროხაც! (რუს.).

* ფრთხილად, ვინმემ რომ დავგინახოს, ჰაუბტვახტას ვერ გადავურჩებით (რუს.).

* აქ არავინ არის! (რუს.).

* რუსო, მე აფხაზი ვარ, ესკი ჩემი ძროხაა! (რუს.).

* შეგვამჩნიეს! (რუს.).

— არა, არა! — შეჰკვივლა პისტიმ და იმ წამს რაღაცამ იქუხა, თითქოს მთელი დედამინა დაიმსხვრა... ცეცხლი, ზრიალი, გუგუნნი — ყველაფერი ერთმანეთში აირია და პისტიმ სადღაც ბნელეთში გადავარდა.

დიდხანს ეგდო უგონოდ, მერე გუჯას ხმა მოესმა: „ადე, ქალო, რა დროს ძილია, მიხედე ბავშვს!“ პისტიმ თვალი გაახილა, მიმოიხედა. თავზევით ჭერი ჩამონოლილიყო და ცეცხლი ლოკავდა. სამზადის წინა კედელი შემოენგრია ჭურვს, აფეთქების ტალღამ კი უკანა კედელთან მიაგდო პისტიმ.

„ბიჭები!“ — თითქოს თავში ჩაქურჩით ჩააჭედეს ეს ერთადერთი სიტყვა.

ასტამური ნაფლეთებად ქცეულიყო, მხოლოდ მწყაზარ, ბავშვურ პირისახეზე არ ეცხო ნვეთი სისხლი, ღია თვალეებში გაკვირვება იკითხებოდა.

გია გარდიგარდმო ეგდო, თავი საწოლის კიდეზე ეკიდა და მის თაფლისფერ თვალეებში სიცოცხლე ჩამქრალიყო.

— ვავა, ვავა, სქუალეფი! — შეჰკვივლა პისტიმ და მკერდზე მუშტი დაიშინა...

* * *

მზე დასავლეთში ჩაესვენა, ბნელი, კუნაპეტი ღამე მოვიდა. პისტიმ ეზოში, პატარა ჯორკოზე იჯდა.

ხელმარცხნივ გია ესვენა, ალშიბაია, ხელმარცხნივ ასტამურ წვიჟბა.

ცა მოიჭიქა დიდრონი ვარსკვლავებით, „ზვიადის ვარსკვლავი“ დასციმციმებდა პატარა, ბნელ ეზოს.

ცვილისფერი დაჰკრავდა გიასა და ასტამურის სახეებს, ოცდამეერთე საუკუნის მოქალაქეებმა ვერ გადაცურეს სიძულვილის ქარაშოტიანი ოკეანე.

„ღმერთმა ხომ იცოდა, რომ არც ერთი იყო არაბი და არც მეორე ვენეციელი.

ერთავენი ბედკრული საქართველოს შვილები იყვნენ“.

1998

ჟურნალი „ცისკარი“, 9, 1998

სამი მოთხრობა ერთი გვერდობის შესახებ

1. უბელო დღე წვილა

ისე გულდაგულ წვიმდა სოფელ ჭუბურში, თითქოს არც არასოდეს აპირებდა გადაღებას. დაბლა ჩამონოლილი ღრუბლები ევკალიპტებისა და ალვათა კენწეროებზე გაეჩხირნენ და ადგილიდან ვერ იძვროდნენ. სხვა საშველი არ ჩანდა, ალბათ, აქვე უნდა დაცლილიყვნენ ბოლომდე. უბნის რწმუნებული ჯოტო გვილავა ცხრაჯერ მაინც გავიდა აივანზე, იქნებ გადაისარკოსო, მაგრამ წვიმის სვეტს შავად ჩამოებურა დღენათელი და ქურჩის იქით ჩამწკრივებული ეზო-სახლები ისე მკრთალად ჩანდა, თითქოს არანამდვილი გემები არანამდვილ ზღვაში აუჩქარებლად მიტორტმანებდნენ და ყოველივე ზმანებას უფრო ჰგავდა, ვიდრე სინამდვილეს. უცილოდ რაღაც უნდა მომხდარიყო და ცუდი წინათგრძნობით გულგასიებული ჯოტო გვილავა გემრიელად შეუკურთხავდა ხოლმე მალლა ცას, დაბლა თავის ბედ-იღბალს და კვლავ კაბინეტში ბრუნდებოდა, სადაც მაგიდაზე უამრავი გადახაზულ-გადმოხაზული და დაჭმუჭნილი ქალაღი ეყარა. დილას აქეთ წერდა კვარტლის ანგარიშს და უკვე ყელში ამოსვლოდა. მაინცდამაინც მარჯვედ ვერ ხმარობდა კალამს, წინადადება მძიმედ, ჭრატუნით ლაგდებოდა თეთრ ქალაღზე და ეს მოსაწყენი ზოზინი გუნებას უფრო უმჟავებდა. მისდამი რწმუნებულ უბანში ამ ხნის მანძილზე მნიშვნელოვანი არაფერი მომხდარა, თუ არ ჩავთვლით ქვრივი ფუნთულას ბიჭის, ქვათიას დანაშაულს. ეს ქვათია დიდი უბედური ვინმე ჰყავდა გამჩენს. მაგისი გამოსწორება არ იქნებოდა. ღამით, ასეთ წვიმასა და მერეში, თურმე ხიდან ჩამოეხსნა ტოტებზე მოყუტყუტე დედლები და ტომარაში ჩაეჩურთა. მაგ ტუტუცს ფრინველი გზაშივე გაჰგუდვია და იძულებული გამხდარა, ტომარიანა სანწალეში გადაეგდო. სანწალე აბა რისი სანწალე იქნებოდა (ჯოტო გვილავამ სმენა დაძაბა, თავსხმას ავად აეგუ-

გუნებინა სოფლის მდინარე), ტომარა ბრაზით მოუგდია უკან. აქ წაასწრეს თურმე ფუნთულას ბიჭს. ეს იყო და ეს! ჯოტო გვილავა კი იჯდა ახლა თავის ცივ კაბინეტში და ცდილობდა სხარტად და ლიტერატურულად გადმოეცა ეს ბითურული ამბავი.

უბნის რწმუნებულმა ხმადაბლა შეიგინა. ფანჯრიდან გაიხედა. მაგნოლიას ჩამუქებულ ფოთლებზე დიდრონი წვეთები ეკიდა და სათითაოდ ნკაპანკუპით სხლტებოდა. ტოტებს მიღმა სოფლის შარა გამოიკვეთა. იქ, იმ წვიმაში, ამაყად გაიარა თინიკო კელაპტრიშვილმა, მთავარი აგრონომის გოგომ. უკვე შეღერებული და ტანაყრილი იყო. სველი სასკოლო ფორმა ეტმასნებოდა, მაგრამ ისე აუჩქარებლად მიირხეოდა, თითქოს წვიმაში კი არა, მზის სხივებში ბანაობდა.

ჯოტო გვილავამ ამოიოხრა. დაჭმუჭნილი ქალაღები მაგიდიდან გადაფერთხა, კალამი დააგდო და ხელისგულები პირისახეზე აიფარა, თვალი დახუჭა, წვიმის თანაბარ ხმაურს მიუგდო ყური. მეტი არაფერი ისმოდა. წვიმა შხუოდა ტოტებში, ნკანწკარი, წკრიალი გაჰქონდა წვეთებს. შორს კი გუგუნებდა მოძალეებული სანწალე და ამ ხმაში რალაც საშიშროება იმალებოდა. წამით ეზმანა კიდეც, სადაცაა წყალი გადმოხეთქავს და ნაგველეკავსო. შემფოთებულმა თავი ასწია, თვალი გაახილა. შიშმა გაჰკენწლა. წყლის გაუთავებელ ხმაურში სხვა ხმებიც გაერია. სადღაც სოფელში წიოკობდნენ. „აღბათ, წყალმა თუ წაილო ვინმე!“ — პირველად ეს გაიფიქრა და აივანზე გავარდა.

დაცარიელებულ შარაზე თანდი ჩიმაკაძემ გაიარა ფეხაჩქარებით.

— რა მოხდა თუ იცი? — მიადევნა ჯოტომ, მაგრამ თანდემ დაბნეულად ჩაიქნია ხელი და გზა განაგრძო.

ჯოტო გვილავა კაბინეტში შებრუნდა, ქუდსა და ლაბადას ხელი დასტაცა და კვლავ აივანზე გავიდა.

წვიმის ფარდიდან აწონილი ბიჭი გამოსხლტა, თავქუდმოგლეჯილი მორბოდა.

— ზაზა? — კიბეს რომ მოაღწია, მაშინლა იცნო თანდი ჩიმაკაძის ბიჭი.

— ჯოტო ძია! — კიბეზე შექანდა ზაზა, წაიფორხილა. ტალახში იყო ამოვანგლული, სველ საფეხურებზე ფეხი უსხლტებოდა.

ჯოტო გვილავა ჩაეგება, ხელი გამოსდო, კაბინეტში შეიყვანა და სკამი გამოუნია.

ბიჭი მოწყვეტით დაჯდა, თავით მაგიდას დაემხო.

ჯოტომ კარი მიხურა, სავარძელს დაუბრუნდა. „ეჰ, ამის თავს რალაც უბედურებაა!“ — სევდიანად გაიფიქრა და ქალაღები შეუმჩნეველად განზე გააჩოჩა, ბიჭის თმებიდან ჩამოცურებულმა წვეთებმა არ დამისველოსო.

ზაზა ჩიმაკაძემ თავი ასწია, შეეცადა პირდაპირ შეეხედა, მაგრამ გახურებული სახე უმალ განზე მიაბრუნა.

— მე მოვკალი... მე მოვკალი მამუკა!

სულ რალაც ორიოდე წლის წინ დიმიტრი ფარცვანია ძმაკაცებში მიტოდ იწოდებოდა და იურიდიულ მეცნიერებებს იზუთხავდა. რაიონში საკუთარი სურვილით ჩამოვიდა, თუმცა აფრთხილებდნენ, სამსახურის შოვნა იოლი არააო. თვითონ უკეთ იცოდა თავისი საქმე. იქნებ სხვათათვის შეუმჩნეველი მფარველი ანგელოზი მასაც ჰყავდა, იქნებ იღბლიანი უფრო იყო, მაგრამ, ეტყობა, აქეთ არცთუ უსაფუძვლო იმედებით მოემართებოდა. ყოველ შემთხვევაში, გაუმართლა. ახალგაზრდა სპეციალისტს გულთბილად შეხვდნენ, რაიონის ცენტრში პატარა ოთახი მოუხერხეს, დროებით უმნიშვნელო სამსახური შესთავაზეს, მაგრამ როგორც კი გამოცდილი იურისტი შერაზადაშვილი პენსიაზე გავიდა, უმალვე დიმიტრი დანიშნეს გამოთავისუფლებულ ადგილზე.

თავდაპირველად რამდენიმე იოლი საქმე გამოიძია, როგორც წესი, მცირეწლოვან დამნაშავეთა. ერთმა ახალგაზრდამ „ჟიგულიდან“ იაპონური მაგნიტოფონი მოიპარა, მეორე — სხვის ბინაში შეძვრა და ორასი მანეთის ობლიგაცია გამოაყოლა ხელს, მესამე — დანით დაუხვდა გამვლელს, საფულე წაართვა, შიგ კი მხოლოდ სამი მანეთი და ორმოცდახუთი კაპიკი აღმოჩნდა. შერაზადაშვილისათვის ასეთი წვრილმანი საქმეებიც სარფიანი იქნებოდა, აღბათ, მაგრამ დიმიტრი ფარცვანია ჯერჯერობით თავისი ციციქნა ხელფასით აპირებდა არსებობას და ეს ყმანვილები, მათი მშობლების მცდელობის მიუხედავად, ერთი მე-

ორის მიყოლებით ავჭალის მცირეწლოვან დამნაშავეთა კოლონიაში აღმოჩნდნენ, რამაც ახალბედა გამომძიებელს უშეღავათო და მოუსყიდველი მუშაკის სახელი დაუგდო.

სოფელ ჭუბურიშში მომხდარი მკვლელობა მისთვის პირველი სერიოზული საქმე იყო. მართალია, თავდაპირველად ამ შემთხვევას შერაზადაშვილი იძიებდა, მაგრამ პენსიაზე გასვლამ მოუსწრო. დიმიტრის ეამაყებოდა ახალი როლი, თითქოს რამდენიმე საფეხურით აინიაო უცაბედად... წინასწარი გამოძიების მასალებიდან მარტივი და ნათელი სურათი იკვეთებოდა. ჯერ უბნის რწმუნებულს, მერე კი შერაზადაშვილს ყოველი წვრილმანი აღენუსხათ. ერთადერთი, რაც დამნაშავეს ვერ ათქმევინეს, ეს იყო მიზეზი. ბიჭი უსასრულოდ იმეორებდა, მამუკა მე მოვკალიო, მაგრამ რატომ და რისთვის, ამას არ ამბობდა. „თუმცა ახლანდელ ახალგაზრდებს მიზეზი რად უნდათ? — ხმამაღლა იტყოდა დიმიტრი. — ყოჩებივით დადიან, პატარა წაკინკლავება და დანას გაგიყრიან მუცელში!“ თვითონ კი გუნებაში არა ერთი ვერსია ჰქონდა ჩამონიკნიკებული და, რა თქმა უნდა, პირველ და თითქმის ნაღდ მიზეზად გოგო მიაჩნდა.

დამნაშავესთან შეხვედრამ ეს რწმენა განუმტკიცა. გალეული, ყვრიმალამორილი ბიჭი ისეთი უბედური ჩანდა, ისე უსასოოდ მოშვებული იჯდა სკამზე, იყო და არც იყო ცოცხლებს შორის. ხანდახან, თითქოს გამოფხიზლდაო და საკუთარ თავს გარედან შეხედაო, მხრებს გაშლიდა. ამ დროს ფარულ სიკერპეს ააშკარავებდა და დიმიტრიმ წამიერად გაელვებული სიბრაღულის გრძნობა უკუაგდო.

— რა ვქნათ ახლა ჩვენ? — ჰკითხა ხვნემით.

ზაზა ჩიმაკაძემ თავი ასწია. თვალებში მუდარა ედგა და ამ შემოხედვამ დიმიტრის სიფიცხე შეანელა.

— წყალი ხომ არ გინდა? — თანაგრძნობით შეეკითხა.

ზაზამ თავი დაუქნია.

დიმიტრი უკან გადაიხარა, სურას მისწვდა, წყალი დაუსხა და მიანოდა.

ბიჭი ხარბად სვამდა, ნერვულობისაგან ტუჩები დაშაშროდა.

— სიცხიანი ხარ?

ბიჭმა უარის ნიშნად თავი გააქნია.

— ერთი ეს მითხარი, თინიკო კელაპტრიშვილი რა ამხანაგია შენი?

ზაზა მოიბუზა, იატაკს მიაშტერდა.

დიდხანს უყურა დიმიტრიმ, მიხვდა, პასუხს ვერ მიიღებდა.

მერე მთელი ის დღე სხვას ვერაფერს დაუდო გული. ნაშუადღევს ჯოტო გვილავას დაურეკა ჭუბურიშში, ჯერაც უმანქანო კაცი ვარ, თუ არ შენუხდები, მანქანით გამომიარე, ადგილზე მინდა საქმეს გავეცნოო. კარი გამოიკეტა და შინისაკენ აუჩქარებლად გასწია. წვიმამ ახლახან გადაილო. დიმიტრი ცდილობდა ტალახიან გუბებს მორიდებოდა, თან კი „საქმეზე“ ფიქრობდა. კარიერის დიდ გზაზე პირველ ნაბიჯებს დგამდა და ყველაფერი უნდა გაეზომა, აენონ-დაენონა. სიმართლე აღმასის თვალისთვისაა. უამრავი წახნაგი აქვს, რამდენნაირად შეაბრუნებ, იმდენნაირად აბრწყვიალდება. სასწორი ხელში ეჭირა და პინას, საითაც სურდა, იქით გადახრიდა. ეს რომ გაიფიქრა, გუბეში მაშინ ჩაჰკრა ფეხი და მთელი ის საღამო ერთადერთი ფეხსაცმელისა და ერთადერთი შარვლის წმენდას მოახმარა.

გვიან დაწვა. უცხოური დეტექტივების კრებული გადაშალა. „ეს მეგრეები, ერსკინ პუაროები და შერლოკ ჰოლმსები ზღაპრის გმირებია, — ფიქრობდა ზანტად, — ცხოვრებაში ყველაფერი ბევრად უფრო რთულადაა. ყველაზე მარტივი საქმე უფრო რთულია, ვიდრე ყველაზე დახლართული დეტექტივი!“ სიამოვნებით ერთობოდა დეტექტივებით, მაგრამ ახლა დაღლა იგრძნო, გული ვერ დაუდო. წიგნი გადადო, შუქი ჩააქრო და სიბნელეს მიაშტერდა. „დამესევინა ახლა მაგ ჩიმაკაძის ახლობლები!“ აზრი არ გაუგრძელებია, ბალიშს ჩაეხუტა. სანამ ძილში ჩაეფლობოდა, ანგალმა ფიქრმა გაუელვა: „ჰა, როგორია ეს თინიკო კელაპტრიშვილი?“

დილას კი მალევიძარამ უმტყუნა, მანქანის პიპინმა გამოაღვიძა. მზე საკმაოდ მაღლა იდგა. ჯოტო გვილავამ ისე შემოალაჯა, თითქოს კარი შემოანგრიაო.

— ჩაის დალევა ვერ მოვასწარი! — დაიჩივლა დიმიტრიმ.

— ჩაი რა კაცის საქმეა, გზაში შევჭამთ რამეს! — ჯოტო მთე-

ლი ეს თვე მკვლელობის ნაირ-ნაირ ვერსიებს უტრიალებდა.

უკვე წითელ „მოსკვიჩში“ ისხდნენ, როცა, თითქოს დიმიტრის აზრი ნაიკითხაო, ისე თქვა უბნის ინსპექტორმა:

— მე თუ მკითხავ, დიმიტრი ბატონო, გოგოა, მაგალითად, დამნაშავე მაგ საქმეში! — გაყურდა და მერე ხვნეშით დააყოლა: — იტყვიან ახლა წინათგრძნობა არ არისო, მთელი ის დღე მყავე გუნებაზე ვიყავი!

„ნასვამი იქნებოდა!“ — გაიფიქრა დიმიტრიმ. ჯოტო ტანმსხვილი კაცი იყო, მანქანაში ძლივს ეტეოდა, მომრგვალებული მუცელი საჭეზე მიედო. მილიციელის ფორმა ისე ვიწრო ჰქონდა, საცაა შემოასკდებაო. იმის გვერდით დიმიტრი პატარა კაცუნად ჩანდა და უბნის რწმუნებულის ეს უპირატესობა არაფერად ეპიტნავა.

— ა, ბატონო, გადავხედოთ სოფლის ისტორიას! — ვერ ისვენებდა ჯოტო. — აქ დავიბადე და გავიზარდე. ჩხუბი და დავიდარაბა რამდენი მინახავს. შარშან კვეკვესკვირი რომ ავარიაში დაიღუპა, მისმა ძმებმა ცეცხლი წაუკიდეს დამნაშავის სახლს... მერე მთავრობა მე მომადგა და ტყავი გამაძრო, თვალები სად გქონდაო. თვალებიც თან მქონდა და ტვინიც! რა, ყარაულად დავდგომოდი, მაგალითად? იქნებ ამ ნაგანით ამომეხოცა კვეკვესკვირის ძმები? მათი გიჟი თავების ამბავი რომ ვიცი, ამიღებდნენ და მე თვითონ გადამიძახებდნენ ცეცხლში. ავდექი და შორიდან ვუყურე!

— სახანძრო გამოიძახე? — ზანტად იკითხა დიმიტრიმ.

— კი, ოღონდ ვერაფერი უშველეს! მანქანაში წყალი არ ჰქონდათ თურმე, სახლი კი ხისა იყო. სანამ ესაო, ისაო, ჩაიფერფლა ბოლომდე!

— ჰო? — ორაზროვნად ჩაურთო დიმიტრიმ.

— ეს კი, მაგრამ კაცის კვლა ჩვენთან არ ხდება! — გადაჭრით თქვა ჯოტომ. — მართლწესრიგის საქმეში ისეთი პროცენტი გვაქვს...

— ეჰ, ჩემო ჯოტო, ერთი მკვლელობა სულ გადანონის იმ შენს პროცენტს!

— ეგ ხომ ასეა და... — ნაღვლიანად შეეპასუხა ჯოტო და მანქანა გააჩერა. — აქ იშოვება, მაგალითად, შიმშილის წამალი! გზისპირა რესტორანი იყო. მწვადები და ერთი ბოთლი არაყი

შეუკვეთეს.

— მანქანაზე ვზივარ, მაგრამ ცოტას კი გავბედავ მეც! — ჯოტომ არაყი ღვინის ჭიქებში ჩამოასხა.

— თინა კელაპტრიშვილს თუ იცნობ? — იკითხა უცებ დიმიტრიმ.

უბნის რწმუნებულმა არაყი გადახუხა, ხორცის მოზრდილი ნაჭერი ჩაიდო პირში და ლუკმა აუჩქარებლად დაღეჭა. თვალები კედლისათვის მიეპყრო, დიმიტრის კი მოთმინება ელეოდა.

— ჩვენი აგრონომის გოგოა... მაღლა დაფრინავს! იმას, ხომ იცი, ისეთი პატრონი ჰყავს, ვინმემ რომ ტალახი ესროლოს, ერთი ბენო არ მოეცხება... დაიმახსოვრე ეს, მაგალითად!

დიმიტრიმ არაფერი უპასუხა და მერეც, სოფლამდე, ხმა არ ამოუღია.

გზა მოულოდნელად ძირს დაქანდა. იმ ადგილიდან მგზავრების თვალწინ უცბად გადაიშალა სანწალეს ქალაში ხალვათად განფენილი ჭუბურში. ხეხილი იტალღებოდა ვერცხლისფერი სანწალეს გაღმა-გამოღმა. სოფლის კიდიდან იწყებოდა ჩაის პლანტაციები, შავად გადახნული ნასიმინდრები, ქარსაცავის სწორი მწკრივები. ერთადერთი მოასფალტებული გზა ისარივით კვეთდა ჭუბურშის და მის გასწვრივ ჩამწკრივებულ მაღალ ოდეებზე თუნუქის სახურავები ბრწყინავდა.

ჯოტომ მანქანა გააჩერა. მცირე ხანს ჩუმად ისხდნენ.

— იქ, მაგალითად, სკოლაა!

ამას უსიტყვოდაც მიხვდებოდა კაცი. ახლად აშენებული ოთხსართულიანი სკოლა თეთრად დაჰქათქათებდა სოფელს.

— აქ კი სასაფლაო! — ჯოტო გვილავამ ჩუმი ტკივილი ამოაყოლა ამ სიტყვებს.

ქვითკირის კედელი გარს ერტყა ბუმბერაზ ჭადრებს და მათს ჩრდილში სინყნარე და სიგრილე სადგურობდა.

დიმიტრი მანქანიდან გადმოვიდა, თითქოს ფეხის გასამართავადო. ფეხებმა კი თავისით წაიყვანეს სასაფლაოსაკენ. ჯოტოც მიჰყვა ხვნეშით. ძველებურ, დახავსებულ საყდარს აუარეს გვერდი. ხმის ამოუღებლად მიდიოდნენ საფლავებს შორის და დიმიტრის მზერა გადაურბოდა გვარებსა და წლებზე.

სევდა შემოაწვა. პატარა ბიჭის სიკვდილი მხოლოდ ამ წუ-

თას გაიცნობიერა. ახლალა იგრძნო ბოლომდე, არცთუ იოლი საქმე ჰქონდა დაკისრებული და რატომღაც შერაზადაშვილზე გაბრაზდა, თითქმის ყველაფერი გამოიძია და რალა ბოლო წერტილის დასმა დაეზარაო.

განაპირას, გადასახედზე, ჭადრის ჩრდილში ახლადდაყრილ გორაკს მიადგნენ. უბრალო პალოზე ფიცარი მიეკრათ და ზედ ლურჯი მელნით ეწერა: „მამუკა ლეჟავა“.

ფხვიერ, თითქოს ნაფერებ მინაზე ცოცხალი ყვავილები ეწყო. ნუთის წინ ვილაცა დასტიროდა ბიჭის საფლავს, უცხო თვალს მოერიდა, მიიმალა.

— ამხანაგები იქნებოდნენ! — ყრუდ ჩაილაპარაკა ჯოტომ. — ეჰ, ბებია აქ ვერ ამოხობდება, ის საწყალი!.. მაგას არაფერი ეშველება ანი!..

არც მამუკა ლეჟავას ეშველებოდა რამე, არც მის მოხუც ბებიას!.. მაშ, რა როლი ეკისრებოდა დიმიტრი ფარცვანიას ამ ტრაგიკული კვანძის გახსნაში? პასუხი ერთი იყო, როგორც ამას პროფესია ასწავლიდა: ჭეშმარიტებას თავისთავადი ღირებულება აქვს! არაფერიც რომ არ შეიცვალოს, სიმართლე მაინც ფასეულია!

სასაფლაოს ამ მდუმარებაში დიმიტრი ფარცვანიას აშკარად ესმოდა საკუთარი გულის ბაგაბუგი. ჭადრების შრიალი, სოფლიდან მოღწეული შორეული ხმები, ჯოტო გვილავას ასტმური ხვნეშა ვერ ფარავდა დიმიტრის გულის არიტმულ ცემას და უცებ ზარმა დარეკა — ძინ-ძინ-ძინ!..

ეს სკოლის ზარი რეკავდა... ამ მინაში იწვა მამუკა ლეჟავა, მისი გული არანაირ ხმას არ გამოსცემდა. იწვა და ყურს უგდებდა ერთადერთ ხმას: ძინ-ძინ-ძინ!..

სოფლის ცენტრი გადაკვეთეს. მოსახვევთან თეთრი ხომალდით გამოცურდა ორსართულიანი, ხალვათი სახლი. ჭიშკართან შავი „ვოლგა“ იდგა. მანქანის კაპოტს ტანსრული კაცი დაყრდნობოდა და ვილაცას ელოდებოდა. ჯოტო გვილავა ხელის აწევით მიესალმა. კაცმა უპასუხა, მერე კი სახლისაკენ გასძახა:

— იჩქარე, ნუ მაგვიანებ!

— მთავარი აგრონომია, კელაპტრიშვილი! — ჯოტომ სიჩქარეს მოუმატა.

დიმიტრიმ უკან მოიხედა, იქნებ თინიკო გამოვიდესო, მაგრამ ჯოტომ, თითქოს ჯიბრზეო, სხვა გზაზე გადაუხვია და კელაპტრიშვილების სახლი თვალთახედვიდან დაიკარგა.

— ა, ეგერაა ჩიმაკაძეების სახლი! — გაახედა უბნის რწმუნებულმა.

ლურჯად შეღებილი ჭიშკრის მიღმა ისეთივე თეთრი ხომალდი წამოიძარდა. არცთუ დიდი ხნის გადახურული ჩანდა. ზედ კუნუბზე თავმომნონედ წამომართული ვარსკვლავიანი კოშკი ვერცხლისფრად ლაპლაპებდა.

— კარგად ცხოვრობენ! — დაასკვნა დიმიტრიმ.

— თანდი ჩიმაკაძე მშრომელი კაცია! — ფარულ ეჭვს შეეპასუხა ჯოტო. — უბრალო ტრაქტორისტი არ გეგონოს, რაიონის მასშტაბის კაცია. ქალბატონი ლუბა კი პედაგოგია და...

დიმიტრიმ ამაზე არაფერი თქვა. „მოსკვიჩმა“ მტვრიან ორლობეში ბული დააყენა და იმასლა ფიქრობდა, ნჯღრევის დროს თავი არაფერს მივარტყაო.

ლეჟავების სახლი განაპირას იდგა. ეზოს სიღრმეში ჩვეულებრივი, დაბალ ბოძებზე შემდგარი ფიცრული ჩანდა. მწვანე მდელო სახლის წინ, ტრიფოლიატის ლობე, ციცქნა ვენახი, პანია ბოსტანი, — ათასი ასეთი ეზო-კარი ენახა ადრე დიმიტრის. ახლა ხალხი გაკეთდა, ბატონო, ასეთ ოღებში არავინ ცხოვრობს, — ფიქრობდა თავისთვის.

ეზოში ძეხორციელი არავინ ჭაჭანებდა. სამზადის ლაფაროში ორი დედალი იქექებოდა ზანტად და ეს იყო იდილიური სურათის ბოლო შტრიხი, სურათს კი უნდა რქმეოდა „მდუმარება“, დიახ, „სრული მდუმარება“.

— ძალღიც არა ჰყავს? — დიმიტრიმ უხერხულობა იგრძნო, მასპინძლის გამომხმობისა მოერიდა. ჭიშკრის საგდული რომ გადასწია, ხელი ოდნავ უთრთოდა და საკუთარ თავს შემოსწერა, ნეტავ რა მემართებაო.

ურჩუმრად გადაკვეთეს ეზო.

ხის სუსტმა კიბემ ჭრაჭუნი გაიღო.

— არავინა ხართ შინ?
ათიოდე წლის ბურძგლა გოგომ გამოიხედა. სტუმრების და-
ნახვაზე დაფრთხა, სიღრმეში მიიკარგა.
ჯოტომ ღიად დარჩენილ კარში შეეყო თავი.
კუთხიდან ბებრული ჩიფჩიფი მოისმა.
ნიკელისზურგიან სანოლზე, მაღალ ბალიშებს ჩიტივით
პანია ქალი მიყრდნობოდა. ცხვირზე სათვალე ეკეთა და სტუმ-
რებს ბეცი თვალებით შემოსცქეროდა.
— მობრძანდით! — წამონევა მოინდომა, ღონე არ ეყო და
ბალიშზე მიესვენა.
— ნუ შენუხდებით, ქალბატონო ცინტუ, ჩვენ წამით შემო-
ვირბინეთ! — დიმიტრი შეეცადა დაყვავებით ელაპარაკა. სკა-
მები შინაურულად გამოაჩოჩა, ერთი ჯოტოს დაუთმო, მეორე-
ზე თვითონ დაჯდა და ალერსით დაუმატა: — უბნის რწმუნე-
ბულს, ალბათ, იცნობთ, მე კი გამომძიებელი ვარ!
ამას რომ ამბობდა, ცდილობდა შინაგანი თრთოლვა რო-
გორმე დაემალა.
— ისევ გამომძიებელი? — დედაბრის ხმაში დამცინავი კი-
ლო გაკრთა.
— ჩემ წინ ვინც იყო, პენსიაზე გავიდა! — თავი იმართლა დი-
მიტრიმ. — დამერწმუნეთ, ყველაფერს ობიექტურად გამოვიძი-
ებ და თქვენს სურვილებსაც გავითვალისწინებ!
— არაფრის სურვილი მე არა მაქვს! — ხელი ჩაიქნია დედა-
ბერმა. — მამუკა რომ მყავდა, მაშინ მქონდა სურვილები. ახალი
გამოძიება რას მომიტანს ვითომ, გამიცოცხლებს შვილიშვილს?
დიმიტრიმ ვერაფერი თქვა. ჯოტომ კი ამოიხვნეშა და შემ-
რიგებლურად ჩაურთო:
— სიმართლე ხომ უნდა დადგინდეს, ქალბატონო ცინტუ?
— ახალგაზრდები ხართ ჯერ, ამიტომ გეჩვენებათ, რომ
ეგრე იოლია სიმართლის დადგენა. იმ წუთას იქ რომ ყოფილი-
ყავით, მაინც ვერ დაადგენდით სიმართლეს. ასეთ დროს თვალი
და გული გატყუებს. კარდაკარ სიარულით ან რა სიმართლეს
მოიძიებთ?
— მამ როგორ მოვიქცეთ?
— წადით სახლებში, მიხედეთ თქვენს ოჯახებს! მე კი მაცა-

ლეთ სიკვდილი. მალე წავალ ჩემს მამუკასთან და სიმართლე-
საც იქ გავიგებ!

დედაბერმა ტუჩები მაგრად მოკუმა და თვალი დახუჭა.
კაცები უხერხულად ისხდნენ, ხმის ამოღება ვერ გაეხდებოდათ.
ბოლოს ჯოტომ ამოიხსრა და წამოდგა.
ანრიალდა დიმიტრი ფარცვანია. ტანზე თითქოს ჭიანჭვე-
ლები შეესივნენო, ხან სად მოივლო ხელი, ხან სად. ეძნელებოდა
ასე უთქმელად წასვლა.
— რამე დახმარება ხომ არ გჭირდებათ?
დედაბერმა დაკვირვებით შემოხედა.
— თქვენგან?.. არაფერი!
ეცეცხლა დიმიტრის, ფარ-ხმალი მაინც არ დაყარა.
— როგორა ძლებთ აქ... მარტო?
— მარტო რატომ?.. მეზობლები მყვანან, აგერ მეზობლის
გოგო იყო ამ წუთას!
ცინტუ კვირკველიას აშკარად არ ენადა საუბარი და დიმიტ-
რი დაფაცურდა, რალაც-რალაცები კიდევ თქვა, მერე თვითო-
ნაც ვერ გაიხსენა, რა სიტყვებით ცდილობდა დედაბრის გულის
მოგებას, თვითონაც ვერ მიმხვდარიყო, რატომ ებოდიშებოდა,
რა ჰქონდა საბოდიშო, რაში უნდა დაედანაშაულებინა საკუ-
თარი თავი.
კარში ჩამდგარი ჯოტო აულელვებლად უყურებდა გამომძ-
იებლის ფაციფუცს.
უკვე ზღურბლზე წამოენია დიმიტრის დედაბრის სიტყვები:
— თავი არ მოიკლას მაგ ბიჭმა, ჩემმა არგამხარებელმა!
აივანზე გამოსულებმა შვეებით ამოისუნთქეს.
მხოლოდ მანქანაში ამოიღო ჯოტომ ხმა:
— კერპი ქალია ცინტუ კვირკველზე, დიდხანს ვერ გაძლებს
საწყალი!
„ან რისთვის უნდა გაძლოს?“ — გაიფიქრა დიმიტრიმ.
საკუთარი თავით უკმაყოფილო იყო. გრძნობდა, ჯოტოს
თვალში მარცხი რომ განიცადა და ეს აღიზიანებდა.

უბედურება სკოლის ნაკვეთზე მოხდა. ზაზა ჩიმაკაძე, აი,
აქ, კურკიდან ამოხეთქილ ატამთან იდგა. გახსნილი დანა ეჭირა

ხელში, — სამყნობი, დედამ რომ შესვენებაზე გამოატანა ბიოლოგიის კაბინეტიდან (ასე ეწერა ოქმში). მამუკა ლეყავა აი, იმ კარიდან შემოიჭრა. ნაკვეთი ახალი გადაბარული იყო, მინაწვიმამ გააჟიჟინა და მამუკას შიგ ფეხი ეფლობოდა. ბიჭები აი, აქ შეიყარნენ. დანარჩენი კი წამში მოხდა...

დიმიტრი ფარცვანიამ ფეხსაცმელებზე დაიხედა. ტალახი ქუსლებზე აგლესოდა. ბევრი ცნობისმოყვარე მოდიოდა და ნაბარავი ისე აეზილათ, ბალახიც არ გაიხარებდა. ახალგაზრდა გამომძიებელმა ამოიხვნეშა. ეს ტალახი არ იყო უბრალო ტალახი. მასში მამუკა ლეყავას სისხლიც ერია და ამ აზრმა რამდენიმე უსიამოვნო წამი განაცდევინა. ნაკვეთიდან სწრაფად გააღწია და მერე მდელიოზე დიდხანს იწმენდა ფეხსაცმელებს.

სკოლის პარმალისაკენ გაემართნენ.

დირექტორი კიბეზე იცდიდა. მისალმებისას ორივე ხელი დაბნეულად შეაგება სტუმრებს, მობრძანდით, მობრძანდითო, დახშული ხმით გაიმეორა რამდენიმეჯერ და კაბინეტისაკენ წარუძღვა. დაბალი, ჩასუქებული კაცი იყო, თითქოს მიგორავდა, თან ხროტინით სუნთქავდა, პოლიპები თუ ანუხებდა.

კაბინეტის ორი დიდი ფანჯრიდან მზე უხვად აფენდა სხივებს და დიმიტრიმ თვალი მოჭუტა. საქალაქე გახსნა. სუფთა ქალაქის თავზე ლამაზი კალიგრაფიით გამოიყვანა: „აბესალომ ფალავანდიშვილი, სოფ. ჭუბურიშის საშ. სკოლის დირექტორი“.

ჯოტო მოხერხებულად მოკალათდა. კიტელის ზედა ღილი შეიხსნა. სახეზე ხელისგულები ისე მოისვა, თითქოს თავს იფხიზლებსო. იცოდა უბნის რწმუნებულმა, ეს აუცილებელი, მაგრამ ფორმალური საუბარი ჭეშმარიტებას იოტისოდენადაც ვერ მოჰფენდა ნათელს.

— აბა, რა ვიცი! — მოკლე ხელები თეატრალური გაკვირვებით გაშალა ფალავანდიშვილმა. — ხუთი წელია ამ სკოლის დირექტორი ვარ. მუჟავიას კლასი ყოველთვის მონინავე იყო, აპა, მეცხრეში არიან უკვე, დაიზარდნენ, აქ კი... ყველაფერს ვიფიქრებდი, მაგრამ ზაზა ჩიმაკაძე ამას თუ ჩაიდენდა...

ცოტა ხანს იყურა, მერე სწრაფად ალაპარაკდა, სხაპასხუპით ჩამოარაკრაკა სკოლის მთელი ისტორია. სანამ მე გადმოვ-

იდოდი, პატრონი არა ჰყავდაო. თვითონ აქ დავიბადეო, თუმცა მამაჩემი აღმოსავლეთიდან გადმოსახლდაო. არათუ რაციენტრში, თბილისშიც შემეძლო დარჩენაო, ბოლო-ბოლო ცოლი თბილისელია და ახლაც იქ არის ჩანერილიო. მაგრამ შენი კუთხე მაინც სხვა არის. ვერსად ვერ გაძლო აბესალომმა. ოჯახითურთ გადმოსახლდა ჭუბურიშში, სახლის აშენებას აპირებს ზედ სანაწაღეს გადასახედზე. თავდაპირველად, დირექტორად როცა ნიშნავდნენ, ამ ადგილას ბოძკინტებზე შემდგარი გრძელი და უშნო ფარდული იდგა. მოღიავებულ კედლებში ქარი თავისუფლად ნავარდობდა. იატაკის ნაპრალებში ბავშვი ჩავარდებოდა. წვიმის დროს საკლასო ოთახებში წყალი ჩამოდიოდა. გვალვის ჟამს კი სარდაფში გუბე არ შრებოდა და იმ ლეყვებში ბაყაყები მთელი დღე გულის გამანვრილებლად ყიყინებდნენ. თავი მოიკლა აბესალომმა. არც თვითონ მოისვენა, არც რაიონი მოასვენა, თბილისშიც კი შეანუხა ხალხი. სამაგიეროდ თავისი გაიტანა — სკოლის ეზოში, ძველი, ჩამპალი ხუხულას ნაცვლად ეს კაპიტალური შენობა წამოიშრათა...

დიმიტრის მოსწყინდა. ძალიანაც შეეცადა ყურადღებით ესმინა, როგორმე მონოლილი მთქნარება ჩაეხშო. ფარული უკმაყოფილება ეუფლებოდა თანდათან და სუფთა ქალაქს პატარა ეშმაკუნებით ავსებდა.

— მინდა პირუთვნელი ვიყო. — აბესალომმა იგრძნო, მთავარს რომ გადაუხვია. — ცხადია, ასეთ დროს პირველ დარტყმას სკოლა იღებს. რითაც გინდა, იმართლე თავი, ვინ მოგისმენს. უპირველესი დამნაშავე ყოველთვის სკოლაა... კი, ბატონო, ამაზე კამათს არ დაგინწყებთ! თუმცა შეგვეძლო სხვისთვის გადაგვებრალეზინა — ოჯახი, ბატონო, ქუჩა, ბატონო, თვითონ ბავშვები, ბატონო... ბოლოს და ბოლოს გენებიც ხომ რაღაცას ნიშნავს?.. ზოგიერთი ხელმძღვანელი გუშინ შესანიშნავ დახასიათებას აძლევდა ბავშვს, დღეს კი იწყებს მტკიცებას, ვიცოდი, პოტენციური მკვლელი რომ იყო, მაგრამ რა მექნა, ათასი რამე ვიღონე და დანაშაულის გზას ვერ ავაცდინეო. მე ასე არ მოვიქცევი, პირდაპირ უნდა გითხრათ, მე ვიბრძოლებ ზაზა ჩიმაკაძისათვის!.. მთელი პასუხისმგებლობით ვი-

მეორე, ეს მე შერაზადაშვილსაც ვუთხარი. ზაზა ჩიმაკაძე, რაც მას ვიცნობ, შესანიშნავი, ზრდილი, გონებაგახსნილი ბავშვია. ალბათ, უკვე ჩაიხედეთ მის პირად საქმეში, ფრიადზე ნაკლებ ბავშვს არასოდეს უსწავლია...

— მიუხედავად ამისა, ის დღეს მკვლეელია! — უკმაყოფილოდ გაანწყვეტინა დიმიტრიმ.

აბესალომი სავარძელს ზურგით მიანვა, ხელში ფანქარს აწვალედა, სახეზე კი სიმშვიდე ეხატა.

— ვინ იცის, ჩემო კარგებო, ყოველ ჩვენგანში სად მიმალულა მკვლეელი!

— მაშ! — წაიბურტყუნა ჯოტომ და დიმიტრი ვერ მიხვდა, ვის უჭერდა მხარს უბნის რწმუნებული.

— ამაზე აქ კამათს ვერ გავმართავ, საქმეს ეს არ ეხება!

— საქმეს ბევრი რამ ეხება, ზაზა ჩიმაკაძე შესანიშნავი ოჯახის შვილია!

— ვიცი, დედამისი თქვენი სკოლის მასწავლებელია.

— წუთითაც არ იფიქროთ, კოლეგიალობა მალაპარაკებდეს. ჭეშმარიტებას ხომ ვერსად გავეცევი? ქალბატონი ლუბა ჩვენი სკოლის ერთ-ერთი წამყვანი პედაგოგია!

აბესალომმა ხროტინით ჩაისუნთქა და სავარძელი მძიმედ ააჭრაჭუნა.

„ცუდად არ გახდეს?“ — გაიფიქრა დიმიტრიმ, კითხვით კი მაინც შეეკითხა:

— დაზარალებულზე რას მეტყვით, მამუკა ლეჟავა როგორი ყმანვილი იყო?

აბესალომმა უბეში ჩაიყო ხელი, ეტყობა მკერდი მოისრისა, იქნებ გული აწუხებდა.

— როგორი სიტყვაა, ჰა?.. დაზარალებული!.. დაზარალებული კი არა, უნებლიე მსხვერპლი, მე ასე ვიტყვოდი. მამუკა ლეჟავა რთული მოვლენა გახლდათ ჩვენს პედაგოგიურ პრაქტიკაში. ასე მგონია, რაც არ უნდა ვთქვა, ვაქო თუ არ ვაქო, არც ერთი იქნება სწორი და არც მეორე. ობოლი იზრდებოდა, უფრო სწორად, ბებია ზრდიდა, ცინტუ ლეჟავა, ქალიშვილობაში, მგონი, კვირკველია, კვირკველზე, თუ არ ვცდები... მეტად ღირსეული

მანდილოსანი, მაგრამ, მე ვიტყვოდი, ძველის გადმონაშთი... მამუკა მკვირცხლი ბავშვი იყო, არცთუ ურიგოდ სწავლობდა, თუმცა ყოველთვის ერთნაირად ვერა... საკმაოდ გონიერი, ჭკუ-ასხარტი!.. აფსუს, რამე კი გამოვიდოდა მისგან... აწი რას ვუშვებით, ჩემო კარგებო! მე თუ მკითხავთ, თუმცა უხერხული კია ამაზე ლაპარაკი, მაგრამ პირდაპირი კაცი ვარ, კუდის ქიციანი არ მეხერხება და თუ მკითხავთ, უმჯობესია, ცოცხალს ვუშვლოთ რამე!

ჯოტომ პირზე მუჭი მიიღო და ხმაურით ჩაახველა. დიმიტრი უხერხულად შეიშმუშნა.

— არსებობს სამართლიანობა!

— რა თქმა უნდა, რა თქმა უნდა! — ნაჩქარევად გაანწყვეტინა აბესალომმა. — უპირველესად სამართლიანობის მხარეს უნდა დავდგეთ, თუმცა თვითონ კანონიც ჰუმანურია მოზარდის მიმართ.

— განაჩენი მე არ გამომაქვს. — გაღიზიანება ვერ დამალა დიმიტრიმ. — მაგას სასამართლო განსაზღვრავს!

— სასამართლომდე შორსაა! — ნაძალადევიად გაიცინა აბესალომმა. — მანამდე, ალბათ, ბევრი რამ გაირკვევა! ახლა კი, — საათზე დაიხედა, — ახლა კი ბოდიშს მოგიხდით, გაკვეთილი მაქვს. თქვენ კი, ალბათ, ზოგიერთ პედაგოგთან მოისურვებთ გასაუბრებას!

დიმიტრიმ თავი დაუქნია. აბესალომი რომ გავიდა, ეშმაკუნებით გავსებული ქალაქი მოკუჭა და ჯიბეში ჩაიღო.

— რა კაცია ეს ფალავანდიშვილი?

— ჩვეულებრივი! — ჯოტომ მხრები აიჩეჩა. — ცდილობს, სკოლის პრესტიჟი გადაარჩინოს, რა თქმა უნდა, საკუთარიც. ამისათვის კი, მაგალითად, სიცრუე არაა საჭირო, ზოგ წვრილმანზე თვალის დახუჭვა კმარა!

„მე რამეზე თვალის დახუჭვას არ ვაპირებ!“ — გაიფიქრა დიმიტრიმ.

კარი გაიღო და აბესალომმა შემოყო თავი.

— მეცხრე კლასის დამრიგებელი მოვიყვანე, მეც მალე გამოვჩნდები!

თვითონ გაქრა, კაბინეტში კი ახალგაზრდა ქალი შემოვიდა. პირისახე ბავშვისას მიუგავდა, თუმცა ტანის სისრულე მის ასაკს ამჟღავნებდა. უხმოდ დაუკრა თავი მამაკაცებს, ბაგეზე ცივი, უნდობელი ღიმილი დააჩნდა.

დიმიტრი წამოდგა, დაელოდა, სანამ ქალი დაჯდებოდა. აბნევდა მისი უნდობლობა, არ იცოდა, საუბარი როგორ წამოეწყო.

ჯოტომ ისევ ჩაახველა, ხმა ჩაინმინდა და ოთხი სიტყვა ისე ამოთქვა, თითქოს ლაპარაკი ეზარებაო:

— ზაირა მჟავია, ლიტერატურის მასწავლებელი!

— იქნებ თქვენი აზრი გაგვიზიაროთ, ქალბატონო ზაირა!

— დიმიტრიმ საქალაქედან მორიგი ფურცელი ამოიღო და პირველი ეშმაკუნას დახატვას შეუდგა.

— ჩემი აზრი ვის რაში აინტერესებს, — ზაირა მჟავიას დაბალი, მელოდიური ხმა აღმოჩნდა, — ალბათ, დირექტორისა უკვე გაიგეთ!

— თქვენ რა, არ ეთანხმებით დირექტორს?

— იცით, რა ბავშვი იყო მამუკა ლეჟავა? — კითხვა შეუბრუნა ზაირა მჟავიამ. — როგორ აგისხნათ, სიტყვა ვერ მომიძებნია... ის ისეთი ბავშვი იყო, თითქოს შიგნიდან ანათებდეს. წარმოგიდგენიათ? თითქოს თავის მეობაში დაატარებდა სინათლეს და ის სინათლე ჩაქრა.

— თქვენს საგანს კარგად სწავლობდა? — როყოდ იკითხა დიმიტრიმ და მიხვდა, შეცდომა დაუშვა.

ზაირა მჟავიამ მხრები ზიზლით შეარხია, ტანჯვის კვალმა ბავშვურ სახეზე ასაკის ღარები დაამჩნია.

— იცით რა, — ხმა შეურბილდა ქალს, — მე, ალბათ, მკაცრი, უშეღავათო მასწავლებელი ვარ, ყოველ შემთხვევაში, ასეთი სახელი დამიგდეს ზარმაცი ბავშვების მშობლებმა. დერეფანში რომ გავივლი, ხმადაბალი ზუზუნის მესმის — „ზზზ!“ ეს ბავშვები აფრთხილებენ ერთმანეთს, ზაირა მასწ. მოდისო!.. ჩემი გულის მოგება იოლი არაა. კლასში რომ შევდივარ, თავი ჯარისკაცი მგონია, რომელმაც მორიგი ომი უნდა გადაიხადოს. არ ვიცი, პედაგოგიურად რამდენად გამართლებულია ეს, მაგრამ ბავშვებს იოლად ვიმორჩილებ. ჩემს გაკვეთილზე ბუზის გაფრენას გა-

იგონებს კაცი. ერთადერთი, მამუკა ლეჟავა მიშრობდა სისხლს. აქაც იყო და არც იყო, სადღაც ფანჯრებს მიღმა მიფრინავდა... როგორმე უნდა დამემორჩილებინა, მაგრამ ვერაფერს გავხდი. ვსჯიდი, პასუხად კი ისეთ ნათელ ღიმილს შემომაფენდა, გულს ვასკდებოდი. გარეგნულად, რა თქმა უნდა, არაფერი მეტყობოდა, მაგრამ ხანდახან ისე გამომიყვანდა მწყობრიდან, ღამით, შინ როცა ყველა დაიძინებდა, ტირილი ამიტყდებოდა. თქვენ გაგეცინებათ კიდევ, მე კი თავს განიარაღებულად და დამარცხებულად ვგრძნობდი... ერთხელ გაკვეთილი არ მომიმზადა. განა არ შეეძლო? თავისნება იყო, არ უნდოდა და არ ისწავლა. წარმოიდგინეთ, დგას და მიყურებს, მე კი არ ვიცი, რა ვქნა. სიმწრისაგან ღამის ცრემლი მომადგეს, თქმით კი არაფერს ვამბობ, ჩუმად შევეყურებ... უცებ ბავშვი ჩემკენ წამოვიდა, გაბზარული ხმით, აბნეულად მითხრა: „ზაირა მასწ. მაპატიეთ!“ ოდნავ აინია, ლოყაზე მაკოცა და კლასიდან გავიდა...

ზაირა მჟავიამ თვალზე ცხვირსახოცი აიფარა.

— წარმოიდგინეთ, კლასში სამარისებური სიჩუმეა, ყურში კი ისევ ჩამესმის — „ზაირა მასწ. მაპატიეთ!“ იმ წუთას მე მისთვის, ობოლი ბიჭისათვის, განანყენებული დედა ვიყავი... და უცებ, ამ სინყნარეში ხმადაბალი, თითქოს უბრალო, მაგრამ დანასავით — „ცირკია რა!“

— ზაზა ჩიმაკაძის ხმა იყო?

ქალი უცებ წამოხტა, ხელი გაასავსავა, არ შემიძლია, არ შემიძლიაო, — ჩაიჩურჩულა და კაბინეტიდან სწრაფად გავიდა.

ჯოტო გვიღავამ თითები ერთმანეთს შეაჭდო და შუბლით ზედ ჩამოეყრდნო. დიმიტრიმ გულში უსაშველო სიცარიელე იგრძნო. „კანონი კანონია, გული აქ არაფერ შუაშია!“ — თავი გაიმხნევა, მაგრამ ამ აზრმა შვება ვერ მოჰგვარა.

კარგა ხანს ისხდნენ ჩუმად. დრო ნელა მიდიოდა. ზარი მოულოდნელად დაირეკა, ისე მკაფიოდ და გამაყრუებლად, კაცები შეკრთნენ, თითქოს არც მოელოდნენ ოდესმე გაკვეთილის დამთავრებას. სადღაც კარი მიეხეთქა და წამში დერეფნები აივსო ზრიალით, სიცილ-კისკისით, ფეხების ბრაგაბრუგით.

აბესალომ ფალავანდიშვილი შემოიჭრა ხმაურით. ხელებს

იფშენეტდა, ესეც ასე, მოვრჩიო. ორი მამაკაცი შემოიყოლა, დიდის ამბით წარუდგინა სტუმრებს:

— ბატონი ისიდორე დიდმელია, ჩვენი შესანიშნავი ისტორიკოსი! ბატონი პეტრე კუჭავა, უხუცესი მათემატიკოსი, არათუ სკოლისა, რაიონისაც, ასე არაა, ბატონო პეტრე?

— ეჰ, სიბერეში რა ხეირი ყრია!

პეტრე კუჭავა, მაღალი, ხმელი ბერიკაცი, წელგამართული იდგა. ხელი მტკიცედ ჩამოართვა სტუმრებს. დიმიტრი შეიშმუშნა კიდეც, არ მოელოდა, ასე თუ მოუჭერდნენ. ისიდორე დიდმელია კი თავის ქნევით დაკმაყოფილდა და უმაღვე დაჯდა.

— რომ ავუნუნდე, დაბერდა და იმიტომ ნუნუნებსო, იტყვი... — პეტრე კუჭავა ასევე წელგამართული დაეშვა სკამზე, მარჯვენა მაგიდაზე დაასვენა და ლაპარაკის დროს თითს მსუბუქად უკაკუნებდა, თითქოს კლასს ამოშმინებო. — ეს რა ახალგაზრდობა მოდისო, რომ ვიძახო, გაგელიმებათ. ათადან-ბაბადან ყველა ბებერი ერთნაირად ჩივის ამას. ისე, გულზე ხელი რომ დავიდოთ, არც ჩვენ გახლდით მთლად ანგელოზები. ვჩხუბობდით, ვიგინებოდით, ჩუმ-ჩუმად თუთუნს ვენეოდით, ერთმანეთს კბილებს ვამტვრევდით... ეჰ, რა არ ხდებოდა!.. ზაზა და მამუკა კი — რა ძნელია ახლა ამ სახელების დაწყვილება — ფარულად მეტოქეობდნენ და ეს ჩვენ გამოგვეპარა... ვინ იფიქრებდა, ვინ იფიქრებდა!..

— ჩიმაკაძეს ფენომენალური მეხსიერება ჰქონდა. — ალაპარაკდა ისიდორე დიდმელია. — თუმცა რატომ „ჰქონდა“? ახლაცა აქვს, ალბათ! ისტორიულ თარიღებს ზედმინევნით ზუსტად იმახსოვრებდა. სახელმძღვანელოს ტექსტს თითქმის ზეპირად გადმოგვცემდა და ამისთვის ზუთხვა არ სჭირდებოდა. ოღონდ, ვფიქრობ, მისთვის სულ ერთი იყო, რას იზეპირებდა, მოვლენებისადმი საკუთარი, ემოციური დამოკიდებულება არ გააჩნდა. ერთხელ საფრანგეთის ბურჟუაზიულ რევოლუციას ვუხსნიდი ბავშვებს და შევეკითხე, იმ დროს პარიზში რომ ყოფილიყავით, ვის მიემხრობდით-მეთქი. მამუკა ლეჟავა აღფრთოვანებული წამოხტა — „მე იაკობინელთა მხარესა ვარ!“ კლასში ჟრიალული ატყდა, ვინ რას ამბობდა, ვინ რას. ზაზამ კი ირონიულად გაიღიმა და ცივად მითხრა: „ეს შეუძლებელია, მე

იმ ეპოქაში არ ვცხოვრობდი და ასეთი დილემის წინაშე არ ვდგავარ. ამაზე თავი ფანტაზიორებმა იტყონ!“ „შენისთანები იმ დროს ჯალათები იყვნენ!“ — ბოლო მერხიდან გასძახა ჩიორამ. ზაზას სახეზე ღიმილი არ ნაშლია, მხოლოდ მხრები აიჩეჩა...

— ჩიორა ვინაა? — იკითხა დიმიტრიმ.

— თანაკლასელია! — ჩაერია აბესალომი. — ისე ვანო ჰქვია, კაპანაძე!

— მე კი ზაზა მომწონდა! — პეტრე კუჭავა თითს წინანდებურად აკაკუნებდა. — ცოტათი წარმოსახვა კი აკლდა, ცხადია. წარმოსახვა, მოგეხსენებათ, მათემატიკოსს არანაკლებ სჭირდება. მაგრამ, უნდა ვალიარო, ზაზა ერთგვარად მიმსუბუქებდა შრომას... ნიჭიც ჰქონდა ნამდვილად.

— მაინც რატომ უნდა ეფიქრა, მაგალითად, ჩიორას, შენისთანები ჯალათები იყვნენო? — იკითხა უცებ ჯოტომ.

— ვფიქრობ, ამას თავისი მიზეზი აქვს! — დიდმელია კუჭუხიძის მოუსვენარ თითს მიაჩერდა. — ჩვენ ბავშვებს, როგორ გითხრათ, ერთგვარად შორიდან ვუყურებთ. ხანდახან მეჩვენება, რომ ისინი იზრდებიან რალაცნაირ დახშულ წრეში, სადაც ჩვენ ვერაფრით შეგვიღწევია. შორიდან კი მხოლოდ გარეგნულ, თვალში იოლად საცემ დეტალებს დაინახავ. სამაგიეროდ, ვინც იმ წრეშია, ბევრ რამეს უკეთ ხედავს... უფრო სწორად, უშუალოდ აღიქვამს იმ ნიუანსებს, რასაც მასწავლებლის მზერა ვერა სწვდება.

— მაგი რა დასაჯერებელია, კოლეგა! — პეტრე კუჭავა შეიშმუშნა. — ხომ არ გინდა თქვა, რომ ჩვენ, ჩვენი მრავალწლიანი პედაგოგიური გამოცდილებით, ბავშვის ქცევის მიზეზს ვერ ჩავწვდენილვართ?

— აბსტრაქტული, ზოგადი ბავშვის ქცევის მოდელს, ჩვენ, რა თქმა უნდა, შევქმნით. მაგრამ ინდივიდი ხშირად ისე განსხვავდება იმ ჩვენი მოდელისაგან, ინდივიდის ნაირგვარობას ვერა ვითარად გამოცდილება ვერ ჩასწვდება!

— რასაც ჩვენ ვერ ჩავსწვდით, იმას, შენ ფიქრობ, ჩიორა ჩასწვდა?

— მთლად ასე არ მინდოდა მეთქვა. ჩიორას ბოლომდე არ

ჰქონდა, ალბათ, საკუთარი სიტყვები გააზრებული. ეს სიტყვები ინსტინქტის ანარეკლია, ინსტინქტი კი, ზოგჯერ, არას დაგიდევთ ლოგიკას.

— ამხანაგებო, თეორიებში ნუ გადავიჭრებით! — ფალავანდიშვილი ხმაურით ჩაისუნთქა და სავარძელი ააჭრაჭუნა. — ამით, მგონი, საქმეს ვურთულვით ჩვენს ახალგაზრდა გამომძიებელს. მას აინტერესებს კონკრეტული ფაქტები, რათა ტრაგედიის ჭეშმარიტი სურათი აღადგინოს!

დიმიტრი უხერხულად შეიშმუნა. განყენებული მსჯელობები მართლაც არაფერს არგებდა, მაგრამ ფალავანდიშვილის კილოში ფარული დაცინვა გამოსჭვიოდა და თავი შეურაცხყოფილად იგრძნო.

— თეორიების გარეშე ჭეშმარიტ სურათს ვერ აღვადგენთ! — ნაძალადევი ღიმილით შეეპასუხა. — თუმცა არ ღირს ახლა ამაზე კამათი. თქვენ მართალი ბრძანდებით, ფაქტების დაზუსტება დიდად დამეხმარებოდა...

— არც კი ვიცი, რითი შემძლია დაგეხმაროთ! — პეტრე კუჭავა მაგიდაზე კაკუნს შეეშვა და ხელები გულზე დაიკრიფა. — ნახვით ყველაფერი ვნახე, მაგრამ შორიდან ვუყურებდი და, რაც თქვენ იცით, იმას, არა მგონია, რაიმე ახალი დავამატო. მეორე სართულის დერეფნის ბოლოს ვიდექი. ფანჯარასთან შევეყვინდი. ის ფანჯარა სკოლის ეზოსა და ნაკვეთს გადაჰყურებს. თქვენც კარგად იცით, იმ დღეს წვიმა და ძნელი გახლდათ რაიმეს გარჩევა. ნაკვეთში ბიჭები იყვნენ, მაგრამ ლანდებად მეჩვენებოდნენ. ზაზა ვიცანი, თითქოს ვილაც ბიჭს ჩაეხუტა, ის ბიჭი კი მონყვეთით დაეცა. ვერ მივხვდი, რა მოხდა... ან რას მივხვდებოდი, ბიჭების ძიძგილავის მეტი რა მინახავს!

— მე კი ჩიმაკაძის სახე არ დამავინწყდება! — ისიდორე დიდმელია ისე მოიბუზა, თითქოს შესცივდაო. — შესვენება იყო. მომწყურდა. გაკვეთილი პირველ სართულზე მქონდა, იმიტომ არ ამოვედი ზევით. თუმცა წვიმა, ეზოში რომ სასმელი წყლის შადრევანია, იმისკენ წავედი. ის იყო, დავიხარე და ჩიმაკაძე გამოჩნდა, განუნული, ტალახში ამოგანგლული, სახეარეული... ფეხაჩქარებით მოდიოდა... მივხვდი, სადღაც იჩხუბა! ამას იმ-

დენ ყურადღებას არ მივაქცევდი, მართლაც, ბატონი პეტრესი არ იყო, რამდენი ბიჭი ეძიძგილავება ერთი მეორეს. მაგრამ შევხედე და თმა ყალყზე დამიდგა... ხელში სისხლიანი დანა ეჭირა... ცხვირნინ ვედექი და ვერ შემამჩნია. შადრევანზე აუჩქარებლად ჩარეცხა, მერე იქვე დადო, პეშვით პირზე წყალი შეისხა, დანა ხელახლა აიღო და დაკეცა. „ჩიმაკაძე!“ — შევეხმიანე. რალაც რიდი გამიჩნდა, არ ვიცი ამას რა ვუნოლო... შემომხედდა. ვფიქრობ, ვერც მაშინ მიცნო. მოულოდნელად დანა ზიზლით მოისროლა და გამშორდა... მე კი გაშეშებული ვიდექი, თითქოს აზრი გამეყინა...

ისიდორეს სახე აუფორაჯდა და ფალავანდიშვილი დამშვიდება დაუნყო:

— თავს ნუ იტანჯავთ, პატივცემულო ისიდორე, თქვენ რა შეგეძლოთ?

— იქნებ ბიჭისთვის მეშველა რამე, ეს ოხერი ტვინი რამ გამიყინა მაშინ?

— შიშმა! — შეეპასუხა უცებ ჯოტო.

— რომელი შიში, ყმანვილო! რისი უნდა მშინებოდა ვითომ? — მთელი ტანით შემობრუნდა დიდმელია, მაგრამ უბნის რწმუნებულმა მეტი არაფერი თქვა.

— ეჰ, ნერვებს ნუ აყვებთ, მეგობრებო! — შემრიგებლურად ჩაურთო აბესალომ ფალავანდიშვილი...

კლასში სამარისებური სიჩუმეა. ჯოტო გვილავა მოუსვენრად აჭრაჭუნებს სკამს. დიმიტრი ფარცვანია ფანქარს აწვალებს, მდუმარედ ათვალაიერებს მის წინ მსხდომ გოგო-ბიჭებს, რომელთა ნაწილი „საქმეში“ მონმედ გადის. ყველანი აქ არიან, მთელი კლასი, გარდა იმ ორისა, ვერასოდეს აქ რომ ვერ დაბრუნდებიან ამიერიდან. დრამის კიდე ერთი მონაწილე, თინიკო კელაპტრიშვილი პარალელურ კლასში სწავლობს, ბოლო დროს თურმე თავის ტკივილს უჩივის და გაკვეთილებს აცდენს.

ზაირა მყავია ფანჯარასთან დგას და ეზოს გაჰყურებს. იმთავითვე არ მოეწონა დიმიტრის ეს ქალი. განზე გამდგარა, გულში ჩუმი პროტესტი ჩაუდგია და ვინ იცის, მომავალში, სად

რას იტყვის.

დიმიტრიმ ჟურნალი მოიჩოჩა და სიას ჩამოჰყვა. ხმადაბლა კითხულობდა, თვალს შეავლებდა შემკრთალ მონაფეს, თავს დაუქნევდა, დაჯექო. ზოგიერთი ბავშვის სახელი და გვარი წინასწარი კვლევის მასალებიდან ახსოვდა. ამათ უფრო ხანგრძლივად აკვირდებოდა, თუმცა იცოდა, რაც შერაზადაშვილს უთხრეს, იმას ვერაფერს დაამატებდნენ. ხანგრძლივად, ჩაფიქრებით შეხედავდა მაინც, თითქოს ცდილობდა უხმო კითხვაზე მიელო პასუხი. ბავშვების შემოხედვაში მათი სული ირეკლებოდა. ისინი მართლაც პასუხობდნენ უხმოდ. ოღონდ მათ პასუხებში სულ სხვა რამ ტივტივებდა: როდის მომთავრდება ყოველივე ეს? თავს რატომ არ დაგვანებებთ? ეს თქვენი საქმიანი ფაციფუცი არაფერს ნიშნავს, ვერაფერსა გვძენს, ვერ გვამშვიდებს!.. თვალისათვის უჩინარი, გამჭვირვალე ფარდა ეკიდა გამომძიებელსა და კლასს შორის, ამ მხარეს თვითონ იჯდა, დანარჩენები ფარდის მიღმა ისხდნენ და ყველა ერთად, ხმაამოუღებლად საუბრობდა, თუმცა ერთმანეთისა არა ესმოდათ რა. მოეჩვენა კიდევ, კლასი კი არა, ერთი ვიღაცა იჯდა მის წინ, ოღონდ მრავალსახოვანი. ეს მრავალი სახე ერთ სახეში გაერთიანებულიყო, კლასის სახეში, წინ რომ აღუდგა გამომძიებლის მოძალეზას და არ აპირებდა ჩარაზული კარის გაღებას.

დიმიტრი შეეცადა დაერღვია ეს ჯიუტი მთლიანობა. იხსენებდა წინასწარი კვლევის მასალებს და ვისაც რაიმე ეთქვა იმ დღის ტრაგედიაზე, იმათ უფრო აკვირდებოდა, თავის მხარეზე გადაბირებულად თვლიდა.

აგერ, ავთანდილ ბებია, დაკუნთული, მოზვერივით ბიჭი, სანწალეს გაღმა რომ ცხოვრობს, კლასში ყოველდღე იგვიანებს. ტყუილების გუდაა, თავის გასამართლებლად ხან ბებიას ავადმყოფობას მოიგონებს, ხან დედ-მამისას. არ დაუტოვებია ახლობელი, ვინაც ერთხელ მაინც არ ჩაანვინა ავადმყოფის ლოგინში... ყველაზე ადრე ავთანდილ ბებია იმ დილით მამუკა ლეჟავა. სანწალეს პირას გადააწყდა, საბანაოსთან რომ მუხაა, იმის ქვეშ. წვიმა საკვირველად ასხამდა, მამუკა წინილასავით განუწული იდგა. სახე ისეთი ჰქონდა, მსგავსი მხოლოდ კინოში

მინახავსო, აი, შეყვარებულები დარდს რომ ასკდებიანო. სკოლაში რატომ იგვიანებო, ჰკითხა თურმე ავთომ. ზაზა უნდა მოსულიყო და იმას ველოდებო, მამუკას უპასუხნია... „კაი შექანებულა, აი!“ — მეტს, აბა, რას იფიქრებდა ავთანდილ ბებია...

დავით ქანთარიას მწითური თმები შუბლზე ჩამოჰფარცხვია, მოკვნიტილ ფრჩხილებს ათვალაიერებს. ზაზა ჩიმაკაძე არ მიყვარსო, პირდაპირ განუცხადებია, მაგრამ სულ მაგისგან ვინერდი და ცუდს ვერაფერს ვიტყვიო. მაინც რატომ არ გიყვარსო, შერაზადაშვილს უკითხავს. საზიზლარი ჩვევა ჰქონია ჩიმაკაძეს. დავალებას კი გადაგანერინებდა, მაგრამ დაგიჯდებოდა ამ დროს ცხვირწინ და თვალმოუშორებლად მოგაშტერდებოდა. შერაზადაშვილი ჩასძიებია, მარტო ამის გამო ხომ არ შეიძულედი კაცსო. დათო გამოტყდომია: ხომ იცით, ბიჭები ხშირად ვჩხუბობთო. ერთადერთი ჩიმაკაძე არ გაერეოდა ჩვენს მარაქაში და გულდელალი მეგონაო. იმ დროს თავი გმირად მომქონდა, მუშტი მექავებოდა, ხან ვის ავუხირდებოდი, ხან ვისო... ერთხელ იყო და მამუკას დაბრიყვება განვიზრახეო. ხან მხარს ვაჯახებდი, ხან რაიმე საშარო სიტყვას ჩავურთავდიო. მოკლედ, ხელთათმანს ვესროდიო. შემატყო, არ მოვეშვებოდი და მითხრა, რახან ეგრეა, სანწალეს პირას დავარტყათო. დავთქვით დრო, როგორც წესია, დავიფიცეთ, ვინც ჩხუბს თავს აარიდებს, მხდალი იყოსო... თავი კი მეჭირა მალლა, მაგრამ ყველაფერი სხვანაირად შებრუნდაო. ბოლო გაკვეთილის შემდეგ, ზაზამ მეგობრულად გამინვია განზე, შენთან სალაპარაკო მაქვსო, გამიყვანა უკანა ეზოში, მშვიდად დადო ჩანთა და ყბაში მლენაო... იქვე ჩავიკეცე და კარგა ხანს გონს ვერ მოვედიო... რატომ გაარტყა? ძმაკაცები იყვნენ ზაზა და მამუკა... ახლაც ის ყბა ენვის დათო ქანთარიას, კლასშიც არ მომყოლონ ეგ ამბავიო და თავი ზევით ველარ აუწევია...

ციცინო ზაირა მასწავლებლის შვილია. ჰგავს კიდევ. სიმაღლით ცოტალა აკლია, მალე დედას დაეტოლება, ალბათ. სახე მწყაზარი აქვს, უხინჯო, მის მზერაში ფარული სიჯიუტე იმალება. გამომძიებელს თვალს არიდებს, დედამისივით ფანჯრისკენ იყურება. შერაზადაშვილს კი რატომღაც უცბად გაუხსნა გული.

თინიკო კელაპტრიშვილმა რომ შემოანათა ჩვენს სკოლაში, იმ დღეს პირველი მერხიდან გადავჯექი უკანა მერხზე, და-თოსთან, მთელი ცხოვრება მანამდე კენტიად რომ იჯდაო. იმავე დღეს მიუღიათ ციცინოს და დათოს წყვილი ორიანი. ბოლო გაკვეთილზე კი ლუბა მასწავლებელს შენიშვნა მიუცია, ბევრს ლაქლაქებო. დედამისი ისე იქცეოდა, ვითომ შვილის ამბოხისა არაფერი სმენოდეს. მხოლოდ კვირის თავზე, კვლავაც რომ ორი-ანი მიაკერეს გოგონას, ხელი გადახვია, მოდი, დავსხდეთ და ვი-ჭუკჭუკოთო. ციცინოს თურმე სახეზე შემოენთო, მაგრამ რას იზამდა, მორჩილად დაჯდა. დედამ გაუღიმა და ჰკითხა: „ხომ ლამაზი გოგონაა თინიკო კელაპტრიშვილი?“ ციცინო კინალამ ტახტქვეშ შეძვრა, მაგრამ ძალა ეყო და თავი უხმოდ დაუქნია. „ისე, თუ დააკვირდები, განსაკუთრებული თითქოს არაფერი აქვს, მაგრამ ყველას თვალი ზედა რჩება. როგორ ფიქრობ, რატომაა ასე?“ ციცინომ მხრები აიჩჩია, ან რა უნდა ეთქვა. დედამისი ისეთი გულთმისანი ქალი იყო, იმის თვალს რა დაე-მალებოდა: „თინიკო ნათელი გოგონაა, ღრმა და შინაარსიანი, შემოგხედავს და თითქოს შემოგანათებს. ყოველ ადამიანს შეუ-ძლია ლამაზი იყოს. ამისათვის საჭიროა, მისი სული მაღლა დაფ-რინავდეს, ბინსა და ჭუჭყს არ იკარებდეს!“

დიმიტრი ფარცვანიამ უხმოდ დაუქნია თავი, ციცინო კი ისევ ისე იდგა და გამომძიებელს მოეჩვენა, გოგონა საცაა ატირდებო. „დაბრძანდი, გეთაყვა!“ — ხმადაბლა უთხრა. და-თომ კი მკლავზე მოქაჩა და ციცინო მოსხლეტით დაეშვა სკა-მზე. დაკითხვის ოქმში იდო ერთი ფურცელი, სადაც ციცინო მჟავიას ჩვენება ეწერა: „პეტრე მასწავლებლის გაკვეთილი გვექონდა, მამუკას დაავიანდა. განუწული შემოვიდა. კართან გაჩერდა. დათომ იდაყვი გამკრა, ახლა რაღაც მოხდებო. ზაზა დაფასთან იდგა, მარცხენა ხელი კურტაკის ჯიბეში ჩაეყო. ეს ახლა მაგონდება, ვფიქრობ, რაღაც ნივთი ედო და იმას უჭერ-და. მარჯვენაში ცარცი ეჭირა და დაფა უკვე აეჭრელებინა ფორ-მულებით. პეტრე მასწავლებელი დაფას მისჩერებოდა და კარ-გა ხანს ვერ შეამჩნია მამუკა. სამაგიეროდ ზაზამ შეხედა შემო-სულს. სახეზე იშვიათად დაეტყობოდა რამე. ახლაც არაფერი

დაიმჩნია, ოდნავ ეცვალა ფერი, ცარციანი ხელი ჰაერში გა-უჩერდა. ყოველივე ეს გვიან გავიხსენე, თორემ მაშინ რატომ მივაქცევდი ყურადღებას. პეტრე მასწავლებელმა თავი მია-ბრუნა, უყურა, უყურა და ხელები გაშალა: „ა, ბატონო, ბოლოს და ბოლოს გვიკადრა! მიბრძანდი, ლეჟავა, შენს ადგილას და ხვალ ბებია მოიყვანე სკოლაში!“ მამუკას ხმა არ ამოუღია. ჩვეუ-ლებრივ წინა მერხზე იჯდა ზაზასთან ერთად. რაკი ზაზა და-ფასთან იდგა, მერხი თავისუფალი იყო, მაგრამ მამუკამ გვერ-დი აუარა, ჩემკენ წამოვიდა. მთელმა კლასმა გამოადევნა მზე-რა. ეს ხომ ომის გამოცხადებას ნიშნავდა. თავით მანიშნა, ჩაი-წიეო. უხმოდ ჩავინიე და ერთ მერხზე სამნი აღმოვჩნდით. კლასს თითქოს ჩუმმა ოხვრამ გადაუარა. ზაზა ისევ ისე იდგა ცარცი-თ ხელში. პეტრე მასწავლებელმა გაკვირვებით შეხედა ზაზას, მერე მამუკას, უნდოდა რაღაც ეთქვა, მაგრამ გადაიფიქრა: „აბა, ჩიმაკაძე, რა შედეგი მივიღეთ?“

დიმიტრი ამოიხვნეშა, გულზე სიმძიმე დაანვა. ყველაფერი აღიზიანებდა, ზაზა მჟავიას განდგომა, ჯოტო გვილავას სკამის ჭრაჭუნი, კლასის მდუმარება. წინასწარ იცოდა, კითხ-ვებზე რა პასუხსაც მიიღებდა. ისეთი კითხვა კი, საქმეს ახალი კუთხით რომ წარმოაჩენდა, თავში არ მოსდიოდა. ამ კლასში მის ყოფნას ფორმალობის სუნი სდიოდა და ამიტომაც არ იცოდა, რა ეკითხა. ახალს რას ეტყოდა, მაგალითად, ლეილა ზარქუა, მსუქანი, ჩაგოდრებული გოგონა, ფართო სახეზე წამდაუნუმ ვარდისფერი რომ ასკდებოდა. მთელმა კლასმა იცოდა, ზაზა-ზე რომ ირეოდა და კელაპტრიშვილს დასანახავადაც ვერ იტან-და. „ნეტავი რას გიჟდებიან? მაგეთი გოგო ორასია ჩვენს სკო-ლაში!“ ანდა ლალი სხირტლაძე, ასე კუმტად რომ იყურებოდა, პანია ცხვირი უგრძელდებოდა, ვინრო ბაგეებიდან კი ცრიდა: „საზიზღარი!.. ვერ ვიტან!.. თავის ტყავის კურტაკში სელაპს მა-გონებს!“ დაუფარავი შურით — „საითაც გავიხედავდი, თინი-კო კელაპტრიშვილს ვანყდებოდი. ბიჭები მთლად გადაირივნენ, თითქოს აქამდე ბრმები იყვნენ და ყველამ ერთბაშად გამ-ოიხედაო...“ ანდა ციცი ფალავანდიშვილი, ახლაც რომ ზის და თვალეზე ცხვირსახოცი აუფარებია, ცრემლები სულ ლაპა-

ლუპით სდის. მის ტირილს ყურადღებას არავინ აქცევს, ისე მიეჩვივნენ. შერაზადაშვილს კი მისი სიტყვები ჩაუნერია: „იცით, ერთხელ დაკრძალვაზე ვიყავით, ჭადრების ჩრდილში ვიდექით და მამუკამ მითხრა: ძალიან, ძალიან რომ დავბერდები, სულ თეთრი, თეთრი ნვერი მექნება, მოვკვდები და აი, აქ დამმარხავენ!“ ანდა ეკა ცქვიტინიძე, რომელმაც ყოველივე რომანტიკული ხიბლით შებურა: „ასეთები ვართ გოგოები! თუ ვინმე ჩვენზე ლამაზია, მტრობის მიზეზიც ეგ არის. ვითომ რათაო? თინიკო რომ ერთი გონჯი გოგო იყოს, ამით რა მომემატება?.. გონჯი კი არა, სოფლის თვალია. შარაზე რომ გაივლის, თვითონ ხომ გოგო ვარ და თვალს მაინც ვერ ვწყვეტ. იმ დასამინებელს სკოლის ფორმა ისე უხდება, ფერიების დედოფალი გეგონება. მე თუ მკითხავთ, სკოლის ფორმა ქვეყანაზე არავის უხდება, მაგრამ თინიკო სულ სხვა ქვეყნიდან ჩამოსულსა ჰგავს. რა ფეხებზე დადის, როგორი თლილი თითები აქვს... თვალ-წარბ-წამწამი?.. მისი თმები ხომ ერთ სოფლად ეღირება... მე თუ მკითხავთ, თითო სოფელში თითო მაინც უნდა დაიარებოდეს ეგეთი მზეთუნახავი... ზღაპრისა არ იყოს, ბიჭებმა ხმლები შეაჯვარეს... მამუკას სიბრალოელი მეც მიკლავს გულს, მაგრამ, მეორე მხრივ, სადღაც ხომ არის ღმერთი, ჯერ კიდევ არსებობს სიყვარული, ლამაზი ქალის გულისათვის ვილაცა ჯერ კიდევ იკლავს თავს, ვილაცას კლავენ... მე კი მეგონა, ასეთი რამ მხოლოდ წიგნებში ხდებოდა...“

ეჰ, კიდევ კარგ დროს გავიდა ეგ შერაზადაშვილი პენსიაზე, მთლად დაბერდა ის საცოდავი, ასეთი აბდაუბდით აუვსია დაკითხვის ოქმები. აბა, ბავშვების ამ ნაჩურჩუტევიდან ჭეშმარიტებას რა ნაადგება?.. დიმიტრიმ ერთხელ კიდევ ჩაათვალა იერა სია... გოგა ჯიჭონაია, ეს გამწლეული აქსელერანტი, როცა დგება, გეგონება ნაწილ-ნაწილ იმართებაო. პირველი გოგა იყო, კართან რომ გადაუდგა მამუკას: „რა მოგივიდათ, ბიჭო, აქამდე განუყრელი ძმები იყავით, სირცხვილია!“ მაშინ იყო, ბეშქენ დავითულიანმა რომ თქვა: „რა მოხდა, იჩხუბონ! ჩვენ შორიდან ვუთვალთვალთ, ზედმეტი არაფერი გაბედონ!“ ეს ბეშქენი მთებიდან ჩამოგორებულნი დათვია. მერხში ვერ იმართება. მაგასთან ნაჩხუბებას ვინ გაბედავს, მუშტი თუ გაიქნია, დივიზიას იფრენს. ამიტომ ვერ წარმოუდ-

გენია, ვინმე თუ დანას დაავლებს ხელს... ვანო კაპანაძეს ვერ ერევა მხოლოდ, ჩიორას. დიმიტრიმ ვანოს შეავლო თვალი. ბეშქენზე პატარა ჩანდა. ზანტად წამოინია, თითქოს ფეხზე ადგომას პირად შეურაცხყოფად თვლიდა. ეს სიზანტე მოჩვენებითი იყო, რადგან მოძრაობაში ფარული სისხარტე იგრძნობოდა. მოლუნული კისერი კი გაუხედნავი კვიცივით ჯიუტად დაეძაგრა. „რატომ ჩიორა?“ — გაიფიქრა დიმიტრიმ, ეს სახელი ხომ ყველაზე პატარას და მოსაფერებელს უნდა რქმეოდა.

წვიმდა? ჰო, იმ დღეს წვიმდა!.. „ბიჭებო, ვინ იცის რა დღეში არიან!“ — ჩიორამ წამოიძახა. გამოეკიდნენ. ზაზა სკოლის ნაკვეთზე იყო უკვე. ალბათ, მოკლეზე აპირებდა გადასვლას, თუმცა ატამს ამყნობდაო, იძახიან. მამუკა წამოენია. ბიჭები რომ მიუახლოვდნენ, ზაზას გადასდგომოდა წინ. „გიმეორებ, ფეხი არ გადმოდგა, თორემ...“ — ეს ზაზას ჩახლეჩილი ხმა იყო. „რას მიზამ, მომკლავ?“ „ფეხი არ გადმოდგა!“ „გადმოვდგი და ეგ არი, დამარტყი თუ ბიჭი ხარ!“ მაშინ...

„რალაც მბზინავს მოვკარი თვალი და მუხლი მომეკვეთა. — ასე ენერა ჩიორას დაკითხვის ოქმში. — მამუკამ ნაბიჯი უკან გადადგა, შებარბაცდა. ჩვენ მივირბინეთ, ხელი შევაშველეთ. უცბად დამძიმდა. ისლა მოვახერხეთ, კვალში ჩაგვეწვინა, წვიმის ქვეშ. ჩიმაკაძეს მთელი ეს დრო (თურმე წამები გასულა, ჩვენ კი უსასრულობა გვეგონა), მთელი ეს დრო სისხლიანი დანა ეჭირა და თავის ნამოქმედარი, ეტყობა, ჯერაც ვერ გაეაზრებინა. „ეს რა ქენი, ბიჭო?“ — სინანულით ნაჩურჩულა მამუკამ, საყვედურით გახედა. თითქოს ბრაზმა გაუარა, სახე მშვიდი ჰქონდა. ჩიმაკაძემ უცებ პირზე იტაცა ხელი, თითქოს ყვირილს აპირებდა და ხმა ჩაიბრუნაო. სწრაფად გაგვშორდა. მამუკას მზერა დაებინდა, ბაგე უთეთრდებოდა. თავზარდაცემულნი ვიდექით და დავცქეროდით, როგორ იჟღინთებოდა სისხლით მამუკას ტანისამოსი, სახეზე კი წვრილად ეცემოდა წვიმის წვეთები. „იჩქარეთ, ბიჭებო, იქნებ ექიმთან მისვლა მოვასწროთ!“ — თვითონვე გვიკარნახა. მისმა სიტყვებმა გამოგვაფხიზლა, გიჟბივით დავტაცეთ ხელი და ციმციმ გავაქანეთ ამბულატორიისაკენ... ალბათ, სჯობდა, პერანგი შემოგვეხია და იქვე შეგვეხვია...“

იქნებ არც ეს უშველიდა... რა ვიცი, მაშინ ისე აგვებნა თავგზა... ამბულატორიამდე შორი არ იყო, მაგრამ გზა არა და არ გათავდა. კვალზე სისხლის წინწკლები მოგვედევდა, მამუკას კი სახე უფრო და უფრო უმიტკალდებოდა. კენესოდა, შიგადაშიგ გრძნობას კარგავდა. ერთხელ წაილულლულა: „რა ეშველება ცინტუ ბეზიას!“ ეჰ, ბედი არ გინდა? ამბულატორია დაკეტილი დაგხვდა. ბეშქენი ვაფრინეთ ფერშალთან. მანქანიანიც არავინ გამოჩნდა, საავადმყოფო კი სოფლის ბოლოსაა. ამასობაში ხალხი შემოგვეხვია, ყაყანებენ, ტირიან, მირბი-მორბიან, ბიჭი კი სისხლისაგან იცლება. გამოჩნდა ერთი ღვთისსიერი ქალი, მანდილი მოიგლიჯა და ქრილობაზე დაადო... მაშინ უკანასკნელად მოიხედა მამუკამ, თვალთ მანიშნა, მოინიეო, ტუჩები ძლივს შეარხია: „ზაზას უთხარი...“ მეტი ვერ მოახერხა, მაგრამ მიპატიებიაო, თითქოს ეს წავიკითხე მის ბაგეზე, თუმცა ვინ იცის... სუნთქვა უცებ გაუჩერდა, თვალი გახელილი დარჩა, სახეზე კი აწვიმდა...“

„მაინც რატომ ჰქვია ამას ჩიორა?“ — ერთხელაც გაიფიქრა დიმიტრიმ.

რას კითხულობდა? რა ენაღვლებოდა?..

კლასში კვლავ მდუმარება იდგა. მიხვდა დიმიტრი ფარცვანია, არც შესაკითხი ჰქონდა რამე, ვერც ასე უთქმელად გავიდოდა აქედან. უნდა ალაპარაკებულიყო, სულ ერთი იყო, რას იტყოდა და ამიტომ ალაპარაკდა... თავში მოსდიოდა ზოგადი, ტრაფარეტული ფრაზები დღევანდელ ახალგაზრდებზე, სულ სხვანაირ თაობაზე, დანის ტრიალსა და მუშტი-კრივს რომ შეეჩვია... ლაპარაკობდა და თვითონაც არ სჯეროდა საკუთარი სიტყვებისა, ცარიელი სიტყვებისა, ყრუ კედელს ცერცვივით რომ ეყრებოდა და რაკარუკი გაჰქონდა...

„მოსკვიჩი“ გადაიღალაო თითქოს, უხალისოდ მითუხთუხებდა ჭუბურიშიდან. დიმიტრის ლაპარაკი არ ენადა, „საქმეზე“ ფიქრობდა. წონიდა სიტყვებს, არკვევდა ქვეტექსტებს... საქმე, რა თქმა უნდა, მარტივი იყო, თუ გარეგნულ ფაქტებს დასჯერდებოდა, მაგრამ საკმაოდ რთულიც, თუ შინაგან, მამოძრავებელ მექანიზმს გახსნიდა. თავში სხირტლადის ნათქვამი ამოუტივტივდა: „საითაც გავიხედავდი, თინიკო კელაპტრიშვილს ვაწყებო-

დი!“ ამ წუთიდან ტვინში ჩაეჭედა ეს ფრაზა, არ ამოუვარდა, არ მოშორდა, მთელი გზა უტრიალა, სანამ თავის ტკივილში გადაეზრდებოდა. „დილას აქეთ არაფერი გვიჭამია!“ — გაიფიქრა და ჯოტო გვილავამაც მანქანა გააჩერა.

— ხომ არ წაგვეხემსა, მაგალითად?

დღეს რომ ისაუბმეს, ის რესტორანი იყო. დიმიტრი შეყოყმანდა, მერე თავი გააქნია.

— უკვე შინა ვართ და...

თავის პატარა ბინაში, ჩაის რომ მიირთმევდა, კვლავ თინიკო კელაპტრიშვილი გაახსენდა. უფრო სწორად, ხომალდით თეთრი სახლი, მაღალი ჭიშკარი, შავი „ვოლგა“ და მთავარი აგრონომი, მანქანის კაპოტს იმ კაცის გამომეტყველებით რომ დაყრდნობია, ვინაც საკუთარი თავის ფასი იცის. შეეცადა წარმოედგინა, როგორ ჩამოირბენდა თინიკო კელაპტრიშვილი კიბეზე, მაგრამ გოგონა ხომ ჯერაც არ ენახა და წარმოსახვაში რალაც უსხეულო და ფარფატა რამ ტივტივებდა.

იმ ღამეს სიზმარშიც გამოეცხადა. ასევე უსხეულო, ასევე ფარფატა, ვერაფერს კონკრეტულს ვერ ხედავდა, მაგრამ ხვდებოდა, რომ სიზმარში თინიკო კელაპტრიშვილი ეახლა და ამით გაოცებულს უთენია გამოეღვიძა.

ლოგინიდან წამოდგომა დაეზარა. ინვა და დეტექტივს კითხულობდა. კითხვამ ისე გაიტაცა, საუზმის დროსაც წიგნში იყურებოდა და სანამ კომისარმა მეგრემ ბოროტმოქმედი კუთხეში არ მიიმწყვდია, მანამ ვერ მოეშვა. შემცბარმა დახედა საათს, სამსახურში დაჰგვიანებოდა. „ამ სისულელის გულისათვის!“ — თვითვე აღიზიანებდა ეს გატაცება.

კაბინეტის კართან თანდი ჩიმაკაძე და ქალბატონი ლუბა დახვდნენ, მოთმინებით ისხდნენ გრძელ სკამზე.

თანდი თავგზააბნეული ჩანდა, არ იცოდა, ხელები სად წაელო. ქალბატონ ლუბას კი თავი უფრო თამამად ეჭირა, თითქოს აქეთ აპირებდა შემოტევას, თუმცა მის ამ სითამამეში შიში ილანდებოდა.

— ახლა სეზონია და სულ ვერ ვიცლით, მაგალითად... — წამოიწყო თანდი და ენა უმაღვე ჩაუვარდა. თეთრი პერანგი

ეცვა და ყელზე ჭრელი ყელსახვევი გაენასკვა. ეს უადგილო სიჭრელე უფრო შესაბრალისს აჩენდა, ვიდრე გამომწვევს. ადგილზე ვერ ისვენებდა, ცდილობდა, დაემალა მუშაკაცის მსხვილი, დაკოჭრილი ხელები.

ქალბატონ ლუბას პატარა ტანზე ხალვათად ეჯდა ჩითის თალხი, სამგლოვიარო კაბა. სახე დანაოჭებოდა, რა ასაკისაც იყო, იმაზე მეტად გამოიყურებოდა.

დიმიტრის ცინტუ კვირკველია გაახსენდა, გარეგნობით მიახმავს კიდეც, თუმცა კარგად უწყოდა, ამ ორ ქალს შორის საერთო არაფერი იყო. რატომღაც იმთავითვე, ინსტინქტურად, ქვეშეცნეულად ეშინოდა დედაბრისა და ვერ გაეგო, რატომ... ეს ქალბატონი კი... აზრი არ დაუსრულებია, კალამი უხმოდ დადო ქალაღზე და ერთადერთი, ცივი სიტყვა დააგდო:

— გისმენთ!

თანდი ჩიმაკაძე შეიშმუშნა, ხელები ნერვულად მოიფშვნიტა, მეორე წუთს კი მაგიდაზე მონაფურად დააწყო.

ქალბატონი ლუბა შეკრთა, ძლივძლივობით ალაპარაკდა:

— მაპატიეთ, მიჭირს დალაგებით ლაპარაკი! — ხმა გაბზარვოდა. — ან რა გვაქვს სათქმელი, დავილუპეთ და ეგ არის... მოსაკლავები ვართ ორივენი, მეც და ჩემი ქმარიც... თავი პედაგოგი მეგონა, რამდენი ბავშვი გამიზრდია, სხვის შვილებს ვასწავლიდი კაცთმოყვარეობას, მეგობრობას, ურთიერთდამოკიდებულებას, ჩემი კი გამომრჩა... დროზე ვერ შევამჩნიე! კარგად სწავლობდა და მეც ვამაყობდი ამით. მეგონა, საკმარისი იყო. ახლა კი ვიცი, რომ ეს არ კმარა, მაგრამ რალა დროს... დავილუპეთ, ბატონო, დავილუპეთ!

— ძლივს ავანყეთ ცხოვრება! — მოულოდნელი ბოხი ხმით ჩაურთო თანდომი. — ტყავიდან ვძვრებოდით. ცოტაც და დაჯილდოებას მიპირებდნენ...

— ჯილდო კი არა, სიცოცხლეც არ გვინდა! — ნაჩქარევად გაანყვეტიდა ქალბატონმა ლუბამ და ოხვრით დაუმატა: — განუყრელი მეგობრები იყვნენ და ვინ იფიქრებდა...

დიმიტრიმ პირზე ხელი აიფარა, რათა არ დაემთქნარებინა. ყველა ფრაზა ერთმანეთსა ჰგავდა და მოსწყინდა. ქალაღი მოიჩოჩა, საქმიანად შეუდგა ხატვას.

— იმ დილით ჩვეულებრივ ისაუზმა. ჩანთაში წიგნებს სალამობით ინყობდა, ასეთი მუყაითი იყო. არაფერი შემიმჩნევია, ან რა უნდა შემეცყო, თვითონაც ხომ არ ჰქონდა წინასწარ განზრახული? — სახე ნამოუწითლდა, ენა შეებორკა. — თქვენ ხომ არ ფიქრობთ, რომ მკვლელობა წინასწარ ჰქონდა განზრახული?

— მე დანა მაინტერესებს, საიდან გაჩნდა დანა? — სწრაფად შეეკითხა დიმიტრი და ცოლ-ქმარს დააკვირდა.

თანდის ჯერ კისერი ნამოუჭარხლდა, სინითლე თანდათან მოედო სახეზე.

ქალბატონი ლუბა უფრო კერკეტი კაკალი აღმოჩნდა, ტუჩები ჯიუტად დაბრიცა.

— მე მივეცი!

— რა დროს?

— შესვენებაზე, სულ ერთი საათით ადრე!.. ნეტავი იმ დანით მომეკლა თავი! — ცხვირსახოცი თვალზე აიფარა, თუმცა ცრემლი სიმწრით დაშრობოდა. — ზაზამ მამისაგან ისწავლა მყნობა. ნაკვეთში კი ატმის სანამყენე ჯიშებია. დანა ბიოლოგიის კაბინეტში გვექონდა, იქიდან გამოვიტანე და მივეცი...

„იმ თავსხმაში?“ — უნდოდა ეკითხა, მაგრამ ჯერ კიდევ არ იცოდა, რა სიკეთეს მოუტანდა ჭეშმარიტი პასუხი და დროებით თავი შეიკავა.

ქალი უცებ გაჩუმდა, მერე შეცვლილი ხმით, თვალი რომ არ მოუშორებია დიმიტრისთვის, ისე განაგრძო:

— სახლ-კარს გავყიდით, რაც გვიშრომია და შეგვიძენია, წყალსაც წაუღია... ყველაფერს, ყველაფერს მოვანმარო!

დიმიტრის სახე აენვა, თქმით არაფერი თქვა, ხელი აიქნია მხოლოდ და შეშინებული ქალი გაჩუმდა.

კარგა ხანს ისხდნენ მდუმარედ. ახალგაზრდა გამომძიებელი კვლავ გულმოდგინედ ხატავდა ტიკინებს. განა აქამდე არ იცოდა დიმიტრი ფარცვანიამ, მაგრამ ამ წუთას მთელი სიცხადით დაინახა, რა უზარმაზარი ძალა ჰქონდა ხელთ, როგორ შეეძლო თავის ნებაზე წარემართა ადამიანთა ბედ-იღბალი. „არა, ქრთამს მე არ ავიღებ!“ — საკუთარ ფიქრს გაუღიმა და მოულოდნელად შინაურული, მიმნდობი კილოთი ჰკითხა:

— თინიკო კელაპტრიშვილი თქვენი მონაფეა?

2. პაპუკა ლეჟაჟა

ძინ-ძინ-ძინ!.. — რიტმულად, თანაბრად რეკავს სკოლის ზარი. მე ვუსმენ. ზარის ხმა შორიდან ძლივს აღწევს, ნახევარი სოფელი მაინც უნდა გადალახოს, მერე აღმართს ამოჰყვება, აქ კიდევ მინაში მოიგუდება. მე მესმის ზარის მოგუდული ხმა — ძინ-ძინ-ძინ!.. ეს დილის ზარია, ბავშვებს უხმობს. ისინი სოფლის შარაზე გამოფენილან, მზე თვალეში უჭყიტინებთ. დილის მზე თბილია, თითქოს ეფერება ნამძინარე ბავშვებს. მე კი მზეს ვერ ვხედავ, ვერც ვერაფერს ვხედავ. ჩემთან სრული სიბნელეა, ერთნაირი, აუმღვრეველი. ეს მე არ მწყინს. არც მოწყენილობასა ვგრძნობ. არც მძინავს და არც მღვიძავს. არც არაფერი მტკივა. მინდოდა ჭრილობა მომესინჯა, ისე, ცნობის-მოყვარეობის გამო, მაგრამ ხელის განძრევა არ შემიძლია. ისიც არ ვიცი, მაქვს თუ არა ხელი, არ ვიცი, ვარსებობ თუ არა საერთოდ. დრო მიედინება მდორედ, აუმღვრეველად. იქნებ არც მიედინება. დრო გაჩერებულა და ერთი წუთი არ განსხვავდება მეორისაგან. დრო გაჩერებულა, მაგრამ ჩემში რაღაცა მოძრაობს, ისიც მდორედ, აუმღვრეველად. არც ის ვიცი, რა არის ის, რაც მოძრაობს, — ფიქრია, სიზმარია, ცხადია... ამის გარკვევას არ ვცდილობ. ვარ წყნარად და ამ ფოფინა რაღაცას, ფიქრიც რომ ვერ დამირქმევია, უმტკივნეულოდ მივყვები.

ჩემი სახლი ვინროა, თუმცა მე არ მეპატარავება. ცივი და ნესტიანია, მე კი არ მცივა. აქ რომ ადრე ჩამოვსულიყავი, ალბათ, სადღაც დედასა და მამას ვიგრძნობდი, მაგრამ ისინი დიდზე დიდი ხანია წავიდნენ და მე მარტო ვარ. თითქოს მეშინია, თუმცა ეს არ არის ნამდვილი შიში. მე არ ვიცი, რა არის ნამდვილი შიში. რასაც განვიცდი, ვითომ შიშია, უფრო სიმარტოვისა. ვიცი, ესეც წარმავალია. მოთმინებით ველოდები ცინტუ ბებიას. ის მალე მოვა, ის ჩემს გვერდით დაიდებს ბინას. მაშინ ჩვენი ფიქრები გადაეხლართება ერთმანეთს. გაქრება მარტოობის წუხილიც. მაგრამ მე არ ვჩქარობ. გაჩერებული დრო უსასრულოა. შემიძლია ათასჯერ და ათიათასჯერ დავუბრუნდე წარსულს, ათიათასჯერ

განვიცადო ყოველი ცვალებადობა ჟამისა, ავწონ-დავწონო, ჩემს ფიქრებში მივუჩინო ადგილი, მივაგო მისაგებელი, თუმცა არავისი განსჯის სურვილი აღარ შემრჩა. სიკეთისათვის ვერავის დავაჯილდოებ, ბოროტისათვის ვერავის დავსჯი...

ძი-ინ! — ჩამოჰკრა ბოლო ზარმა. ყველაფერი თავის რიგით მიდის. მეცხრეკლასელები ჩუმად სხედან. ზაირა მასწავლებელი მკაცრ მზერას მოაგლებს კლასს. ჟურნალს გახსნის, აუჩქარებლად კითხულობს სიას. მხოლოდ ერთხელ შეყოვნდება, ხმა გაეზარება. ჩიორასა და ციციხოს შორის ჩემი გვარიც ეწერა. ახლა ის გამოტოვებულია. შეყოვნდება ზაირა მასწავლებელი, ხმა გაეზარება, მაგრამ თავს მოერევა და კითხვას განაგრძობს. ყველასათვის მძიმეა ეს წამი. თავდახრილები სხედან. უცბად ტირილის ხმა ისმის. „ფალავანდიშვილი, გადი კლასიდან!“ — ხმადაბლა ბრძანებს ზაირა მასწავლებელი. ციცი აზღუქუნდება, კარისაკენ მიდის. „პირზე წყალი შეისხი და ისევ შემობრუნდი!“ — ბოლო წუთს მიადევნებს... კლასში ისევ მღუმარებაა, ბუზის გაფრენას გაიგონებს კაცი. „გაკვეთილი არავინ იცის?“ გაკვეთილს ვერავინ სწავლობს, გაკვეთილის სწავლა სირცხვილად მიაჩნიათ. „სანამდე უნდა გაგრძელდეს ასე? — მოთმინებით, ალერსით ამბობს ზაირა მასწავლებელი. — ხომ გვინდა, ბავშვებო, სიცოცხლე?“

სიცოცხლე?.. ამ სამიწის წინათ გაკვეთილიდან გავიპარენით. მოთავე, რა თქმა უნდა, ჩიორა იყო. „ვინც არ წამოვა, ის იყოს...“ — და ჩიორამ შეიგინა. „უზრდელი!“ — მიახალა ციციხო მუჟავამ, მაგრამ მთელი კლასი ჩიორას გავყევით. სულ უკანა ეზოებითა და ფარული ბილიკებით ვიარეთ. საბანაო ხომ მყუდრო ადგილას გვექონდა შერჩეული, სამ მუხასთან. ჩანთები ძირს დავყარეთ. ჯერ ბიჭებმა გავიძვრეთ ტანისამოსი. ყიჟინით შევდგაფუნდით ცივი წყალში. ზაზამ არ იკადრა მხოლოდ, ჩანთაზე დაჯდა და შორიდან გვიყურებდა. დაჭკვიანებული, ასაკსრული კაცი უყურებს ასე ბალებს ანცობას. „ზაზა, ჩამოდი, იცი, რა თბილი წყალია!“ „წყალი არა!.. წყალი ჯანგბადი და წყალბადია!“ „მერე რა! — შევძახე აღფრთოვანებულმა. — ჟანგბადია თუ წყალბადი, წყალი სიცოცხლეა და მე თევზი ვარ!“ ჩავიყურეუმელავე და წყალქვეშ თვალის ცეცებით გავცურე. ბიჭები ფეხებს სასა-

ცილოდ ასხმარტალებდნენ. სიღრმეში მრუმე სილურჯე დასად-
გურებუღიყო, ცხვირწინ კი დამფრთხალმა ლიფსიტამ გამი-
ელვა... ამასობაში გოგონებიც გათამამდნენ, ერთმანეთი წა-
აქეზეს, ისეთი წივილ-კივილით ჩაცვივდნენ წყალში, მეორედ
მოსვლააო, იტყოდით. მერე ყველანი ტალახში ვგორაობდით.
მერე ინდიელები გავხდით და ნაპირზე ყიჟინით დავთარეშობ-
დით. მერე ისევ წყალში ჩავცვივდით და ციციწო მჟავია ვაყურ-
ყუმელავე, ლილი და ეკა მომცვივდნენ და მეც მაყლაპეს ორიო-
დე ყლუპი... ეჭვი, — მინდოდა მეყვირა, — რა ბედნიერებაა,
როცა ლურჯი ციდან მზე აცხუნებს, შენ კი შიშველ სხეულზე
გრილი ნიავი მოგელამუნება... გაშლი მკლავებს და თავდავიწ-
ყებით გადაეშვები ლურჯ ზვირთებში... სანწალეს მღვრიე
ნაგუბარში კი არა, ფართოდ გაშლილ ოკეანეში, და გაცურავ
შორს... შორს... გადაეველები აქორჩილ ტალღებს... უკან კი მე-
გობრების გამამხნეველები ყიჟინა გესმის... ეჭვი, გაშალე მხრე-
ბი, გადაცურე ლურჯი ტალღები!.. მაგრამ იქ, მეორე ნაპირზე,
სანწალეს გასწვრივ მოხრეშილი გზა გადის და უცბად მთავარი
აგრონომის „ვილისი“ ამოგუგუნდა. თვით მთავარი აგრონომი
გადმოვიდა მანქანიდან, ღიმილით გადმოგვხედა, თან რალაცას
ელაპარაკებოდა მანქანაში დარჩენილს. მანაც ცნობისმოყ-
ვარედ გადმოყო თავი. თინიკო კელაპტრიშვილი მალაზიაში ახ-
ლადნაყიდ თოჯინას ჰგავდა და პირველად ჩემს სიცოცხლეში
შემრცხვა, რადგან შიშველი ვიყავი, პატარა ვიყავი და სულელი
ვიყავი... განა მე არ შემეძლო ზაზასავით დარბაისლურად ჩამ-
ომჯდარიყავი ჩანთაზე და მომთმენი, მამაკაცური ღიმილით
მეცქირნა ბავშვური სისულელებისათვის. წუთში დავმოშმინ-
დით. ნაპირზე დამნაშავეებივით ავიძურწენით. ვერ წარმომედ-
გინა, თუ ასე ძნელი იქნებოდა საკუთარი ტანისამოსის აღება,
შარვლის ტოტში ფეხის გაყოფა. „ეს გოგოები რამ გააგიჟა
მაინც, ტიტლიკანები ტლინკაობენ!“ — იქედნურად შენიშნა
ზაზამ და ციციწო უცებ ატირდა. ჩიორას სახე მოექცა, მუშტი
მოუღერა ბრაზით: „გამასწარი, სანამ ჩავიცვამდე!“ ზაზა ზღაზ-
ვნით წამოდგა და ქედმაღლური ღიმილით გაგვმორდა. უხმოდ
ჩავიცვით, მხოლოდ ციციწო სლუკუნებდა ჩუმად. თითქოს

ბორკილები ჩამოგვირიგესო, ამ ბორკილებით დამძიმებულნი
ჩვენ-ჩვენს სახლებში დავიფანტენით...

სახლი?.. სოფელში ყველაზე კარგი სახლი მე მქონდა. იმი-
ტომ, რომ ჩემს პატარა ფიცრულ ოდაში ცინტუ ბებია ცხოვრობ-
და, ერთიციცქნა, გამხდარი, გალეული ცინტუ ბებია, მუდამ
ლოგინში რომ იწვა. ძლივს ახობილდებოდა ხანდახან, ყავარ-
ჯნებით დაკოლიკობდა აქეთ-იქით, მწირ სადილს მიმზადებდა.
ნუ იკლავ თავს-მეთქი, ვეუბნებოდი, თუმცა გულსგარე, რამე
ხომ უნდა გვეჭამა. მკაცრი ბებია მყავდა, გაუცინარი. ჭოტი ხარ-
მეთქი, ერთხელ გავეხუმრე. არ წყენია, ჩაიღიმილა. მიხვდა, სან-
ყენად არ მითქვამს. მე ხომ ისეთი მიყვარდა, როგორც იყო.
თქმა არაფერზე ჭირდებოდა, თვალთ მანიშნებდა და თავქუდ-
მოგლეჯილი გავრბოდი უსიტყვო ბრძანების შესასრულებლად.
თუ მებუტებოდა, ხმას არა მცემდა, და მაშინ ამაზე მეტი სასჯე-
ლი ჩემთვის არ არსებობდა. გალახულივით მივიძურწებოდი
კუთხის ოთახში. ვწვებოდი ცივ ლოგინში და ვინანიებდი ცოდ-
ვას. დილით ფრთხილ კაკუნს გავიგონებდი, ეს ბებია ადგამდა
მორიდებით ყავარჯენს, ღამის ქოთნით მიიპარებოდა საპირ-
ფარეშოსაკენ. ფეხსადგილი ხომ უკანა ეზოში გვექონდა, იქამ-
დე მთელ საათს ანდომებდა მისვლას. ჩიტივით წამოვფრინდე-
ბოდი უმალ, ნაჩქარევად ჩავიცვამდი და გამოვეკიდებოდი. რამ-
დენჯერ გითხარი, დამიძახე-მეთქი, ბუზლუნით წავართმევი
ღამის ქოთანს, თვითონ მივარბენინებდი ფეხსადგილისაკენ. ის
კი იდგა თავის ყავარჯნებზე, სახეზე სიმორცხვე და დაბნეუ-
ლობა ეხატა. ბავშვივით უსუსური იყო და გული მენვოდა... ეს
წამები ჩვენი შერიგების წამებად გადაიქცეოდა... საღამოს კი
გვიანობამდე ცხელ ჩაის ვსვამდით. მე სკოლის ჭორებით მქონ-
და თავი გამოტენილი და იმდენს ვქაქანებდი, ბებიასაც ავალა-
პარაკებდი. თავის ყმანვილქალობას იხსენებდა დინჯად. თურმე
დადიას ლაქიამ ჩამოიარა ერთხელ, ცინტუ ბებია ისე მოენონა,
კინალამ წაართვა ბაბუაჩემს. ყოველი სიტყვა მჯეროდა, მაშინ-
ნაც კი, როცა დადიას ლაქია თვით დადიად გადაიქცა, მერე
უცხოელ უფლისწულად, მერე კი მთლად რუსეთის ხელმწი-
ფედ... ვითომ რატომ არ შეიძლებოდა ხელმწიფეს ჩამოველო

ჩვენს ჭიშკართან. მოეწონებოდა ყმანვილქალი ხელმწიფეს, წაართმევდა ბაბუაჩემს და ნაიყვანდა სატახტო ქალაქში. მაშინ მე ასე არ მომიწევდა ალუმინის „კრუშკით“ ჩაის ხვრეპა. ლამაზ-ლამაზი ფრეილინები მომართმევდნენ ჩინური ფაიფურის ფინჯნით, რადგან ხელმწიფის შვილიშვილი ვიქნებოდი... ასეთი ჩურჩუტული აზრი ღიტიწიწითაა, თავში მომივიდოდა და ხითხითს ვინყებდი. ბებია მკაცრად მოკუმავდა ტუჩებს, მე კი ვცდილობდი როგორმე სიცილი შემეკავებინა. მივუბრუნებოდი მატყლის მშრალ წინდებს, ჩავაცმევდი, ბებიას ხომ მუდამ ეყინებოდა ფეხები. მოვეხმარებოდი, რადგან ლოგინზე ფეხის აწევა უჭირდა. მერე თვითონაც ფერხთით ჩავთბუნდებოდი, ბებიას მცივან ფეხებს ჩავიხუტებდი, ჩემი სუნთქვით რომ გამეთბო. ისევე გამახსენდებოდა, ხელმწიფის შვილიშვილობა რომ გავუშვი ხელიდან და ხითხითს ვინყებდი. ბებია გაყურდებოდა, იცოდა, ბნელ ოთახში სითამამე რომ წამძლევედა და ჩემს ჩურჩუტუნა ფიქრებს ამომათქმევინებდა. ვერ ვხვდებოდი, თვითონაც იცინოდა თუ არა, პირზე საბანი ეფარა და ჩაგუდული ხმით შემეპასუხებოდა, შენისთანა ოხერი რომ გამიჩნდებოდა შვილიშვილად, წინასწარ იცოდა იმ კაცმა და იმიტომ ვერ გაბედდა ჩემი წაყვანაო. ამაზე ხომ მთლად ჩავბჭირდებოდი.

სხვამ სხვისი ამბისა რა იცის? სოფელს ვებრალებოდი, ობოლიაო. მე კი არაფერი მქონდა შესაბრალი. მე მყავდა ცინტუ ბებია და ეს საკმარისი იყო. მანამდე მაინც, სანამ ზაზა ჩიმაკაძე დამიმეგობრდებოდა. ისე განვსხვავდებოდით მე და ზაზა, ჩვენი მოულოდნელი მეგობრობა მთელ კლასს უკვირდა. რვა წელი ხომ ერთად ვსწავლობდით, მაგრამ დამეგობრების სურვილი არასოდეს გამჩენია. კლასის ამხანაგი იყო, ესაა და ეს! ჩვენი არსებობა ორ პარალელურ ხაზსა ჰგავდა, რომელიც, ალბათ, არასოდეს გადაიკვეთებოდა... მაგრამ ერთ დღეს შინ გამომეცხადა, არც კი მახსოვს რა უნდოდა, მაგრამ ისეთ დროს შემესწრო, როცა ხელში ღამის ქოთანს მიჭირა და ფეხსადგილისაკენ მივდიოდი... გავწითლდი, გავწითლდი... მგონი, ქორიკი კი გამიწითლდა. არ ვიცი, როგორ მოიქცეოდნენ მის ადგილას სხვა ბიჭები, ეს კი, ვითომ არაფერიო, გვერდით გამომ-

ყვა და უკან რომ ვბრუნდებოდით, ერთბაშად დაახეთქა: „ეს ექსკრემენტია!“ „რა, რა?“ — პირი დავაღე გაოცებისა და პატივისცემისაგან, რადგან ჯერ არ მენახა კაცი, ვინაც „ამის“ მეცნიერული სახელი იცოდა...

ძინ-ძინ! — მოკლედ, სულსწრაფად დარეკა ზარმა. ვინ იცის, იქნებ გაკვეთილი დამთავრდა მხოლოდ, იქნებ მეცადინეობაც. იქნებ მზე ჩავიდა და ამოვიდა. ახლა ისევე დილაა. ჩემთვის ერთია ორმოცდახუთი წუთიც და ოცდაოთხი საათიც. ზარის მოგუდული, შორეული გამოძახილი მაინც ვერ არღვევს არარსებულის მყუდროებას... არარსებულის?.. ვარ თუ არა ვარ? ამისი განსჯა არ შემიძლია, რადგან არ ძალმიძს რამე შევამოწმო. ვხედავ?.. ვგრძნობ?.. განვიცდი?.. არ ვიცი, არ ვიცი!..

ვითამაშოთო, მომიგლო მაშინ ზაზა ჩიმაკაძემ. ბურთი გამოვიტანე და ეზოში გავაგორეთ. აბა, რა გემო აქვს ორის ბურთობას?.. ბებია გამოხიზდა აივანზე, მზეს მიეფიცხა, თან ჩვენ გვიყურებდა. ზაზა აშკარად მჯობნიდა, უფრო სწრაფად მოძრაობდა, მაპამპულეებდა. ამას არად ჩავაგდებდი, მაგრამ ცინტუ ბებია მინდოდა დამერწმუნებინა ჩემს სიყოფილებაში და თავი კინალამ შევაკალი... მაინც არაფერი გამომივიდა!.. ვარჯიშობდა ზაზა ჩიმაკაძე, თანდი ძიას დაჰყავდა ყოველ მეორე დღეს სპორტსექციისაში. სოფლის სხვა ბიჭებს სად გვქონდა ამისი საშუალება. იშვიათად თუ მოვიცლიდით საბურთაოდ. სანაწალეს პირას გავაგორებდით ბურთს. ჩვენს მარაქაში ზაზა არ გაერეოდა. ერთხელ დაგვიმტკიცა რადაც ვლირდით და მერე არ გაგვეკარებია. იმ კარიდან რომ წამოიღო, ამ კარში ისე გაგვიტანა, ბურთამდე არც მიგვიშვა. მაშინ აიღო გაგულისებულმა ჩიორამ და უხეშად მოცელა. ახლა რისი იმედი უნდა მქონოდა? ენაგადმოგდებული დავდევი უკან. ბოლოს ორივეს შეგვეტყუოდალლა. ჩრდილს მივაშურეთ ქოშინით. „მანდ არ გაცივდეთ, ნენაია!“ — გადმოგვძახა ცინტუ ბებია. ხმა ძლივს მოგვანვდინა... ზაზა ზურგზე უდარდელად გაიშოტა, თავქვემ ბურთი ამოიღო და ცნობისმოყვარედ შემომაცქერდა. მეც პირისპირ ვიჯექი. მომწონდა მისი სისხარტე, ლამაზი სახე, ოდნავ ქედმაღლური გამოხედვა და, ალბათ, ამას ვერ ვმალავდი. ზაზამ კმა-

ყოფილებით გაიღიმა და უცებ — „სუსტი ხარ, სუსტი!“ არ მწყენია, მხრები ავიჩეჩე. ისედაც ვიცოდი, ჩემი თამაში ჩიმაკაძის ერთ ფინტად არ ღირდა. „ამაზე კი არ გეუბნები! — მხერა მომაცილა, ცას აჰხედა. ცა გადანმენდილი იყო, მაგრამ მისი ფერების სიმშვიდე ზაზა ჩიმაკაძის მხერაში არ ირეკლებოდა. — შენისთანა დამნდობი, ცომივით რბილი კაცი ვაჟკაცი ვერ იქნება!“ წამოვიფხოვრე, მაგრამ ხელის მოძრაობით შემაჩერა: „ნუ ფახიფუხოვ, ისე გეუბნები, სიტყვაზე!.. ახლანდელ დროში სუპერვაჟკაცი უნდა იყო, შენ კი ღამის ქოთანი დაგაქვს!“ კინალამ ვეცი, მაგრამ სწრაფად გადაკოტრილდა და ფეხზე მოქნილად დადგა. „დასაცინად არ მითქვამს! — მშვიდად შემომხედა. — ეგრე ნუ ფიცხოვ!.. სუპერვაჟკაცს მიზანი უნდა ჰქონდეს, ხელ-ფეხი არაფრით შეიბორკოს... შენი ბორკილები კი შენი ბეზია!“ „როგორ ბორკილები! — აღშფოთებისაგან ნერწყვი ყელში გამეჩხირა. — შენი აზრით, უნდა მოგვლა?“ „სიკვდილი რა შუაშია! — გულგრილად მომიგო. — თუმცა, ჩვენ შორის დარჩეს, რად უნდა მას სიცოცხლე? გამოჯანსაღდება თუ?.. ფეხსადგილამდე ვერ მისულა თავისი ფეხით!.. ნუ ფახიფუხოვ!.. ცინტუ ბეზია კი არ მეჯავრება, ისე, სიტყვაზე ვამბობ, თორემ იცოცხლოს, მე რა!..“ კიდევ რალაცები თქვა, მაგრამ დანარჩენი არც გამიგონია. თავჩაქინდრული ვიჯექი და ვფიქრობდი... აბა, რა ვიცი, რას ვფიქრობდი... უკვე არც მახსოვს!.. ის კი კარგად დამამახსოვრდა, რომ საშინლად შემეცოდა, ოღონდ ვინ? ცინტუ ბეზია თუ ზაზა ჩიმაკაძე?.. „არა უშავს! თუ ჩვენ დავძმაკაცდით, გაგხედნი!“ — სიცილით დამიგდო ზაზა ჩიმაკაძემ და გამშორდა.

მინაში კაცი ბრძენია!.. ახლა ხომ ყველაფერი ვიცი. იდუმალების რიდე ჩამოეხსნა ყოველივეს, აზრმა გამსჭვალა არსებულის კიდე და განი, მიზეზი და მიზანი ვერ დაიფარა უჩინმარჩინით. მაშინ კი, მაშინ, თუნდაც ერთი წამით ადრე დანის დარტყმამდე, ისეთი პატარა ვიყავი, ისეთი დაბრმავებული და დაყრუებული, წარმოსახული ენაცვლებოდა რეალობას, სულის ინსტინქტური მოძრაობა გონების ანაწონი მეგონა... ზაზა ჩიმაკაძესთან იმ ორთაბრძოლაში ბრმად და თავდავინყებით გადავეშვი, თუმცა არც ის ვიცოდი, რომ ეს „ბრძოლა“ იყო, ბო-

ლომდე არც არაფერი მქონდა გაცნობიერებული...

იმ დღიდან ერთად ვიყავით, სკოლაშიც, ქუჩაშიც, შინაც... ჩვენ-ჩვენს ლოგინებში გვეძინა და ესლა გვაშორებდა, მაგრამ სიზმრებიც არ გვექონია უერთმანეთო. რაც არ უნდა დამსიზმრებოდა, ზაზას სახეც გაკრთებოდა სადმე. კლასში ერთ მერხზე ვისხედით, მასწავლებლებიც შეეჩვივნენ ამას და გაკვეთილებსაც ერთად გვეკითხებოდნენ. ფარული მეტოქეობა მიფორიაქებდა სულს. მუდამ მზადმყოფნაში ვიყავი. ამ ჭიდილში არ უნდა გამომეჩინა სისუსტე. სწორედ იმ გაკვეთილს ვსწავლობდი ყველაზე უკეთ, ზაზას რომ არ ეცოდინებოდა. და თუკი დაიზუთხავდა რამეს — ბრწყინვალედ იზუთხავდა — იმ დღის ორიანი იყო ჩემი გამარჯვება, რადგან მეზიზღებოდა ის გაკვეთილი, „რომელსაც იზუთხავენ“. ერთს რაც მოსწონდა, მეორეს ეჯავრებოდა და ერთი აზრი არაფერზე გვექონია. მისთვის იდეალი პეტრე კუჭავა იყო, ჩემთვის — ზაირა მჟავია. ვისაც ის დაჩაგრავდა, მე ვექომაგებოდი, ვისაც მფარველობდა — ფარულად ვმტრობდი. ბურთი რომ ბურთია, თავი მოვიკალი, ჩუმ-ჩუმად ვივარჯიშე და ერთ მშვენიერ დღეს იმდენი შევძელი, ავართვი... ადრე რომ მაპამპულეებდა, სწორედ ისე ვაპამპულე. პირველად მაშინ ვნახე მისი წყენა. აქამდე თუ პირიდან ღიმილი არ შორდებოდა, აქაოდა მფარველობას გინევო, ბავშვი ხარ და დროს შენს აღზრდაზე ვხარჯავო, ახლა სახე გაუმკაცრდა, სიჯიუტე სიკერპედ გადაექცა, მერე ბოროტად გააკვესა თვალები, თითქოს მოკვლას მიპირებდა... გულში სიცივე შემომივიდა, მკვეთრად შევჩერდი... ბურთი კი ნელ-ნელა გაგორდა ბალახში. ზაზა წამში სიხარულად გადაიქცა, ზედ დააცხრა და გაიტაცა. მეორე წამს მიხვდა, ეს რომ გამარჯვება არ იყო და მოლუშული გამშორდა.

დიახაც, დედამინის ზურგზე არავისი დამარცხება მას არ ენადა, მას სურდა ჩემი დამარცხება, დამორჩილება, მაგრამ დედამინის ზურგზე არც მე ვებრძოდი ვინმეს, ერთადერთი ზაზა ჩიმაკაძე იყო, ვინც უნდა დამემარცხებინა.

და მაშინ გამოჩნდა თინიკო კელაპტრიშვილი...

სკოლისაკენ მივდიოდით და მთავარი აგრონომის სახლთან

გავიარეთ. ახლად აშენებული სახლი იყო. აქამდე მთავარ აგრონომს ოჯახი ქალაქში ჰყავდა, თვითონ კი, რაც თავი მახსოვს, ამ თავის სასახლეს აშენებდა და ეზოში კირით მოთხვრილი მუშებისა და სახლის პატრონის გარდა აქამდე არავინ მენახა. ჭიშკარს რომ გავუსწორდით, მთავარმა აგრონომმა გამოყო თავი, თითო მოგვიხმო: „ბიჭებო, დაიცადეთ, ჩემი თინიკოც მოდის!“ ერთხელ ხომ გვყავდა მანქანიდან თავგამოყოფილი თოჯინა ნანახი. მას შემდეგ ბევრმა წყალმა ჩაიარა. ახლა ის ამბავი აღარც გვახსოვდა და „მისი თინიკოს“ ლოდინიც არაფრად გვეპიტნავენოდა, მაგრამ სხვა რა გზა გვექონდა. „ჰა, ჩქარა, გელოდებიან!“ — გასძახა მთავარმა აგრონომმა, მერე შინაურულად მოგვიბრუნდა: „აქ გადმოვიყვანე და სკოლაში პირველად ვუშვებ! აბა, თქვენ იცით, არავის დააჩაგვრინოთ!“

ამ დროს გაიღო ზედა აივნის კარი და კიბის თავზე გამოცქრიალდა თინიკო კელაპტრიშვილი. იქნებ სიტყვა „გამოცქრიალდა“ ზედმეტად მსუბუქი გამომივიდა, — ცეტური, ბავშვური, რა თქმა უნდა, ლამაზი, მაგრამ დაახლოებით ისეთი, ალერსით რომ ეტყვიან ბავშვს — „შე სულელიო!“ თინიკომ კი თითქოს სხივები აირეკლაო, თავის ირგვლივ ფერადი ათინათები დააპნიაო, თან სიღინჯე მოიშველია და ისე ჩამობრძანდა, თითქოს პრინცესა ყოფილიყოს, ჩვენ კი მონები ვიყავით და პალანკინთან ვიდექით, რათა თინიკო კელაპტრიშვილი შიგ ჩაგვესვა და მოწინებით სკოლისაკენ წაგვეყვანა. „გამარჯობათ, ბავშვებო!“ — შემოგვცინა კი არა, შემოგვანათა და უცბად თავისი ჩანთა გადმომიგდო. როგორ მიხვდა, ძირს რომ არ დავაგდებდი? ზაზას ხომ ვერ გაუბედავდა ასე გაშინაურებას, თუმცა უმალვე ვიგრძენი, ამაყად ასვეტილი ზაზა უფრო მოუვიდა თვალში... ამ აზრით გამწარებული, ცოტათი დამცირებული და ცოტათი ბედნიერიც მის მძიმე ჩანთას მივართვედი, ამათ მიყვებოდი ფეხდაფეხ, რადგან ტროტუარზე სამნი ვერ ვეტეოდით (ჩვენს სოფელში ხომ მარტო იქაა ტროტუარი). ზაზამ დიდი კაცივით გაუბა მუსაიფი. თინიკომ რაღაც ხუმრობაზე ჩაიკისკისა, უცბად ჩემკენ მოიხედა და „რა პატარაა!“ — წამლერებით თქვა. გულში ტყვიასავით გამიარა ამ სიტყვებმა (ასაკით ხომ ზაზას ტოლი ვიყავი, სიმაღლით

ორი თითილა მაკლდა). ჩანთა ძირს დავაბერტყე და სახეანთებულმა მიფუგდე: „მე თითქმის რომეოს ასაკისა ვარ, გენაცვალე!“ სწორედ ასე ვუთხარი, „თითქმის რომეოს ასაკისა“ და ზედ „გენაცვალე!“ მივაყოლე, მერე კი ისინი ერთმანეთს შევატოვე და სკოლისაკენ მოვკურცხლე.

პეტრე კუჭავას ძლივს შევასწარი გაკვეთილზე. ეჭვისა და მოუთმენლობისაგან ვინვოდი, გონება მთლად დამეფანტა. პეტრე კუჭავამ კითხვა დამისვა, ვერაფერი გავიგე და კინაღამ ორიანი მტყიპა. ამ დროს ზაზა შემოვიდა და ამან გადამარჩინა. პეტრე კუჭავამ სინანულით გააქნია თავი, თითქოს ამბობდა, შენცო, ბრუტუს! ეტყობა, კმაყოფილი იყო მაინც, მისმა რჩეულმა ბოლომდე რომ არ უმტყუნა და გაკვეთილი მთლად არ გაუცდინა. გაბუსული ვიჯექი და ზაზასკენ არ მიმიხედავს. ერთხელღა ჩაიკრუტუნა, რა იყო, რა ბზიკმა გიკბინაო, თუმცა დარწმუნებული ვარ, კარგად იცოდა, რა ბზიკმაც მიკბინა და ჩემი ეს გახელება უხაროდა.

დიდ შესვენებაზე თინიკო კელაპტრიშვილმა გამომიჭირა. მანამ ირატრატა, სანამ გული გადამენურებოდა, მოთმინების ძაფი გამინყდებოდა. თვალეში რომ ჩამეხედა, ალბათ, ცრემლი მომადგებოდა. ამიტომ სულ ჩემს მოკვნიტილ ფრჩხილებს ვათვალეიერებდი. ჩემზე ნაწყენი ნუ ხარო. მე შორს დავიჭირე, ნაწყენი რად ვიქნები, პირიქით, გული გატკინე, ბოლომდე ვირის მუშად რომ ვერ დავიდექი და ჩანთა სკოლამდე ვერ მოგიორიემეთქი. ვითომ ვლაზლანდარობდი, მაგრამ ძარღვებში სულ თრთოლვა მივლიდა. მანცვიფრებდა, ყურადღება რომ მომაქცია, მობოდიშება აუცილებლად ჩათვალა. ჩემს სიტყვებზე გაელიმა. მაშინღა შევავლე წამით მზერა და თვალი უმალ დავხარე. ტვინში მაინც ჩამებეჭდა ეს ღიმილი. იმან კი თავი განზე გადასწია, შეეცადა ჩემი მზერა დაეჭირა და ამის გამოსწორება იოლიაო, ვირის მუშა კვლავაც მჭირდება, გაკვეთილები რომ დამთავრდება, ჭიშკართან დამხვდი და მძიმეზე მძიმე ჩანთა შინ მიმატანინეო.

„მძიმეზე მძიმე“ ჩანთა ამჯერად ჩემთვის ბუმბულის წონისა იყო, ჯილდოსავით მიმქონდა და თუ რამე მამძიმებდა, ეს იყო

გამვლელთა ეჭვიანი შემოხედვა. თუმცა ესეც არაფერი! მთელი გზა გულს მიწინქნიდა, ჩვენ რომ კვლავ ვერ ვეტეოდით ტროტუარზე. შუა საუკუნეების რაინდივით გაფუყული ზაზა დიდის ამბით მიიკვანწებოდა თინიკო კელაპტრიშვილის გვერდით. მე კი, მისი საჭურველთმტვირთველი, მისი სანჩო, ფეხათრეული უკან მივჩანჩალებდი. ბოლოს მთავარი აგრონომის ჭიშკარიც გამოჩნდა. მოწყალება მოილო პრინცესამ, ჩანთა გამომართვა, მადლობა, რა თქმა უნდა, არ გახსენებია, რაინდს კი ხელი გაუწოდა და, ისლა დააკლდა, ზაზა ჩიმაკაძე მოხდენილად დახრილიყო და ხელზე მოწინებით მთხვეოდა. დამშვიდობების ეს სცენა სარაინდო ფილმის ეპიზოდად გამოდგებოდა.

ჩუმად განვაგრძეთ გზა. ზაზა, ვითომ არაფერი მომხდარაო, ისე მიდიოდა. იქნებ ფიქრობდა, თავი ქუდში მაქვსო და იმიტომ იყო ასე მშვიდად. მე კი თითქოს ვინვოდი, თითქოს ცეცხლი მეკიდებოდა. მოუთმენლად ვცმუკავდი, მინდოდა ღონე რამეზე დამეხარჯა, მერბინა, მეხტუნავა, მეჩხუბნა, მეტირნა ან მემღერა, მაგრამ თავს ხომ ვერ გავცემდი და, ალბათ, გარეგნულად არც მე მეტყობოდა რაიმე.

შინ რომ მივედი, ცინტუ ბებიას ჩავუუკაკლე ყველაფერი. მეგონა, ზუსტად ვუყვებოდი როგორც იყო, მაგრამ ახლა ხომ ვიცი, რამდენი რამე შევასწორე, რამდენი რამ შევცვალე. ვთქვი, რომ ახალი მოწაფე მოვიდა ჩვენს სკოლაში, პარალელურ კლასში დასვეს, რომ თავი მოაქვს, მზეთუნახავი ვარო, მაგეთი გოგონები კი მილიონი დაიარება, რომ ზაზას ეყვანი შეაბა უკვე და ვირის მუშად გაიხადა, უნდა ჩანთას ათრევილებს, უნდა ლაგამს ამოსდებს, ზედ შეაჯდება და სოფლის შარაზე გააჭენებს... იმ ღამეს ეგეთი სიზმარი მესიზმრა, ვითომ მე მქონდა ლაგამი ამოდებული... არა, ლაგამს კი არა, ხელისგულს მაფარებდა პირზე და ის მეგონა ლაგამი. თვითონ მხარზე შემომესვა, ისეთი მსუბუქი, ფოფინა, ფარფატა, ოდნავადაც ვერ ვგრძნობდი მის სიმძიმეს... ასე მიმყავდა სკოლისაკენ, გზა-გზა შემხვედრი თანასოფლელები შურით მიყურებდნენ და შემომნატროდნენ. მერე ზაზა გამოვარდა საიდანღაც, ცოტა მეც დამაჭერინეო, მთხოვა. ვიუარე, თან უკვე ვიცოდი, თინიკო კი არა, მაღაზიაში ნაყიდი

ოცდახუთმანეთიანი თოჯინა შემომესვა მხარზე...

დოლაუთენია გამომეღვიძა. მამალი ყოიდა და იმან გამომალვიდა. ისეთი მღუმარება იდგა, შემეშინდა. მეორე წამს ცინტუ ბებია ჩუმი ფშუტუნი შემომესმა და დავმშვიდდი, რადგან ცინტუ ბებია ჯერაც ცოცხალი მყავდა და მარტო არ ვიყავი. მერე ფიქრით სიზმარსა და გუშინდელ ცხადს მივუბრუნდი. გამახსენდა, თინიკომ რომ თქვა, რა პატარააო. გული კვლავ მეტკინა, ცრემლი მომადგა თვალზე. ვინეტი ჩუმად, ვფშლუკუნებდი და თანდათან ამ ფშლუკუნში ხელახლა ჩამეძინა. ცინტუ ბებია რომ გამალვიდა, საათს დავხედე. მაგვიანდებოდა. სასწრაფოდ ჩავიცვი, პირზე წყალი შევისხი, საუზმეზე კი უარი ვთქვი. ჯერ ჩიმაკაძეების სახლთან უნდა გამევილო. ჩვეულებრივ, ჭიშკართან მიცდიდა ხოლმე, დღეს ვერ დამელოდა. ფეხს ავუჩქარე. მთავარი აგრონომის ჭიშკართან მოვკარი თვალი. ორივენი მელოდებოდნენ... მე მელოდებოდნენ!.. გაბუტულეზით იდგნენ და მელოდებოდნენ... „დროზე ადგომა ვერ გასწავლე!“ — მწყრალად მითხრა ზაზამ. თინიკომ კი გამიღიმა და გუშინდელივით თავისი ჩანთა მომიგდო. თითქოს მისი ხელის სითბო გადმოჰყვაო, ჩანთა ჩავიხუტე და ისე მივედევე. არ ვიცოდი, რა მიხაროდა, მაგრამ ჩემზე ბედნიერი, ალბათ, არავინ იყო. ბოლოს და ბოლოს ხომ შეიძლება დედამიწის ზურგზე არც არსებობდეს მეტი ბედნიერება, ვიდრე თინიკო კელაპტრიშვილის ჩანთის ტარებაა. ყოველ შემთხვევაში, მე სხვა არაფერი მინდოდა და გული დამწყდა, სკოლის კარებს რომ მივალწიეთ. თინიკომ ჩანთას ხელი მოჰკიდა. ამ დროს მისი თითების შეხება ვიგრძენი და, ალბათ, გავფითრდი. ისიც შეცბა. ჩანთა ჯიქურ გამომგლიჯა და კიბეზე ავარდა. მე კი ვიდექი და არ მესმოდა, რას ჩამძახოდა ზაზა. მერე ზარის ხმა გავიგონე და მივხვდი, გაკვეთილზე გვაგვიანდებოდა...

ძინ-ძინ-ძინ!.. — რეკავს სკოლის ზარი... მე ველოდები!.. უმალვე ვიგრძნობ, თუ მოვიდა!.. უნდა მოვიდეს, არ შეიძლება, რომ არ მოვიდეს!.. ბიჭები მაკითხავენ ხოლმე... როგორ შეიცვალნენ!.. დინჯნი, დარბაისელნი გახდნენ. მოვლენ და დადგებიან... ვიცი, თავს ძლივს იკავებენ, მაღაყზე უნდათ გადასვლა,

მაგრამ ჩემი ერიდებათ... ყველანი აქ არიან... ავთო ბებია, დათო ქანთარია, გოგა ჯიჭონაია, ბეშქენ დავითულიანი, ვანო კაპანაძე... კლასში ბიჭები ცოტანი ვიყავით. ახლა მეც დავაკლდი... ზაზაც... გაკვეთილების შემდეგ მოდიან, დადგებიან ცოტა ხანს... დგანან და ფიქრობენ... ჩემზე კი არა, სხვა უამრავი საფიქრალი აქვთ... ჭრილობა უკვე შეხორცდა, ამისი გამხელა არ უნდათ, სხვაგან გაუბრით ფიქრები. ავთოს სულ გოგოები ახსოვს, დათოსაც. გოგას მასწავლებლებისა ეშინია, მშობლებისაც. ყოველ ნიშანს დაჰკანკალებს. ბეშქენი ვარჯიშობს, სულ კუნთებზე იხედება, მოჭიდავე დადგება. ჩიორა ბელადია, ავ საქმეს აირჩევს თუ კარგს, ყველაფერში პირველი იქნება... ჩემთვის უკვე არა სცალიათ!.. მე ეს არ მწყინს... თანდათან ხომ უნდა ჩავიძირო დავიწყების მრუმე ფერებში, ხომ უნდა დამეძინოს სამუდამოდ, ხომ უნდა გაქრეს მოლოდინი. მე ველოდები, უმაღვე ვიგრძნობ, თუ ის მოვიდა!.. აგერ გოგონებიც მოდიან... ის ცალკე მოვა, ის ამათში არ გაერევა... ციციხო, ლეილა, ლილი, ეკა... ციციც მარტო მოდის, ბორცვს ეფერება, ასწორებს, ყვავილებს დადებს და იმდენს ტირის, თითქოს თბილი ცრემლებით ყინულის გალხობას ცდილობდეს... მე კი ერთხელ მაინც მინდა ხმა ამოვიღო, მინდა შევეუძახხო: „ეჭვი, ბიჭებო! ეჭვი, გოგონებო! ნუ იტირებთ! კმარა!.. ნადით და იცოცხლეთ!.. ნადით და იცოცხლეთ!..“ ძინ-ძინ-ძინ!.. — ეს ჩვენი სკოლის ზარია... მე ველოდები, ერთხელ მაინც ხომ უნდა მოვიდეს, მე ველოდები!..

იმედი!.. უცნაურია, რისი იმედი უნდა მქონოდა. ხომ უნდა დამეტანა ტვინისთვის ძალა, ხომ უნდა მეფიქრა. მე კი არაფერზე ვფიქრობდი. სტიქიურად, უანგარიშოდ, მხოლოდ გულის მოწოდებით ვიბრძოდი, გულს კი ერთხელაც არ უკარნახია აზრისათვის, მიდი, სარკეში ჩაიხედე, კარგად შეათვალიერე შენი გაბურძღვნილი თავი, გაფშეკილი ყურები, ჭორფლის ნინკლები... შეათვალიერე და პასუხი გაეცი: რისი იმედი გაქვს?

ყოველ ცისმარე ვდგებოდი. ჯერ კიდევ ბინდი იდგა გარეთ, ჯერ კიდევ მშვიდად ფშუტუნებდა მძინარე ცინტუ ბებია. ასეთ დროს ქათმიპარია ქვათია თუ გამოვიდოდა ქუჩაში. ჩუმად ვცოდვილობდი ნავთქურასთან, არ უნდა მეხმაურა, ცინტუ ბებიას არ

უნდა გაეგო ჩემი ფაციფუცი. ფრთხილად ვაუთოებდი ერთადერთ შარვალს, ჯერ კიდევ ნესტიან პერანგს, ნუხელ, სიბნელეში ცივი წყლითა და ხელის საპნით რომ გავრეცხე, გულმოდგინედ ვივარცხნიდი მოკლე და ბურძგლა თმას, სავარცხელს რომ არაფრით ემორჩილებოდა და ყოველგვარ წესრიგს უარყოფდა... რიჟრაჟზე გავდიოდი შინიდან, ვჩქარობდი, მეშინოდა, არ გაესწროთ, თან არც ის მინდოდა, ვინმეს გაეგო ჩემი სულსწრაფობა. ჩიმაკაძეების სახლთან ჩავიხშობდი ქოშინს, დავიამებდი სუნთქვას, დავდგებოდი მაღალ მესერთან, ველოდებოდი... მეჩვენებოდა, რომ ზაზამ უკვე გამასწრო, რომ უჩემოდ მისეირნობენ სკოლისაკენ, მე კი უარყოფილი, დანუნებული, „პატარა“, საცოდავად ავიტუხებოდი მოწყალების მოლოდინში, თუმცა არც ის ვიცოდი, რას ვითხოვდი...

კარგად რომ გათენდებოდა, მაშინლა ცოცხლდებოდა ჩიმაკაძეების სახლი. ზედა სართულზე ჩაირთვებოდა რადიოკონცერტი. ლუბა მასწავლებელი გამოვიდოდა აივანზე და მე ელდანაკრავივით მივიმალებოდი. საქმიანი იერით ჩამოვიდოდა პირველ სართულზე, აანკარუნებდა ჯამ-ჭურჭელს. მერე თანდი ძია ჩამოირბენდა მთქნარებ-მთქნარებით, ძვლებს გაატკაცუნებდა. დიდხანს იბანდა პირს ონკანთან, ფრუტუნებდა, ოხრავდა, ვიშვიშებდა... სულ ბოლოს ზაზა გამოვიდოდა, ეჭვიანად გადმოხედავდა ეზო-გარემოს. საიმედოდ ვიყავი დამალული და ველარა მპოულობდა. ყნოსვას მოსწვდებოდა სასიამოვნო სურნელი ტაფამწვარისა. გამახსენდებოდა, რომ უსაუზმოდ წამოვედი, ნერწყვი მომადგებოდა პირზე და ვცდილობდი, მეფიქრა რაიმე უფრო ამაღლებულზე, ვიდრე საუზმეა, თუმცა კი ყოველთვის ვერ ვახერხებდი ამას.

სკოლის ზარამდე ზუსტად ნახევარი საათით ადრე გამოჩნდებოდა გაკობტავებული, დინჯი, დავარცხნილი ზაზა ჩიმაკაძე. ჩემკენ მოიხედავდა, ალბათ, გუმანით ხვდებოდა, სადაც ვიყავი. აჩქარებით გამოვვარდებოდი, ვითომ ამ წუთას მომერბინოს, საქმიანად ვიკითხავდი, ხომ არ გვაგვიანდება-მეთქი და თვითონაც მრცხვენოდა ამ უცოდველი ტყუილისა. მერე ჩუმად მივდიოდით გვერდიგვერდ, ის უფრო დარბაისლურად, მე კი,

შინაგან თრთოლვას ძლივს რომ ვმაღავდი, ისე...

თინიკო კელაპტრიშვილი ერთ წუთს გვალოდინებდა. ბოლოს და ბოლოს მისი ჩანთის ტარების ღირსი ვხდებოდი, რის გამოც ჩუმად ვაქილიკებდი საკუთარ თავს, თუმცაღა მთელი არსებით ამისკენ მოვისწრაფოდი. ზაზა და თინიკო გააბამდნენ მასლაათს. მე მხოლოდ ნაწყვეტები მესმოდა. ისედაც გონებააბნეული, ნათქვამის აზრს ველარა ვწვდებოდი. ახლა კი ვიცი, ის საუბარი ქრესტომათიით, საშინაო დავალებითა და „ჭკუათხელ“ თანაკლასელთა გაკილვით იფარგლებოდა.

ასე მეორდებოდა მუდამდღე. მეხსიერებიდან იშლებოდა ყოველივე დანარჩენი და მეჩვენებოდა, რომ ჭეშმარიტი არსებობა მხოლოდ და მხოლოდ ამ მოკლე გზისაგან შედგებოდა, ამ ბედნიერ წუთებში ეტეოდა, მაგრამ მართლაცდა სულ ასე ხომ არ გაგრძელდებოდა, რაღაც მაინც უნდა მომხდარიყო.

ერთ დღეს მოხდა ეს რაღაც. ზაზა ჩიმაკაძე ხელი ქნევით უყვებოდა იმაზე, თუ როგორ ნადირობენ ესკიმოსები ზღვის ლომებზე და უცებ, ვითომ შემთხვევით, ვითომ ყურადღების მისაპყრობად, მკლავზე ხელი წაატანა. თინიკო კელაპტრიშვილი ნაძალადევი ინტერესით უსმენდა ამ ყბედობას. გოგონებს ხომ საერთოდ არ აინტერესებთ ესკიმოსები და მით უფრო ზღვის ლომები. ზაზას თითები როგორც კი შეეხო, მოხერხებულად გამოაცალა მკლავი, ვითომ შუბლზე ჩამოფენილი თმის გასწორება დასჭირდა.

ისეთი რა მოხდა, მაგრამ წონასწორობა დაკარგე. კლასში ვერ ვისვენებდი. არავისი ნათქვამი არ მესმოდა, არც ამხანაგთა და არც მასწავლებელთა. საუბედუროდ, ყველამ ჩემთვის მოიცალა იმ დღეს. პეტრე კუჭავამ ხელისდადება ორიანი ჩამიბეჭდა ჟურნალში, თან ცხვირწინ თითი მიქნია. მის ხმას ზუზუნი გაჰქონდა და ერთი სიტყვაც ვერ გავიგე. ისიდორე დიდმელიამ სინანულით გააქნია თავი და გამშორდა. კლასის დამრიგებელმა ხუთჯერ მაინც მკითხა, ავად ხომ არა ხარო. გვიან მივხვდი, რას მეკითხებოდა ზაირა მასწავლებელი და თავი გავაქნიე. სკოლის ორგანიზატორმა (იმ დღეს დირექტორის მაგიერ გვიტარებდა გაკვეთილს) კლასი დატოვეო, მიბრძანა, თუმცა ვერ

ვიხსენებ, რა დავაშავე. ბოლო გაკვეთილი ლუბა მასწავლებლისა იყო, დავადე თავი და ნავედი შინისაკენ. რაღაცნაირად ბურანში ვიყავი, თითქოს ფეხებს თავისით მივყავი. თვალწინ მიტივტივებდა ღობეები, ხეები, ეზოები, სახლები, ჩავლილი მანქანები... ყველაფერი ჭრელი ფარდაგვით არეულიყო და ვერაფერს ვარჩევდი... სხვადასხვა ხმები მომდევნა ფეხდაფეხ, ისინი ვერ გამერჩია ერთმანეთისაგან, — ვილაცის გადანალაპარაკევი, მანქანის ჩაგუგუნება, მოკლე სიგნალი, კრუხის კრიახი, გოჭის ჭყვირილი... ალბათ, მართლაც ცუდად ვარ-მეთქი, გავიფიქრე და ფეხს ავუჩქარე... მერე გავიქეცი... შიგნიდან რაღაცა მომანვა... ეზოში შევვარდი, თან ვიძახდი: „ბებია, ბებია!“ შეშინებული ცინტუ ბებია ლოგინზე წამომჯდარი დამხვდა. სახე შეშლოდა, პირი უხმოდ დაელო, პასუხი კი ვერ გაეცა, აკანკალებულ ხელებს ჩემკენ იწვდენდა. მივვარდი, სახე მის კალთაში ჩავრგე და გადმოხეთქა... ვტიროდი, ვტიროდი... არ ვიცი, წყენისაგან, არ ვიცი, ბედნიერებისაგან, ან იქნებ იმიტომ, რომ ობოლი ვიყავი, ცინტუ ბებიას გარდა არავინ გამაჩნდა და ჩემი არავის ესმოდა. დიდხანს ვიზლუქუნე ასე თავჩამხობილმა. ცინტუ ბებია თავისი აკანკალებული, ჩხინკა თითებით თავზე მეფერებოდა და არაფერს მეკითხებოდა. უცბად შევწყვიტე ტირილი, გავყურდი, საშინლად შემრცხვა, არ ვიცოდი, რა მეთქვა... ცინტუ ბებია კი, ვითომ არაფერი, წადი, ნენაია, პირზე წყალი შეისხიო...

ცივმა წყალმა გამომაცოცხლა. ცინტუ ბებიას თვალს ვერ ვუსწორებდი. შევედი კუთხის ოთახში, ლოგინზე დავეცი და პირი კედლისაკენ მივაბრუნე. თვალი დავხუჭე. მესმოდა, როგორ კრუსუნით დგებოდა ცინტუ ბებია, ხალათს ძლივძლივობით იცვამდა. მერე ყავარჯნები მოსწია, ერთი გაუვარდა და წვალებით აილო. სხვა დროს რა გამაჩერებდა, ხომ წამოვხტებოდი და მივანვდიდი, ახლა კი მოვუყრუე. მერე იატაკი აჭრაჭუნდა, ყავარჯენი ნელა აკაკუნდა. კარი ფრთხილად შემოალო, მე კი ვითომ დავიძინე... ვითომ კი არა, უფსკრულში გადავვარდი. არ შემშინებია, რადგან ეს ვარდნა ფრენასა ჰგავდა... ზაზას ხმამ გამომალვიდა. მეორე ოთახში ელაპარაკებოდა

ბებიას. ჩემი ჩანთა მოეტანა სკოლიდან. წამოდგომა დამეზარა, მაგრამ შემოიხედა, ჩანთა მაგიდაზე დადო და მომაჩერდა: „ადე, რა, სუფთა ჰაერზე გამოდი!“

ზღაზვნიტ წამოვდექი, წელი ძლივს ავზიდე. უკან მივყევი.

ცინტუ ბებიას სკამი აივანზე გაეჩოჩებინა, იქ იჯდა. ყავარჯნები რიკულებისათვის მიეყრდნო.

— აი! — ზაზას ხელში მოკრივეს ხელთათმანები ეჭირა, თანაც ორი წყვილი. პირი დავაღე. ამასწინათ ტრაბახობდა, მაგრამ მისი ნათქვამი მაშინ არაფრად ჩავაგდე. „ადიდასია, მამამ მომიტანა!“ რა თქმა უნდა, მოუტანდა. თავისი ერთადერთი შვილისათვის არაფერი ენანებოდა ძია თანდის. გულში დამწინკნა, მაგრამ შური უმაღვე უკუვაგდე. მთელი ქვეყნიერება რომ ერუქებინა, სხვისი მამა მაინც ვერ დაიჭერდა მამაჩემის ადგილს.

ეზოში ჩავედი, თან ხელთათმანებს თვალს არ ვაშორებდი.

— აბა, გაისინჯე! — წყვილი ხელთათმანი მომიგდო. სიხარულისაგან ენა დამება, არ ვიცოდი, რა მეთქვა. ხელებზე გავიკეთე, თითქოს კარგად მომერგო. კრივის ანაბანა მე არ ვიცოდი, მაგრამ როგორც ტელევიზორში მენახა, ისე დავდექი. ზაზამაც აუჩქარებლად გაიკეთა და მოულოდნელად, მართლაცდა მოკრივესავით, ხტუნვა-ხტუნვით შემომიტირა. ისე სწრაფად მოძრაობდა, გონს მოსვლა ვერ მოვასწარი. ნიკაპზე რაღაც მომხვდა და ძირს გავიშხლართე. მაინცდამაინც არაფერი მტკენია, მაგრამ დაცემისას ცინტუ ბებიას წამოკივლება მომესმა და მეტოქეს გაცეცხლებული ვეკვეთე. მეორეჯერაც გადავანყდი გამოქანებულ ხელთათმანს და კვლავ გავიშხლართე. ცინტუ ბებია გადაირია, ყავარჯენს ურტყამდა აივნის რიკულს და გაუგებარ სიტყვებს კიოდა. აღარ წამოვმდგარვარ, ისე შევებმინა: „ნუ გეშინია, ბებია, სპორტია ეს!“ ზაზა კვლავ შემზადებული იდგა, ხანდახან ჰაერში გაიქნევდა მუშტს, არარსებულ მონინალმდეგეს უღერებდა. ეს, რა თქმა უნდა, თამაში იყო, მაგრამ მისმა სახემ შემაკრთო. იქ სიყვარულისა და ძმობის ნატამალიც ვერ დავლანდე. „ადე, ღვლიპო, უნდა გავარჯიშო, თორემ ასე ყველა დაგჩაგრავს!“ „ნუ გავაგიჟებთ ბებიას, ხვალ, გაკვეთილების შემდეგ საბანაოზე გელოდები!“

— ხელთათმანები წავიძვრე და მივუგდე.

ცინტუ ბებიას ჩუმი ტირილისათვის ყურადღება არც მიუქცევია, ისე წავიდა. შევეცადე ყოჩაღად წამოვმტარიყავი, მხიარულად დავიღმიჭე, თუმცა მთელი ტანი დაბეგვილივით მქონდა.

იმ ღამეს სულ ვწრიალებდი. ხშირ-ხშირად მეღვიძებოდა. არ უნდა დავმარცხებულყავი, არაფრით არ შეიძლებოდა ჩემი დამარცხება. ისე ამოვიჩემე, თითქოს ჩვენს ორთაბრძოლაზე იყო დამოკიდებული სამყაროს ბედნიერება. ნანერვიულები, უძინარი წამოვხტი დილაუთენია. ჩვეულება მაინც არ დამირღვევია. ზაზას გავუარე. მერე ორივე თინიკო კელაპტრიშვილს ველოდებოდით. როგორც ყოველთვის, მე ჩანთას დავავლე ხელი. ჩუმად მივდიოდით. თინიკო ჩაფიქრებული იყო, ლაპარაკის ხალისი არ ეტყობოდა. ზაზამ ერთი-ორჯერ წამოინყო, მაგრამ მხარი არ აუბეს და ისიც გაჩუმდა. გაკვეთილების შემდეგ კი ცალ-ცალკე დავბრუნდით შინ. ცინტუ ბებიას კარტოფილი მოეშუშებინა და ისე შევჭამე, გემო ვერ ჩავატანე. მერე ჭიდან წყალი მოვუზიდე, თეფშების რეცხვაში დავეხმარე და ნასადილევს, თვალის მოსატყუებლად რომ წამოწვა, უკანა ეზოდან გავიპარე.

ზაზა უკვე მელოდებოდა. სპორტული რეიტუზი ჩაეცვა. ერთ ადგილზე ბუქნავდა, წარმოსახულ მონინალმდეგეს უტევდა, ხელთათმანებს ჰაერში იქნევდა. მე ისევ სკოლის ფორმა მეცვა. კურტაკი გავიძრე, პერანგის სახელოები დავიკაპინე. უხმოდ წამოვიცვი ხელთათმანები. ზაზა გუშინდელივით გაუფრთხილებლად გადმოვიდა შეტევაზე. ახლა უფრო მომზადებული დავხვდი, განზე გავხტი და დარტყმა ავიცდინე, თუმცა დიდხანს მაინც ვერ გავუძელი. სისხლის მოტკბო გემო რომ ვიგრძენი, მაშინლა მივხვდი, ტუჩი გამხეთქოდა და გახლებული ვეცი. იოლად მიგერიებდა. მსუბუქად მოძრაობდა. რაც უფრო ვხელდებოდი, მით უფრო ცუდად ვიცავდი თავს და ბოლოს, ძირს გართხმულმა, წამოწევა ვერ შევძელი. მაშინ თავი დამანება, გამხმარ ფესვზე ჩამოჯდა, ოფლი სახელოთი ჩამოინმინდა. ამ დროს წაგვასწრო ფუნთულამ, ქათმიპარიას დედამ. მუდამ ჯაგებში დაძვრებოდა, მხალეულს ეძებდა. უიმეო, შეიცხადა,

ჯოხს დაავლო ხელი და ზაზას მოუღერა. „სპორტია ეს, დეიდა!“ — შეუღრინა ზაზამ, ზღაზვნით წამოდგა და მძიმედ წავიდა. ისიც საკმაოდ დაქანცულიყო.

ფუნთულას მოთქმა-წუნუნნი არაფრად მეპიტნავა. თავს ძალა დავატანე, ძლივს ავხობიალდი და ბარბაცით წავედი. ნყალი რომ შევისხი, ამენვა, მაგრამ მოვითმინე. არ მინდოდა ცინტუ ბებია შემეშინებინა და ნაძალადევი მხიარულებით შევეუძახე: „ცინტუ ბებია, აგერა ვარ მე!“ „სპორტი გქონდა, ხომ?“ — სანამ დამინახავდა, მანამდე მორთო ბუზლუნი. შემომხედა და ენაჩავარდნილმა უმწეოდ გაშალა ხელები. „რა მოხდა, ბებია, რას შეიცხადე! დავეცი მე! მოვრბოდი, რალაცას ფეხი წამოგვარი და ისე დავასკდი...“ „რა თქმა უნდა, ძმაკაცის მუშტს!“ — ცინტუ ბებიას იუმორის გრძნობა არ აკლდა.

მეორე დღეს თინიკო კელაპტრიშვილმა ცნობისმოყვარედ შემავლო თვალი. „ეს რა დაგმართნია?“ „დავეცი!“ — მოკლედ და უხეშად მოვუჭერი. „შეეცადე, ხვალაც არ დაეცი!“ — ისე მიპასუხა, მის ჩანთას ჯიუტად არ მოვკიდე ხელი. გაელიმა და თვითონ წამოიღო. მის სუსტ ხელს არ უხდებოდა მძიმე ჩანთა, მაგრამ უკანდახვევა არ მოვისურვე. ზაზას, ცხადია, არ ეკადრებოდა სხვისი ჩანთის თრევა, თუნდაც ის თინიკოსი ყოფილიყო. ერთი-ორჯერ ალმაცერად გადმომხედა, ჯიუტად ვიღუშებოდი და არაფერი უთქვამს. გაკვეთილზე ხელს მოხერხებულად ვიფარებდი ტურზე, ვითომ კბილი მტკიოდა. მხოლოდ ზაირა მჟავიას ვერ გამოვაპარე, მიწისქვეშაც ვერაფერს დაუმაღავდით. „რა დაგემართა?“ „დავეცი, პატმასნ!“ ეჭვით გააქნია თავი, თქმით კი არაფერი უთქვამს.

გაკვეთილების შემდეგ კვლავ შევიყარენით საბანაოზე. კვლავაც გახელებით ვუტევედი. უპე ამომიბუშტა, თუმცა არც თვითონ ადგა კაი დღე. საბოლოოდ მაინც მე აღმოვჩნდი ძირს. შინ ძლივს მივხობდი და ყველაფერს შეგუებულმა ცინტუ ბებია მთელ სახეზე მალამო დამადო, თანაც დარბაისლურად იმსჯელა ზოგიერთ ახირებულ ახალგაზრდაზე, თავისი ნებით მუშტებს რომ ასკდება. „სპორტია ეს, ცინტუ ბებია, რა გესმის შენ მაგისი!“ — ვფახიფუხობდი. ურწმუნოდ იქნევადა თავს და

ლიმილით მკითხა, მეორე სპორტსმენს თუ მისწვდა შენი მუშტიო. მისწვდა კი არა, საკაცეთი ნაილეს-მეთქი. ცინტუ ბებია მპირი დაალო, მერე მიხვდა, ვხუმრობდი, ნატკივარ თავზე წკიპურტი დამიმატა: „მთლად ნუ გაიმეტებ კაცს, დაანებე, თავისი ფეხით წავიდეს შინ!“ ამაზე ბევრი ვიცინეთ და გუნება გამომიკეთდა. დილას კი თინიკომ ტაში შემოჰკრა: „კიდეც ნაიქეცი?“ გაბრაზება არ მაცალა, სწრაფად დაუმატა: „ნუ მეტუტები რა!“ თან ჩანთაც შემომაჩეჩა. რა მექნა, გამოვართვი. თვითონვე გავიხადე მოვალეობად ეს საქმე და უკან დასახვევი გზა მოჭრილი მქონდა. ზაირა მასწავლებელმა წამით დაკარგა ჩვეული თავდაჭერილობა და გაკვირვებით დამაცქერდა. თავი დავხარე, კინალამ მერხში ჩავძვერი. „ცხადზე ცხადია, დღესაც დაეცი!“ ზაირა მასწავლებლის მოტყუება ნაღდად არ მინდოდა, როცა ვატყუებდი, საკუთარი თავი მეზიზღებოდა, მაგრამ აბა რა მექნა. „მაგას ვესტიბულარული აპარატი მოეშალა!“ — წამოიძახა ჩიორამ. ზაირა მასწავლებელმა ვითომ ვერ გაიგონა. თავი ამანევიწა, თვალეში ჩამხედა და ასე მითხრა: „უმნიშვნელო წვრილმანისათვის ჩხუბი რა საკადრისია. ოღონდაც, ვერც ერთი ჭემმარიტად მნიშვნელოვანი საკითხი ჩხუბით ვერ გადაწყდება!“

თქმა იოლია, ცხოვრებაა ძნელი! ვითომ ბოლომდე მქონდა გააზრებული, თუ რისთვის ვიკლავდი თავს? თინიკო კელაპტრიშვილისათვის? იქნებ საკუთარი თავმოყვარეობის შელახვას ვერ ვურიგდებოდი? იქნებ მინდოდა მეხსნა ზაზას სული? ოღონდ რისგან? რა საშიშროება მოელოდა ზაზას? ახლა კი ვიცი, ყველაზე დიდი მტერი საკუთარი თავია, მთავარი და ძირითადი საკუთარ თავთან ომია.

სალამოს ისევ შევხვდით ერთმანეთს. უხმოდ ვიბრძოდით. მე მივხვდი, ჩემი გახელება ჩემი სისუსტე იყო. ჭემმარიტი მებრძოლი წუთიერ გულისთქმას არ უნდა აჰყვეს, თორემ მთავარი სამიზნე დაეკარგება. ამიტომაც შევეცადე არ ავლელვებულიყავი, თავგზა არ დამეკარგა. ბევრს ეცადა ზაზა ჩიმაკაძე, მაგრამ ამჯერად ვერას გახდა. სხარტად ვიცდენდი მოქნეულ ხელთათმანს, ერთი-ორჯერ თვითონაც კარგად ვუთავაზე. ვერ ვიტყვი, უპირატესობა ჩემს მხარეზე იყო-მეთქი, მაგრამ გუ-

ლისწადილი ვერ შეისრულა, დაჩოქილი ვერ მნახა, და არაქათგამოლეული უსიტყვოდ გამშორდა. მეც ასევე უთქმელად გავბრუნდი. ცინტუ ბებია მშვიდად დამხვდა. მალამოები მზად ჰქონდა, მაგრამ ამჯერად არ დამჭირვებია. გამჭრიახი თვალეები მომაპყრო, ყავარჯენი იატაკზე დააკაკუნა: „ბოლომდე რაინდი იყავი, ნურც იფიქრებ სამაგიეროს გადახდაზე!“ დახეთქილი ტუჩი და ჩალურჯებული თვალეები ჰქონდა მხედველობაში. და უფრო მეტიც! გულის კანკალით მელოდებოდა ცინტუ ბებია, ერთი რამისა ეშინოდა ყველაზე მეტად — არ გავბოროტებულიყავი.

მე კი გავბოროტდი. სულ ერთი წუთით, მაგრამ ეს იყო საშინელი წუთი. გული თითქოს შხამით ამევსო, კინალამ საკუთარმა გულღრძობამ დამახრჩო... ჩვეული გზით მივდიოდით სამივენი. წინ თინიკო და ზაზა, უკან მე... ცა იყო ლურჯი, მზე თბილი და სულშიც ნათელი მეფინა. თითქოს საბოლოოდ გამოიღარა, ამიერიდან ყველაფერი კარგად იქნებოდა. ამ დროს მოიხედა ზაზამ, ბაგეზე დამცინავი ღიმილი გაუკრთა და უცებ ისე ბუნებრივად, თითქოს ამას ჩვეული იყო, თინიკოს მხარზე ხელი მოჰხვია. ასე ხელგადახვეული შეყვარებულები მინახავს კინოში, ჭუბურიში კი ეს პირველი შემთხვევა იყო. რას დაგიდევდით, პირველი შემთხვევა იყო თუ მერამდენე, მან ხომ თინიკო კელაპტრიშვილს მოჰხვია ხელი, თანაც ისე ბუნებრივად, ისე ჩვეულებრივად, ვითომ ყოველდღე აკეთებდა ასე, ვითომ უფლებაც ჰქონდა ასე ეკეთებინა... თვალეებზე ბინდი ჩამომეფარა და მხოლოდ იმიტომ გავჩერდი, იქვე რომ არ მომეკლა...

თინიკომ გაცოცებით აზიდა წარბები, სწრაფად შემოტრიალდა, ზაზას მკლავს დაუხსლტა და წინ გადამიდგა. მაშინ ვერაფერს მიხვდი, ახლა კი ვფიქრობ, იგრძნო ჩემს სულში დატრიალებული ბნელი ქარიშხალი და მე კი არა, იმ ქარიშხალს გადაუდგა. შემომღიმა. თითქოს ამ ღიმილით პატიებას მთხოვდა. თითები ტუჩებზე შემახო და მკითხა: „მოვირჩა?“ გული გადამენმინდა, თითქოს მიწამლესო, სწეულებისაგან უცბად განვიკურნე: „არ მტკივა!“ „გინდა, შენი ჩანთა წამოგიღო?“ არ ვანებებდი, მაგრამ ზაზას სახე დაემანჭა („ცირკია რა!“) და ჩემი ჩანთა დავუთმე. ახლა მე იმისი ჩანთა მიმქონდა, იმას — ჩემი.

აქეთ-იქიდან გვერდი ავუარეთ შუა ტროტუარზე გახიზულ ზაზას და თინიკომ თავისუფალი ხელი გამომინოდა. ასე ხელიხელჩაკიდებული ნავედით ყველას თვალწინ, მთელი სოფლის თვალწინ. არც ასეთი რამ ენახა, ალბათ, ჭუბურიშს, მაგრამ ამაზე მაშინ არ გვიფიქრია, მივდიოდით და თავს ზღაპრეთში მცხოვრებლად ვგრძნობდი. თინიკოს ხელი ისეთი პანია და გამჭვირვალე იყო, ჩემი ხელი მტვირთავის უხეშ, ჯაფით დაკორძებულ ხელად მეჩვენებოდა და თითქოს ამ ხელებით ერთმანეთში გადაედინებოდა მაგიური რამ სითბო, რომლის არსებობისა აქამდე არაფერი ვიცოდი.

ზაზა ჩიმაკაძემ ქარივით ჩაგვიქროლა. ტყავის ლაბადა ეცვა და იმისმა კალთებმა შავი ფრთებივით ჩაიფრიალა. „სალამოს გელოდები! — ზიზლით დამიგდო. — ცირკია რა!“ თინიკო გაჩერდა, მუდარით შემომხედა: „არ ნახვიდე, გეხვეწები!“ მე კი სერიოზულად ვუპასუხე: „თინიკო, რაც გინდა, მთხოვე, ყველაფერს შეგისრულებ! ნასვლით კი უნდა ნავიდე!“

უნდა ნავსულიყავი, ორთაბრძოლა უნდა მომეგო. მე კი არ მჭირდებოდა ეს გამარჯვება. ზაზა ჩიმაკაძე უნდა დამარცხებულიყო საბოლოოდ...

ვიცოდი, გავიმარჯვებდი და მართლაც ასე მოხდა. გულდაჯერებით ვებრძოდი, ფხიზლად. სახე აუფორაჯდა, ნერვულობდა, გულგრილობის ნიღაბი ჩამოსცილდა. საბოლოოდ გამწირა და ძალას არ იშურებდა, მაგრამ მის ყოველ მოქნევას ვიცინებდი, თვითონ კი თავდაპირველად ვინდობდი. თანდათან შევხურდით. „ხომ გასწავლე, ლვლიპო!“ — გამოსცრა წუთშესვენების დროს. „მადლობელი ვარ, მართლაც ბევრი რამ ვისწავლე!“ — აულელვებლად მივუგე. კვლავ შემომიტირა, არაფერი გამოუვიდა და თინიკო მიხსენა. მთელი ამ ხნის განმავლობაში პირველად წარმოთქვა მისი სახელი. „მემეტოქები? შენი მაინც ვერ გახდება!“ თითქოს გულში მიჩხვლიტესო. აქამდე არც მიფიქრია, არც ვიცოდი, შეიძლებოდა თუ არა, ჩემი გამხდარიყო. იგი მთავარი აგრონომის შვილი იყო, სასახლეში ცხოვრობდა და ვინ გამოგვატანდა მე და ცინტუ ბებიას ფიცრულ ოდაში. აზრს თავი ვერ მოვაბი, მაგრამ ამ სიტყვებმა თავისი მაინც

ქნა, თავდაცვის ზღუდეები შემირყია. ნებისყოფამ წამით მიმუხ-
თლა და ერთადერთი, თუმცა არცთუ მძიმე დარტყმა მივიღე.
ამან თითქოს ამაფეთქა და პასუხიც ელვის უსწრაფესი იყო.
ზუსტად ვერც აღმიდგენია, ისეთი რა მოვიმოქმედე, ზაზა კი
ძირს დაგდებული ვიხილე. ალბათ, მოკრივეთა ენაზე ამ დარტ-
ყმას თავისი სახელი დაეძებნებოდა. მაყურებელ-შემფასებელი
ჩვენ არავინ გვყოლია, არც არავინ ითვლიდა წამებს, მაგრამ
მოულოდნელობისაგან თავბრუდახვეული ზაზა კარგა ხანს ვერ
მოდოდა გონს, უფრო შეურაცხყოფისა და დამცირებისაგან,
ვიდრე ტკივილისაგან. მერე წამოვარდა, უხმო მძულვარებით
მეცა, მაგრამ რაც უფრო ხელდებოდა, მით უფრო დაუცველი
ხდებოდა და კიდევ ერთხელ და კიდევ ერთხელ დავაგდე ძირს.

ალარ წამომდგარა. თავდახრილი იჯდა, ხელთათმანიანი
ხელები მუხლებზე დაეწყო. ერთბაშად დაკარგა მთელი თავისი
პენი და შარავანდედი. უცებ ამეხილა თვალი. ისიც ჩვეულებრივი,
სუსტი ბიჭუნა იყო. ჩვენ ორივენი ბიჭუნები ვიყავით, დაკაცე-
ბამდე ბევრი გვაკლდა. რასაც მე „ბრძოლას“, „დარტყმას“, „დაგ-
დებას“ ვეძახდი, შორიდან, ალბათ, ძალზე სასაცილოდ გამო-
იყურებოდა. შემრცხვა და გული თანაგრძნობით ამევსო, რად-
გან ჩვენ შორის არ იყო გამარჯვებული და დამარცხებული. წინ
ჩავუცუცქდი. „გტკივა?“ — ჩურჩულით ვკითხე. მან კი თავი არ
ასწია, უფრო მოიბუზა. გაოცებისაგან პირი დავადე, თუმცა რა
იყო აქ გასაოცარი! ზაზა ტიროდა, ცრემლი ღაპალუპით ჩამოს-
დიოდა. „აი, მამას ვეტყვი, გიჩვენებს სეირს!“ — ნაიბურტყუნა
და წამში უფრო პატარა და უსუსური გახდა. პასუხი არ გავეცი.
ხელთათმანები წავიძრე და დავუგდე. მეტჯერ მე ისინი არ დამ-
ჭირდებოდა, სამუდამოდ შემძულდა კრივი.

წამოვდექი. ზაზამაც ძლივს აზიდა წელი, უფრო საკუთარი
უღონობისაგან გამწარებულმა. ვიდექი და მშვიდად ველოდი,
პირველი როდის გამეცლებოდა. მაშინ მითხრა საბედისწერო
სიტყვები: „აი, სამაგიერო თუ არ გადაგიხადე... თინიკოს ჩა-
ვუკაკლავ, რაც შენ აქ მითხარი!“ ვერ მოვისაზრე, რას მეუბნე-
ბოდა. თინიკოს სახელს, მისი გაცნობის დღიდან თითქოს ტაბუ
დავადეთ, ერთმანეთში არც ვახსენებდით. პირველად თვითონ

ახსენა ამ ჩხუბის დროს... ან რა უნდა გველაპარაკა თინიკოს
შესახებ? ყველაზე დიდ სათქმელს საკუთარ თავსაც ვერ ვან-
დობდი და ზაზასთან როგორ შემეძლო მისი ხსენება? შევცბუნ-
დი. მერე ენის ბორძიკით დავეკითხე: „ზაზა, ცუდად ხომ არა ხარ?
რალაც არ მესმის, რას მეუბნები!“ „თინიკოს ჩავუკაკლავ, რაც
შენ იმაზე სიბინძურე ილაპარაკე!“ გულ-ღვიძლი თითქოს ყინუ-
ლით შემეჭედა, თითქოს სუნთქვა გამიჩერდა და სისხლის მოძ-
რაობაც შემიწყდა. გაშტერებული შევყურებდი. ნუთუ ასეთი რამ
შესაძლებელი იყო? ნუთუ ზაზას შეეძლო ასე გავენირო?.. მერე-
და როგორ შემეხედა თინიკოსათვის, რითი მემართლებინა თავი?
„არ დაგიჯერებს!“ — ყოყმანით ვთქვი. „ვნახოთ, თუ არ დამ-
იჯერებს!“ „იცოდე, არ გაბედო, თორემ მოგკლავ!“ — მუქარით
მივადევნე. უცნაურად შემომხედა და გამშორდა. მერეც მახსენ-
დებოდა ეს შემოხედვა. რას ნიშნავდა იგი? რა აზრი აკიაფდა მის
მზერაში? მე თვითონ ხომ არ ჩავანვეთე ის, რისგანაც მის გადა-
რჩენას ვცდილობდი?

გულდამძიმებული წამოვედი შინსაკენ. თავს ცუდად ვგრძნობ-
დი. მუხლები შემისუსტდა თითქოს. ძლივს ვადგამდი ნაბიჯს.
ყანის მხრიდან მივადექი ეზოს და ღობეზე გადასვლა გამიჭირ-
და. ცინტუ ბებია უმაღვე მიხვდა, რალაც რომ შეიცვალა. კიბის
თავზე იდგა ყავარჯნებს ჩამოყრდნობილი და გაუღიმარი. „ვატ-
ყობ, დამთავრდა დიდი ომი, კაცი კაცსა შემოგტყორცნეთ და
შინ მშვიდობით მოვბრუნდით...“ მაგრამ უცბადვე ეს აუღელვე-
ბელი ქილიკი შეწყვიტა, შეშინებულმა განზე გაიწია, გზა დამით-
მო. „ნენაია, რას დამსგავსებხარ? მოგიკვდეს ბებია, ცუდად
ხომ არა ხარ, შვილო?“ ცუდად ვიყავი, მაგრამ თვითონაც არ
ვიცოდი, რა მკლავდა. სარკესთან რომ გავიარე, გულმა რეჩხი
მიყო. მართლაც ქალღმერთის ფერი მედო, მიცვალებულის ფერი-
მეთქი, მინდოდა მეთქვა, მაგრამ ცინტუ ბებია შემეპრალა და
არაფერი ვთქვი. ლოგინი გავშალე და ჩავენექი. ყინულისას ჰგავ-
და, სიცვიისაგან ამაძაგძაგა. ჩემი საბრალო ცინტუ ბებია აფო-
რიაქდა, ძლივძლივობით მოათრევდა საბნებს, მაფარებდა,
გვერდებში მიკუჭავდა. ყავარჯნების კაკუნით ნაკოკიალდა სამზა-
რეულოში, ნავთქურაზე რძეს მიღუღებდა, ალბათ, ან წყალს,

რათა სათბურათი ჩავეთბუნე. უჭირდა საქმიანობა, მაგრამ თავს ბალიშიდან ვერ ვწევდი და ვერაფერს ვშველოდი.

მაშინ ვიფიქრე პირველად, სიკვდილისათვის ასაკი არ არსებობს-მეთქი. ცინტუ ბებიას ნათქვამი გამახსენდა, ღმერთი ხანდახან თავისთან ანგელოზებს იხმობსო... თავი მისკდებოდა, ფიქრში ჩაღრმავება არ შემეძლო და ბურანში ჩავიძირე. მთელი ღამე ვებრძოდი შავ ურჩხულებს. სიცხისაგან ვიხუთებოდი, ოფლი ღვარად დამდინდა. „ბებია, არ შემიძლია!“ — წიხლებით ძირს ვყრიდი საბნებს. მეორე წუთს ყინვა და თოში შემომეჭდობოდა, ამაძაგძაგებდა, მოვიკრუნჩხებოდი... „ბებია, ბებია, მცივა, მცივა!“.. ზოგჯერ კი უცბად გონება გადამწმინდებოდა, თვალს გავახელდი. ოთახში ნათურა ენთო. თავგზააბნეული ცინტუ ბებია ყავარჯნებზე ძლივს დაკეღანაობდა და ჩურჩულით ვეხვეწებოდი: „ბებია, ნადი, დაიძინე!“ ხმას, ალბათ, ვერ ვანვდენდი. კვლავ ვიძირებოდი სადღაც ურჩხულეთში, სადაც ლორწოვანი და ცივი სხეულები იგრაგნებოდნენ. სადაც რაღაცა დუღდა და ბუყბუყებდა, ყველაფერს შავი ორთქლი ეფინებოდა და მე ამ ჯოჯოხეთურ ზრიალში უსასრულებელში მივექანებოდი. მერე, არ ვიცი, რა დრო იყო, უცბად სინყნარე ჩამონვა, ირგვლივ ყოველივე დამშვიდდა, დანყნარდა, სულში ნათელი ჩამეფინა. სადღაც შორს დაინკრიალა ზარმა: ძინ-ძინ-ძინ!.. მერე უფრო სწრაფად — ძინლინ-ძინ... ძინლინ-ძინ!..

თვალი გავახილე. ოთახი სინათლით იყო სავსე. ყავარჯნები იატაკზე ეყარა. ჯერ ისინი ვნახე, ბებია კი მერე შევნიშნე. ფერხთით მოკალათებულიყო, გაუხდელს ჩასძინებოდა. უნებლიეთ გავინძერი, გამოელვია.

ძინლინ-ძინ!.. — რეკდა ზარი.

— ბებია, ეს რა არის?

— სკოლის ზარია, ნენაია!

— უნდა წავიდე?

— დღეს ვერ წახვალ, ნენაია, უნდა იწვე!

წამონწევა მოვინდომე, მაგრამ ბალიშზე უღონოდ მივესვენე. ცინტუ ბებია სანოლის კიდე-კიდე წამოჩოჩდა, თავზე ხელი დამადო, ცივი და გაჩხინკული, ჩემთვის კი ყველაზე თბილი და

ალერსით სავსე.

— მოითმინე, ნენაია, ნუ აჩქარდები, ცხოვრება წინაა!

ზარმა უკანასკნელად ჩამოჰკრა „ძინ-ინ!“ და დადუმდა...

ჩემში კი დიდხანს, დიდხანს თრთის ამ ბგერის გამოძახილი... იქნებ მე თვითონ ვარ ეს ბგერა, სივრცეში თავისუფლად მოლივლივ, თანდათან რომ სუსტდება, სუსტდება, მიინავლება, ქრება... ეს ჩუმი ფიქრები სუსტი გამოძახილია იმ ზარისა... კიდეც ცოტა, კიდეც ცოტა და მე მსუბუქი თრთოლვით შევერწყმები ეთერს. მანამდე კი მშვიდად ვიციდი ჩემს პატარა სამყოფელში, ყველაფერს შეგუებული, ყოვლის შემწყნარებელი, უკვე ზიარებული დიად ჭემმარიტებას, რომ ნანილნი ვართ სამყაროსა... ვიცი, სულ მალე ცინტუ ბებიაც დაწვება ჩემს გვერდით და ჩვენი ორი სული, ორი შემოკვრა ზარისა, ერთად მიწყდება უსასრულო სივრცეში... მანამ კიდევა დრო, ჯერ კიდეც შეიძლება მოვიდეს „ის“, აქამდეც უნდა მოსულიყო, უმალვე ვიგრძნობ მის მსუბუქ ნაბიჯებს, წამიერ ვიელვებ მის მეხსიერებაში, თითქოს ოქროს თევზი ვიყო და ნათელი სხივი ამერეკლოს... მის სულს დავაჩნდები არა როგორც ჭრილობა, არა როგორც ტკივილი, როგორც თბილი მოგონება, წამიერი, მსუბუქი, სინანულნარევი, ოდნავ სევდიანი, მაგრამ წმინდა და ამაღლებული...

მაშინ, მოულოდნელი ავადმყოფობის დროს, ზარის რეკვა რომ შეწყდა, უნებლიეთ წამომცდა: „დამთავრდა!“ „რა დამთავრდა, ნენაია!“ — შეშინდა ცინტუ ბებია. „გაკვეთილი დაიწყო, ბებია!“ — დავამშვიდე და კვლავ თვალი დავხუჭე. თანდათან ჩავიძირე აუმიღვრეველ სინყნარეში და თეთრი სიზმარი მეწვია. ვხედავდი მხოლოდ თეთრ ეთერს, თანაბრად განფენილ თეთრ სინათლეს, სადაც მარტოდმარტო მივცურავდი, მაგრამ სიმარტოვის შეგრძნება აღარ მქონდა.

ციცო ფალავანდიშვილმა შემოირბინა პირველად. თვალზე ცრემლი უბრწყინავდა. მისი გულჩვილობის ამბავი ქვეყანამ იცოდა. ახლაც აშკარად ვებრალებოდი, ამის დამალვას ცდილობდა და ვერ ახერხებდა, ზედმეტად ფაციფუცობდა. ნამცხვარი გამოეცხო. ცოტათი მომეწვაო, ბოდიშობდა, მაგრამ მე ძალიან მიგემრიელა. ჩაი ავადუღებინე. სანოლთან პატარა მაგი-

და დავადგმევინე და სამივემ, მე, ბებია და ციცომ ჩაი და ნამ-
ცხვარი მივირთვით, თან ლაპარაკს შევყევით. სკოლის წვრილ-
მანები გავისხენეთ. ბებია დარბაისლურად წრუპავდა ჩაის, ფინ-
ჯანი არისტოკრატიულად ეჭირა, ნეკათითი განზე გაეშვირა და
ჩვენ ვცდილობდით მიგვებაძა. ცინტუ ბებია ცალი ტუჩით ჩაილ-
იმებდა და ღინჯად იხსენებდა გიმნაზიისდროინდელ ამხანაგებს,
წვრილ-წვრილ „ამურებს“, როგორც თვითონ ამბობდა. მერე გა-
დავიდა დადიას სტუმრობაზე და კარგა ხანს გვახითხითა.

მეორე დღეს მთელი კლასი მომადგა. ჩიორამ კინალამ კარი
ჩამოიღო, თავს ნუ იკატუნებ, დათვივით გამოიყურებო, დიდი
ამბით ჩამბუბნა. გოგოებმა ვიშვიში ატეხეს, ბიჭები გარს შემომე-
ჯარნენ და ყველა ერთად ძლივს დაეგია ჩემს პატარა ოთახში.
ბებიას მთლად აებნა თავგზა. ყავარჯნებით დაჯახირობდა და
გოგოებს ასაქმებდა. ხილი და კამფეტები გამოატანინა. ჯერ
უარობდნენ, მერე კი, რაც ტკბილეული გეკონდა, წამში
შესანსლეს, თან ერთმანეთს არ აცლიდნენ რატრატს. ვგრძნობ-
დი, როგორ ვუყვარდი თანაკლასელებს, მაგრამ გულს მაინც აკ-
ლდა რალაც.

არც მეორე და არც მომდევნო დღეებში ზაზა არ გამოჩენი-
ლა. არც თინიკო უხსენებია ვინმეს. თანდათან დამიბლაგვდა
გრძნობა, მივეჩვიე აზრს, რომ მიმატოვეს, რომ, ალბათ, რალაც
მართლაც დავაშავე. ციცოს შევეკითხე, ზაზა თუ დადის სკოლა-
ში-მეთქი. „ჩიმაკაძე? როგორც ყოველთვის!“ — უდარდელად
მიპასუხა. მინდოდა მეკითხა, კელაპტრიშვილს თუ ხედავ-მეთ-
ქი, მაგრამ მომერიდა. გადავწყვიტე ჩუმი ლოდინი, რადგან
ყოვლისმცოდნე ცინტუ ბებია იტყოდა ხოლმე, ნენაია, მოთმინე-
ბა ადამიანისთვის დიდი ღირსებააო. მოთმინების ძაფი კი გამი-
წვრილდა, გამიწვრილდა და კინალამ მთლად განყდა. სწორედ
ამ დროს გამოჩნდა ზაირა მასწავლებელი. ენა დამება, ფერი
მეცვალა, არ ვიცოდი, როგორ მოვეცეულიყავი. საბრალო ცინ-
ტუ ბებია უმალვე დაკარგა არისტოკრატიული პენი, ზაირა
მჭავიას გვერდით უფრო ჩია და უსუსური ჩანდა. სკამი თვითონ
გამოაჩოჩა პატივცემულმა მასწავლებელმა, ჩვეული მკაცრი
მზერა შეურბილა უნებლიე ღიმილმა, ალბათ, ართობდა ჩვენი

ფუსფუსი. „მაშ, როგორა ხარ, გმირთა გმირო?“ — შემეკითხა.
დამცეცხლა, ყველაფერი სცოდნია-მეთქი. „ექიმმა მითხრა,
მეცადინეობა უკვე შეუძლიაო!.. მთლად ნუ გაგვიზულუქდი, სკო-
ლაში რომ მოხვალ, იცოდე, ჩემს კოლეგებთან უნდა მასახელო!“

მარტო რომ დავრჩი, ბეჭებქვეშ ამოვიდე მალალი ბალიში,
დავიდე მუხლებზე წიგნები და შევუდექი კითხვას, ოლონდ თავ-
ში არაფერი ჩამივიდა. იქ სრული დომხალი მქონდა. გაურკვევე-
ლი აზრებისაგან ტვინი ისე დამინაგვიანდა, თავსა და ბოლოს
ვერაფერს ვაბამდი. წამდაუნუნე მახსენდებოდა ზაზას მუქარა.
მარცხით შეურაცხყოფილი ბიჭის ნუთიერი ბოღმა ანგარიშ-
გასანევი არც იყო, მაგრამ საკმარისი დრო გავიდა უკვე. აქამდე
ხომ უნდა დამშვიდებულიყო, გაერკვია მტყუნ-მართალი... მე-
რე ფიქრით თინიკოს გადავსწვდებოდი. ისიც არ მოვიდა! მო-
კითხვაც არ შემოუთვლია და ეს მალონებდა, მაეჭვებდა. ნუთუ
ასე მალე გამიმეტა? მაშ, რატომ გამომინოდა მაშინ თავისი თბი-
ლი და ნაზი ხელი? ვიხსენებდი იმ ბედნიერ ნუთებს და უფრო
და უფრო ვრწმუნდებოდი, რომ „რალაც მოხდა“.

ასე გავიდა კიდევ ერთი კვირა. მე უკვე შემეძლო ეზოში
გასეირნება. ზოგჯერ სისუსტე მაგინყდებოდა. ჩიორა რომ მეს-
ტუმრებოდა, ბურთსაც კი გავაგორებდით, თუმცა ძალზე
სწრაფად ვილღებოდი. მაინც დღე-დღეზე მემატებოდა ღონე,
მიბრუნდებოდა ხალისი. აქამდეც შემეძლო სკოლაში წასვლა,
მაგრამ ცინტუ ბებია მდარაჯობდა და ჭიშკარს მიღმა არ მიშ-
ვებდა. ორშაბათს კი, ეს უკვე ნამეტანია-მეთქი, ცინტუ ბებიას
წუნწუნი არაფრად ჩავაგდე და სკოლაში წავედი. თანაკლასელები
ისეთი ყიჟინით შემხვდნენ, გამანითლეს. ბიჭები მომცვივდ-
ნენ, იმდენი მბუბნეს და მეძიძგილავენ, თავი ძლივს დავიძ-
ვრინე. გოგონები ერთმანეთს არ აცლიდნენ ლაპარაკს. ციცოს,
რა თქმა უნდა, უპეში სიხარულის ცრემლი უბრწყინავდა. ზაზა
არ ჩანდა მხოლოდ. ზარი დაირეკა, ყველანი ჩვენ-ჩვენს ადგილებზე
დავსხედით. მე კენტად შევრჩი პირველ მერხს. კარისაკენ
მოუთმენლად ვიყურებოდი. აქედან დერეფნის ნაწილი მოჩან-
და. აი, დერეფანში გამოიარა ზაზა ჩიმაკაძემ. სხვები მას ჯერ
ვერ ხედავენ, მე კი ვხედავ... უცებ ჩვენი მზერა ერთმანეთს შეხ-

ვდა. გაჩერდა, სახეზე წამიერი კრთომა შევატყვე და შემრიგებლურად გავუღიმე. მას კი ბაგე დაებრიცა, ცივად შებრუნდა და გაქრა. მერხიდან წამოვხტი, კარში პეტრე კუჭავას შევეჩიხე. „საით, ყმანვილო?!“ ენა დამებორკა, გვერდი ავუქციე და გავიქეცი. სისუსტე სულ დამავინყდა, წამში მთელი სკოლა შემოვირბინე და ზაზა ვერსად ვიპოვე.

ლონე უცებ წამერთვა. ჭიშკართან ჩამოვჯექი გრძელ სკამზე. სული ძლივს მოვიბრუნე და შინისაკენ ნავლასლასდი. ცინტუ ბებია შემფოთდა, ასე ადრე რად დაბრუნდიო. ზაირა მასწავლებელმა გამომიშვა-მეთქი, მივკიბ-მოვკიბე და ძლივს დავამშვიდე.

ნაშუადღევს შინიდან გავიპარე. ჩიმაკაძეების სახლთან, ბუჩქნარში ჩავიმალე. დიდხანს ვიყავი ჩაცუცქული, მაგრამ ზაზა ვერაფრით მოვიხელთე. საღამოს ძია თანდი გამოჩნდა, სამუშაოდან ბრუნდებოდა. სამალავიდან გამოვედი. სახეზე ჯერ გაკვირვება გამოეხატა, მერე ვითომ ვერ მიცნო და ჭიშკარი შეალო. „ძია თანდი, ზაზა შინ არაა?“ ერთხელ კიდევ შემომხედა, თითი მკაცრად დამიქნია, — „ხულიგანო!“ და შევიდა. ნაცემივით მხრებჩამოყრილი დავბრუნდი შინ. „ნუთუ მართლაც ხულიგანი ვარ? — ვფიქრობდი გულდამძიმებული, — გაკვეთილს ვაცდენ, სწავლით თავს არ ვიკლავ, აგერ ვჩხუბობ კიდევც...“

დილაუთენია ისევ დავუყარაულდი. ბუჩქნარი ნამისაგან დასველებულიყო, ტანში სიცივე გამიჯდა და მაკანკალებდა. იქვე, ბალახში ია ამოსულიყო და ახლალა გამახსენდა, რომ გაზაფხული უკვე დამდგარა, თანდათან დათბება, მზეს მცხუნვარება მოემატება და მაშინ აღარ შემცივდება. ასეთი აზრი რას მიშველიდა, ჯერჯერობით ხომ მციოდა და მოთმინება კბილებით მეჭირა. ჩიმაკაძეების სახლში კარგა ხანია გამოცოცხლება იგრძნობოდა. ალბათ, უკვე საუზმეს მიირთმევდნენ. მე კი, როგორც ყოველთვის, ახლაც დამავინყდა დილის საუზმე. გუნება ისევ მომენამლა, ტირილი მომინდა. თავი ძლივს შევიკავე. ჭიშკრიდან ძია თანდი გამოვიდა. მაღალი ჩექმები და დაბამბული ქურთუკი ეცვა. თითქმის მინისპირს განვერთხე. ზედ ცხვირწინ გამიარა და ვერ შემამჩნია. კარგა ხანს ვიცადე. პირველი ზარი დაირეკა. თუ არ ავჩქარდებოდი, სკოლაში დამავიანდებოდა. ავდექი და წამოვედი.

კვლავ კენტად ვიჯექი ჩემს მერხზე. ლუბა მასწავლებლის გაკვეთილზე რვეული გადავშალე, ვითომ დავალებას ჩავკირკიტებდი. თავი ერთხელაც არ ამიწევია. მეჩვენებოდა, ვითომ ლუბა მასწავლებელი თვალმონკურული მიყურებს და წვრილი, დამჭკნარი ბაგეებიდან ცრის: „ხულიგანი, ხულიგანი!..“ ნელა, ძალიან ნელა მიზოზინებდა გაკვეთილი. ლუბა მასწავლებელი რალაცას გვიხსნიდა დაბეჯითებით, მაგრამ მე არაფერი მესმოდა. გუნებაში თვლა დავინყე. ალბათ, ჩქარა ვითვლიდი, რადგან ოთხნიშნა რიცხვზე ავედი და გაკვეთილიც დამთავრდა. დიდი შესვენება იყო. ბავშვები დერეფანში გაცვივდნენ, ბუფეტში მიიჩქაროდნენ. მეც წამოვიწიე, მაგრამ ლუბა მასწავლებელმა სწორედ ახლა მომაქცია ყურადღება: „ლეჟავა, დარჩი!“

დავრჩი! ნუთიც და ჩვენ ორნი შევრჩით ერთმანეთს. ფეხზე ვიდექი, სახელმძღვანელოს ვანვალეზდი, ის კი მერხს მიეყრდნო და თვალმონკურული მიყურებდა. ცხვირი ქათამს მიუგავდა, შეეძლო, აელო და ჩაენისკარტა. შემკრთალმა და დაბნეულმა სევდიანად გავიფიქრე, დამიწყებს ახლა ჭკუის დარიგებას-მეთქი.

— ლეჟავა, შენს დედ-მამას ვიცნობდი, კარგი ხალხი იყო! — ფრთხილად, მოფერებით დაინყო ლუბა მასწავლებელმა, მაგრამ დედ-მამის ხსენებაზე გული თითქოს გადამეკეტა და მისი კარები ლუბა მასწავლებლისათვის საბოლოოდ მიიხურა. — გაფრთხილება უნდა მშობლების სახელს! დაფასება უნდა ქალბატონ ცინტუს ღვანლს!

„მე არ ვუფრთხილდები? არ ვაფასებ?“ — ვფიქრობდი მონყენით. ყოველ მის სიტყვას ჩემი სული უჯანყდებოდა. ახლა თავზე ხელი რომ გადაესვა, მაინც ვიცოდი, სამართლის საზომი დაკარგული ჰქონდა და ბარე მერჩივნა, ლამძღვით შევემკე ან თმებით ვეთრიე.

ის კი მოკუმული, თხელი ტუჩებიდან სისინებდა იმაზე, თუ როგორი ბიჭი უნდა ვიყო, რომ კარგი კარგია, ცუდი — ცუდი, რომ მისი ზაზა ღმერთივით ბავშვია, წესიერი, ზრდილი, ნიჭიერი. ზაზას მეგობრობა ჩემთვის ღვთის წყალობაა. მე კი, უმადურმა, ვერ დავაფასე, რადგან ავისა და კარგის გარჩევა არ ძალმიძს, ბოლო დროს, ალბათ, ხულიგანი ბავშვების გავლენაში მოვექეცი, გზას ავცდი, გაკვეთილს ვაცდენ, ცუდად ვსწავ-

ლობ, აი, დღეს რომ ლუბა მასწავლებელი საუბრობდა, ყურს არ ვუგდებდი, ბოლოს და ბოლოს დავკარგე უფროსების პატივისცემა... ყოველივე ეს ცერცვის მარცვალის მცერებოდა და არაფერს ვგრძნობდი, გარდა გაუსაძლისი ტკივილისა, თითქოს ვილაცამ გულის კუნთში წვრილი ნემსი შემასო და ახლა შიგ აუჩქარებლად ატრიალებდა. დიდი შესვენება საკმარისი არ აღმოჩნდა ლუბა მასწავლებლის სურვილთა აღმოსაქმელად და ისევ ზარმა მიშველა, დროზე დაირეკა. ბავშვები სათითაოდ შემოლაგდნენ, ზაირა მჟავიამაც დროზე შემოიხედა. ახლა მისი გაკვეთილი გვექონდა. ლუბა მასწავლებელი აქ რომ დახვდა, გაკვირვება დამალა, კარამდე მიაცილა. ის კი ისე კუმტად მიდნოდა, აშკარად ეტყობოდა, თავისი მისია ბოლომდე ამონურულად არ მიაჩნდა. ზაირა მასწავლებელმა კარი ჩაკეტა და შემომხედა. სხვათათვის შეუმჩნევლად გავუღიმე. მკაცრ სახეზე საპასუხო ღიმილი გაილანდა და ზაირა მჟავიამ ჟურნალი გადაშალა. ამ ფარულმა მხარდაჭერამ გულისტკივილი მცირედ მაინც დამიამა.

მთელი ის კვირა ვერ მოვიხელთე ზაზა ჩიმაკაძე. ვერც თინიკო ვნახე. ისიც აცდენდა გაკვეთილებს. რამდენჯერმე გავიარე მის სახლთან. შიგ შესვლა ვერ გავბედე, რადგან არ ვიცოდი რა ფერის კატამ გაირბინა ჩვენ შორის. გაურკვევლობა მტანჯავდა, მაგრამ ბოლო-ბოლო უსასრულოდ ხომ არ გაგრძელდებოდა ასე და პარასკევს თინიკოს გადავეყარე.

ამინდი მოულოდნელად შეიცვალა იმ დღეს. ღრუბელი დაბლა ჩამოწვა. ცივმა ქარმა დაჰბერა. ხეებს ჭრატუნის გაუდიოდა, ქუჩაში კი ქარს ქალაღის ნაგლეჯები და მტვერი მოეხვეტა და მიაფრიალებდა. შემცივდა, ჩემი თხელი კურტაკი ვერ მათბობდა. გული ისე მქონდა დამძიმებული, ისეთი სევდა შემომანვა, სიცოცხლე აღარ მინდოდა და სწორედ ამ დროს თინიკო დავინახე. ჭიშკართან იდგა კაბის ამარა. არ ვიცი, რას ელოდებოდა. იქნებ შემამჩნია და განგებ შეყოვნდა. ამდენი ხანი ვეძებდი ამ შეხვედრას, ახლა კი, როგორც კი დავინახე, გული შიშისაგან გადამიტრიალდა, კინალამ შევბრუნდი და გავიქეცი. ისეთი გრძნობით ვუახლოვდებოდი, თითქოს იქვე ვილაც უჩინარი

იდგა ნაჯახით ხელში და მისვლისთანავე თავს წამაცლიდა.

ჩერჩეტივით დავეყუდე მის წინ, სახეზე მივაშტერდი. პირი მთლად გამიშრა, გამარჯობის თქმაც ვერ მოვახერხე. იმან კი მიყურა, მიყურა, სახეზე ამ დროს კითხვა და მოუთმენლობა ეხატა, მაგრამ ვერაფრით მივხვდი, რა უნდა მეპასუხა ამ უსიტყვო კითხვაზე. მოულოდნელად ბაგე ოდნავ გახსნა, ენის წვერი ტუჩებზე გაატარა და ამან გამაოცა. მასაც ჩემსავით პირი უშრებოდა, მასაც ვერ მოეყარა სიტყვებისათვის თავი, ისიც აცახცახებულყო, იქნებ სიცვიისაგან, იქნებ სულ სხვა რამის გამო... მე კი უცოდინარობა მკლავდა და სულელივით ვიდექი. უცბად ფეხები დამიბაკუნა: „მე შენ!.. მე შენ!..“ რა მექნა? ალბათ, თავი უნდა მემართლებინა, უნდა მეთქვა, არაფერი ვიცი, რა გითხრეს, რა დამაბრალეს... ჯობდა, პატიება მეთხოვა არარსებული დანაშაულის გამო, ავდგებოდი და ვიტყოდი როგორც წიგნებშია: თინიკო კელაპტრიშვილო, ჩემთვის ღმერთზე უფრო ღმერთი ხარ!.. როგორ დამცდებოდა თუნდაც მცირე აუგი შენზე?.. სხვებთან ხომ შენს ხსენებასაც ვერ ვბედავდი, მე მხოლოდ ჩუმი ლოცვა შემეძლო!.. მაგრამ ეს სიტყვები მე თვითონ ყალბი და სასაცილო მეჩვენებოდა, ესენი ხომ მაინც ვერ გადმოსცემდნენ ჭეშმარიტებას, რაც შედგებოდა ტანჯვისა და ბედნიერებისაგან, დამცირებისა და ამაღლებისაგან, სიცრუისა და სიმართლისაგან... ყველა სიტყვა, რაც კი ადამიანთა გრძნობების გამოსახატავადაა შეთხზული, უნდა გამოემეხატა ერთი სიტყვით, ამ სიტყვის უთქმელად თვალს ვერ ავუხელებდი, მაგრამ ცალკე ასეთი სიტყვა არ არსებობდა... თინიკოს უპეებში ცრემლი გაუბრწყინდა, შევარდა ეზოში და კიბეზე აირბინა. სამუდამოდ მესხიერებაში ჩამებეჭდა ეს სურათი — „თინიკო კელაპტრიშვილი კიბეზე“ — კაბის ფრიალი, საფეხურებზე ფეხსაცმელების ბაკიბუკი, თმების ჯიუტი რხევა და, ბოლოს, ცრემლიანი გამოსხედა...

ვიდექი გაშეშებული, ყოვლისგან გამოთიშული, ვერც შინისაკენ გადამედგა ნაბიჯი, არც უკან შემეძლო გამოდევნება...

ვერ გავიგე, როდის მომადგა უკნიდან შავი „ვოლგა“. პირდაპირ მომებჯინა. რკინის შეხებამ შემაკრთო, თან იმისიც შემრც-

ხვა, უნებლიე შიში რომ ვერ დავმაღლე. მანქანიდან მთავარი აგრონომი გადმოვიდა, კარი არ მიუხურავს, ისე გადმოაღაჯა ჩემკენ. ყველაფერი ერთმანეთში ამერია, შავი „ვოლგა“, თითქოს კბილებდაღრენილი რომ მომადგა, და მთავარი აგრონომის სახე, აქამდე რომ მუდამ მომლიმარს ვხედავდი, ახლა კი უზარმაზარ, მრგვალ სფეროს დამსგავსებოდა და გადაყლაპვას მიქადდა. ყოველივე ამის გააზრება ვერც მოვასწარი, რომ ყურში ჩამავლო ხელი და კინალამ მიწას მომწყვიტა: „შენ კიდევ ბედავ ჩემს კართან ტორლიალს?!“

შეურაცხყოფილი, დამცირებული, ყურაბუხუბული მივდიოდი შინისაკენ და მსურდა ერთიანად ამომენყვიტა ჩიმაკაძეების ოჯახი და ზედ მთავარი აგრონომიც მიმეყოლებინა.

იმ ღამეს წამოვიდა, მაგრამ რა წამოვიდა! პირველად გადაიგრიალა გაზაფხულის ჭექა-ქუხილმა და დილამდე სულ ზრიალი გაუდიოდა. შეშინებული ცინტუ ბებია პირჯვარს იწერდა. მე კი მოკრუნჩხული ვინეჩი ჩემს ლოგინში, ერთი ციცქნა ამ საზარელი სტიქიის წინაშე, მაგრამ ვგრძნობდი, სტიქია ჩემს მხარეზე იყო. ჩემ მაგიერ იძიებდა შურს, მე მისი ნაწილი ვიყავი და ამიტომაც არ მეშინოდა. თითქოს ზედ ყურისძირთან შხუოდა მოდიდებული სანწალე, თვალდახუჭული ვხედავდი, როგორ ეხლებოდა მღვრიე ტალღები ნაპირებს. მაინც არ მეშინოდა, რადგან სანწალეც, ეს წვიმაც, ჭექა-ქუხილიც ჩემიანები იყვნენ, ჩემს მხარეზე იდგნენ, მეც მათი ნაწილი ვიყავი.

დილით იკლო თქემმა, თანდათან გამოიდარა, თუმცა ახალ-ახალი ზონზროხი ღრუბლები დაეკიდა ცას, სოფლის მიღმა აღმართულ მთას მიეზღინა შუბლით.

ვსტუცე ფეხი რეზინის ჩექმებში და ისევ სადარაჯოზე გავიქეცი. ამჯერად ბედმა გამიღიმა. იმ დროს მივუსწარი, ზაზა რომ ჩამორბოდა კიბეზე.

— ზაზა! — გავძახე ხმადაბლა.

შემკრთალმა მოიხედა. თვალი გამისწორა, მაგრამ შინ შევარდნაც ვერ იკადრა.

— სალაპარაკო მაქვს შენთან, ჩვენს ადგილას გამოდი!

მეტის თქმა ვერ მოვასწარი, კარმა გაიჭრიალა და ლუბა

მასწავლებელმა გამოყო მეჭეჭიანი ცხვირი.

სწრაფად ჩავცუცქედი ლობესთან. ორივენი შინ რომ შევიდნენ, მეტი რა დამრჩენოდა, გამოვიქეცი.

თანდათან ვმშვიდდებოდი, მართლაცადა, ხომ არ მოვკლავდი. ძნელი იყო ამ საშინელი ღალატის პატიება, მაგრამ უნდა მოენანიებინა. წარმოვიდგინე კიდევ, მოვიდოდა საბანაოსთან, სანწალის პირას. ზედმეტი ლაპარაკი საჭირო არ იყო. მაგრამ ძნობინებდა მხოლოდ, რომ ნანობს, თვითონ მივა თინიკოსთან, ყველაფერს აუხსნის, მოუბოდიშებს და ამის შემდეგ ჩვენი მეგობრობა ძველებურად გაგრძელდება... ჩვენ სამნი ერთად ვივლით სკოლაში, ჯანდაბას, მე ვათრევ თინიკოს ჩანთას, მე ვიქნები „ვირის მუშა“...

დიდხანს ველოდე ჩემს ერთადერთ მეგობარსა და მტერს, ვიდექი გაუნძრევლად, ტოტებში კი მსხვილი წვეთები ატანდა. რაც დრო გადიოდა, მით უფრო მიცხოველდებოდა გრძნობა გარიყულისა, მიტოვებულის, მიუსაფარის, უსამართლოდ მოკვეთილისა...

წვიმამ იმძლავრა, თქემად წამოვიდა. არც გაჩერებას ჰქონდა აზრი და არც რაიმე ლაპარაკს. შერიგება უკვე აღარ მოხერხდებოდა. ერთადერთი გზა დადარჩენილიყო, დამესაჯა დამნაშავე, დამესაჯა ისე, როგორც შემეძლო. ერთიანად აღზნებული, შინაგან თრთოლვას ძლივს ვიოკებდი. ფიქრისა და განსჯის უნარი მთლად დამეკარგა. მივდიოდი სკოლისაკენ და სხვადასხვანაირ სასჯელს ვუგონებდი. ალბათ, დუელში უნდა გამომენვია. ყველას წინაშე, საჯაროდ ვაიძულებდი მობოდიშებას. ვიცოდი, ჩემზე ღონიერი და ნავარჯიშევი იყო, მაგრამ ვერაფრით მომერეოდა. ახლა მე ვიყავი ძლიერი! ჩემი სიმართლით ვიყავი ძლიერი და იმიტომ ვერ მომერეოდა.

ზარის ხმამ გაარღვია წვიმის ფარდა.

ძინ-ძინ-ძინ!..

ახლა, როცა მშვიდად, აუღელვებლად ვწევარ ჩემთვის, კვლავაც მომესმის შორეული, მოგუდული ხმა სკოლის ზარისა... სინდისს მინენავს, სულს მიფორიაქებს, თითქოს ხელახლა განმაცდევიანებს გარდახდენილს... ხომ ვიცი, ვინცაა დამნაშავე, ვიცი, რომ იმ გზაზე გამოვუტანე საბოლოო განაჩენი, იმ გზაზე

გადაწყდა სასტიკი დასჯა. უკვე მაშინ ერთი ნაბიჯილა მაკლდა ზაზას დაღუპვამდე... მე ის ვერ გადავარჩინე და გადავწყვიტე საბოლოოდ დამეღუპა. თვითონ კი შურისძიებით დამტკბარი, თვალს დავზუჭავდი და მივეცემოდი უსასრულო მდინარებას, როცა დროს საზომი არ გააჩნია, როცა აუჩქარებლად, მდორედ მიედინები დაუსაბამოში...

ძინ-ძინ-ძინ!.. — წვიმაში იგუდება ზარის ხმა, ციდან ჩამო- ისმის, მიწიდან ამოდის. მეძახის, იჩქარე, იჩქარე, აგერაა შენი მსხვერპლი, აკანკალებული ელოდება შენს განაჩენს, იცის, ვერ- სად დაემალება კუთვნილ სასჯელს...

ზარს უკვე აღარავინ რეკავდა. ჩემს ყურში კი მაინც მო- ისმოდა მისი წკრიალი, მაშინაც, როცა თავსხმიდან გამოვედი, კიბეზე ავირბინე და დერეფანში დავტოვე სველი ნაკვალევი.

გაკვეთილი დაწყებული იყო. ზღურბლს გადავაბიჯე და შევეყოვნდი. იმ ადგილას, სადაც ვიდექი, გუბე დადგა, თუმცა მე ვერაფერს ვამჩნევდი, გარდა ჩემი მეტოქისა, დაფასთან რომ იდგა ცარცით ხელში.

ზაზამ თითქოს გულგრილად შემომხედა, თითქმის არაფერი შესტყობია, მაგრამ მე ხომ კარგად ვიცნობდი მას, უფრო კარ- გად, ვიდრე დედამისი და მამამისი. ფარული კრთომა შევამჩნიე, სხვათათვის დაფარული... ჩემმა გამორჩენამ მის სულში მთელი ქარიშხალი გამოიწვია... დაველოდე პეტრე მასწავლებლის ნებართვას და მერხისაკენ წავედი. ეს ჩემი მერხი, ზაზასთან გაყოფილი, ახლა მეზიზღებოდა და სულ ბოლოს, ციციხო მუა- ვიასთან დავჯექი... ყურადღება არავისთვის მიმიქცევია. ცი- ცინო რალაცას გატაცებით ჩამჩურჩულებდა, მაგრამ ვერაფერი გავიგე. მზერა ზაზას მივაპყარი, თვალებით თითქოს ზურგში ტყვიას ვახლიდი. ალბათ, გრძნობდა ამას, თუმცა მღელვარება იმითლა შეეტყო, რომ პეტრე მასწავლებელმა ორჯერ გაუმეორა — „აბა, ჩიმაკაძე, რა შედეგი მივიღეთ?“ პასუხი კი, საკუთარი ხელით დანერილი, თვალწინ ჰქონდა და ველარ წაიკითხა.

დარეკვისთანავე მასწავლებელსაც დაასწრო, პირველი გა- ვარდა დერეფანში. მეც უკან მივყევი. ვიცოდი, წინანდელივით გაქრებოდა და ისევ ვერ მოვიხელთებდი. მართლაც, დერეფან- ში უკვე არ იყო. კიბეზე ჩავირბინე, სადარბაზოსკენ გავიქეცი,

მაგრამ გუმანმა თითქოს მიბიძგა, უკანა ეზოს გასასვლელს მივაშურე. ჩვენი ბიჭები დამედევნენ თურმე, გზა გადამიღობეს. ხელი მტაცეს, მიყვავებდნენ, მეხვეწებოდნენ, მამშვიდებდნენ, მე კი გულს ვასკდებოდი, ულონობა მკლავდა, ჯიუტად სულ ერთსა და იმავეს ვიმეორებდი: „ძმობას გაფიცებთ, გამიშვით, რალაც უნდა შევეკითხო!“ მაშინ თქვა ბემქენმა: „გაუშვით რა, იჩხუბებენ, მეტი ხომ არაფერი!“

გარეთ კი წვიმდა, ცივი წყალი სახეზე მასხამდა.

ეზოში არავინ იყო. შორს, ღობის მიღმა, სასკოლო ნაკვეთ- ში დავლანდე. ეტყობა, იქითკენ აპირებდა ბილიკით გასვლას. დავუძახე, უნდა გელაპარაკო-მეთქი.

შეჩერდა.

აქოშინებული მივიჭერი. სუნთქვას ძლივს ვიოკებდი. ამ- დენმა ნერვულობამ ღონე გამომაცალა. ისე ვიყავი აღგზნებუ- ლი, სიტყვათა აზრი არ მესმოდა.

მხოლოდ მის თვალებს ვხედავდი, სადაც აქამდე ფარული, უსაზღვრო შიში იდგა. ახლა ვიცი, ჩემი კი არ ეშინოდა ზაზა ჩი- მაკაძეს, საკუთარი თავისა ეშინოდა. იცოდა, რომ ილუპებოდა და იმისი ეშინოდა.

მე კი სულ უფრო ვუახლოვდებოდი. მიბრძანა, არ მომიახ- ლოვდეო. მე კი მაინც ვუახლოვდებოდი, ფეხი არ გადმოდგაო, მე კი მაინც ვუახლოვდებოდი და უცებ რალაცა მოხდა...

ახლა არ ვიცი, დილაა თუ საღამო... დროის მდინარება უნ- ყვეტია, უსასრულოდ მოძრაობს რალაც ერთფეროვანი, გამ- ქვირვალე, უსაგნო, რომელზედაც ასხმულა ჩემი სიზმრების სუსტი ანარეკლი... რეკავს სკოლის ზარი. მისი მოგუდული ხმა ძლივს აღწევს ჩემამდე...

ქ. დაბადება მეორე

— ეს რა ქენი, ბიჭო! — სინანულით წაიჩურჩულა მამუკა ლეჟავამ.

წვიმდა.

სკოლის ეზოდან ბიჭები მორბოდნენ. ერთმანეთისაგან ვერ ვარჩევდი. ნაცრისფერ, მოძრავ ლაქებად აჩნდნენ დანისლულ,

მქრქალ სივრცეს. ეს იყო ფონი, უკანახედი. თვალწინ კი, თითქოს ფართო ეკრანზე აისახაო, ისე მედგა მამუკას უცბად დასევდიანებული, უსაყვედურო, ცოტათი გაკვირვებული თვალები. ბოლომდე ვერ მივმხვდარიყავი, რაც მოხდა... ხელფეხი წამერთვა თითქოს. გაოგნებული ვიდექი. სულის სიღრმეში დაიბადა ტკივილი, თანდათან გაძლიერდა და მთელ სხეულში ისე დამიარა, თითქოს მამუკას კი არა, მე დამარტყეს დანა, ვილაცამ დაუნდობლად შემომამება იგი და ახლა უღონოდ ველოდი, ვინ მომეშველებოდა, ქრილობიდან ვინ ამომაცლიდა... პირზე ხელი ვიტაცე უნებლიეთ. შემეშინდა, სისხლი არ ამომენტხია და სწრაფად გავეცალე. მამუკა სადღაც გადაქანდა, თითქოს კადრიდან გაქრა. მეხსიერებაში ასე ჩამებეჭდა: მამუკას პირისახე, წვიმის წვეთებით დაწინკლული, და აბურდული თმები, რომლებშიც ვერცხლისფერი ნიჟი ბრწყინავდა. გაქრა ეს კადრი და თვალწინ ატმის დაკვირვებული ტოტი ჩამოეშვა. ამ კვირტებზეც გამჭვირვალე წვეთები ეკიდა. პირზე რომ მომხვდა, მომესხურა. ჩემკენ დაიძრა ატმის ხეთა რიგი, მოღიავებული კუტიკარი, მწვანე, სველი ეზო, სკოლის თეთრი შენობა... ბარბაცით მივდიოდი და ყველაფერი ეს ჩემთან ერთად აღმადალმა ქანაობდა. შადრევნის ტუმბო მომიახლოვდა მორჩილად, ჩქრიალა წყალი მომასხურა ხელებზე. მაშინლა დავინახე, მხურვალეებისაგან გავარვარებულ ხელში წითელი დანა მეჭირა. სწრაფად ჩავიბანე, თითქოს აღის ჩაქრობას ვლამობდი. დანაც ჩავრეცხე, მაგრამ წითელი კვალი ვეღარ მოვამორე და ზიზლით მოვისროლე...

„ეს რა ვქენი?.. ეს რა ვქენი?..“ — სიტყვები აჩემებულად, ჯიუტად აკაკუნდა ტვინში. მთელი სიღრმე უფსკრულისა ჯერაც ვერ გამეზომა, მაგრამ საშინელი შიში დამეუფლა... „ეს რა ვქენი?..“ — უწყვეტად მეორდებოდა კითხვა, პასუხი კი დამვიწყებოდა... ყოველივე დამვიწყებოდა და ანგარიშიუცემლად მივფრინავდი ორღობეში, ფეხს მიწას არ ვაკარებდი. პირზე ცივი წვიმა მიტყლაშუნებდა, თითქოს მეუბნებოდა: გონს მოდი!.. გონს მოდი!..

მივფრინავდი, რათა გავეცეოდი სიმართლეს, მაგრამ სიმა-

რთლე კვალზე წამომენია, საიდანღაც ამოტივტივდა შემადრწუნებელი, დაუჯერებელი აზრი: „მე მოვკალი მამუკა!.. მე მოვკალი მამუკა!..“ ეს არ იყო ჩემი ხმა, არ შეიძლებოდა ჩემი ხმა ყოფილიყო. თითქოს გამოჯავრება უნდაო, ჩახრინული, შეცვლილი ხმით მიმეორებდა ერთსა და იმავეს, მარწმუნებდა, მოვკალიო... ვერა და ვერ გამეგო რას ჩამძახოდნენ, ვერ ჩავწვდომოდი ამ სამად-სამი სიტყვის ქვეშარიტ შინაარსს...

ორღობე უცბად გაფართოვდა, ეზოებმა აქეთ-იქით ჩაინიეს. ფართო, მოხრეშილი მოედანი შემომეგება. ცით ჩამოცვნილი მსხვილი წვეთები იმსხვრეოდა, ცეკვავდა გუბის ზედაპირზე. ჭუჭყიანი გუბე მხიარულად ატყლაშუნდა ფეხქვეშ. ჩემი სხეული აღარ ემორჩილებოდა ჩემს გონებას, თავისით მოაპობდა სივრცეს. წინ კი, წვიმის ფარდიდან გამოცურდა ფართოდ გაშლილი მაგნოლიის ხე, მის ძირას მიყუყული მომცრო სახლი, სველი კიბე, აივანზე მომლოდინე ჯოტო გვილავა, რომელიც თითქოს არც იყო ცოცხალი, სანთლისაგან ნაძერწსა ჰგავდა რომელიღაც პანოპტიკუმიდან. კიბის საფეხურები ფეხიდან გამომეცალა, გადაქანდა, ჯოტო გვილავა უცებ გაცოცხლდა, ხელი შემომამება.

არ მახსოვს, როგორ ამიყვანა აივანზე, ზღურბლზე როგორ გადამატარა.

ოთახში, სკამზე დავეცი და ხმამალლა წარმოვთქვი ის სიტყვები, თავში რომ განუწყვეტლივ მირეკდა:

— მე მოვკალი... მე მოვკალი მამუკა!

ცვლილება პირველად სიზმარში ვიგრძენი. არა, უფრო ადრე!.. სიზმარი აღბათ შედეგი იყო... ის შემთხვევაც შედეგი იყო, კოტორას რომ იმ დღეს დანაზე ხელი ავუკარი. ადრევე ვიცოდი, კოტორას ხალათის სახელოში პატარა ბებუთი ედო. ღამღამობით რკინის საწოლს უხახუნებდა, ჩუმ-ჩუმად ლესავდა. შარზე იყო, თორემ რისთვის ჭირდებოდა. კოტორას ბოღმა ახრჩობდა ყველასა და ყველაფრის მიმართ. „მამაჩემი ქურდია, დედაჩემიც ქურდია, უფროსი ძმა ქურდია, უმცროსი ზის სხვა

საქმეზე — ყური მოაჭამა მეზობელს!“ — ამაყად მითხრა და ეტყობოდა, თვითონ მათთვის უნდა გადაეჭარბებინა... იმ დღეს კოლონიის უფროსმა ცხვირწინ რომ გაუარა, კოტორამ მოულოდნელად ხელი აიქნია. იქვე ვიდექი, თითქოს წინასწარ განვჭვრიტე, რომ იქ უნდა ვმდგარიყავი. ანგარიშმიუცემლად ვსტაცე ხელი და ბებუთი კვლავ ხალათის სახელოში დაბრუნდა... ყველაფერი წამში მოხდა, ერთ გაელვებაში... კოლონიის უფროსი, ახალგაზრდა, კოხტად მოსხეპილი ოფიცერი, სწრაფად შემობრუნდა, ეჭვით შემოგვხედა: „რა მოხდა?“ „ფეხი დამიცდა, უფროსო!“ — თვალეხი, ალბათ, მეტად მართალი მქონდა. ოფიცერმა დაკვირვებით შეგვათვალიერა, ეჭვი თითქოს გაუქარწყლდა და გზა განაგრძო. „განანებ!“ — ჩაისისინა კოტორამ და გამშორდა. შიში არ მიგრძენია, პირიქით, თითქოს ავმჩატდი, სიმსუბუქე ვიგრძენი და იქით გავიხედე, გალავნის მიღმა, სადაც ავჭალას შემოდგომის გახუნებული გორაკები ზღუდავდა, ზევიდან კი ლურჯი, ოდნავ გაცრიატებული ცა ჰქონდა მორგებული... სიმსუბუქის ეს შეგრძნება მთელი დღე არ მომშორებია, მაშინაც კი, სასადილოში სხვებთან ერთად რომ ვსვლავდი წყალწყალა წვნიანს. ცირამუას ბიჭმა კი, ქურდების ბელადობას რომ იჩემებდა, იდაყვი ფრთხილად შემახო და თავაუღებლად მკითხა: „წითლებში ჩაენერე?“ „ჭრელებში!“ — ცივად მივუგე. ცირამუას ბიჭმა ბატკანივით უწყინარი თვალეხი მომაპყრო. მინდოდა მეთქვა, მე დღეს ორი კაცი გადავარჩინე, ერთი ვერასოდეს გაიგებს, რომ გადარჩა, მეორე კი, სულელი რომ არ იყოს, სიკეთეს დამიფასებდა-მეთქი, მაგრამ ეს სიტყვები ტრახახს უფრო ჰგავდა და სხვანაირად ვთქვი: „უთხარი კოტორას, სათამაშო გადაადგოს, თორემ...“

მთელი ის კვირა უცნაურზე უცნაური სიზმარი ამომიჩემდა, ყოველდღე მიმეორდებოდა და იმ ღამესაც მეწვია. ვითომ გამათავისუფლეს მოულოდნელად, ვითომ ჭუბურიში ჩავედი, სანწალეს პირას მივსეირნობ. მთელი კლასი აქ შეყრილა, წყალში ჭყუმპალაობენ. გამოიხედეს და ჟრიაბული ატეხეს: „მამუკა მოვიდა, ჩვენი მამუკა მოვიდა!“ შევცბი, მინდა ავუხსნა, მამუკა კი არა, ზაზა ვარ, როგორ ვერა მცნობთ-მეთქი. ხმის ამოღებას

არავინ მაცლის, მბუბნიან, მკოცნიან, ერთ ამბავში არიან... თავი ძლივს დავიძვრინე, შინისაკენ მივემართები, ოღონდ სულ სხვა ბილიკით. აგერ სიძველისა და უპატრონობისაგან მოფშენულ ლობენულზე გადავდივარ, ტალახი ქუსლზე მეგლისება. ლაფაროში კუნძი გდია და ლანჩებს იმაზე ვიფხეკ. ფიცრული ოდის აივანზე ცინტუ ბებია მოაკაკუნებს ყავარჯნებს. კიდეც მეშინია და კიდეც მიხარია. გაქცევაც მინდა, რალაც ძალა კი წინ მექაჩება. წამში კიბის თავზე მოვექეცი. ცინტუ ბებიას ყავარჯნები უცვივა, მივეშველე. „ნენაია, ნენა, ჩემი ობოლი მამუკა!“ — სიხარულის ცრემლი სდის ცინტუ ბებიას. სინდისი მქენჯნის, ქვეყანას ხომ ვატყუებ, ამ საბრალო დედაბერს მაინც რას ვემართლები-მეთქი, მაგრამ ხმის ამოღება არ შემიძლია...

თითქოს მიბიძგესო, უცბად გამომელვია...

კუთხეში მონითალო ნათურა ბჟუტავს. ვინრო სარკმლებს ბნელი ღამე მოსწოლია. ორიარუსიან სანოლებზე სძინავთ უწლოვან ქურდებს, მკვლელებს, ხულიგნებს... ზოგს ბედმა უმუხთლა, ზოგსაც ჭკუამ უღალატა... ბალიშებზე ჩამომწკრივებულა გადახოტრილი თავები, ახლა რომ სიზმრებს გაუთავისუფლებია სასჯელისაგან. ვილაცა ქშუტუნებს, ვილაცა ფშვინავს, ვილაცა ხვრინავს, ვილაცა ძილში გულამოსკვნით ტირის... ღამის სინყნარე ელმავლის გუგუნმა გაარღვია. დაგადუგი გააქვს მატარებელს. ავჭალაში შემოგრიალდა, გარემო აახმაურა, გაიღვიძეთ, რა დროს ძილიაო... ძილი გამიტყდა, თვალს ვხუჭავ, ვცდილობ სიზმარი შევიბრუნო, თუმცა, ვიცი, ცდა ამაოა. მატარებელი ჩერდება, ვაგონები ერთმანეთს ჭახაჭუხით ეხლებიან. კვლავ სინყნარე სადგურდება და უცებ, კატის თათები ლბილად შეეხო იატაკს, ვილაცა სუნთქვაშეკრული ჩასრიალდა სანოლებს შორის... არა, მომეჩვენა!.. სინყნარე... ალბათ, გუშამაც ჩასთვლიმა, დერეფანში არ ისმის მისი ხმა... ვილაცა იატაკზე გასრიალდა... გუშამი ძილს მიენდო, საშიშროება გამოეპარა... გატრუნული ვწევარ, ფეხები ამოვიკეცი, სხეული ზამბარასავით დავძაბე... აი, ლანდმა გაიელვა კედელზე, კოტორას მძულვარე სახე წამომმართა და ბებუთიანი ხელი ასწია კოტორამ. სწრაფად შევექანდი, შეტყუებული ფეხები მკერდში ვატაკე და

იატაკზე გაგორებულს სულის მოთქმა არ ვაცალე, ზევიდან დავაფრინდი. იმავე წამს სხვამ მსტაცა ხელი ღონივრად და განზე გამათრია, თან ჩურჩულით მამშვიდებდა: „ჩუმად, ჩუმად, ნუ ხმაურობთ!“ კოტორა უჩუმრად გაიძურნა... „ჩუმად!“ — ერთხელაც წაიჩურჩულა ცირამუას ბიჭმა და ძლივს მოვასწარი საბანში ჩამალვა. საკეტმა გაიჩხაკუნა. გუშაგმა შემოიხედა. ვგრძნობდი, აქეთკენ იყურებოდა. მერე, ალბათ, დიდხანს გვითვალთვალა ჭუჭრუტანიდან... გადაიარა!.. ცირამუას ბიჭმა შორიდან მუშტი მოუღერა კოტორას, შემრიგებლურად ჩამიკრა თვალი და ისევ სინყნარე ჩამონვა, მშვიდი ფშვინვა მოისმა...

დილამდე ჯერ კიდევ შორსაა. საბანი ყელამდე ამოვიქაჩე და მზერა ქერს მივაპყარი. დღევანდელი ამბები გავისხენე, გახსენებას ზედ ოცნებაც მიენასკვა... წარმოვიდგინე, ვითომ იქ, იმ წვიმიან დღეს, სკოლის ნაკვეთში, ჩიორამ მომისწრო, დროზე ამიკრა ხელი და ყველაფერი შერიგებით დამთავრდა. ისე თვალნათლივ დავინახე ყოველივე, წამიერი ბედნიერება ვიგრძენი, მაგრამ წუთის შემდეგ სიზმარში გაცხადებული ცინტუ ბებია გამახსენდა და სიმწრისაგან თვალი დავხუჭე, გადავბრუნდი, ბალიშს ჩავეხუტე...

ჯოჯოხეთის ყველა წრე გავიარე უკვე. იმ წუთიდან, როცა მამუკა ლეჟავას უბრალო სიტყვებმა — „ეს რა პქენი, ბიჭო!“ — მზერამ, სულის სულში რომ ჩამწვდა, იქაურობა ამომიშანთა, იმ წუთიდან ჯოჯოხეთში შევაბიჯე. მერჩივნა, თვალი დამვსებოდა, სმენა დამეხშო, არაფერი მენახა, არაფერი გამეგონა, ჩავმძვრალიყავი სადღაც შავეთში, სადაც ვერა სინათლე ვერ ჩააღწევდა, სადაც გავითქვიფებოდი ერთიან, თანაბარ რაღაცაში, რასაც სახელი არა აქვს. ეს იყო სურვილი გავქცეოდი ერთადერთ სასჯელს, სიკვდილზე უფრო მძიმეს — საკუთარ მეხსიერებას: რატომ, როგორ, რანაირად, რისთვის?.. ისევ და ისევ უნდა გამეცა პასუხი, ისევ და ისევ გონებაში უნდა აღმედგინა ყოველი წვრილმანი, უნდა გამომეჩხრიკა მიზეზთ მიზეზი...

სად უნდა წავსულიყავი, სად გავქცეოდი ამ კითხვებს? თავდაპირველად შევეცადე ლოკოკინასავით შევმძვრალიყავი „არ ვიცის“ ნიჟარაში... „არ ვიცი, არ ვიცი, არ ვიცი!..“ — ვიძახდი

გაუთავებლად. „ბოლოს და ბოლოს შენ ხომ ზაზა ჩიმაკაძე ხარ?“ — ბრაზით აენტო შერაზადაშვილი. „არ ვიცი!“ — ვუპასუხე. „შენ ხომ ზაზა ჩიმაკაძე ხარ!“ — იქედნურად ჩაიღიმა დიმიტრი ფარცვანიამ. „არ ვიცი!“ — ვუპასუხე. მერე თითქოს ტვინი უკუღმა გადამიტრიალდა, შხამი და ბოღმა გულში ჩამელვარა, გამისივდა ეს ოხერი გული და მკრეხელურად ვიკვილე: „თვითონ იყო დამნაშავე!.. ყველაფერში თვითონ იყო დამნაშავე!..“ დიმიტრი ფარცვანიამ კი — ცოტა მოგვიანებით მოსამართლემაც — მშვიდად: „ვინ? ვინა გყავს მხედველობაში?“

მართლაც, ვინ „თვითონ“?

ზოზინით ჩაიარა ერთ მთლიან, განუწყვეტელ ტკივილად გადაქცეულმა ძიებამ, სასამართლომ... მოვიქანცე, გადავიღალე და, ბოლოს, თითქოს ყველაფერი სულ ერთი გახდა. თუმცა კიდევ მეყო ღალატის ძალა, როცა განაჩენი გამომიტანეს, ყელში ბურთი გამეჩხირა, ნერწყვი ვერ გადავყლაპე, სირცხვილისაგან არ ვიცოდი, სახე სად წამელო, რადგან სასჯელი მეცოტავა. ლუბა დედამ კი პირზე ხელები აიფარა, აქვითინდა, ებვერა, ამდენი წლის მანძილზე სიყმანვილე შემოელევაო. მერე, უკვე დახურულ მანქანაში, გისოსებში გამომწყვდეულს, ცრემლი წარმომდინდა და უმისამართოდ ავლულულდი: „დანა ჩემი იყო, თქეში მოდიოდა, ვინ მოიგონა, მყნობა უნდოდაო!“ მე უკვე არავინ მისმენდა და მეხსიერებიდან სიზმარავით ამოიშალა გზა კოლონიამდე. ერთმანეთს წაენყო უსიხარულო დღეების წყება, როცა ნებისმიერ კითხვაზე არსებობს მხოლოდ ორი პასუხი: „დიახ!“ და „არა!“ ლოლნი პატიმრის შავ პურს, ხვრეპ წყალწყალა წვნიანს, მორჩილად დგახარ დაზგასთან, უგულოდ ჩარხავ, არ გაინტერესებს რას და რისთვის, ბეჯითად ზიხარ საღამო სკოლის გაკვეთილებზე, თუმცა გონება თითქმის გადაიკეტა და, როცა გეკითხებიან, ორჯერ ორი რამდენიაო, თვალს ახამხამებ დაბნეულად.

გამიქრა სიამაყე. გადავეჩვიე თავანუელ სიარულს. მხრებში მოვიხარე და მიწას მივაჩერდი. არაფერი მაინტერესებს, არც ქურდების დაუსრულებელი ტრაბახი. შემთხვევით მკვლელთა მონანიება, მოხულიგნო ბიჭების ყოჩობა და ფარული ძიძგი-

ლაობა. თანდათან თითქოს მავინყდება ვინცა ვარ, რისთვის გამომამწყვდიეს აქ, რა შევცოდე... ერთხელ, ეზოში სეირნობის დროს, გისოსიან კარს მივადექი და მოულოდნელად სული შემეხუთა, სუნთქვა არ მეყო. გისოსებს ჩავეჭიდე, ავყვირდი, დუჟი გადმომდინდა. რკინაზე თავს ვახლიდი, ვცდილობდი ეს მძიმეზე მძიმე კარი ჩამომეღო, აქედან გავქცეულიყავი, სადმე შორს, იმ გორაკებს მიღმა, მოუსავლეთში გადავკარგულიყავი. თვალებში სინათლე წამერთვა და ველარ გავიგე, როდის მომცვივდნენ, კუთხეში მიმომწყვდიეს, ხელები გადამიგრისეს და ძირს დამცეს... ყველაფერი ეს თითქოს სიზმარში გადამხდა. მერე კი არაფერი მახსოვს. გონს გვიან მოვედი. ლოგინში ვინექი. იქვე ექთანს იდგა, შპრიცი ეჭირა. ღონე არ მყოფნიდა და ხმადაბლა ვიკითხე: „რა მოხდა?“ ექთანმა ტუჩზე თითი მიიდო, ნუ ლაპარაკობო. თვალი კვლავ დავხუჭე, ძილში ჩავიძირე, იმ ძილში კი შავეთის მეტი არაფერი იყო. ხანდახან თუ გაიღვებდა რაღაც მნათობი, თითქოს მნათობი კი არა, პირისახე იყო, სულ ერთნაირი, მრავალგზის გამეორებული ასლი არარსებული დედნისა... მერე ჩურჩული მომესმა და თვალი გავახილე. კოლონიის უფროსი ესაუბრებოდა ექთანს. წამონვეა მოვინდომე. ხელის მოძრაობით გამაჩერა. უფროსს მკაცრი სახე ჰქონდა, ტუჩის კუთხეში ფარული ღიმილი გაუკრთა, ზაირა მუჟიას დაემსგავსა წამით. „რა იყო, გმირო, გვაშინებ?“ „არაფერი მახსოვს, უფროსო!“ „სულ არაფერი?“ „თითქოს ბანჯგვლიანი მაიმუნები დამესიენ, მახრჩობდნენ, მე კი ვუძალიანდებოდი!“

დამიჯერა? ან მე თვითონ დავიჯერე? კარგადაც მახსოვდა, გისოსები უნდა ჩამომეღო და გავქცეულიყავი. სად? ვითომ იმ მწვანე გორაკებზე ან იმ გორაკებს მიღმა ვპოვებდი თავისუფლებას? ჩემი სულის საპატიმრო ჩემივე სხეული იყო. მაშ, როგორ გავიქცეოდი?.. ან რა უფლება მქონდა სასჯელს გავქცეოდი?.. ვინექი თვალდახუჭული და ერთსა და იმავე აზრს ვიმეორებდი. ტვინი ამიდუღდა, ყველაფერი ამერია, თავი და ბოლო ვერ გავარკვიე. მილონნაირად შევატრიალე და დასკვნა ვერ გამოვიტანე. საფეთქლები ამტკივდა, გასკდომაზე მქონდა. საღამოს ძილის წამალი ვითხოვე, შავ ბურანში ჩავიძირე, დილით

კი ფიქრი კვლავ ამედევნა, მოსვენება დამაკარგვინა. ოღონდ ეს იყო, აზრის ქაოტურ დინებაში ახლებურ წესრიგს მივაგენი თითქოს...

მესამე დღეს დამაბრუნეს მედპუნქტიდან. ცნობისმოყვარე თვალები მომაცივდნენ. ცირამუას ბიჭმა დრო იხელთა და მკითხა: „რისთვის ზიხარ?“ პასუხი შევაყოვნე. კარგადაც მახსოვდა, რისთვის ვიჯექი, მაგრამ იქნებ სწორი არ იყო ეს ჩემი ცოდნა, იქნებ ავი სიზმრიდან გამომყვა იგი. „იაპონური მაგნიტოფონი მოვიპარე, მთავარი აგრონომისა იყო, კელაპტრიშვილისა!“ თვითონაც არ ვუნყოფი, რატომ მოვიტყუილე. თუმცა იქნებ არც ვტყუოდი, იქნებ ამ სიტყვებში იყო სიმართლის ნაწილი. რაღაც დაემართა ჩემს მეხსიერებას, რაღაც მოიშალა. დამავინყდაო, იმასაც ვერ ვიტყვოდი. ყოველივე ხომ აშკარად მახსოვდა... დედა და მამა, თუმცა თითქოს სხვათა დედა და მამა უფრო იყვნენ ისინი... ჭუბურის სანახები, თუმცა სულ სხვა თვალთ დანახული... ჩამესმოდა სანწალეს მშვიდი შხუილი, სულ სხვა ყურით მოსმენილი. ვიხსენებდი მზის მცხუნვარებას და ჩრდილის სიგრილეს, მაგრამ უფრო მწვავედ, უფრო სხვანაირად... თითქოს მახსოვდა და არც მახსოვდა ჩემი ბავშვობა, სკოლა, ახლობლები, ყოველივე უკვე იყო და არც იყო, მქონდა და სადღაც დამეკარგა... ყველაფერს უცნაური ნისლი გადაეფინა და საგნებმა და მოვლენებმა დაკარგეს გარკვეულობა... ცირამუას ბიჭმა ბატკნის უწყინარი თვალები მომაპყრო და მოფერებით დამარიგა: „მაგისტვის ასკდები ნერვებს? აგერ, კოტორას ვერ უყურებ, მკვლელად დაბადებულა და ფეხებზეც ჰკიდა!“

— მკვლელად დაბადებულა? — ცირამუას ბიჭი ბატკნის უწყინარი თვალებით მიყურებს... არა, სხვა არაფერი უგულისხმია! მართლაც კოტორაზე თქვა. მე კი გულ-ღვიძლი ამეწვა, ცეცხლი მომეკიდა. შემზიზილდა ეს ხელი, დანა რომ აიქნია, ეს სხეული, იმ დღეს, წვიმის ქვეშ შურისგების სამსახურში რომ იდგა, სული, ამ სხეულს რომ მკვლელად წვრთნიდა... რატომ დავიბადე ზაზა ჩიმაკაძედ, ვინ გადანყვიტა ეს?.. ხომ შეიძლება ბოდა სხვა სახელი მრქმეოდა, სხვა მშობლების შვილი ვყოფილიყავი, მაშინ ხომ ყოველივე სხვანაირად შებრუნდებოდა... თავში

დიდხანს ვატრიალე ეს აზრი, მაგრამ სხვათა დადანაშაულებამ შვება ვერ მომგვარა.

დილამდე ჯერ კიდევ შორია. ძილი კი არა და არ მოდის. მეხსიერების ვრცელ სანიერზე ისევ და ისევ ბრუნავს ერთი და იგივე ფირი, ყოველი წამი გადახდენილისა რომ აღუნუსხავს და იძულებელი ვარ გამადიდებელი შუშით ვათვალიერო ეს კალეიდოსკოპი, რათა ის წვრილმანებიც ტკივილით შევიგრძნო, სულის სიღრმეში რომ დაფარულა... „მე დღეს ორი კაცი გადავარჩინე, — თავის გასამხნეველად ვიმეორებ, — ერთი ვერასოდეს გაიგებს, რომ გადარჩა, მეორე კი, სულელი რომ არ იყოს, სიკეთეს დამიფასებდა!..“

ვინ მე?.. ვინ აუკრა ხელი კოტორას?.. ზაზა ჩიმაკაძემ თუ იმან, ვისაც სიზმარში ვაფარებ თავს?

დილამდე შორია, ძილი კი არა და არ მოდის...

საშვიდნოემბროდ ამანათი მომივიდა. თავი უკვე უთვისტომო მეგონა და გამიკვირდა. ყუთში მანდარინები ენყო. ზედ წერილი იდო. ვიღაცას უკვე წაეკითხა და სტრიქონების ბოლოს გადადევნე მზერა: „ლუბა-დედა“. რაღაც აიმღვრა სულში. ცრემლი მომანვა, თავი დროზე შევიკავე. ამანათი სკამზე დავდე. იქვე ჩამოვჯექი. წერილი მუხლზე გავასწორე. გარინდებული დავყურებდი, კითხვით კი ვერ ვკითხულობდი, ასოები ოკრობოკროდ გარბოდნენ და მზერამ ვერ შეძლო მათი დაკავშირება. ვიღაცამ ქიმუნჯი გამკრა. ცირამუას ბიჭი იყო, თვალებში მოლოდინი ეწერა. სხვა ბიჭებიც შორიახლო იდგნენ და მელოდნენ. „აიღეთ!“ — თავი დავუქნიე, თვითონ კი კვლავ წერილს დავამტერდი. ერთადერთი სიტყვის წაკითხვალა შევძელი — „ლუბა-დედა!“ ვინ იყო ეს ლუბა-დედა, ვისი დედა იყო, რა უნდოდა? განა რამე დამავიწყდა, განა მართლა არ ვიცოდი ვინ ვინ იყო, მაგრამ ამ წუთას აზრი გამეყინა, გული კი შიშით მითრთოდა, მეშინოდა უნებლიე აზრისა, გონებაში რომ უნდა ანთებულებიყო... თავი ავნიე, ძლივს ვიცანი კოტორა. ცხვირწინ ატუზულიყო და სანყალობლად შემომყურებდა. „მეც ავილო?“ „აიღე!“ „ბოლო ყოფილა!“ — ყოყმანით თქვა კოტორამ და დაცარიელებულ

ყუთში კენტ მანდარინს ფრთხილად შეეხო. „აიღე!“ — გავუმეორე და მოულოდნელად ბრაზი მომანვა: „ხომ გითხარი, აიღე-მეთქი!“ წერილი მოვჭმეჭმე, ყუთში ჩავაგდე...

თვის თავზე კი, კვირა დღეს, ლუბა-დედა ჩამოვიდა. დილასვე გამომიცხადეს, სანიმუშო ყოფაქცევის გამო დედის თხოვნა შევინწყნარეთ და ნახვის უფლება მოგეცითო. არ ვიცოდი, გამხარებოდა თუ არა. გულზე თითქოს ცივი ხელი მომიჭირესო. ისიც კი ვიფიქრე, იქნებ ისეთი რამე მოხდეს, ლუბა-დედას ნახვა ამიკრძალონ-მეთქი, მაგრამ ისეთი რა უნდა მომხდარიყო. დრო სწრაფად გავიდა, რამდენიმე პატიმარი გამოგვიძახეს, დაგვანყვეს რიგში, დაგვარიგეს, თუმცა ფიქრებით სულ სხვა მხარეს დავფრინავდი და თავში არაფერი მიჩერდებოდა.

და აი, ფარდულისმაგვარი, გრძელი ოთახი, შუაში რომ ხის ბარიერი ჰყოფს. ერთ მხარეს მე ვდგავარ, პირისპირ, ბარიერს მიღმა — ლუბა-დედა. სხვა პატიმრები და მნახველებიც ასე დგანან. ყველა ერთად ლაპარაკობს, ჩქარობენ, ერთმანეთს სიტყვას პირიდან სტაცებენ. მე კი ვდგავარ და ჩუმად შევყურებ ლუბა-დედას, ასე უცებ დაბერებულს, შეცვლილს, გაუცხოებულს. „კარგი მასწავლებელი იყო!“ — გავიფიქრე და ამ ფიქრმა შემაკრთო. ეს ხის ბარიერი თითქოს სამუდამოდ აღიმართა ჩვენ შორის... ლუბა-დედა დგას, ხმას ვერ იღებს, თვალებად ქცეულა, მიყურებს და მიყურებს, თითქოს არკვევს, ვარ თუ არა ისევ ის, ვინაც ადრე ვიყავი, შევიცვალე თუ არა. საბედნიეროდ, მან არაფერი იცის!

„როგორ არიან?“ — ძლივს გავიღე ხმა. ვერა ვთქვი, „მამა როგორ არის?“ ვერ გავბედე, „ძია თანდი როგორ არის?“ მაგრამ ამ უმისამართო კითხვაში მეტი იგულისხმებოდა და ლუბა-დედა ალაპარაკდა. ჩქარ-ჩქარა ჩამომითვალა სოფლის წვრილმანები, ოჯახური ავან-ჩავანი, ჩემს სმენას კი მისი ხმა თითქოს არ ეკარებოდა, ვერაფრით ჩავწვდი, რასაც მიყვებოდა.

„მასწ., ცინტუ ბებია როგორაა?“ — მხოლოდ პირველი სიტყვა წამომცდა, დანარჩენი ველარა ვთქვი, ენა გადავყლაპე. ისე უადგილოდ, ისე ლიტონად გაისმა სიტყვა „მასწ.“ თითქოს ჩვენ შორის აღმართულ ბარიერზე თვით ჭერამდე ყინულის კედელი

დაეშენებინოთ.

ლუბა-დედა შეერთა, გაკვირვებით შემომხედა, ხმა ჩაუვარდა, მერე, წუთის შემდეგ, გონს მოეგო, დამდულრულივით ჩამეძია, რა მოგივიდა, შვილო, ზაზიკო, მოგიკვდეს დედაო. რა უნდა მეთქვა? რისი ახსნა შემეძლო საბრალო ქალისათვის. „დედაბერი როგორ არის?“ — კითხვა შევაბრუნე და ძლივს გამაგონა უსისხლო ტუჩებით: „ცინტუ ბებია დავმარხეთ, შვილო!“

ძლივს გამაგონა-მეთქი... გაგონებით კი გამაგონა, მაგრამ ცნობიერებამდე გვიან მოაღწია. „ცინტუ ბებია დავმარხეთ, შვილო!“ — ბარე ათჯერ განმეორდა ტვინში, თითქოს თავში მაჭედებდნენ ამ აზრს, გაიგე, გაიგე, დავმარხეთო, მე კი წინააღმდეგობას ვუწევდი, ჩემს ცნობიერებაში არ ვუშვებდი ამ სიტყვებს, იქ არ იყო მათი ადგილი. უცებ ყველაფერი ნათელი გახდა და მე შორიდან შევხედე საკუთარ თავს. აი, ვდგავარ გრძელ ფარდულში, რომელსაც ორ ნაწილად ჰყოფს ხის ბარიერი. ერთ მხარეს თავგადახოტრილი, ულაზათო შარვალ-ხალათში ჩაცმული ბიჭები დგანან, მეორე მხარეს მათი მშობლები და ახლობლები. ერთად ლაპარაკობენ, ხელებს იქნევენ... ზოგი ოხრავს, ზოგი ჩხუბობს, ზოგი ქაქანებს, ზოგი ჩუმადაა. ლუბა-დედაც ჩუმად დგას. ვერ მიმხვდარა, რა თქვას, როგორ მოიქცეს. მეც ჩუმად ვდგავარ. თვალებიდან დაპაღუპით ჩამომდის ცრემლი და იმასლა ვფიქრობ, რატომ დამავინყდა ჯიბეში ცხვირსახოცის ჩადება. ლუბა-დედას უჭირავს ხელში ცხვირსახოცი, მოუჭმუჭნია, მაგრამ უფლება არა აქვს მომანოდოს, დამამშვიდოს.

— დამთავრდა! შეხვედრის დრო ამოიწურა!

თავი ზევით არ ამიწევია, ისე გავშორდი ლუბა-დედას. „რა მოგივიდა?“ — მეკითხება კოლონიის უფროსი. „არ ვიცი!“ მართლაც არ ვიცი, რა მემართება, ცრემლი ღვარად ჩამომდის, არ შემეძლია თავის შეკავება. მინდა ცნობისმოყვარეთა მზერას დავემალო, მაგრამ მარტო დარჩენის უფლება არა მაქვს, სადმე დამალვის, გადაკარგვის უფლება არა მაქვს, ყველანაირი უფლება წართმეული მაქვს და იძულებული ვარ, ვიდგე მზით განათებულ პლაცზე და ყველას ვუჩვენო ჩემი სისუსტე. „რა

მოგივიდა?“ — მეკითხება მორიგე ოფიცერი. „არ ვიცი!“ „რამე ხომ არ გტკივა?“ „არა!“ როგორ არა მტკივა, საშინლად მტკივა, მაგრამ ჩემს ტკივილს ვერა ექიმი ვერ მოარჩენს და ამიტომაც ვერავის ავუხსნი. „არ ვიცი!“ — ვეუბნები ცირამუას ბიჭსაც, თან სხვებთან ერთად მეც გამალბებით ვსვლუბ ცხელ წვნიანს, შიგ კი წკაპა-წკუპით მიცვივა ცრემლი. იქნებ იმიტომაც დაჰკრავს მლაშე გემო.

სიზმარშიც ეს ცრემლი ჩამყვება. შუალამით მეღვიძება. ვგრძნობ, ბალიში დამისველებია. გადავაბრუნებ და ისევ ვიძინებ. კვლავ მეღვიძება. ახლა ბალიშის ეს გვერდიც სველია. მძინავს თუ მღვიძავს, ცრემლი მდის და მდის... უკვე მეშინია, ვაითუ საერთოდ არ შემინყდეს, ვაითუ სულ ასე ვიტყვო. „რა მოხდა?“ — საკუთარ თავს ვეკითხები და პასუხს ვერა ვპოულობ.

საკანში მზემ შემოაჭყიტა. ორ იარუსად ჩამწკრივებულ საწოლებზე თავგადახოტრილი პატიმრები წვანან. ზოგს ჯერაც სძინავს, ზოგს თვალი გაუხელია და ადგომის ნიშანს ელოდება. მზის სხივმა ირიბად გადაკვეთა სივრცე და იმ საწოლს დაეცა, სადაც აქამდე კოტორა იწვა... წავიდა კოტორა, სრულწლოვანი გახდა და წავიდა!.. მის ადგილას სხვა ბიჭი წევს, ლამაზი, მოხდენილი, ოღონდ ჭკუაყვითი, უდარდელი, ვინც „ფისო-კამფეტის“ გულისათვის მეზობლის ხუთი წლის ბავშვი ასფალტზე დაახეთქა. ახლა კი ისეთი ხალისით ცხოვრობს, ვითომ დანაშაული არაფერი ჩაედინოს, ღიმილით, მხიარულად, დაუფიქრებლად განირავს ყველას და ყველაფერს, ოდნავაც არ შეანუხებს სინდისის ქენჯნა... თავი ბალიშში ჩავრგე. თვითონ უარესი ვიყავი, რა უფლება მქონდა, ვინმე განმესაჯა...

თვითონ უარესი ვიყავი?.. მაგრამ მე უკვე არ ვიცი, ვინ ვიყავი. მეხსიერების თეთრ უდაბნოეთში ხელახლა ვაშენებდი საკუთარ წარსულს. პირვანდელი, ცინცხალი ფერებით ვხედავდი, მაგრამ ხედვის კუთხე შეცვლილიყო და ეს მანცვიფრებდა... აი, სანწალეში ვბანაობთ! ეგერ ზაზა ჩიმაკაძე მედიდურად ზის ნაპირზე და გვიყურებს... ჩვენ კი დგაფუნით ვცვივით წყალში, ყირაზე გადავდივართ... მე თავს ვიგიჟიანებ და ციციწო მყავიას ვაყურყუმელავებ. ის კი წივის, ტკარცალებს, მისხლტება... შე-

ლამებულზე მარტო ვარ სანნალეს პირას, ყურს ვუგდებ წყლის ლუკლუკს, თანდათან კამკამა წყლით ივსება სივრცე... ფრთხილად მივცურავ ლურჯ ზვირთებში, მკლავებს ნელა, მოზომილად ვუსვამ... სასაფლაოზე ავეხეტე, გადასახედზე, ბალახში ვწვები, მზის ამოსვლის სასწაულს გავყურებ. ნელ-ნელა ამოდის დიადი მნათობი და ეკალბარდებს თითქოს ხანძარი ედება. ცას სწვდება ეს ხანძარი. ცაზე კი ლურჯი ზეცა გადმოპირქვავებულა და ხანძარი ზღვაში ირეკლება... სკოლისაკენ მივდივართ სამნი. თინიკო კელაპტრიშვილი მიირხევა მედიდურად. ზაზა ჩიმაკაძე ყინჩად მიყვება გვერდით. ტროტუარი ვინროა და მე ვერ ვეტყვი. ფეხდაფეხ მივათრევ მძიმე ჩანთას, თანაც ისეთი ბედნიერი ვარ, ღირსად რომ ჩამთვალეს ვიყო თინიკო კელაპტრიშვილის საჭურჭლეთმტვირთველი, ვირის მუშა... ფიცრული ოდა, ვინრო ოთახი... ფანჯარაში მიღებული მთვარე იჭყიტება. ბნელი ღამე იგვერგვება. სუსტი მთვარე კიდევ უფრო ამუქებს ღამეულ ფერებს. ჭრი... ჭრი... ჭრიჭინებს ჭრიჭინობელა... თვალგახელილი ვწევარ, ვუსმენ ჭრიჭინობელას, ცინტუ ბებიას ჩუმ ნუხილს და ველოდები ძილს, ქუთუთოებს რომ დამიმძიმებს და სიზმრებს ვერცხლის ფერებით ამიბრჭყვიალებს... პრინცესას თეთრ კაბაში შემოშრიალდება თინიკო კელაპტრიშვილი, გამომინვდის ხელს და ჩვენ ორივენი გავფრინდებით მთვარის სხივებით გამსჭვალულ მქრქალ ეთერში...

ეს უცნაური ფიქრი-ზმანება, ეს გახსენება-არგახსენება, თავდაპირველად სუსტი, გაუბედავი, უსაგნო და უსხეულო მთელი დღე თან დამდევს, აზრს მიბნევს, არ მშორდება...

„ჩიმაკაძე!“ — აღმზრდელ-მასწავლებელი მკაცრად მიყურებს. ხმას არ ვიღებ. „ჩიმაკაძე!“ მე რატომ მიყურებს? მე ჩიმაკაძე არა ვარ!.. „ჩიმაკაძე!“ ვუთხრა, რომ ცდება? ის კი შემეკითხება, რა გვარისა ხარო. თვითვე დაეჭვდება, ალბათ, შემეშალაო. ჟურნალში ჩაიხედავს. ჟურნალში კი შეცდომით წერია. „მაშ, რა გვარისა ბრძანდება?“ — ბრაზით შემეკითხება. რა შემიძლია ვუპასუხო? არავითარი გვარი არა მაქვს, არც სახელი მაქვს! ყველა საბუთი მოგონილია, ყალბია. მე ვარ „ვილაცა“, ვისაც ახლობლები „ზაზა ჩიმაკაძეს“ ეძახიან... ეს ფსევდონიმია, მეტსახე-

ლია, სხვათაგან გამორჩევის საშუალებაა, საქონლის დამლასავითაა... აღმზრდელ-მასწავლებელს ამას ვერ ავუხსნი. უმჯობესია, მორჩილად წამოვდგე და ვიცრუო — „ვარ, პატივცემულო!“ „ბოლო დროს უყურადღებობას გატყობ!“ — გამომცდელად მეუბნება აღმზრდელ-მასწავლებელი. უწყინარი თვალებით ვუყურებ, მზერას არ ვარიდებ, თქმით კი არაფერს ვამბობ.

— ბოლო დროს შეიცვალე, უყურადღებო გახდი. მასწავლებლები და ოსტატები გიჩივიან! — კოლონიის უფროსის მკაცრ სახეზე თანალმობა ილანდება.

— ჩემს მოვალეობებს ზუსტად ვასრულებ, უფროსო!

— ვხედავ, მაგრამ გულში რალაც ჩაიხვიე და ცდილობ, დაგვიმალო!

ვინ გაარკვევს, გულში კაცმა რა ჩაიხვია! მოვალეობებს ხომ ვასრულებ პირნათლად. ვდგები, როცა ასადგომია, ვწვები, როცა მიბრძანებენ. ყოველი სიტყვა კანონია. გულში კი... ამ მუდამ გამონკეპილ ოფიცერს როგორ ავუხსნა, რაც თვითონ არ მესმის.

— შეცვლილი მეჩვენები! — დაფიქრებით ამბობს კოლონიის უფროსი.

დიას, შევიცვალე! ვცდილობ, შევიცვალო! უხილავი ცენზორი მიმჯდარა მეხსიერების შორეულ კუნჭულში და შავი მელნით შლის, რაც ზედმეტია. წვრილი, მძივივით გაბნეული ასოებით წერს აქამდე არნახულ, უცხო, საიდანღაც შემოღწეულ ტექსტს, წამის შემდეგ რომ ჩემი ხდება... დაძაბული ვუსმენ სულის წიაღში მომუშავე ცენზორს, ხანდახან ინთება უხილავი ნათურა და ვხვდება, რალაც სხვანაირად მიყვარს, სხვანაირად მძულს, რალაცას სხვანაირად ვესწრაფვი, რალაცას თავს ვარიდებ... თანდათან, თანდათან...

რამდენი დრო გავიდა ასე?.. დღე, კვირა, თვე... ზამთრის ცივი, მონყენილი დღეები ადრიანი გაზაფხულის წვიმებმა შეცვალა. სულშიც თითქოს განუწყვეტილ წვიმს... მაშინაც კი, როცა მზემ გამოიხედა, ნანვიმარი შეაშრო და ჰაერში სინედლის სუნი დატრიალდა. არ ვიცი, რა დამემართა. უცებ, თითქოს ვილაცამ შემიღივინაო, სიცილი ამიტყდა. ნეტა რა მაცივნებს? ალბათ,

გაზაფხულის თბილი მზე მილუტუნებს და იმიტომ ვიცინი. თან მზეს ვუჭვრიტინებ, თან ვხითხითებ ჩემთვის. ცირამუას ბიჭის გაკვირვებულ მზერაში აშკარად იკითხება — „შექანებულა ეს სანყალი!“ ვიყო მერე შექანებული! ამით რა დაშავდება? მეცინება და ვიცინი. გულის გულში რალაცა მიღიტინებს, რალაცით მევსება სულის ყველა კუნჭული... ვგრძნობ, შემეყვარდა ყველა და ყველაფერი — გაზაფხულის მზე, ცირამუას ბიჭის მიამიტური თვალეები, გალავანს მიღმა წამომართული მწვანე გორაკები, კოლონიის უფროსის მკაცრი, გამომცდელი შემოხედვა და, რაც მთავარია, მოგონებები, არ ვიცი, საიდან მოსული, ვისგან ნასესხები — ლაყვარდის ფერებით აელვარებული... პირზე ხელი მივიფარე, გავჩუმდი, შემეშინდა. ისე მოულოდნელი და უცნაური იყო ეს სიცილი... საიდან მოვიდა, როგორ გაჩნდა?

სარკეში მომინდა ჩახედვა. ამ ხნის მანძილზე სარკეში არ ჩამიხედავს. შევიზიზღე საკუთარი სახე, თვალს ვერ ვუსწორებდი საკუთარ მზერას, სადაც მხოლოდ და მხოლოდ სიძულვილსა და ტანჯვას აღმოვაჩენდი... ახლა კი რალაც შეიცვალა და სარკეში ჩახედვა მომინდა. „ჯიბის სარკე ხომ არა გაქვთ?“ — ახალგაზრდა ოსტატს ვეკითხები. „მაქვს! რად გინდა?“ „თუ შეიძლება, ჩამახედეთ!“ თავგადახოტრილი ყმაწვილის ანარეკლმა სწრაფად შემომხედა სარკიდან, მზერაში გაცემა აისახა. ვერ მიცნო. მე ვერ მიცნო ჩემმა ანარეკლმა. კარგა ხანს ვაკვირდებოდი. იყო, რა თქმა უნდა, რალაც ნაცნობი, ახლობელი, მაგრამ რალაცნაირად შელბილებული, დაეჭვებული... „გმადლობთ!“ — სარკე პატრონს დავუბრუნე, ჩემი ახალი სახე კი მხესიერებაში ჩავიბეჭდე: „შენ ახლა ასეთი ხარ!“ — კარგი იყო ეს თუ ცუდი, ამის გარკვევა არ ძალმიძდა, მაგრამ ახლა მე „ასეთი“ ვიყავი...

„ასე ნუ დამიძახებ!“ — ცირამუას ბიჭს ვთხოვე. ვერ გამიგო. რომც ამეხსნა, მაინც ვერ გამიგებდა. მხარზე ხელი მოვუთათუნე: „რამე შემარქვი, აგერ კოტორასათვის ხომ არასოდეს გიკითხავს ნამდვილი სახელი!“ „ე, — ვაკვირვებით შემომხედა, — კოტორა კოტორაა, სხვა რა დავუძახო, შენ კი...“ შეყოყმანდა. ღიმილით წავახალისე, თუმცა ნაძალადევი იყო ეს ღიმილი

და მიმიხვდა. „ბოლმა ხარ რა!“ „ვიყო თუგინდ ბოლმა!“ — თავი მორჩილად დავხარე. აქამდე აზრადაც არ მომსვლია, ბოლმა რომ ვიყავი. ვინმეს თუ ვებოლმებოდი, ისევ საკუთარ თავს. ახლა ის საკუთარი თავიც დავკარგე და უკვე აღარ ვიცი, ვის ვებოლმო. „ვიყო თუგინდ ბოლმა!“ — გავუმეორე. „კაცი ვერ გაგიგებს, ბოლმა ხარ და ეგაა!“ — იმანაც გამიმეორა, მერე უცბად დაუმატა: „გინდა კუკნას დაგიძახებ!“ გამეღიმა. კუკნა, ალბათ, პატარასა და მოცუცქნულს ნიშნავდა, მე კი ორი მტკაველის სიმალლიდან დავყურებდი ცირამუას ბიჭს. გინდ ბოლმა ვიყო, გინდ კუკნა, ჩემთვის სულ ერთია, მაგრამ მაინც „რატომ კუკნა?“ „გვყავდა ერთი კუკნა, ბოლმის ერთა იყო და ბოლმა კუკნას ვეძახდით!“ „ახლა სად არის?“ „ჩაიხრჩო, ალბათ, თავის ბოლმაში!“ — ცირამუას ბიჭმა გაიცინა. მე არ გამიცინია. მეტი არაფერი მითქვამს, არჩევანი ჩემზე იყო.

მომდევნო დღით, გამეღვიძა თუ არა, პირველი სიტყვა ეგ იყო. „კუკნა!“ — ხმამალლა შევეხმიანე საკუთარ თავს. „როგორა ხარ, კუკნა?“ — ცირამუას ბიჭმა თვალი ჩამიკრა. „ვა, კუკნა ყოფილა?“ — ვილაცამ ვაკვირვებით იკითხა. კუკნაო, — რა ჩქარა მიეკერება ადამიანს მეტსახელი. ერთი კვირაც არ გასულა, თვითონვე შევეგუე. ლუბა-დედას მორიგი წერილი რომ მივიღე, უკვე კუკნა ვიყავი. მეგონა, სხვის წერილს ვკითხულობდი. შვილის დამშვიდებას ცდილობდა ლუბა-დედა, გულს უკეთებდა; წერილს კი ცრემლის კვალი აჩნდა. ასო-ასო ვკითხულობდი და სიტყვებს უკუღმა ვგებულობდი. კარგადა ვარო, ცოტათი გავცივდიო, — ინერებოდა ლუბა-დედა. ალბათ, ძალიან ცუდად იყო, სიკვდილს ძლივს გადაურჩა. თანდიც კარგადააო, ხანდახან ცოტ-ცოტას სვამსო. ესე იგი სმას მიყო ხელი, იხრჩობა ღვინოში... თითქოს შორეული, უცხო ხმები ჩამესმოდა, გულს მიფორიაქებდა, დანაშაულის გრძნობას მიძლიერებდა. თავს ძალა დავატანე, საპასუხო წერილი მივწერე — „ძვირფასებო!“ ქვევით კი — „თქვენი კუკნა!“ მიხვდნენ კი, რას ნიშნავდა ეს მინაწერი? იქნებ იმასაც მიხვდნენ, სხვა რომ ვიყავი, ზაზა ჩიმაკაძე თითქმის მოვკალი ჩემში...

„თითქმის მოვკალი?“ დიას, ნიადაგ ვაშთობ ზაზა ჩიმაკაძეს, ნიადაგ ვკლავ, ის კი არა და არ კვდება, წინააღმდეგობას მიწევს.

ვცდილობ გავაქრო, მას კი გაქრობა არა სწავლია. მეხსიერების სარბიელზე გამართულ ომში მარტოლა ვარ, ერთი ჯარისკაციც არა მყავს. ყველანი მის მხარეს არიან, ისინი, ვინც მის მეგობრებად თვლიან თავს და ისინიც, ვისაც იგი სძულთ. ჩემს მხარეზე კი ჯერჯერობით მხოლოდ კუკნაა, „ბოლმა კუკნა“.

— ქურდების ამქარში მიგიღეს? — კოლონიის უფროსს ხელები ზურგს უკან შემოუნყვია. ისე გამართული დგას, რაც არის, იმაზე მაღალი ჩანს.

— ა-არა! — უნებლიე გაკვირვებით ვპასუხობ. — რატომ მეკითხებით, უფროსო?

— ქურდული სახელი შეგირჩევია, კუკნა!

— ანგლობაა, უფროსო!

ვილაცამ დამასმინა, მიურბენინა. მე ეს არა მწყინს. ამიერიდან მის მეხსიერებაშიც ხომ კუკნა ვიქნები.

მასწავლებლებს მაინც ვინ გააგებინა? მათემატიკის მასწავლებელი დაფასთან მიხმობს: „კუკნა, გამოდი, ამოხსენი!“ მოვწონვარ, ამოცანებს იოლად ვხსნი და საქმეს ვუადვილებ.

ოსტატი აღმაცერად მიყურებს. ცდას არ ვაკლებ, გულმოდგინედ ვჩარხავ. ხელი ისე გავინაფე, ზეინკლობით შემიძლია თავი ვირჩინო. ჩემზე უკეთ თვითონაც ვერ ჩარხავს, მაინც ცდილობს წუნი დამდოს, ბოლმით სისინებს: „შე მართლა კუკნა, შენა!“

ესეც არა მწყინს. რახან კუკნა ვარ, ვიყო კუკნა!

დღე აუტანლად ნელა მიზოზინებს, უსასრულოდ ინელება, ძლივს თენდება და ძლივს ღამდება.

აჰა, გაზაფხულიც მიილია, ზაფხული დადგა. წინ ორი საბუთი მიდევს, საშუალო განათლების ატესტატი და ზეინკლის მოწმობა. ორივეში წერია „ზაზა ჩიმაკაძე“, მე კი კარგა ხანია კუკნა ვარ...

თითქოს არასოდეს გათავდება ცხელი ზაფხული. გადამწვარ გორაკებზე ლივლივებს მხურვალე ჭავლი. ცა მოსარკულია, ისეთი სილურჯე იღვრება, თვალსა ტკენს... გარინდული ვზივარ ჩრდილში... ვფიქრობ... მე მუდამ ვფიქრობ... სამუშაოზე ვარ — ვფიქრობ, საქმელსა ვჭამ — ვფიქრობ, ღამე, ლოგინში ცხელა, ვერ ვიძინებ და ვფიქრობ... ისევ და ისევ ვკლავ ათასჯერ

მოკლულს, თავიდან ვიშორებ, ის კი არ მშორდება... მამუკა ლეჟავას დანის ერთი აქნევა დასჭირდა, ზაზა ჩიმაკაძეს კი აგერ წლები ვებრძვი და ვერაფერი მომიხერხებია. მინდა ჩიხში მოვინწყვილიო, ჩიხში კი მე ვარ მომწყვდეული... „კუკნა?“

უცებ გალიზიანებული უხეშად ვანყვეტინებ ცირამუას ბიჭს:

— კუკნა არა, ის არ გინდა!

ნანყენი მშორდება... ვიცი, „ბოლმა კუკნა“ მხოლოდ ფარსია, სამალავია, თავშესაფარია და მეტი არაფერი, გასაქცივი ადგილია...

ეს რომ გავიფიქრე, იმ წუთას მოკვდა „ბოლმა კუკნა“.

თავდახრილი ვდგავარ, ხელში ქუდს ვჭმუჭნი. ვხვდები, რატომაც გამომიძახეს. მაგიდას კოლონიის უფროსი უზის. ორი სხვა ოფიცერი აქეთ-იქით მიმჯდარა, ერთი მოადგილეა. მეორეს ვერა ვცნობ. უფროსი საბუთებს ხელს აწერს, ერთიმეორეზე დინჯად დებს და სამაგრს უკეთებს. უცნობს უწვდის. ისიც აუჩქარებლად ათვალეირებს, ტუჩებს აცმაცუნებს, თავს აქიცინებს.

— ხვდები, რატომ გამოგიძახე? — თვალს არ მაცილებს კოლონიის უფროსი. — თვრამეტი შეგისრულდა, ძმაო, ჩვეულებრივ კოლონიაში უნდა გადაგიყვანოთ! კარგ საბუთებს გატან. შუამდგომლობა დაგინერე, იქნებ სასჯელი შეგიკვეცონ. ხვალ გაგამგზავრებენ! ჭკვიანად იყავი, დამიჯერე, არავითარი კუკნა და ბოლმა!.. გესმის ჩემი?

მინდა ვუთხრა, სასჯელის შეკვეცა არ მითხოვია-მეთქი. მეტყინრობად ჩამეთვლება და ამიტომ მხოლოდ ორ სიტყვას ვამბობ:

— მესმის, უფროსო!

მაშ, თვრამეტი შემისრულდა?.. სადილზე ცირამუას ბიჭმა თავისი კომპოტი გადმომიდგა. არ მინდოდა, მაგრამ ისე შემომხედა, უარი ეწყინება-მეთქი და მადლობის ნიშნად თავი დაუუქნე. სამი თვის წინ თვითონ ჩვიდმეტი შეუსრულდა და მეც ჩემი თალია კომპოტით გავუმასპინძლდი.

საქმე არაფერი მაქვს. ჩემი დაბადების დღეა და არ მასაქმებენ. მარტოობას ვეძებ. კუთხე-კუთხე დავდივარ. ვიცი, ეს შეუძლებელია, მაინც ვცდილობ, მარტო ვიყო... სიცრუეა ყოველივე!

ბორკილები — ჩემი საბუთები, უსახური ქალღმერთის ასხმულა კვალზე მომყვება, ყოველ ნაბიჯს აღმინუსხავს და მომავალ ნაბიჯებსაც განსაზღვრავს... მე არ მსურს საბუთების მონობაში ვიყო, ვცდილობ, თავი დავაღწიო ყოველისშემძლე ქალღმერთს. რა ვქნა, როგორ მოვიქცე? იქნებ თავი მოვიკატუნო, დაე, ქვეყანამ კვლავ ზაზა ჩიმაკაძედ ჩამთვალოს. მერე კი, აქედან რომ გავალ, ეს ქალღმერთი იქნებ ცეცხლს მივცე და ყოველივე ნულიდან დავიწყო... ვითომ თავიდან დავიბადე, სულ სხვა სახელი და გვარი მექნება, ვითონაც სხვა ვიქნები და ცხოვრებაც სხვანაირად აენწყობა... ზღაპარი იყო ეს, ნაოცნებარი, მაგრამ ვერა და ვერ ვეშვებოდი. ისე ნათლად წარმოვიდგენდი ყოველივეს, ცხადი და ზღაპარი ამერია...

ნავახშმევს მორიგე ოფიცერმა, აქამდე სიტყვის ღირსადაც რომ არ ჩავუთვლივარ, დაბადების დღე მომილოცა, კაცობის ასაკისათვის მიგიღწევიაო და პაპიროსი გამომიწოდა. ჯერ არ ვენეოდი. არ გავანზილვე, მადლობა მოვახსენე და პაპიროსს მოვუკიდე. ბოლს ვერ ვყლაპავდი, ხველება ამიტყდა. ოფიცერმა ზურგზე ხელი დამარტყა და გამიცინა. კარგ გუნებაზე იყო და ამით ვისარგებლე. ვთხოვე, შეუძლოდა ვარ და ცოტა ადრე დავწვები-მეთქი. არ შეიძლებოდა, მაგრამ, მიდი, დაიძინეო...

თავი ბალიშზე მივდევდი და უმაღვე ოდინდელი სიზმარი გამიცოცხლდა. მაშინ ახალბედა პატიმარი ვიყავი. სოფელთან ჯერაც ცოცხალი ძაფები მაერთებდა და მთელი კვირა ერთი და იგივე სიზმარი მიმეორებოდა... ვითომ ჭუბურიშში ვარ, ვითომ სანწალეს პირას მივსეირნობ. მთელი კლასი აქ შეყრილა, ჭყუმპალაობენ. დამინახეს და ჟრიამული ატეხეს: „მამუკა მოვიდა, ჩვენი მამუკა!“ შევცბი. მინდა ავუხსნა, მამუკა კი არა, ზაზა ვარ, როგორ ვერა მცნობთ-მეთქი. იცინიან, მბუზნიან, მკოცნიან, ჩიორა კი მეუბნება, ნუ გვატყუებ, ზაზა ხომ დიდი ხანია მოჰკალი, დაგავინყდა კიდევცო... მართლა? როდის მოხდა ეს ამბავი? ერთად მიხსნიან, ერთმანეთს ასწრებენ და ვერაფერს ვიგებ... თავს ძლივს ვაღწევ, შინისაკენ მივეშურები. ფიცრული ოდის აივანზე ცინტუ ბებია მოაკაკუნებს ყავარჯნებს. კიდევ მეშინია და კიდევც მიხარია. კიბეზე ავრბივარ, ცინტუ ბებიას ყავარჯნები უც-

ვივა, ფეხზე ძლივსა დგას, აგერ, აგერ, ნაიქცევა. მივვარდი და ხელი შევაშველე. „ნენაია, ნენა, ჩემი ობოლი, ჩემი მამუკა!“ — სიხარულის ცრემლი სდის ცინტუ ბებიას. სინდისი მქენჯნის. ქვეყანას ხომ ვატყუებ, ამ საბრალლო დედაბერს რას ვერჩი-მეთქი... თვითონაც ავტირდი ვითომ, ოღონდ არ ვიცი, სიხარულისაა ეს ცრემლი თუ მწუხარებისა...

ვიღაცა უხეშად მანჯღრევს. „გაიღვიძე, ბიჭო, გაიღვიძე!“ — თვალს ძლივძლივს ვახელ. არსად არ წავსულვარ, აგერა ვარ, მოზარდთა კოლონიაში, ვნევარ ჩემს თხელ ლეიბზე, მახურავს თხელი საბანი და ცირამუას ბიჭი მანჯღრევს ღონივრად. „ისე ხმამაღლა ზღუქუნებდი, შემეშინდა!“

კედლისაკენ შევბრუნდი უსიტყვოდ. მერჩივნა სიზმარს დავბრუნებოდა, ჩემი დალუპული სიყმანვილე გამომეტირა.

ბნელ კედელს მივაშტერდი. გონება თითქოს გამინათდა. ქვეცნობიერი, ფარული ზრახვები სიტყვიერად ჩამომიყალიბდა და პირველად ახლა, პირისპირ შევხედე საკუთარ თავს, უეშმაკოდ შევეკითხე, მითხარი, რა გინდა, რას ესწრაფვი, რას უმაღავ სხვებსაც და შენს უხილავ მსაჯულსაც...

„მე არა ვარ ზაზა ჩიმაკაძე! — ამ სიტყვებით წარვსდექ ჩემი მსაჯულის წინაშე. — მე უკვე არა ვარ ზაზა ჩიმაკაძე!“ ჩემში, ალბათ, ადრე ცხოვრობდა იგი, მერე მისი მთლიანობა, ერთიანობა დაირღვა, დაიშალა... ნაწილ-ნაწილ შემომეფანტა ის, რასაც და ვისაც ზაზა ჩიმაკაძე ერქვა... ახლა როგორ მოვიქცე?.. ის სხვაა, მე სხვა ვარ. ნუთუ მოვალე უნდა ვიყო, მთელი ცხოვრება ვზიდო ტვირთი სხვისი დანაშაულისა? ნუთუ ვერასოდეს განვთავისუფლდები? არასოდეს დამიბრუნდება ის განცდა, როცა პირისპირ ვდგავართ მე და არსებობა კაცისა, მე და დანარჩენი სამყარო, მე — მთლიანი, ერთი, სამყარო — მრავალფეროვანი და მაინც ერთი.

იქნებ ჯობდა, თავი მომეკლა?.. თავდაპირველად მართლაც ასე მქონდა გადაწყვეტილი. არაერთგზის აწონე კიდევ, მაგრამ არ ვიცოდი, რითი, რა საშუალებით განმეხორციელებინა... მერე განვსაჯე, „იმას“ რას უშველიდა ჩემი სიკვდილი, „იმისთვის“ რა შეიცვლებოდა? მაშინ ამოტივტივდა უცნაური, გიჟური აზრი,

ჯერ უფორმო, მკრთალი... მერე და მერე, მრავალგზისი წვდომის შედეგად მოიპოვა ამ აზრმა მყარი უფლებები, თანდათან დაიპყრო ჩემი სული და გადანყვეტილებად იქცა... ჩემში უნდა მომეკლა ზაზა ჩიმაკაძე! უნდა მომესპო თვით მოგონება მასზე, ჩემი სახით კი ფერფლიდან აღმოცენდებოდა სულ სხვა პიროვნება, ბიჭი, რომელიც ერთხელ უკვე მოკლეს, მაგრამ მოკლეს მისი ფიზიკური არსი, რამეთუ ყოველივე დანარჩენი მე უნდა მეტვირთა...

- დიახ, მე ვიქნები მამუკა ლეჟავა! — ხმამაღლა წამომცდა.
- მეზობელ სანოლზე ცირამუას ბიჭი შეინძრა და ჩამეკითხა:
- რა თქვი?
- არაფერი!

მთელი ღამე ვიწრიალე. თავი ისე ამტკივდა, თითქოს რკინის სალტეები მომიჭირესო. არაქათი გამომელია. დილით ძლივს ავლასლასდი. პირზე ცივი წყალი შევისხი. საუზმე უგემურად დავლეჭე. მხოლოდ ცირამუას ბიჭს გამოვემშვიდობე, „როცა გამოხვალ, მომნახე!“ „ჰო, მოგნახავ!“ სიცრუე იყო ეს სიტყვები, ჩვენ ერთმანეთს ვერ მოგნახავდით, რადგან მე უკვე სხვა ვიქნებოდი.

დახურული მანქანით წამიყვანეს. გისოსებს მიღმა გუშაგის ბავშვური პირისახე მოჩანდა. თვალი დავხუჭე, დრო ბევრი მქონდა. ამიერიდან იმედით უნდა მეცოცხლა. აშკარად ვგრძნობდი, ჩემს სხეულში სხვა სული ჩასახლდა. ძველი პატრონი, საკუთარი დანაშაულის სიმძიმემ რომ მოტეხა, თანდათან მიიშრიტა და ბოლოს მთლად ფერფლად იქცა... იმ ფერფლზე კი უნდა აღმოცენებულიყო ახალი, ნორჩი, ხალასი, სათუთად ნალოლიავეები, გაუმხელელი, ეჭვის დილეგში მრავალგზის დაკითხული და გამონაცადი...

შეიარაღებული ბადრაგი ოთხივე კუთხეში რკინის ალმებს არჭობს. ეს არის ზღვარი. იმის იქით გასვლა აკრძალულია. აი, ამ მიკროსამყაროში უნდა ვიმუშაო. ჩაის ხასხასა რიგებს მივყვები. გვერდზე წნული კალათი მკიდია და დუყებით ვავსებ.

რიგს მეორე მხრიდან ღიპიანი ბიძაკაცი მოჰყვება. პატიმრის

რუხი ხალათი ულაზათოდ აცვია. ვიცი, მეკუჭნავე იყო და იმდენი შემოეჭამა, ათ მისთანას ეყოფოდა... ცხელა. მეკუჭნავეს ვარდისფერი ლოყები ალაჟღაჟებია. ხანდახან ქუდს მოიხდის, მელოტზე ოფლის წინწკლებს მოინმენდს და ჩაის ბურქისაკენ დაიხრება. უჭირს. მუცელი ჩამოჰკიდებია და როცა იხრება, ქვევით ეზიდება... სხვა რიგებს სხვა პატიმრები მიჰყვებიან. უკვე ყველას ვიცნობ. ვიცი, ვის რა ჰქვია, ვის რა მეტსახელი აქვს, ვინ რისთვის ზის. „ინტელიგენტთა“ მარაქაში მოვხვდი, არც „კანონიერი“ ქურდი გვირევი, არც რეციდივისტი. წვრილფეხობაა! პატარ-პატარა ცოდვებს ინანიებენ. დიდი-დიდი ორი-სამი წელი კრიფონ ეს ჩაი. შემდეგ კი შეეცდებიან მალევე დაივინყონ ცხოვრების განრიგის ეს გაუთვალისწინებელი შესწორება.

ყველას სათითაოდ ვიცნობ. ისინიც მიცნობენ, ჰგონიათ, რომ მიცნობენ. იციან, რომ საბუთებში ჩიმაკაძე მიწერია. ამის დაფარვა შეუძლებელია. დღეში ათჯერ მაინც დაგვაწყობენ რიგში, გადაგვთვლიან, ერთი ბადრაგი მეორეს გადაგვაბარებს... „პატიმარი ჩიმაკაძე!“ — ასე ამოიკითხავენ სიიდან. პროტესტის უფლება არა მაქვს. ან რა მნიშვნელობა აქვს, სიაში რა წერია. ამათ, ჩემს ბედში მყოფთ, კარგად დაიმახსოვრეს, რაც უნდა დამიძახონ. „რა გქვია?“ — პირველ შეხვედრაზე მკითხეს. „მამუკა! — ვუპასუხე და ყოველი შემთხვევისათვის ავუხსენი: — საბუთებში სხვა სახელი მიწერია“. სხვა სახელიც მალევე გაიგეს, მაგრამ არავინ დაიმახსოვრა. „მამუკა, პაპიროსის ნამწვი ხომ არ დაგრჩა?“ „მამუკა, წყალი მომანოდე, შენს გაზრდას!“ „მამუკა, ნორმას ვერ ვასრულებ, იქნებ ცოტა წამეხმარო!“ რალაცნაირ, ტკივილიან სიამოვნებას მანიჭებს და ამიტომ თხოვნას უმალ ვუსრულებ. იქნებ საჭიროზე უფრო ჩქარა, ცქვიტად შევეხმიანები ხოლმე. ჩემი სულსწრაფობა თვითონვე მწყინს. ვიცი, ეს ნაკლია. მართლა მამუკა რომ ვიყო, ასე არ ავჩქარდებოდი. რას ვიზამ? ბევრნაირად დასახვენი ვარ, მაგრამ დროა ჩემი შემწე, იმისი იმედი მაქვს. ჩვილი რომ იბადება, არაფერი იცის, მხოლოდ ინსტინქტებითაა აღჭურვილი. ცხოვრება ყოველ წუთს უტარებს გაკვეთილს, მისი სული თანდათან იწრთობა, თანდათან ყალიბდება... მეც ჩვილივით ვარ, თითქოს გუშინ დავიბადე და ცხოვ-

რებისეულ ანაბანას ახლავდა ვითვისებ, ჩემი სული ფერფლიდან აღმოცენდა და ახლა შორეული, ეკლიანი გზები უნდა განვვლო, მიზანს რომ მივალნიო.

კალათას სწრაფად ვავსებ, სხვებზე სწრაფად. სამუშაო მეიოლება. შემოძლია შეევკოვნი, ცოტათი შევისვენო. ჩაის მწვანე ბუჩქებში მზის სხივი იხლართება, ფოთლებში ბრჭყვიალებს. ცა ისე ლურჯი და კამკამაა, ამაზე ლურჯი და კამკამა არც შეიძლება იყოს. ალბათ, არც არასოდეს განვიმდება. ოთხივ მხრიდან ქარსაცავის ფიჭვნარი ჩამუქებულა. ჩეროს სიგრილე ხანდახან ჩემამდეც აღწევს. სამხრეთისაკენ გორაკების წყება იტალდება, დაბლა და დაბლა ეშვება, პლანტაციებსა და ქარსაცავებს დაუფარავს. ჩრდილოეთით კი თეთრად წამომართულა კავკასიის მაღალი მთები... ზოგჯერ ავხედავ, იქნებ გრილი ნიავი ჩამოვიდეს იქიდან, ოხშივარი განდევნოს და პირისახეზე მოგველამუნოს, ოფლი შეგვაშროს... მაგრამ ლოდინი ამაოა...

სანამ ვისვენებ, მეკუჭნავე წამომენევა. ხვნეშის, ოფლი ასკდება. კალათა სანახევროდაც ვერ გაუვსია. ჩემი კალათიდან ვუყრი ბლუჯა-ბლუჯა. სახე პირფერული ღიმილით ებადრება. „სალოლ, მამუკაჯან!“ მისი მადლობა არაფერში მჭირდება. თავს უსიტყვოდ ვუქნევ და კვლავ რიგს მივყვები.

დრო ჩქარა გადის. რაც აქ ჩამომიყვანეს, დროის მდინარეზე აჩქარდა. დღეების ჩამოთვლას ვერ ვასწრებ, უკვე კვირა გასულა. ერთსახოვანია ეს დღეები და იქნებ იმიტომაც ვერ ვამჩნევ დროის სწრაფვას. დღესაც, თითქოს ახლახან ვისაუზმეთ, მზემ კი უკვე გადაინია, ჩრდილები დაგრძელდა. სადაც მე ვკრეფ, ქარსაცავის ჩრდილი გადმოეფინა და აგრილდა. მეკუჭნავეს სიგრილე ესამოვნა და აჭიკჭიკდა, ოჯახის ამბებს მიყვება. უკვე ოცდაათჯერ აქვს მოყოლილი, მომბეზრდა, მაგრამ არ ვანყვეტინებ. რას მიშავებს, მოიხოს კაცმა გული. მე ჩემი საფიქრალი მყოფნის და თავში იგი მიტრიალებს. „მამუკაჯან, მგონი, არ მისმენ!“ „ჰო!“ — ანგარიშშიუცემლად ვპასუხობ. „რა ჰო, მისმენ თუ არ მისმენ?“

სასტვენის ხმა მშველის. მუშაობა დამთავრდა. ზღაზვნით მოინევენ პატიმრები, რიგში ვენწყობით. ყველას ერთნაირად

გვაცვია, უსიხარულო, შავი სატინის შარვალ-ხალათი. გვამონებენ, გვთვლიან. იქნებ დღეს სია სულაც არ წაიკითხონ, რამდენიმე წუთს მაინც მოვიგებთ. ბადრაგი თავის ადგილს იკავებს. ნელა მივდივართ. ხანდახან ვჩერდებით, სხვა კოლონები უნდა გავატაროთ. სანამ საკანში შევალწევდეთ, მთელი საათი გაივლის. დროს უქმად არ ვკარგავ. ჩემი ტვინი მუდამ მომართულია, ერთსა და იმავე საგანს დაჟინებით უკირკიტებს. თავის მონაფეს, ჯერაც ჩვილ სულს, წვრთნის და მოძღვრავს. თითქოს დრო ბევრი მაქვს, ფიქრში ჩაღრმავებას კი ვერ ვასწრებ. ვილაცა მკლავზე მექაჩება: „მამუკა, ხომ არ ჩაგეძინა?“ სიაში ამომიკითხეს, მე კი პასუხი შევაცოვნი...

საკანი ფართოა, ბევრნი ვეტევი. ოფლის მძიმე სუნი დგას, მაგრამ შევეჩვიე, არაფრად ვაგდებ. ყველა თავის საქმითაა დაკავებული. მეც ჩემი საქმე მანუხებს. ვზივარ და თვალი კედლისაკენ მიმიპყრია, კვლავ ჩემს ფიქრებს ვუღრმავდები. არ მაცლიან. „მამუკა, არ გესმის, ვახშამია!“ ფიქრი მეფანტება. „ვახშამი, თორემ არ მოგართვან შემწვარ-მოხრაკული!“ — ხითხითით ურთავს მეკუჭნავე.

ვსვამ უგემურ, ნელ-თბილ ჩაის და იმასლა ვფიქრობ, ნეტა როდის მივლაგდებით-მეთქი. ეს წუთიც დგება. ვწვები ჩემს ვინრო ლოგინში, ერთადერთ ადგილას, სადაც შემოძლია განვმარტოვდე. ძილ-ღვიძილში ვატარებ ღამეს, ხან სიზმარში ჩავეშვები, ხან ცხადში ამოვალ. კარგა ხანს ვწევარ თვალდახუჭული. არ მძინავს, ძალაუნებურად ყურს ვუგდებ ღამეულ ხმებს. დრო გადის, შეგრძნება ჟამის მდინარებისა მეკარგება. უკვე არ ვიცი, მძინავს თუ არა. უცნაურ ზმანებაში ვეფლობი. თითქოს სხვაგან ვწევარ, ალბათ მინის სიღრმეში. მყუდრო სასახლე მოუჩენიათ ჩემთვის. განძრევა არ შემოძლია. არც მაქვს განძრევის სურვილი. ისიც არ ვიცი, საერთოდ ვარ თუ არა ვარ. სიმსუბუქის ნეტარი გრძნობა მეუფლება. ეს პატარა, ვინრო საკანი თითქოს მთელი სამყაროა და ამ უკიდევანო სამყაროში დავფოფინებ. გონებას ძალას ვატან, უნდა გავიაზრო, უნდა მივხვდე რა ხდება. თითქოს მივხვდი კიდეც. მე აქ დამმარხეს, დიდი ქადრების ჩრდილში, ჭუბურიშის გადასახედზე. შორიახლო,

მინაში რაღაც დაგრაგნილა. არა, ეს უნასი როდია, ჭადრის მსხვილი ფესვია, ცოტაცოტაობით ჩემკენ მოინწევს, ალბათ მალე მოაღწევს და მაშინ მე ჭადარში გადავსახლდები... მინდა ხელი გავაცოცო, ჭრილობა შევიმონმო. კი არ მტკივა. იმიტომ ვამონ-მობ, რომ გავარკვიო, მე ვარ თუ არა. თუმცა ისიც არ ვიცი, ხელი სადა მაქვს... ბნელში რაღაც თეთრად ფუთფუთებს. ეს ჩემი მოძმეა, საფლავის ქია. მეხმარება, რათა არარაში ჩავიძირო, დავინყების მრუმე სიღრმეებში... ჩემი სული ისე მჩატეა, ისე მსუბუქი, ყოველ წამს შეუძლია უსასრულობაში განქარდეს... უმტკივნეულოა ეს განსვლა საკუთარი გვამიდან, თითქოს სამ-უდამოდ ვთავისუფლდები არსებობის ტანჯვისაგან...

ძინ-ძინ-ძინ! — საიდანღაც ჩამესმის მოგუდული ხმა სკოლის ზარისა...

უხეშად იგრილა უცებ. შიშისაგან შევხტი. ბნელ სარკმელს მიღმა იელვა და გადაიხრიგინა ჭექა-ქუხილმა, შხუილით წამოუშინა კოკისპირულმა. გული ამიჩქარდა. მძიმე და მტკივნეული ყოფილა საკუთარ გვამში დაბრუნება. ხელახლა უნდა მეტვირთა გადაწყვეტილებათა მძიმე ტვირთი. ვინეკი, ვუსმენდი მოულოდნელად მოვარდნილი წვიმის შხრიალს და ვფიქრობდი: „რა იყო ეს? რა მეზმანა?“

გათენდა, მზემ შემოიჭყიტა. ხეთა ტოტებიდან წკაპანკუპით ცვიოდა ცივი, გამჭვირვალე წვეთები. სველ მინას ოხშივარი ასდიოდა. ოთხ-ოთხად ჩამწკრივებულნი, ბადრაგის თანხლებით მივდივართ პლანტაციისაკენ. უკვე დავითვალე, შვიდასი დღე დამრჩენია კიდევ. შვიდასჯერ უნდა დავადგე ამ გზას დილაუთენია და შვიდასჯერ უნდა მოვბრუნდე საღამოს. შვიდასჯერ გამიმეორდება ჩემი უცნაური სიზმრები. წინასწარ ვიცი, ყოველდღე თითო ღერი თმა გამითეთრდება, მაგრამ თითო კენჭიც მომატება შენობას, მე რომ ვაშენებ...

მოსახვევთან მანქანას დაველოდე და მაინცდამაინც ჯოტო გვილავამ გამიჩერა. უმაღვე ვიცანი, შეევყოყმანდი, მაგრამ უკანდახვევა გვიანი იყო და შინაურულად გავუღიმე.

— მთელი საათია, ავტობუსს ველოდები! — შევეცადე ხალ-

ისით მეტქვა.

ჯოტო გვილავა წინ იყურებოდა, ალბათ, საუბრის გუნებაზე არ იყო, ზრდილობის გულისათვის შემეხმანა:

— ერთი დანჯღრეული ნაგვის ყუთი დაგვიდის, ვინ იცის, როდის ჩამოივლის!

მივხვდი, ველარა მცნობდა. ამან ცოტათი დამამშვიდა. ყურადღება გზაზე გადავიტანე. მძიმე იყო გადაწყვეტილების მიღება. შინაგანი ხმა მკარნახობდა, აქედან ფეხი ამოიკვეთეო. უმჯობესია, სადმე შორს გადაიკარგო, ხომ ცხოვრობს მილიონობით ადამიანი, ვინაც ჭუბურიშის სახსენებელიც არ იცისო, მაგრამ ვგრძნობდი, სხვა გზები ჩემთვის არ არსებობდა...

— ჩიმაკადის ბიჭი არა ხარ შენ?

შევეცადე, უნებლიე კრთომა დამემალა, უხმოდ დავუქნიე თავი.

— გაგათავისუფლეს? — ჯოტო გვილავა აქამდე მოწყენით ატრიალებდა საჭეს, ახლა კი გამოცოცხლდა, ალაპარაკდა: — რა ჩქარა გადის, კაცო, დრო, ჰა! ძალიან შეცვლილი კი მეჩვენები, დავაჟაკებულხარ, დაკაცებულხარ!.. — აქ ხმაში სევდა შეეპარა: — გეცოდინება, ალბათ, თქვენები აქედან აიყარნენ!

თავი ისევ დავუქნიე.

— შენ ნუ გეწყინება და... ძველი სატკივარის გახსენება, რა თქმა უნდა, ძნელია... აბა, რა ექნათ თქვენებს? თანდი მთლად წახდა, შვილი მომიკვდაო, გამოგიგლოვა. მუშაობას თავი მიანება, სმა დაიწყო. დედაშენიც ავადმყოფობდა. ხალხიც, ხომ იცი, ათასნაირი ჯურისაა, როგორღაც თავისთავად მოხდა, თითქოს განზე გაირიყნენო...

— ყველაფერი ვიცი, ჯოტო ბიძია! — ხმა ძლივს ამოვიღე. — ყველაფერი ვიცი, მაგრამ სხვანაირად არ შემეძლო, მე აქ უნდა მოვსულიყავი!

— რა თქმა უნდა, რა თქმა უნდა! — ნაჩქარევად მიპასუხა, მომეჩვენა, არცთუ გულწრფელად. — მერე აქ ვისთან უნდა გაჩერდე? თუ გინდა, ჩემთან წამოდი!

— გმადლობ, ჯოტო ბიძია, მაქვს გასაჩერებელი ადგილი!

— შენი საქმისა შენ იცი!

მეტი არაფერი გვითქვამს. ჩუმად ვისხედით. გავყურებდი ჩემი ბავშვობის ადგილებს, ნანატრ ადგილებს და გული სევდით მევსებოდა. მერე იქიდან, სადაც დაღმართი იწყება, უცბად გადაიშალა ჭუბურიშის სანახები. რამდენი დრო გავიდა და ყველაფერი ისეთივე იყო, როგორც ადრე... თუმცა არა, ფერებს უფრო მკვეთრად აღვიქვამდი და სუნსაც, ნიავს რომ ფანჯარაში შემოჰქონდა...

სასაფლაოსთან გავაჩერებინე. მადლობა მოვახსენე. გაკვირვება არ დაიმჩნია და დინჯად დამარიგა:

— ცუდი არაფერი მოინიო, ბიძიკო! შენ ახლა სასჯელი მოხდელი გაქვს. უკან არც უნდა მიიხედო, მთელი ცხოვრება წინ გიდევს!

— ის ბიჭი არა ვარ მე, ჯოტო ბიძია, თქვენ რომ მიცნობდით! სულ სხვა კაცი ვარ ახლა მე!

— ღმერთმა ქნას, ღმერთმა ქნას! — ჯოტო გვილაგამ მანქანა დაძრა, მე კი ბილიკს დავუყევი.

ხომ არ ვიცოდი ის ადგილი, გუმანით მივაკვლიე.

ვერ ვიტყვი, რამდენ ხანს ვიდექი და თვალს არ ვაშორებდი მარმარილოს მომცრო სვეტს... „მამუკა ლეჟავას, თანაკლასელებისაგან“, ცოტა ქვემოთ კი, უფრო გვიან ამოკვეთილი — „ცინტუ კვირკველია“.

მოგვიანებით, როცა მინდოდა გამეხსენებინა ის პირველი წამები, ვერაფერი მოვიგონე. თავდაპირველად თითქოს არაფერი მიგრძენია. შემთხვევით შემოხეტებული ადამიანით ვათვალიერებდი ორ თანაბარ ბორცვს და ამ პატარა მარმარილოს სვეტს. რალაცნაირად ვერ აღვიქვი, შინაარსი ვერ ჩავდე ჩემ წინ გაშლილ სურათში. ეს გრძნობა უცხოობისა რამდენიმე წამს გაგრძელდა მხოლოდ და უცბად, თითქოს ცა მოირღვა, მთელი თავისი სიმძიმით დამანვა, მომლუნა, წელში გამწყვიტა. რამდენი დღე და საათი სულ ერთსა და იმავე ფიქრს ვუტრიალებდი — როგორ მოვიდოდი ამ საფლავებთან, მუხლს მოვიყრიდი, და რადგან ეს იყო ჩემი ერთადერთი საყდარი, ერთადერთი სალოცავი ადგილი — გულწრფელი აღსარების შემდეგ შენდობას ვითხოვდი... ალბათ, მოვეყვებოდი ამბავს მკვლელ-

ის სასტიკად დასჯისა, მისი არარად, ფერფლად ქცევისა და გამოვითხოვდი ნებართვას მეცხოვრა ახალ ჰიპოსტასში... და აი, მოვედი, ვდგავარ, ვუყურებ და ვგრძნობ, ყოველი ნაფიქრალი წამში დამეფანტა, ყოველი იმედი უსუსური და უსაფუძვლო ყოფილა... აქ მოსვლამდე მე უკვე დავიჯერე, რომ სხვა ვარ!.. სწორედ აქ, საფლავის ამ პატარა სვეტთან უნდა გამეკვია საბოლოოდ ყოველი, უნდა გადამელახა შეუძლებლობის ბარიერი და რაოდენ მტკივნეული, მძიმე აღმოჩნდა იგი.

დიდხანს ვიდექი. წინ ლორთქო სანახებში ჩაფლული ჭუბურიში თვლემდა მომლოდინედ...

მინდოდა მეიძულებინა თავი, ხმამაღლა მეთქვა: „მე ვარ მამუკა ლეჟავა, დიახ, ლეჟავა!“ მაგრამ ვერ ვაიძულე, რადგან სიტყვები თამამსა ჰგავდა, ისინი გულწრფელ მოწოდებას თითქოს კლავდნენ. ძირს დავემხე და ავტირდი. ცრემლმა სულის ხვატი შემინელა, ტკივილები დამიყურა და მე — მამუკა ლეჟავა გავშორდი ჩემს საფლავს, ვინრო ბილიკით სოფლისაკენ დავემვი...

მზე უკვე დასავლეთისაკენ გადაქანდა, მცხუნვარება შეუნელდა.

უკანა ეზოებით ვარჩიე სიარული. ხან მეშინოდა, ვინმეს არ გადავყროდი, ხან, პირიქით, მენადა, სოფელი შემეყარა და მეყვირა: „ხალხო, ველარა მცნობთ, მკვდრეთით აღმდგარი მამუკა ვარ!“

ჩიმაკაძეების სახლის სახურავი დავლანდე შორიდან, თუმცა ის უკვე აღარ იყო ჩიმაკაძეებისა. რა მესაქმებოდა ჩიმაკაძეებთან, მაგრამ გულის ჩხვლეტა მაინც ვიგრძენი.

სანწალეს მივალნიე, სამ მუხასთან გავედი. მუხები მოუჭრიათ თურმე. ნამუხარზე წვრილი ჩოჩქი ამოყრილიყო, ისიც თხას გადაეჭამა და გული დამწყდა. ჩაშრეტილი სანწალე მშვიდად მიჟღურტულედა ქვებში. ერთგან გუბდებოდა, იქ, სადაც საბანაო გვექონდა. რამოდენა გვეჩვენებოდა მაშინ და რა პატარა ყოფილა. გამახსენდა თინიკო კელაპტრიშვილი, მამიკოს მანქანიდან თოჯინასავით რომ გამოყო თავი. გამახსენდა, როგორ შემრცხვა, შარვლის ტოტში ვერ ვახვედრებდი ფეხს. ცინო მჟავიამ კი იტირა. ამ გახსენებამ ერთხელ კიდევ მატიკინა

გული. გახსენებამ-მეთქი, განა ერთი ნუთით დავივიწყე რამე. ისე ნათლად, ისე გამოკვეთილად მახსოვდა ყოველივე, მაგრამ ახლა, სანწალეს გამჭვირვალე წყალში რომ ვიცქირებოდი, ზედ-მინვენით ცოცხლად შევიგრძენი ყოველი წამი.

ამოვიოხრე. სად არის ნეტავ ციციწო მჟავია? სად არიან გოგონები და ბიჭები? რას აკეთებენ? როგორ მიმიღებენ? ამას რომ ვფიქრობდი, გული შიშისაგან მენურებოდა... ხსნას ოცნებაშილა ვეძებდი, დროს ძალისძალათი ვაჩერებდი. იმ დღეების შემობრუნება მინდოდა, როცა სკოლაში დავდიოდი და თინიკოს მძიმე ჩანთას მივათრევდი...

კელაპტრომვილების დიდი სახლი რომ დავინახე, მზერა იქითკენ გამექცა და ფიქრში შევუძახე: „ეჭვი, თინიკო კელპტრომვილო, ჩამოვედი შენი საჭურჭლეთმტვირთველი, შენი სანჩო!“ მაგრამ ჩემი მტერი — შიში ფეხდაფეხ მომდევდა და გავშორდი იქაურობას.

მზე უკვე ცის კიდეზე ეშვებოდა, როცა ეზოს უკანა მხრიდან მივადექი. წკნელის ლობემ ჩემს სიმძიმეს ვერ გაუძლო. ნაყანევი ბალახს დაეფარა. რაც ცინტუ ბებია მიიცვალა, ბარი და თოხი ამ მინას არ გაჰკარებია. აქამდე არც დავფიქრებულვარ, თუ როგორ შევიდოდი „ჩემს სახლში“. ვინ იცის, იქნებ ცინტუ ბებია სიკვდილის წინ გაყიდა სახლ-კარი, ან ვინმეს უანდერძა, ან უსახლკარო ვინმე შემოსახლა სოფელმა. ფეხი ავითრიე, სითამამე შემინელდა. ასე გადავჭერი ნაყანევი და ნაბოსტნარი. ოდის ლაფაროში დიდხანს ვაბრაგუნე ფეხი, თუმცა ტალახი არ მომცხებია. სახლში სრული მდუმარება სუფევდა, არავინ გამომეხმაურა, ყოველივეს აჩნდა მიტოვებულისა და რღვევის კვალი.

კიბეზე რომ ავდიოდი, წინა აივანზე ცინტუ ბებია დავლანდე. წამოინია ჩემს შესახვედრად, ყავარჯნებს დაეყრდნო. გული შემეჩქროლდა. მეორე წამს მივხვდი, შუშაზე მზის მენამულმა ანარეკლმა გაიელვა და იმან შემაცდინა. დამშვიდებით კი აბა რა დამამშვიდებდა. აივნის ფიცრები რომ ავაჭრაჭუნე, კინალამ მუხლები მომეკვეთა. მოაჯირს ვსტაცე ხელი და მცირე ხანს სულს ვიბრუნებდი.

ადამიანი ყოველივეს ეგუება. მეც უნდა შევეგუებოდი ჩემს ახალ ცხოვრებას. მივიხედ-მოვიხედე. აივანზე, ალბათ, ჯერ კიდევ შემოდგომაზე, გამხმარი ფოთლები შემოეხვეტა ქარს. ნიავის შემოქროლვაზე სუსტი შარიშური ისმოდა.

კარი უბრალოდ მიხურული იყო და შევადე.

ნესტისა და ობის სუნი მეცა. ყველაფერს მტვერი ეფინა. ჭერი ერთიანად მოებლანდა ობობას. ამ ბუხარში წლების მანძილზე ცეცხლი არ ენთო. ცინტუ ბებიას რკინის საწოლი ჟანგს შეეჭამა. სასადილო ოთახში ჯამ-ჭურჭლის ნამსხვრევები ეყარა. ალბათ, რაც კარგი იყო, ვილაცამ გაზიდა... კუთხის ოთახში ხის ტახტი, დანჯღრეული განჯინა და უპატრონოდ მიყრილ-მოყრილი წიგნები დამხვდა. ხელი ამიკანკალდა... იატაკიდან რვეული ავიღე და გადავშალე. რა აცაბაცა ასოებით ვწერდი!.. ცინტუ ბებია მიწყებოდა, მიწუნებდა ბატიფეხურს, მელნის ლაქებს, მე კი ყურადღებას არ ვაქცევდი...

განჯინის უჯრა გამოვნიე. ვიცოდი, რაც იქ ინახებოდა — სიძველისა და ნესტისაგან დაშლილი საოჯახო ალბომი. ფოტოები ამოვკრიფე და მაგიდაზე გავშალე.

თავდაპირველად ძველთაძველი სურათები დავათვალიერე. ჩოხაახალუხიანი, წვერულვაშიანი მამაკაცები და ჩიხტიკოპიანი ქალები წინა საუკუნიდან შემომცქეროდნენ თითქოს. ეს ლამაზი გოგონა, ალბათ, ცინტუ ბებია იქნებოდა. გაყვითლებულ ფოტოზე მისი სახე ოდნავ აჩნდა... მერე ახალგაზრდა წყვილის სურათს წავანყედი. ვაჟს კიტელი ეცვა, ქალს კი აბრეშუმის თხელი კაბა. დიდხანს ვაკვირდებოდი, საკუთარ თავს ვამსგავსებდი. ესენი, ალბათ, დედ-მამა იყვნენ... მერე კვლავ ცინტუ ბებიას სურათი ვიპოვე. თეთრი ბერეტი ეხურა და ნიკაპი კოპნიად ჩამოეყრდნო მჯიღზე.

უცებ ორად დაკეცილი ქალაღი გადმოვარდა. დაბადების მოწმობა იყო. დიახ, მე — მამუკა ლეჟავა დავიბადე ამა და ამ წლის ამა და ამ თვის ამა და ამ რიცხვში... მოწმობა ჯიბეში ჩავიდე და ახლალა ვიგრძენი, რა უსაშველოდ დავილაღე.

პიჯაკი დავიფინე და ისევ დავეგდე ტახტზე. თვალი დავხუჭე. როგორმე უნდა დამეძინა. ძილი ნერვებს დამინყნარებდა,

დამამშვიდებდა. ვერ იქნა, თავი ვერ ვაიძულე. შფოთიანი ფიქრები ამედევნა. საფეთქლები ამტკივდა. ობისა და ნესტის სუნმა სუნთქვა დამიხშო. წამოვინიე, ფანჯარას ხელი ვკარი... სიბნელიდან გრილი ნიავი შემოიჭრა, გულზე მომეფონა და უმაღვე ჩამეძინა...

თითქოს ორიოდ წუთი გავიდა. მე მომეჩვენა ასე. კიბემ დაიჭრაჭუნა. მერე ფეხის ხმამ აივანზე გადაინაცვლა და თვალი დავაჭყიტე.

მზე უკვე მალლა იდგა.

წამოვხტი. გული სწრაფად მიცემდა, არ ვიცი, შიშისაგან, არ ვიცი, უცბად რომ წამოვხტი, იმიტომ.

ფეხის ხმა მომეჩვენა-მეთქი, გავიფიქრე და მაშინვე გავიგონე, ვილაცამ სახლს აუჩქარებლად შემოუარა. მივხვდი, მოლიავებულ ფანჯარასთან გაჩერდა. ცოტა ხანს იყურა. მერე ჩაახველა გამაფრთხილებლად, აქაოდა ნურაფერი შეგეშლება, აგერა ვარო. მძიმედ ამოაბიჯა კიბეზე, ააჭრაჭუნა აივნის ფიცრები და კარს მოაწვა.

— მობრძანდით! — ხმამალლა გავძახე. თავს თითქოს ყოჩაღად ვგრძნობდი, ხმა კი მიკანკალებდა და ამან გამაკვირვა.

კარი გაიღო. ჯოტო გვილავა გაეჩხირა გვერდულად. თვალები მოეჭურტა და ვერ მივხვდი, ოთახის ბინდს აჩვევდა, თუ მე მსწავლობდა. მერე უკან დაიხია და ხველებ-ხველებით ჩაიხრიალა:

— გამოდი აივანზე!

გამოვედი. აივნის სვეტს მივეყრდენი და მდუმარედ შევხედე.

— ესაა, ბიჭო, ღამის გასათევი მაქვსო?

მის კითხვაში ყოყმანი ვიგრძენი. არ იცოდა, რანაირად შეეფასებინა ჩემი მოქმედება.

იქნებ ჯობდა დაბადების მოწმობა ამომელო ჯიბიდან, მეჩვენებინა და ამეხსნა, ჯოტო ბიძია, ჩემში მოკვდა ზაზა ჩიმაკაძე, მე მამუკა ლეჟავა ვარ-მეთქი. მივხვდი, ამის თქმა არ ღირდა, ვერაფერს გავაგებინებდი.

მხრები ავიჩეჩე.

კარგა ხანს მიყურა. ელოდა, თავის მართლებას დაინწყებ-

სო, მერე უკმაყოფილოდ გააქნია თავი, რა თქმა უნდა, ფსიქიატრის პაციენტად ჩამთვალა და გამშორდა.

ვიდექი და ვუყურებდი. ჭიშკართან შეჩერდა, მუშტი მომიღერა და მუქართ დაიხროტინა:

— არ გნახოს ჩემმა თვალებმა!.. უუ, ლანირაკო!

ამ სიტყვების გარდა ვერაფერი გავიგე, თუმცა კარგა ხანს მესმოდა მისი გაავებული დუდლუნი.

დავრჩი გულნატკენი და დაბნეული, თუმცა რად უნდა მქონოდა სხვა იმედი.

საშინლად მომშივდა. კურტაკი მოვიცვი და ეზოდან გავედი. ორლობეში არავინ შემხვედრია. ორლობე რომ შარაგზას უერთდება, იქ ერთი პატარა „საჩაიეა“. ისე ერქვა „საჩაიე“, თორემ ლუდისა და არაყის გარდა სხვა სასმელი არ იცოდნენ. კერძი კი, რაც დავიბადე, ერთი და იგივე იყო — ჯიგრის ყაურმა.

— კათხა ლუდი და ერთიც ყაურმა!

დახლიდარმა ცნობისმოყვარედ შემათვალა. მიცნო? ვერ მიცნო? ჩემთვის რა მნიშვნელობა ჰქონდა, ანგარიში გავუსწორე და კუთხის მაგიდას მივუჯექი. თავდახრილი ვჭამდი და წინაკის სიცხარეს ცივი ლუდით ვაქრობდი. ვიცოდი, მითვალთვალბდნენ. გასაკვირი რა იყო. ზოგისთვის მთლად უცხო სტუმარი ვიყავი, სოფელია, სტუმარს მოურიდებლად ათვალაიერებენ. ზოგმა იქნებ ჩემს გარეგნობაში ჩიმაკაძის ბიჭი ამოიცნო. ეს აზრი დიდად არ მსიამოვნებდა და შევეცადე, იქაურობას მალე გავცლოდი.

სხვაგან სად უნდა წავსულიყავი, დაფუყევი გზას და ფეხებმა თავისით მიმიყვანეს სკოლაში. ხომ ორიოდ ნაბიჯია, ისე მოვთავდი, შესასვლელთან რომ ძელსკამია, თავი იქამდე ძლივს მივიტანე. ახლალა გამახსენდა, არდადეგები იყო და ბავშვების ჟრიამული იმიტომაც არ იკლებდა იქაურობას. არ მახსოვს, რამდენ ხანს ვეფიცებოდი მზეს, თითქოს გულ-მკერდი გამყინვოდა და მზის ეს მცხუნვარება ცოტათი მაინც მათბობდა.

ფეხის ხმამ გამომაფხიზლა. ქალი მოაკაკუნებდა მალალ ქუსლებს. ღმერთო ჩემო, ეს ზაირა მჟავია იყო. ხელნაკრავით წამოვხტი, ჯარისკაცივით ავისვეტე და გავფითრდი, გავ-

ფიქრადი, მთლად ქალაქივით გავიცრიცე, ალბათ, სახეზე სისხლის ნატამალი არ შემრჩა. მე კი მხოლოდ მის სანახავად მოვედი აქ, მისი სიტყვების მოსმენა მენადა, მისი მსჯავრი უნდა გამეგო. ამას იმ წუთას მივხვდი, როცა ცოცხალ-მკვდარი ველოდებოდი ზაირა მჟავიას მოახლოებას.

თვალი დავხუჭე, დავიბრმავე.

ფეხსაცმელების კაკუნი შენელდა, შენელდა და შეწყდა.

თვალი დავაჭყიტე. ისიც ისე გამტკნარებული იდგა, მომჩერებოდა და ვერაფერი ეთქვა.

ჩემს გულში კი აკივლდა ხმა: „ზაირა მასნ, თქვენ თუ გამიგებთ, ზაირა მასნ!“ მაგრამ ხმის ამოღება ვერ შევძელი, თვალი დავხუჭე და სკამზე დავეშვი. კვლავ აკაკუნდა ფილაქანზე ფეხსაცმელები, სწრაფად გამშორდა, მე კი სახეზე ხელები ავიფარე და გავირინდე.

მერე, არ ვიცი რა დროის შემდეგ, ფიქრი კვლავ ამოძრავდა. რა უნდა მექნა?.. იქნებ შევსულიყავი სკოლაში. წარმოვიდგინე კიდეც, რა ამბავი ატყდებოდა. ზოგიერთი მასწავლებელი ვერც მიცნობდა, ზოგი თვალს განგებ ამარიდებდა, სხვები კი არაფრისმთქმელი ფრაზებით გამომისტუმრებდნენ. დავდგებოდი, ალბათ, და დავიწყებდი აბდაუბდას იმაზე, თუ ვინა ვარ და რა ვარ. ესენიც იფიქრებდნენ, შექანებულაო და ერთი სული ექნებოდათ, როდის გავეცლებოდი. ისიდორე დიდმელია მორთავდა ხვნემას და ხელების ფშვნეტას, იმდენს იზამდა, სამასწავლებლოდან გაიძურნებოდა. პეტრე კუჭავა თავს სინანულით გააქნევდა, რა მათემატიკოსი დამელუპაო. მისი ცხოვრების ოცნება ხომ ეგ იყო, ერთი ცნობილი მათემატიკოსი მაინც გამოეზარდა. აბესალომ ფალავანდიშვილი — სკოლის დირექტორი, სხვაზე მეტ პირდაპირობას გამოიჩინდა. შეაპარებდა ხელს პერანგში, მკერდს მოისრესდა და ხვნესა-ხვნემით ამოთქვამდა: „რა გინდა, ბიძია, მთავრობამ ხომ გაპატია, ნადი ახლა, გადაიკარგე და იცხოვრე ჩუმად!“

ისეთი გუნებით ავდექი სკამიდან, თითქოს აბესალომ ფალავანდიშვილი მართლაც მენახოს და მართლაც ეთქვას ეს სიტყვები. უკან დავუყვივ ერთადერთ ტროტუარს. გამახსენდა ის

უნყინარი თრთოლვა სულისა, მაშინ რომ მეუფლებოდა, როცა თინიკოს მძიმე ჩანთას მივათრევდი. ამ გახსენებამ ძალა შემმატა. ახლა თინიკო კელაპტრიშვილის სახელი იყო ჩემი გადამრჩენელი. სხვა არსაითკენ მქონდა გზა და მეც სწრაფად მივალნიე მთავარი აგრონომის სახლამდე.

კელაპტრიშვილების ქიშკარზე უზარმაზარი ბოქლომი ეკიდა. კარ-ფანჯრები ისე მიეგმანათ, ეტყობოდა, კარგა ხანი იყო, აქ არავინ ცხოვრობდა. ვინრიალე ერთ ადგილას, მინდოდა გამეკითხა მთავარი აგრონომის ასავალ-დასავალი. ბოლოს პატარა ბიჭუნამ გამოიარა და იმას ვკითხე.

— ესენი?.. ესენი ქალაქში გადავიდნენ, საბჭოს ქუჩაზე! — მითხრა და შიშველი ფეხების ტყაპა-ტყუპით გამშორდა.

ღონემიხდილი მივლასლასებდი და მხოლოდ იმ წუთზე ვოცნებობდი, ეზოში რომ შევალნევი, სადმე ჩეროში, პირდაპირ შიშველ მდელოზე დავეგდებოდი და დავიძინებდი... ისე მაგრად დავიძინებდი, მთელი კვირა ვერავინ გამაღვიძებდა...

ტრიფოლიატს რომ მივალნიე, ხმები შემომესმა. ზევიდან გადავიჭვრიტე. ჩემი ყოფილი თანაკლასელები იყვნენ. ვისაც, ალბათ, ხმა მისწვდა, აქეთ გამოეშურნენ და ეზოში მელოდებოდნენ. უკან მიბრუნებას აზრი არ ჰქონდა. უკანასკნელი ძალა მოვიკრიბე, თავი მალლა ავნიე და ისე შევაბიჯე... შუაში, სკამზე ზაირა მჟავია იჯდა. ბიჭები, ზოგი ხეს მიყრდნობოდა, ზოგიც პირდაპირ მდელოზე წამოწოლილიყო. გოგონებიც აგერ იყვნენ, ცალკე ჯგუფად ზაირა მასწავლებლის ზურგს უკან იდგნენ.

ყველამ ჩემკენ მოიხედა და მივხვდი, ეს სამსჯავრო იყო. არც გამკვირვებია, არც პროტესტის გრძნობა დამბადებია. ალბათ, ამათ ჰქონდათ მსჯავრის დადების ყველაზე მეტი უფლება.

უხმოდ გავჩერდი, გულზეხელდაჭდობილი, თითქოს ამით ვამბობდი, აბა, შემომხედეთ! შევიცვალე? იგივე დავრჩი? იქნებ უკვე სხვა ვარ?

ბეშქენ დავითულიანმა თვალი ამარიდა, ამოიოხრა. ციცო ფალავანდიშვილი მიუახლოვდა, მკლავზე ჩამოეყრდნო. „დაქონინებულან!“ — დავასკვნი და, ალბათ, არც შევმცდარ-

ვარ. ციციწო მჟავია გალამაზებულა, გამხდარი, აშოლტილი ქალიშვილია. თვალეზში დაღლა ეტყობა, ნამეცადინებია. ალბათ, ჯერჯერობით არ გაუმართლა და ხელახლა ემზადება გამოცდებისათვის. ეკა ცქვიტინიძე ჩამრგვალეზულა, თითზე ბეჭედი უკეთია. ნეტავი ვინ გააბედნიერა? ავთანდილ ბებიას კოტიტა ხელეზს მაზუთის კვალი ამჩნევია, ალბათ, ტრაქტორისტიკა ანდა თვითმცლელ მანქანას დააქროლებს. დავით ქანთარია უკვე გაშავებულა მზეზე, ჩაის საკრეფზე მუშაობს. ეგ ამბავი უკვე ვიცი. გოგა ჯიჭონაია მთლად გაცრეცილა, ახლაც თვალეზში შიში უკრთის. ალბათ, ესეც ემზადება. იქნებ სტუდენტია და სტუდენტურ სესიებზე ფიქრი ზარავს. ჩიორა ისევე ჩიორად დარჩა, ალბათ, კვლავაც რაღაცას თავკაცობს, ახლა კი, ამწუთას ყოფილ თანაკლასელთა ნაჩქარევ ყრილობას.

— აბა, რითი გავგანათლებ? — მეკითხება. მის ხმაში არც სითბო ისმის, არც სიცივე, მხოლოდ და მხოლოდ მდუმარების დასარღვევად გაისმა.

და მე ავლაპარაკდი. თავდაპირველად ცოტა არეულად, მერე თანდათან ნერვები მოვითოკე და სიტყვები მწყობრად დალაგდნენ. რაც მეტს ვლაპარაკობდი, ნათქვამი მით უფრო ლოგიკური და დამაჯერებელი მეჩვენებოდა. მათს სახეზე ვკითხულობდი ცნობისმოყვარეობას, განცვიფრებას, მიხვედრის სურვილს. ვყვებოდი დანაშაულზე, ტანჯვის იმ თვეებზე, როცა მინდოდა თავი მომეკლა, სასამართლოზე, განაჩენის სიმსუბუქეზე, რამაც სული უფრო დამიმძიმა, სასჯელზე, საკუთარ თავს რომ მივუსაჯე... უძნელეს მიზანზე, რომლის განხორციელებას ამდენი ღონე შევალე. შინაგან, დაძაბულ მუშაობაზე დღედაღამ, როცა ნერვები დანყვეტაზე გაქვს. თანდათან ჩემში ჩავკალი ზაზა ჩიმაკაძე, მოვსპე მისი ხსენება, მეხსიერებიდან ამოიშალა იგი და თუ ადამიანის მეხსიერება გადამწვარ უდაბნოს დაემსგავსა, იგი უკვე აღარ არსებობს. ასე დავსაჯე სიკვდილით ზაზა ჩიმაკაძე და განთავისუფლებულ სხეულში ჩავასახლე მამუკა ლეჟავა... ნაბიჯ-ნაბიჯ გაცოცხლდა იგი... მე ახლა გარეგნულადაც უფრო მამუკა ლეჟავას ვგავარ, მისი ფიქრებით ვფიქრობ, მისი მეხსიერება დამაქვს, მისი ტკივილები მტკივა...

უცბად, მოწყვეტით გავჩუმდი, თითქოს სიტყვები მოჩხრიკალე წყალი ყოფილიყოს და ვილაცამ ონკანი გადამიკეტა. ისინი მდუმარედ შემომცქეროდნენ. არ ვიცი, კიდევ მოელოდნენ რამეს, თუ, რაც ვთქვი, იმას ითვისებდნენ. დუმილი გაჭიანურდა. მე კი ვიდექი და უხერხულობისაგან ხელ-ფეხი მებორკებოდა.

— ლამაზად ლაპარაკობ! — ძაფი განყვიტა ჩიორამ. — რკინის ლოგიკა გაქვს, ოღონდ ეს უფრო ზაზა ჩიმაკაძის ლოგიკაა!

თითქოს უბიძგესო, ყველა ერთბაშად ალაპარაკდა. აღარც მახსოვს, ვინ რას ამბობდა, ვინ რას... ან რა მნიშვნელობა ჰქონდა ამას, როცა მივხვდი, რომ ვერ ავუხსენი, ვერ გავაგებინე... მხოლოდ ზაირა მჟავია იჯდა ჩუმად, მკაცრად მოეკუმა ბაგეები, ცივად შემომცქეროდა.

მოულოდნელად წამოდგა. სხვებმა უმალ შეწყვიტეს ლაპარაკი და სამარისებურ სიჩუმეში ზაირა მჟავიამ ხმადაბლა მკითხა:

— შენ რა, ახლა მეორეჯერ უნდა მოკლა?

სადაც ვიდექი, იქ გავთავდი. გული თითქოს გამიჩერდა... კვლავ ალაპარაკდნენ, ზუზუნებდნენ, კამათობდნენ, მე კი დიდი ხანია შევბრუნდი და გავიქეცი... იქნებ აურჩქარებლად მივაბიჯებდი, მაგრამ მე მეგონა, რომ მთელი ძალ-ღონით გავრბოდი... როდის გავედი ეზოდან, როდის ჩავირბინე ორღობის ბოლომდე, ვინ გამიჩერა მანქანა... არაფერი მახსოვს!.. გონს რომ მოვეგე, რაიცენტრში ვიყავი — ბულვარში.

თითქოს დავმშვიდდი, გარეგნულად მაინც. ფიქრი არაფერზე მენადა, არაფრის გახსენება არ მინდოდა. მომწყინდა აქ ჯდომა, ავდექი და უმიზნოდ წავეხეტე. ბულვარში იშვიათი გამვლელი თუ ჩანდა, მაგრამ უცხო ადამიანთა ნახვა მაღიზიანებდა და პირველსავე ქუჩაში შევუხვით.

არცთუ ისე გრძელ ქუჩას რაიონის ცენტრის პირობაზე ერთგვარი გამორჩეულობა ეტყობოდა. ასფალტი, ტროტუარები, დაბალი, თანაბრად გადაკრეჭილი გაზონები... ორივე მხრიდან ლამაზი ჭიშკრები და მწვანე ეზოები, ორ-ორსართულიანი სახლები, — მათი პატრონები სიმდიდრეს თვალში არ გჩრიდნენ, მაგრამ არც ფულის უკმარობა ეტყობოდათ. ქუჩის სახელწოდება გვიან წავიკითხე, საბჭოს ქუჩა იყო.

არ ვიცი რას დავაბრალო, შემთხვევითობას, ბედისწერის უკუღმართ თამაშს, ოღონდ გავიხედე და ახლახან აშენებული, სოლიდური სახლის პარმალზე თინიკო კელაპტრიშვილი დავინახე... როგორ შეცვლილა! არა, სილამაზე არ დაკლებია, მაგრამ სად წავიდა ის მომხიბლავი გოგონა?.. პარმალზე სულ სხვა ვილაცა იდგა, — კარგად მოვლილი მანდილოსანი; შინაურული, ჭრელი ხალათი ეცვა, ორივე ხელი აენია, თმებში ჩაეყო, დაჭორფლილი პირისახე მზისთვის მიეშვირა და თვალდახუჭული ნებივრობდა. მუცელი დასტყობოდა საკმაოდ, იქვე კი ხალათის კალთას ჩასჭიდებოდა ფეხებგაჩაჩხული ორიოდე წლის გოგონა და ჭირვეულად ექაჩებოდა.

მინდოდა შეუმჩნევლად გავპარულიყავი. ბავშვმა ტირილი მორთო, თინიკომ თვალი გაახილა და შემომხედა.

უმალვე მიცნო, თუმცა ხმა არ ამოუღია. სახე გადაუფითრდა, დაიხარა, ბავშვს დაუტატანა, დასტაცა ხელი და მოლიანვებული კარისაკენ გააქანა.

გაცლა დავაპირე და ამ დროს შემპარავი, ნაცნობი ხმა მომესმა:

— ჩიმაკაძე!

გამომძიებელი დიმიტრი ფარცვანია ბრძანდებოდა. პიჟამოთი გამოვიდა ეზოდან. ამასაც დასტყობია ასაკი, დამრგვალებულა, თავზე თმა შეთხელებია. უფრო დაბალი მეჩვენა, ვიდრე მაშინ. მისი სახე კმაყოფილებას ასხივებდა, თავდაჯერებული ადამიანის მიხრა-მოხრით მიახლოვდებოდა.

— გამარჯობა შენი, გამოგიშვეს?

ხელი გამომინოდა. ვითომ ვერ შევამჩნიე. არ ვიცი, რატომ განვენყე იმთავითვე აგრე ცუდად, რისთვის აფუხირდი. იქნებ იმიტომ, თინიკო კელაპტრიშვილი მისი დიასახლისი რომ აღმოჩნდა. აღრიდანვე მქონდა ანგარიში გასასწორებელი, თუმცა თვითონ, ალბათ, თავს მადლობის ღირსად თვლიდა.

ჩუმად ვიდექი, ის კი მოჭუტული თვალებით შემომციცინებდა და უცებ ჩაიხიბითა:

— ბევრი კი ვიჯახირე შენს საქმეზე მაშინ, იმედია აწი მაინც არ გაუყრი ვინმეს დანას!

რალაც მომანვა, თავშეკავებამ მიღალატა, პიჟამოს საყე-

ლოში ჩავაფრინდი და დამარცვლით ვუთხარი:

— ქრთამად რა აიღე, ჰა, თინიკო კელაპტრიშვილი!

სახე წამოუჭარხლდა, დაფეთდა, თვალები განზე გაექცა. ღონე ჩემზე მეტი ჰქონდა, მაგრამ გამბედაობა არ ეყო და იოლად მოიმჩვარა.

ჩუმი წამოკივლება მომესმა. თინიკო იდგა ჭიშკართან და თვალებგაფართოებული მიყურებდა. მის მხერაში შიშის გარდა ვერაფერი დავინახე.

მივანებე თავი და წამოვედი.

მატარებელი მხოლოდ საღამოს გადიოდა. დრო კიდეც მქონდა, მაგრამ დალაპარაკება არავისთან არ მინდოდა. ავიღე ბილეთი და ლიანდაგებს მიღმა, თხმელნარში შევიმალე, მოფარებულ ადგილას კუნძი ეგდო და იმაზე ჩამოვჯექი.

დიმიტრი ფარცვანიას რას ვერჩოდი. იმან ის აიღო, რაც ცუდად იდო. ყველაფერი მხოლოდ საკუთარი თავისთვის უნდა დამებრალეზინა. ამას რომ ვფიქრობდი, უცაბედად უძირო უფსკრულს წავადექი. მართლა მოკვდა ჩემში ზაზა ჩიმაკაძე? მართლა გადავიქეცი მამუკა ლეჟავად? იქნებ ეს არის მხოლოდ თამაში, ფარსი, სახიობა!.. თავზარი დამეცა... რამდენი ვიტანჯე ამ წლების მანძილზე, რა შრომად დამიჯდა ეს გარდასახვა, შედეგად კი მხოლოდ ნანგრევები დამრჩენოდა... ან იქნებ მხოლოდ ნახევარი გზაა გავლილი, უფრო მძიმე, უფრო მტანჯველი გზა წინ მომელის... ალბათ, მე მოვკალი ზაზა ჩიმაკაძე, მაგრამ ვერ გავაცოცხლე მამუკა ლეჟავა და ახლა, აი, ამ კაცს, თხმელნარში, კუნძზე მზეს რომ მიფიცებია, საერთოდ არა აქვს თავისი „მე“, ამ კაცმა დაკარგა საკუთარი თავი...

ძლივს წამოვდექი, სადგურის ბაქანზე გავედი. აურჩარებლად ჩამოვუარე ვაგონების რიგს. გულში ყინული მედო და უკვე არაფერი მალელვებდა. ან რას უნდა აველეღვებინე, მე ხომ ადამიანი არ ვიყავი, მე არ გამაჩნდა მეობა, მე ვიყავი მკვლეელი, რომელმაც ორი ახალგაზრდა იმსხვერპლა — მამუკა ლეჟავა და ზაზა ჩიმაკაძე. რა აზრი ჰქონდა იმას, რომ აგერ ამ ვაგონში შევიდოდა სხეული არარსებული ადამიანისა, კუპეში დაიკავებდა ადგილს, უინტერესოდ გახედავდა ფანჯარას, მერე დანვებოდა,

დაიძინებდა, დილით კი ჩავიდოდა რომელიმე ქალაქში, — სულ ერთია რომელში, — და იქ განაგრძობდა ამებასავით არსებობას.

ბილეთი მოვიძიე ფიბეში, გავუწოდე ვაგონის გამყოლს და მოულოდნელად ჟრუანტელმა დამიარა, მოუსვენრობამ შემიპყრო. ვიგრძენი, ზურგს უკან ვილაც მითვალთვალეზდა.

სწრაფად შევტრიალდი.

ზაირა მჟავია იდგა ბაქანზე, ცხვირსახოცი პირზე მიედო და მიყურებდა.

მინდოდა მეყვირა, — „ზაირა მასნ!.. ზაირა მასნ!..“ მაგრამ ველარ გავბედე

დაიგუგუნა მატარებელმა, ნელა დაიძრა.

— მივდივართ, მივდივართ! — წამოიძახა ვაგონის გამცილებელმა.

დარეტიანებული შევბრუნდი, ავედეენე ვაგონს, შევახტი.

ზაირა მჟავია ისევ იქ იდგა და მიყურებდა...

1983

ჟურნალი „მნათობი“, 5—6. 1987,
„მკვდარი სახლი“, გამომცემლობა „მერანი“,
1990.

ღოგთა ტაროსი

სამმოქმედებიანი ფარსი

მოქმედი პირები:

დიადი ბოცო — ნკიპურტარიის რესპუბლიკის კონსული

ქალბატონი ემუ — კონსულის მეუღლე

ქალბატონი ლულუ — კონსულის ცოლისდა

მუნჯაძე — სამდივნოს გამგე

მედოლე

ქურდი ჟორა

კიკიტია — თავისუფალი მხატვარი

თამუნა ჭკუასელი — ახალგაზრდა ტელეჟურნალისტი

სიკო პაპა — ოცდაათი წლის ტელეოპერატორი

სამდივნოს წევრები:

ჩალიჩობის მდივანი — განაგებს ფინანსებსა და ეკონომიკას

სიამტკვილობის მდივანი — განაგებს პოლიციასა და უშიშროებას

მიხაკების მდივანი — განაგებს ოპოზიციასთან ურთიერთობას

ამჩემფეხების მდივანი — განაგებს სოციალურ საკითხებს

უჯარო სარდალი — არაფერს არ განაგებს

კონსულის დაცვა:

გიგა

გოგა

გუგუჩი

მდედრიონი:

ივლიტა

ვერიჩკა

ნუნუკა

გოგუცა

ოპოზიცია:

პოსლიკაძე — დეპუტატი ჭოპორტიდან

ქორჩაშვილი — დეპუტატი ნითლიაურიდან

ცხვირაძე — დეპუტატი ცხვირეთიდან

აგრეთვე:

ტელედიქტორი, უფრო სწორად, ხმა ტელეეკრანიდან

ნაცნობი უცნობი — ნკიპურტარიაში დაბადებული ტურისტი მოქმედება ხდება ნკიპურტარიის დედაქალაქ ქუჩულაში.

მოქმედება პირველი

ნკიპურტარიის რესპუბლიკის კონსულის მისაღები. გვერდით აივანზე გასასვლელია. აივანი მოედანს გადაჰყურებს. იგი აქედან არ ჩანს, მაგრამ მიტინგების დროს ხმაური აღწევს. სცენაზე მაგიდის ოთხი დანაწევრებული ნაწილია. მათი შეერთებით თავისუფლად მივიღებთ მრგვალ მაგიდას. კუთხეში კარვის კალთა მოჩანს. იქვე, კედელთან, მომცრო მაგიდაზე ტელეფონი და ტელევიზორია. ეკრანზე უპირატესად დიადი ბოცოს გამოსახულება.

ისმის დოლის რიტმული ხმა. ცერებზე ცეკვით შემოდის მედოლე.

მედოლე — დიმპიტაურ-დამპიტაურ, დიმპიტაურ-დამპიტაურ, ასაა!

ავანსცენაზე შედგება, თან დოლს უკრავს.

კარვის მხრიდან შემოგოგმანდებიან მდედრიონები — გოგუცა, ივლიტა, ვერიჩკა და ნუნუკა.

კაბინეტის მხრიდან ასევე ცერებზე ცეკვით შემოდინ გუგური, გიგა და გოგი.

მედოლე — ფრთხილად, ბიჭებო! ფხიზლად, ქალებო!

გააგრძელებს დაკრას. ბიჭები ცეკვით განლაგდებიან კონსულის კაბინეტთან, ქალები — კარავთან. დოლის ხმა თანდათან სუსტდება, შიგ ჩაერთვება ტელედიქტორი.

ტელედიქტორი — ნკიპურტარიამ საბოლოოდ გამოიღვიძა! ნკიპურტარიამ გადაიგდო მონობის უღელი! დიადი ბოცოს

ხელმძღვანელობითა და ბრძნული მითითებებით, წინ, ლაჟვარდოვანი ხვალესაკენ, სადაც რძის მდინარეები მიედინება და შაქარყინულის მთებია!.. ჩვენი სატახტო ქალაქ ქუჩულას ერთსულოვნად ბოცოისტი მცხოვრებნი ერთხმად აღავლენენ ხობას დიადი ბოცოს მიმართ!..

მედოლე გადის. ტელედიქტორის ხმა გაუგებარ ლულულ-ში გადაიზრდება და ქრება.

გუგური (ბიჭებს) — თქვენ აქეთა ფლანგი დაიცავით! მტერი უხილავია, შეიძლება კედელშიც შემოძვრეს. იქითა ფლანგს ჩვენი ქალები მიხედავენ. სადაც ისინი დგანან, იქ ჭიანჭველაც ვერ გაივლის...სირცხვილი თქვენ, დედაკაცებმა როგორ უნდა გაჯობონ?! ისინი რომ არა, გუშინ კონსულთან შევრცხვებოდით! კინალამ პოსლიკაძემ შეაღწია კაბინეტში...

გიგა (კევს ლეჭავს) — კაი რა, უფროსო, მე და გოგა კაიფში ვიყავით!

გუგური — გაგაკაიფებ მე შენ!

გოგა — სამაგიეროდ პოსლიკაძეს პერანგი შემოვახიეთ!

გუგური — მაგრები ხართ! თქვენ კი არა, ქალებმა იყოჩაღეს!.. მიხედეთ საქმეს! (*მდედრიონს*) ქალებო, ხომ მაგრად დგახართ?

გოგუცა — კლდესავით! დიად ბოცოს ბუზს ვერავინ აუფრენს!

ნუნუკა — ვენაცვალე მაგას!

ვერიჩკა — რა გვეშველებოდა, ის რომ არა გვყოლოდა!

ნუნუკა — რომ იცოდეთ, გოგოებო, რა ბედნიერი ვარ! ნუხელ დიადი ბოცო დამესიზმრა!

ივლიტა (ეჭვიანად) — რას მელაპარაკები!

ნუნუკა — ჰო, გოგო, ცა გაიხსნა, იქიდან კიბე ჩამოსწიეს და იმ კიბით ჩამოვიდა! ტანზე სულ ოქრო-ვერცხლი ეცვა, თავზე გვირგვინი დაჰნათოდა...

ივლიტა — მერე, მერე?

ვერიჩკა — ახლა იტყვის, მოვიდა და ჩამპროშტნაო!

ნუნუკა — რანაირი ხარ, რა!

ივლიტა — მერე, ქალო, მერე?

ნუნუკა (იბუტება) — არ ვიტყვი! ამ დედაკაცთან სიზმარსაც ვერ მოყვება ადამიანი!

გუგუჩი — ფრთხილად!
კვლავ ისმის დოლის მსუბუქი ხმა. მედოლე შემოუძღვება თამუნა ჭკუასელს და სიკო პაპას.

მედოლე — აქ მოიცადეთ, გამოვა მუნჯაძე და გაარკვევს!

თამუნა — სიკო პაპა, გაამზადე ტელეკამერა!

სიკო — ნუ მომჭერი, გოგო, თავი, პაპას ნუ მეძახი!

თამუნა — რა ვქნა, რაც წვერი მოუშვი, პაპას დაემსგავსე და... აქ დადექი! თუ კონსული გამოვიდა, აქედან კარგად გამოჩნდება!

სიკო (*ტელეკამერას ამზადებს*) — წვერი იმიტომ მოვუშვი, მიხდება, გოგოებს ვაგიჟებ!

თამუნა — ნეტავი ის გოგო მანახა, შენზე რომ გიჟდება!

სიკო — მე ვისზეც ვგიჟდები, ველარ მამჩნევს და სხვებს რას დავეძებ!

თამუნა — შენ მე მითხარი და წუთში ჭკუაზე მოვიყვან, ეგრევე გაგირიგებ!

გუგუჩი — ვინ არიან?

მედოლე — ტელევიზიიდან მოვიდნენ, ინტერვიუ უნდა ავიღოთო! (*დოლს შემოჰკრავს, დაცვის ბიჭებს*) ფრთხილად, ბიჭები! (*მდედრიონს*) ფხიზლად, ქალებო! (*გადის*)

გუგუჩი — ქალიშვილო, შეთანხმებული თუ ხართ მუნჯაძესთან?

თამუნა — ტელეფონით ველაპარაკე!

გუგუჩი — ქალბატონმა ემუმ თუ იცის, ანდა ლულუმ?

თამუნა — ვერაფერს მოგახსენებთ, ალბათ, მუნჯაძე ეტყოდა!

გუგუჩი — მეტად საეჭვოა! (*კაბინეტიდან გამოდის მუნჯაძე*) ბატონო სამდივნოს გამგევ, ეს ახალგაზრდები...

მუნჯაძე — ვიცი, ვიცი, ყველაფერი ვიცი!

თამუნა — მაშ, ბატონი კონსული მიგვიღებს?

მუნჯაძე — ეგ კი არ ვიცი! თუ ქალბატონმა ემუმ გადაიფიქრა ანდა ქალბატონმა ლულუმ დასტური არ მოგვცა...

თამუნა — ემუ და ლულუ რა შუაშია, თქვენთან ხომ შევათანხმე?

მუნჯაძე — ემუ და ლულუ კონსულის სიმშვიდის სადარაჯოზე დგანან! იცოდეთ, კონსულმა თუ მიგიღო, ალერსით ელაპარაკე, ხმაში ალტაცება და პატივისცემა გამოხატე...

თამუნა — მე, ბატონო მუნჯაძე, დიად ბოცოს ვალმერთებ!

სიკო (*ობრავს*) — ვაი, ჩემი ბრალი!

გოგუცა — ასეც უნდა იყოს, გენაცვალე, დიადი ბოცო, ბოლოს და ბოლოს, დიადია!

ნუნუკა — იგი ერთადერთი ინტელიგენტია ნკიპურტარი-აში და მეტი არცაა საჭირო!

ვერიჩკა — მერე როგორი ჭკვიანი და განათლებულია, იმდენი ენა იცის... იმ დღეს ტელევიზორში ჩუქჩების ენაზე ლაპარაკობდა!

ივლიტა — როიალზე როგორ უკრავს, როიალზე!

თამუნა — მაგრამ ემუს და ლულუს არ ვიცნობ!

მუნჯაძე — ჰო, ვიცი, ვიცი! მოთმინებით აღიჭურვე, ქალიშვილო, ჯერჯერობით კონსული დაკავებულია. მალე სამდივნოს სხდომა დაიწყება. მანამდე შეგიძლიათ, ჩვენს სახელოვან მდივნებს გაესაუბროთ! (*გუგუჩის*) ბიჭებო, მაგიდა გაამზადეთ!

ისმის დოლის ხმა. გუგუჩი, გოგა და გიგა ცეკვის ილეთებით სამკუთხა მაგიდებს ერთმანეთს მიადგამენ და მრგვალი მაგიდა გამოვა. მდედრიონიც ადგილზე ცეკვით ირხევა. მედოლე დოლის ენერგიული დაკვრით შემოუძღვება სამდივნოს წევრებს, ცეკვით შემოუვლიან მაგიდას.

გოგუცა — დიადი ბოცოს თანამებრძოლებს გაუმარ-ჯოს!

მდედრიონი — ჯოს!.. ჯოს!.. ჯოს!..

გოგუცა (*ჯურნალისტებს*) — რა საეჭვოდ გაჩუმებულხართ, შეგვანით თქვენი ხმაც!

თამუნა (*კენტად*) — ჯოს!

სიკო — ყელი გაციებული მაქვს და ჟღერადობას გაგიფუჭებთ!

თამუნა (*მიკროფონი უჭირავს*) — ბატონო მდივნებო, ჩვენ წარმოვადგენთ ნკიპურტარიის ეროვნულ ტელევიზიას! გთხოვთ, დაგვთანხმდეთ ბლიც-ინტერვიუზე!

მუნჯაძე — დიახ, დიახ, ბატონებო! თქვენ კარგად იცნობთ ტელეჟურნალისტ თამუნა ჭკუასელს! მან არაერთხელ აღუვლინა გულწრფელი ხოტბა დიად ბოცოს!.. თანაც, როგორც ხედავთ, მშვენიერი გოგონაა!

სიკო (*თავისთვის*) — ყელზე არ დაგადგეს!

მუნჯაძე — გთხოვთ, დათანხმდეთ ინტერვიუზე!.. ჰმ, როგორ ბრძანეთ? (*თამუნას პასუხს არ აცლის*) ბლიცზე? ეს რაღაა? ჰო,

მე კი ვიცი, მაგრამ იქნებ ბატონმა მდივანებმა არ იციან?

თამუნა — ბატონო ჩალიჩების მდივანო! თქვენზე ამბობენ, ორი მილიარდი დოლარი იჩალიჩა და მალე ჩვენს თავზე დოლარების წვიმა მოვა!

ჩალიჩობის მდივანი (*ხმას ჩაინმენდს*) — სამწუხაროდ, ამჯერად საკმარისი ეშმაკობით ვერ ვიჩალიჩეთ. ჩვენი კრეტიანი პარტნიორები მიგვიხვდნენ და საჩალიჩოდ გაგზავნილი ორი დოლარის ღირებულების გერბიანი ქალაქი უკან გამოგვიგზავნეს. ჩვენ ის ქალაქი დავხიეთ, დავანაკუნეთ, ეშმაკობის კვალი წავშალეთ. ამდენად ჩვენმა სათაყვანებელმა წვიპურტარიამ მხოლოდ ორი დოლარი იზარალა. ამიტომაც დოლარების წვიმა არ გამოგვივიდა, მაგრამ უახლოეს მომავალში, დიადი ბოცოს გამჭრიახობის წყალობით, იმნაირად ვიჩალიჩებთ, მსოფლიოს პირი დავაღებინოთ და მაშინ დოლარების წვიმა კი არა, კოხი მოვა!

თამუნა — მაშ, დოლარები თავზესაყრელი გვექნება?

ჩალიჩობის მდივანი (*კეკლუცად*) — იმდენი, გენაცვალე, შენისთანა გოგოცუნას ძირს რომ დავუფენთ!

სიკო (*გადაღებას წყვეტს*) — ბატონო მდივანო, სხვათა შორის, ეს გოგონა დიადი ბოცოს სტუმარია!

ჩალიჩობის მდივანი — ასეც ვფიქრობდი! ყველაფერი საუკეთესო ჩვენს დიად ბოცოს ეკუთვნის!

თამუნა (*სიკოს*) — გმადლობთ, სიკო პაპა, ოღონდ ჩემს თავს თვითონვე დავიცავ! (*უჯარო სარდალს*) ბატონო სარდალო, მსმენელს აინტერესებს ჩვენი სამხედრო დოქტრინა!

უჯარო სარდალი — ოო! სამხედრო დოქტრინა!.. რთული საქმეა სამხედრო დოქტრინა, განსაკუთრებით როცა ჩალიჩობის სამდივნო ფულს არ იძლევა! რა გამოსავალი დავგვრჩენია? გამოსავალი არა გვაქვს! ჩვენმა დიდშუბლა ანალიტიკოსებმა იფიქრეს, იფიქრეს, შუბლზე ოფლი მოიდინეს... (*თვითონაც ზენრისტოლა ცხვირსახოცით შუბლს იმშრალეებს*) და დაადგინეს: საზღვრების გასწვრივ გავაშენოთ ვარდის პლანტაციები, სურნელებისაგან მტერს თავბრუ დაესხმება, ბუღბულის სტვენისაგან თავგზა აებნევა და ჩვენი უშიშროება გარანტირებულია... ოო!

თამუნა — შესანიშნავია! სამხედრო დოქტრინა კი არა, ლექსების კრებულია!

უჯარო სარდალი (*კეკლუცად*) — თუ ნებას მომცემთ, ვარდების ერთ ჭურვს, გოგონა, შენც გესვრი!

სიკო (*ღიზიანდება*) — ბატონო სარდალო, ყურნალისტი-გოგონა კონსულის სტუმარია!

უჯარო სარდალი — ვიცი, გენაცვალე, მაგრამ რას ვაშავებ! ბუღბულივით ვუსტვენ და ეგაა!

თამუნა (*სიცილით*) — სიკო პაპა, ნუ დამიფრთხე ბებერი თაყვანისმცემლები!

სიკო — მაგათ რა ჰგონიათ?

თამუნა — ჰო, კარგი, ნუ ეჭვიანობ! კამერა აქეთ მოაბრუნე! ბატონო მდივანო!..

სიამტკბილობის მდივანი — გისმენ, დაგენაცვლე!

თამუნა — რა სიახლეებია პოლიციის ცხოვრებაში?

სიამტკბილობის მდივანი — მთავარია, დაგენაცვლე, სახელწოდება შევუცვალეთ, იყო მილიცია, გახდა პოლიცია, დაგენაცვლოს ყველა პოლიციელი! ჩალიჩობის მდივანი ფულს არ გვაძლევს, თორემ რეზინის ჯოხებს შევიძენდით, დაგენაცვლე... მაგრამ ჩვენ უქმად არა ვართ, დაგენაცვლე, თხილისა და კაკლის ჯოხებით გავდივართ იოლად! ამიტომაც ერთი პროცენტით იკლო ქურდობამ, დაგენაცვლე, ის არის, რომ ქურდიც და პოლიციაც სიამტკბილობაში ვცხოვრობთ. დავჯდებით, დაგენაცვლე, ჩინის მიხედვით და „სეკასა“ და „დურაჩკას“ ვთამაშობთ შაურთანზე... ასე მიდის, დაგენაცვლე, ჩვენი შინაარსიანი ცხოვრება...

თამუნა — პირადად თქვენ ვისთან თამაშობთ „დურაჩკას“?

სიამტკბილობის მდივანი — რაკი გენერალი ვარ, დაგენაცვლე, ჩვენს ჟორასთან ნავუკრავ ხანდახან ხელს! წვრილფეხა შულერებთან ხომ არ დავჯდები, დაგენაცვლე, სათამაშოდ!

თამუნა — გმადლობთ, ბატონო სიამტკბილობის მდივანო! (*ამჩემფეხების მდივანს*) ახალს რას გვეტყვით, ბატონო ამჩემფეხების მდივანო, წვიპურტარიელი მოქალაქეები სილატაკის ზღვარზე არიან!

ამჩემფეხების მდივანი — ამჩემფეხებს, თუ ზღვარზე არიან! ფული არა მაქვს და საიდან დავარიგო? ჩალიჩობის მდივან-

მა თუ არ იჩალიჩა, მე რა, საკუთარი ჯიბიდან ამოვიღო? რაც ჯიბეში ჩამდის, უკან აღარ ამოდის, გახვრეტილი მაქვს და კუპონი რომ კუპონია, იგიც არ მიჩერდება! ამჩემფეხების სამდინო ყოველნაირად ცდილობს საკუთარ თანამშრომლებს შეუნარჩუნოს ულუფა. ყველამ თავის თავს მიხედოს, ბოლოს და ბოლოს!

თამუნა — სიკო პაპა, ეგ კაცი რას გვეჩხუბება?

სიკო — ბატონო მდივანო! ჩვენ ჯერ ახალგაზრდები ვართ, არც პენსიას ვითხოვთ და არც დახმარებას!

ამჩემფეხების მდივანი — ამჩემფეხებს თუ ახალგაზრდები ხართ! ბიჭოს! (*შორდება*)

თამუნა — დღეს ცუდ ფეხზეა ამდგარი!

სიკო — გაუძელი, თამუნა, ერთი მდივანილა დაგვრჩა!

თამუნა (*ნაზად*) — ბატონო მიხაკების მდივანო, იმედია თქვენ არ გაგვიბრაზდებით!

მიხაკების მდივანი (*ასევე ნაზად*) — შენი კითხვების მოსმენა ჩემთვის ღირსია, პატარა გოგო, შენი ნარნარა ხმა ყურს მუსიკასავით მიუნანავებს!

სიკო (*თავისთვის*) — რა ვქნა, ყურები ხომ არ ავაგლიჯო?

თამუნა — ოღონდ დაშოშმინდით, ბატონო მდივანო! გამიგონია, მიხაკების სამდინო ოპოზიციასთან ურთიერთობას განაგებსო!

მიხაკების მდივანი — დიახ, პატარა გოგო! ჩვენ ყველასთან ვპოულობთ საერთო ენას! თავს რომ ღორები და კამეჩები დაგვესხან, იმათთანაც გავმართავთ მოლაპარაკებას! საამისოდ ბლომად მოვიმარაგეთ მიხაკები. ოპოზიცია ქვებს რომ გვესვრის, ჩვენ მიხაკებს ვესვრით! იმათ რომ ტყვია დაგვიშინონ, ჩვენ მიხაკებს დავუშენთ და კუდიტ ქვას ვასროლინებთ... ჩუ, ეგერ უკვე ხმაურია!

თანდათან უფრო მკაფიოდ მოისმის მომიტინგეთა ხმაური.

მედოლე (*დოლს შემოჰკრავს*) — ფრთხილად, ბიჭებო! ფხიზლად, ქალებო!

ტელედიქტორი — ხალხი ერთსულოვნად აღდგა დიადი ბოცოს დასაცავად! ქარხნებისა და ფაბრიკების კუნთმაგარი მუშები, მეჩაიები, კანალიზაციისა და კოლექტივიზაციის დამ-

სახურებული მუშაკები, რკინიგზელები და საგიჟეთის გონება-ჩლუნგი პერსონალი ერთხმად უჭერენ მხარს დიად ბოცოს!

გუგუჩი — აბა, ბიჭებო! აბა, ქალებო!

გიგა — ფეხის ხმა ისმის!

გოგა — მოდიან, მოდიან!

გოგუცა — მოედანი ხალხით ივსება, მთელი ქუნქულა ფეხზე დადგა, ზოგი ჩვენია, ზოგი იმათი!

შემოდინ ქურდი ჟორა და თავისუფალი მხატვარი კიკიტია.

ჟორა — ჩვენი ბოცოუკა აქანია?

კიკიტია — ბოცოია აქაა?

მუნჯაძე — დიახ, დღეს სამდინოს სხდომაა!

ჟორა — ბოცოუკას გადაეცი, ჟორა მოვიდა-თქვა!

კიკიტია — უთხარი, ეგ სალაყბო უჩემოდ კანონიერი არ იქნება-თქო!

მუნჯაძე — ვფიქრობ, თქვენი ადგილი სწორედ სამდინოშია!

მიხაკების მდივანი (*ხელებს იფშვნეტს*) — ბატონებო! ჟორა ჩემო! ძმაო უსაყვარლესო კიკიტია! მოგესალმებით და გეთაყვანევით!

კიკიტია — გადაშენდი იქით!

ჟორა — ასეთებს ჩვენ პარაშასთან ვანვენდით!

თამუნა — სიკო პაპა, კამერა აქეთ მოაბრუნე! საინტერესო ტიპებია! ბატონო ჟორა, ერთი წუთით! ბატონო კიკიტია! ნკიპურტარიის ტელევიზია განუხებთ... ერთი წუთით, თუ შეიძლება! ამ ეტაპზე რას ურჩევდით ბატონ კონსულს?

კიკიტია — რას ვურჩევდი და ნუ გამაბრაზებს! გავებუტები და უყაროს მერე კაკალი!

ჟორა — რას ვურჩევ და ჩემს ბოცოუკას ვურჩევ, ყური გამოიფხიკოს და მეტი დემოკრატია შემოიღოს! ძმაკაცები ციხეში ჩამიჯინა! ციხეს რად უნდა რკინის კარები, მას მოუხდება შუშაბანდები, გალიაში ხომ ბულბულები სხედან, გოგოჯან! ასე თუ წავიდა საქმე, ჩხუბი მოგვივა! ჩვენ თუ წავიჩხუბეთ, მოვა ერთი უცნობი ნაცნობი და ორივეს იქ ჩაგვყუდებს! ბოცოუკამ იკითხოს, თორემ მე ფანჯარასთან მაქვს ადგილი!

თამუნა — ნაცნობი უცნობი ვინაა?

ჟორა — არის ერთი ქალარა ტურისტი! ხომ გაგიგონია, გზა-

ზე მიდის ერთი კაცი... რათა ერთი?... მაშ, რამდენი?... ორი!.. რათა ორი?... მაშ რამდენი?... სამი!

მუნჯაძე — ამას ინერტ? ესენი ხუმრობენ, თქვენ კი მართალი გგონიათ!

მიხაკების მდივანი — ბატონო ჟორა! ბატონო კიკიტია! მე თქვენ მიხაკებს მოგიძღვნი!

კიკიტია — მომწყდი თავიდან! არ გააჭირა საქმე?

ჟორა — ეგ მიხაკები პარაშაში ჩააგდე!

მომიტინგეთა ხმები ძლიერდება, ერთვება ტელედიქტორი.

ტელედიქტორი — მხოლოდ მცირე ჯგუფი აგენტებისა და მოლაღატეებისა ცდილობს დიადი ბოცოს გადაყენებას!.. დიახ, მათ სურთ წკიპურტი ჰკრან ჩვენს სათაყვანებელ კონსულს და ამით დაღუპონ წკიპურტარიის რესპუბლიკა!

გოგუცა — ახლა ნამდვილად მოდიან!

ივლიტა, ვერიჩკა, ნუნუკა — ფეხის ხმა ისმის! გოგოებო, მზად იყავით!

ტელეფონი რეკავს.

გოგუცა — ალო! ქალბატონი ემუ ბრძანდებით? არა? ქალბატონი ლულუ? დიახ, მესმის! უკვე მოვიდნენ, მგონია!.. კი, კი!.. ვიცი, ვიცი! (*ყურმილს დებს*) აბა, გოგოებო! მოემზადეთ და პროვოკაციას არ წამოეგოთ!

ბრბოს მზარდმა ხმაურმა თითქოს სცენაზე შემოყარა პოსლიკაძე, ქოჩორაშვილი და ცხვირაძე.

ცხვირაძე — ჩვენ მოვითხოვთ ჩვენი კანონიერი უფლების აღდგენას! ჩვენც მიგვიძღვის წვლილი წკიპურტარიის რესპუბლიკის ჩამოყალიბებაში! აბა, გაიხსენეთ, ვინ იყო ის პიროვნება, პირველად ცხვირი რომ დააცემინა?

ქოჩორაშვილი — სწორედ ცხვირის ამ დაცემინებას მოჰყვა მსოფლიო სასწაული!

პოსლიკაძე — რეალობას თვალი უნდა გავუსწოროთ! ცხვირი ცხვირაძემ დააცემინა და ამით იმპერიას საფუძველი შეურყია! აქედან გამომდინარე, ლოგიკას თუ მივუბრუნდებით, დიადი ბოცო არ არის მთლად დიადი და უნდა გადადგეს!

გუგუჩი — გესმით, ქალებო?!

გოგუცა — განყდა ამათი სინსილა, ესენი ნამდვილი მოლ-

ალატენი არიან!

ივლიტა, ვერიჩკა, ნუნუკა (*სამეულის ირგვლივ ასკინკილათი დახტიან და გაჰკივიან*) — მოლაღატე, მოლაღატე, აგენტი! მოლაღატე, მოლაღატე, აგენტი!

ქოჩორაშვილი, ცხვირაძე, პოსლიკაძე (*ზურგით ერთმანეთს ეყრდნობიან*) — გრცხვენოდეთ, გრცხვენოდეთ!

მიხაკების მდივანი — ცხვირაძე, შე ცუდო! ქოჩორაშვილო, შე ცუდო! პოსლიკაძე, შე ცუდო!

ჟორა — რა ჯობია, ბოცოუკას მივეშველოთ თუ პოსლიკაძეს?

კიკიტია — ნუ ვიჩქარებთ, ვნახოთ, რომელი უფროა დემოკრატი!

ჟორა — ვინც ციხეს რკინის კარებს შეხსნის, დემოკრატიც ის იქნება!

კიკიტია — ვინც ქოთანს ჩემნაირად მოაბამს ყურს, ნამდვილი დემოკრატი ის იქნება!

ქალები იერიშზე გადადიან, აჩხლობენ, წინკნიან, ნიხლებს ურტყამენ.

ცხვირაძე — ნელა, ქალო, ცხვირპირი არ დამიზიანო!

ქოჩორაშვილი — პროტესტს ვაცხადებ! ამას გაეროს ვაცნობებ!

პოსლიკაძე (*ხელებს შარვლის ზვანჯარზე იფარებს*) — აქ არ მომარტყათ! აქ არ მომარტყათ!

მდივნები (*ერთ მწკრივში დგანან და ქალებს მსუბუქი ტამით აჯილდოებენ*) — ყოჩაღ! ყოჩაღ!

გუგუჩი — რა ბუნებრივი გულწრფელობაა!

გოგუცა — მასების დემოკრატიული ვნებების გამოვლენაა!

მდივნები — დიახ, დიახ!..

მოედნიდან ხმები ძლიერდება, ისმის ყიყინა — „ბოცო! ბოცო! ბოცო!“

თამუნა — ქალბატონებო, სირცხვილია უსუსური მამაკაცების დაჩაგვრა!

სიკო — გასაოცარი კადრები გამომივიდა! მსოფლიო სააგენტოები ხელიდან წამგლეჯენ!

გოგუცა — არიქა, თურმე გვიღებენ!

ქალები ქოშინით ჩერდებიან, შემობრუნდებიან და სიკოსკენ აგრესიულად მოინევენ.

ივლიტა — ვინ მოგცა გადაღების უფლება?!

ვერიცა — ოპოზიციამ მოგისყიდა, ხომ?!
ნუნუკა — ამოიღე ფირი და საკუთარი ხელით გადაიფხრინე თავზე!
თამუნა — ქალბატონებო, დამშვიდდით! ჩვენ კონსულმა მოგვიწვია!
გოგუცა — მერე ქალბატონ ლულუს ჰკითხეთ?! ქალბატონმა ემუმ ნება მოგცათ?!
მოულოდნელად ჩაერთვება ტელედიქტორი.
ტელედიქტორი — დემოკრატიის აყვავების ამ ეპოქაში ზოგიერთი სულგაყიდული პიროვნება ძირს უთხრის ნკიპურტარიის კეთილდღეობას...
ხმა უვარდება. კაბინეტიდან გამოდიან ქალბატონები ემუ და ლულუ.
ლულუ — რა ხდება, ჭირიმე, აქ?
ემუ — მოსვენება აღარაა, ყველგან მტერი, ყველგან აგენტი!..
გოგუცა — ქალბატონო ემუ, ქალბატონო ლულუ! ჩვენ უბრალო და უწყინარი ნკიპურტარიელი ქალები დემოკრატიული წესით პროტესტს ვუცხადებდით ერის მოღალატე ოპოზიციონერებს. ეს მტრის მოგზავნილი წვეროსანი და ეგ ტინგიცა გოგო ამას ფირზე იღებდნენ, რათა მსოფლიოს წინაშე თავზე ლაფი დაგვასხან!
თამუნა — ჩვენ კონსულმა მოგვიწვია!
პოსლიკაძე — ოპოზიციის სახელით პროტესტს ვაცხადებთ!
ლულუ — აცხადე, ჭირიმე, აცხადე! (*სიკოს*) მიჩვენე, ჭირიმე, ეგ ფირი?
სიკო — რანაირად?
ლულუ — ამოიღე და გაშალე!
სიკო — შუქზე ხომ გაფუჭდება?
ლულუ — იქნებ გირჩევნია, ჭირიმე, შენ გაფუჭდე!
თამუნა — ეს უკანონობაა! არა გაქვთ უფლება!
სიკო — მე ვერ დაგემორჩილებით!
ლულუ — გუგუჩი... სადა ხართ, კაცებო?!
დაცვის სამეული მივარდება სიკოს.
თამუნა — ხელი უშვით! რას სჩადიხართ?! ხალხნო, ვერა ხედავთ?!

სიკო (*კამერას ჩაიხუტებს*) — მომეშვით! კონსულთან გიჩვილებთ!
ლულუ — იჩვილე, ჭირიმე, იჩვილე!
ემუ — ყველგან მტერია! ყოველ ნაბიჯზე მტერია!
სიკოს ქვეშ გაიგდებენ და კამერას გამოგლეჯენ. ჩაერთვება ტელედიქტორი.
ტელედიქტორი — დემოკრატია ჩვენი ცხოვრების წესია!.. მაგრამ დემოკრატია აქვს თავისი ზღვარი. უსაზღვრო დემოკრატია მავნებელია, უფრო სწორად იგი დამლუპველია. სწორედ ამიტომ, ისტორიის ამ ეტაპზე დემოკრატია უნდა დავადოთ ხუნდები. ჩვენი კონსული ყველაზე დემოკრატიული კონსულია და უფლება აქვს ზომიერი და მოხდენილი ხუნდები დაადოს მავანთა და მავანთ... მაშ, გაუმარჯოს დიად ბოცოს, ნკიპურტარიის დემოკრატიის მზეს!
ხმა თანდათან მიჩუმათდება.
ჟორა — რალაც არა ჰგავს ეს დემოკრატია!
კიკიტია — ბოცოია ისეთი სულელია, კისერს მალე წაიტეხს! უმჯობესია, დროზე გავებუტოთ!
ცხვირაძე, ქოჩორაშვილი, პოსლიკაძე — ჩვენ პროტესტს ვაცხადებთ!
თამუნა (*ტირის*) — ფირი გაგვიფუჭეს!..
მდივნები კვლავ ფეხზე დგანან და ტაშს უკრავენ. მედოლე დოლს მსუბუქად ურტყამს. ქალაქის მოედნიდან ძლიერდება ხმები — „ბოცო! ბოცო!“ აქა-იქ გაერევა — „კიკიტია!.. ჟორა!“ სტვენა.
მუნჯაძე — ბატონებო! ნკიპურტარიის რესპუბლიკის კონსული დიადი ბოცო!
ყველანი გაშეშდებიან. მედოლე დოლს სწრაფად უკრავს. ცეკვით მოუძღვება კაბინეტიდან გამოსულ კონსულს. დიადი ბოცო ნაპოლეონის სტილში გადაჭრის სტენას. გადის აივანზე და მისალმების ნიშნად მუშტს აღმართავს. ისმის ღრიანცელი, სტვენა — „ბოცო! ბოცო! ბოცო!“ კანტიკუნტად — „კიკიტია!“ „ჟორა!“
ბოცო — მეგობრებო!
ხმები სუსტდება. დოლის რიტმს ეფინება მრავალგზისი ექო, რომელიც თანდათან ქრება — „მეგობრებო!.. მეგობრებო!.. მეგობრებო!..“

მოქმედაბა მეორა
სურათი პირველი

ნივთების გადაადგილებით მისაღები გადაკეთდება კონსულის ბინის ფრაგმენტებად — სასადილო ოთახი და კაბინეტი. ამათ შორის სიმბოლური კარია. სასადილოში ტრიალებს ქალბატონი ემუ.

ემუ — ვერ გამიგია, რა ვაჭამო ჩემს ქმარს. მიჯავრდება ხოლმე, მეხინკლის შვილი ხარ და ვერაფერი გისწავლიაო. ჩემი გაკეთებული არაფერი მოსწონს. რა ვქნა, როგორც შემძლია, ისე ვაკეთებ. გარეშე მზარეულს კი ნამდვილად ვერ ვენდობი. ხომ შეიძლება მოსყიდული აღმოჩნდეს და ქვაბში სტრიქინი ჩაგვიყაროს... ესეც ასე, წვნიანი მზად არის! (*სამზარეულოს წიგნში იხედება*) მარილი გემოვნების მიხედვით... მგონი ვუქენი მარილი!.. თუ არ მიქენია?.. სუფრაზე მარილი დევს, თუ უნდა ჩაამატოს!.. ახლა მანანის ფაფა... ნეტავი რძე ხომ არ აჭრილა?.. ახალი რომ მოვატანინო, თავიდან გახდება შესამონმებელი... ლაბორანტი ვითომ სანდოა?.. იქნებ თვითონ ჩაგვიყაროს სტრიქინი. ვინ იცის, გენაცვალეთ, გულში რა უდევს! ყველას ჩვენი დანამლვა და სიკვდილი უნდა, სიკვდილი ჩვენს მტერსა და ოპოზიციას... ესეც მანანის ფაფა...

კაბინეტში ლულუს შემოჰყავს თამუნა და სიკო პაპა.

ლულუ — ვერ დაგიმალავ, ჭირიმე, და არ მოენონე ჩემს დაიკო ემუა. მეც მიკვირს, ჭირიმე, ასეთ საქმეზე პატარა გოგუშკებს რომ აგზავნიან. საცა ბატონებია, წესით, იქ მატრონები უნდა გააგზავნონ. დიადი ბოცო ჯერ ახალგაზრდა კაცია, ჭირიმე, სისხლი ულაცვივით უდულს, მისი ცდუნება იოლია...

თამუნა — როგორ გეკადრებათ, ქალბატონო, არც მიფიქრია...

ლულუ — შენ არ იფიქრებდი, ჭირიმე, მაგრამ ემუ უბრალო ქალი როდია, კონსულის ცოლია და ყველაფერი წინასწარ უნდა განჭვრიტოს. მისი აზრით, ჭირიმე, პატარა გოგუშკები კონსულს ახლოსაც არ უნდა გააკარო და მეც ვეთანხმები...

თამუნა (*წყენით*) — ქალბატონო...

ლულუ — ნუ განინმატდი, ჭირიმე! აი, ესაა დიადი ბოცოს კაბინეტი, აქ დაელოდეთ, მეც სადმე ახლოს ვიქნები, თუ დაგჭირდით, უმალ გავჩნდები, ჭირიმე! (*გადის სასადილოში*) ემუ, ჭირიმე, მზადაა ჩვენი ბიჭი?

ემუ — ჰო, წვერს იპარსავს! მაკარონის წვნიანი და მანანის ფაფა გავუკეთე. ისეთი გემრიელია, ნერწყვი მოგადგება...

ლულუ — მთავარია, შენს ქმარს მოადგეს ნერწყვი, ჭირიმე, მე პირის გემო დაკარგული მაქვს.

კაბინეტში

თამუნა — ძლივს არ დაგვანება თავი! სიკო პაპა, აქედან დავინწყებთ, მერე აი, იქით იმოძრავე! მსხვილი პლანით გადაიღე! კონსული რომ ჩაფიქრდება, თვალეები გამოკვეთე!.. მაყურებელს ერთგვარი ინტიმური ფონი შევუქმნათ! იქნებ ბინა წინასწარ გადაგველო!.. ინტერიერით დავინწყებდით!

სიკო (*ბუზღუნებს*) — იქნებ ფეხსალაგაც გადამალებინო!.. იმათი დედა ვატირე, რა ფირი გამიფუჭეს!

თამუნა — რაც გაფუჭდა, ველარ ალაღგენ! გიჟები არიან...

სიკო — გიჟი მიუშვი ნებასა! არ მომწონს მე აქ ბევრი რამ! ისიც არ მომწონს, რომ შენ რალაცა მოგწონს!

თამუნა (*სიცილით*) — ჩემო ეჭვიანო და ბრაზიანო სიკო პაპა! *სასადილოში*

ლულუ — ხომ იცი, ჭირიმე, დღეს სამდივნოს სხდომაა! შეეცადე, არ გააჯავრო, კაი თვალთ მოგვხედავს!

ემუ — რა უფლება აქვს ცუდი თვალთ მოგვხედოს! ზედა ვართ გადაყოლილნი!

ლულუ — ნუ განინმატდი, ჭირიმე, ქმარია შენი და საქმე ფერებაში აკეთებინე. ჭკუით უნდა აჯობო, ჭირიმე, ყველას! აი, მუნჯაძეს ვატყობ მერყეობას, ჟორა და კიკიტაც არ მომწონს რალაც...

ემუ — ჰო, ჩავანვეთოთ ლაპარაკში...

კაბინეტში

სიკო (*სავარძელში გაიშოტება*) — კაი ყოფილა კონსულის სავარძელი, უკანალს არ გატყენს!

თამუნა (*კედლის სურათთან მიდის*) — ეს ბოცოს მამაა! იცი,

ვინ იყო? გამორჩეული კაცი წინმატაურში! ისეთი წინმატი მო-
ჰყავდა, წელამდე წვდებოდა თურმე!

სიკო — სწორედ წინმატმა შეუღლიტინა, ალბათ, ცხვირადქს
ცხვირში, დააცემინა და იმპერიაც მოარღვია... ჰოპლა, დაგვენგ-
რა თავზე!

თამუნა — მაგ სავარძელში რომ გამოჭიმულხარ, შემოვა
ახლა დიადი ბოცო და ყურებით აგაყენებს!

სიკო — დიდი ამბავი! რა მოხდება, ორი წამით მაინც ვიგრ-
ძნო კონსულობის სიკეთე! ამ სავარძელში ეკალი რომ ამოდი-
ოდეს, ბევრი კი არ მოინდომებდა შიგ ჩაჯდომას!

სასადილოში შემოდის ბოცო.

ბოცო (*ხელებს იფშენებს*) — ქალებო-ლამაზებო, ჩიტებო-
ჩიტუნებო, აბა რითი უნდა ასიამოვნოთ თქვენი ბიჭი? (*ქვაბს თავს
მოხდის, ჩასუნავს. უკმაყოფილოდ*) ისევ მაკარონის წვნიანია?

ლულუ — მოდი, ჭირიმე, აგერ დაბრძანდი!

ბოცო *მაგიდას მიუჯდება. ლულუ მკერდზე ხელსახოცს
აფარებს და იქვე დგას. ემუს წვნიანი მოაქვს.*

ემუ — ჩემი ხელით გავაკეთე, ჩემი ბიჭი, ისეთი კაი სუნი აქვს.

ბოცო (*ჭირვეულად*) — კაი სუნი! ყელში ამომივიდა ეს
წყალწყალა მაკარონი!

ემუ (*წყენით*) — უკეთ არ მეხერხება! მზარეული მოგეყვა-
ნა ცოლად და ის გაგიკეთებდა!

ბოცო — ქალო, მზარეულის ცოლობა რად მინდა, ყველა
მზარეული ჩემი არაა!

ემუ — უცხო კაცს ნამდვილად ვერ ვენდობით, ირგვლივ
მტერი გვახვევია, შეუძლიათ სტრიქონი ჩაგვიყარონ!

ბოცო — მირჩევნია, სტრიქონი ვყლაპო, ვიდრე ეს უმარი-
ლო და უწინაკო ბალანდა! მომაშორე აქედან!

ლულუ — ხომ ხარ კარგი ბიჭი, ჭირიმე! აბა, ერთი კოვზი
გადაყლაპე!

ემუ — აბა, კიდევ ერთი კოვზი, ჩემი ბიჭი...

ბოცო — არ მინდა, მომეშვით!.. მეორე კერძს შევჭამ!

ემუ — ჩემი ბიჭი...

ბოცო — არა ვარ მე შენი ბიჭი და საერთოდ არა ვარ კარგი

ბიჭი!.. ეს რაა? ისევ მანანის ფაფა? ღმერთო, ამას რას გადავე-
ყარე! ქალო, ხორცი არ იშოვება ნკიპურტარიში?

ემუ — მეშინია, ჩემი ბიჭი, არ დაგვნამლონ!

ლულუ — დიადი ბოცო გქვია, ჭირიმე, და პატარასავით კი
წუნუნებ!

ბოცო — ხილი მაინც მოგეტანათ!

ემუ (*გახარებული*) — მოვიტანე, აგერ გარგარი! ოღონდ
რბილი ნაწილი მე შევჭამე, შემეშინდა, მონამლული არ იყოს-
თქვა... შენთვის კურკები შემოვინახე! დარწმუნებული ვარ, შიგ
სტრიქონი ვერ შეაღწევდა!

ბოცო — ქალო, კურკა ვყლაპო?

ემუ — არა, გენაცვალოს შენი ემუ, კურკას დავამტვრევ და
გული ჭამე!

ბოცო — ოჰ, მამაჩემო, რად გამაჩინე, და თუ გამაჩინე, წი-
წმატაურში რად არ დამტოვე!

*წამოხტება. ხელსახოცს მაგიდაზე დაადებს. კაბინეტში
აჩქარებით შევა. სიკო კედელთან აიძურნება. თამუნა დაბნეუ-
ლი დგას. ბოცო ამათ ვითომ ვერ ამჩნევს. მამის პორტრეტთან
მივა და თეატრალურად შუბლზე ხელისგულს შემოირტყამს.*

ოჰ, მამაჩემო, ძვირფასო მამიკო! წინმატაურის მშვენიებავ!
რატომ გამაჩინე ამ ტანჯვისათვის?!

თამუნა (*ჩუმად*) — სიკო პაპა, ჩართე!

სიკო გადაღებას იწყებს.

ბოცო (*როლში შეიჭრება*) — თუ გამაჩინე, რად ჩამინერგე
ჩემი ზურმუხტოვანი სამშობლოს — ნკიპურტარიის სიყვარული.
რატომ ამკიდე სამშობლოს გადარჩენის ძიძიმე მისია! ხომ შეგეძ-
ლო ჩემთვის უფრო მსუბუქი ტვირთი შეგერჩია. გავხდებოდი,
მაგალითად, პოეტი! გავეჯიბრებოდი, მაგალითად, ჩემ შორეულ
სულიერ ძმას შოთას! ხელახლა დავწერდი ნესტანისა და ტარიე-
ლის სიყვარულის ამბავს... ანდა პოეტურ ტურნირში გამოვინვევ-
დი უბადლო გალაკტიონს!.. განა მე ვერ დავწერდი, ვარდი სი-
ლაშიო! ჭკვიანი მებაღე ვარდს სილაში ჩარგავს? ხომ ჩამოჭკნა
და ფოთლები დასცვივდა, სად წავა მაშინ მისი სილაყვარდე!

თამუნა (*სიკოს*) — გაიგე რამე?

სიკო — ჩავინერ და მერე დავამონტაჟოთ! ეს მონაკვეთი ამოსაღები გახდება!

ბოცო (*თვალეზზე ხელს აიფარებს*) — ანდა აკადემიკოსობა არ ჯობდა? ჩავიკეტებოდი კაბინეტში, დავნერდი გენიალურ თხზულებებს! დავანგრევედი ფარდობითობის თეორიას! ბოლოს და ბოლოს მსოფლიოს მოვფენდი ნინმატის მოყვანის მონინავე ტექნოლოგიას! შენ კი რა დამმართე, მამაჩემო! ფიცი დამადე-ბინე!.. შვილოო, მითხარი, ჩვენს ბედკრულ ნკიპურტარიას შენს გარდა ვერავინ გადაარჩენსო! ო, რა ძნელი საქმე მომისაჯე, მამაჩემო! გულკეთილი ანგელოზი ჩამაგდე მგლების ხახაში... ვაიმე, ვაიმე, მამაჩემო!

სასადილოში

ემუ — გაბრაზებული გავარდა! კაბინეტში ვინმე ელოდება?

ლულუ — ის გათახსირებული, ტინგიცა გოგო ტელევიზიიდან...

ემუ — დიდუ-უ! აქამდე რატომ არ მითხარი! ხომ გთხოვე, მარტო ნუ დატოვებ უცხო ადამიანებთან-მეთქი! ვინ იცის, მტერი საიდან მოგვეპარება!

შედიან კაბინეტში

რა ხდება აქ?

ბოცო (*ვითომ გამოფხიზლდება*) — ჰა, თქვენა ხართ? მეგონა, მარტო ვიყავი!

სიკო (*თამუნას*) — ხომ გინდოდა ინტიმი, ახლა ბლომად მიიღებ!

ლულუ (*ემუს ამშვიდება*) — ჰო, კარგი, ჭირიმე, ნუ ნერვიულობ, რა გახდა ერთი ჯლანი გოგო!

თამუნა (*შეურაცხყოფილი*) — ბატონო კონსულო!

ბოცო — აჰ, უკაცრავად, ვერ შეგამჩნიეთ! ფიქრები ისე გამიტაცებს ხოლმე, ირგვლივ ვერაფერს ვხედავ! ქვეყნის გასაჭირი მანვება მხრებზე, იმდენია საფიქრალი...

თამუნა (*თანაგრძნობით*) — დიას, ბატონო კონსულო!

ბოცო — მაშ თქვენ უნდა ჩამომართვათ ინტერვიუ?

ლულუ (*ჩაეჩრება*) — ცოტა დაფიქრდი, ჭირიმე, როცა უპასუხებ!.. მუნჯაძე ამტკიცებს, ესენი სანდონი არიანო, მაგრამ თვითონ მუნჯაძე ვითომ სანდოა?

ბოცო — ახლა მუნჯაძეთი გამიხვრიტეთ ტვინი!

ემუ — არა, ჩემი ბიჭი, მუნჯაძეზე ცუდს არაფერს გეტყვით, თუმცა დღეს ცოტათი გული მატკინა, მაგრამ რა მოხდა, მე ხომ მხოლოდ კონსულის ცოლი ვარ, მეტი არაფერი, ის კი შენი თვალი და ყურია!

ბოცო — ახალი ამბავი, რითილა გატკინა გული?

ემუ — თუნდაც ის რად ღირს, ჟურნალისტი გოგუშკა მოჰყავს და მე არ მითანხმებს! მინდოდა შენთან დარბაისელი მატრონა მოსულიყო, დიადი ბოცო ხარ, ვილაც კიკიტია კი არა!

ბოცო — ახლა კიკიტიასაც მისწვდი! ქალო, ყველა უნდა გადამამტერო? კიკიტია ჩემი მარჯვენა ხელია!

ლულუ — კიკიტია მარჯვენა ხელია, ქურდი ჟორა — მარცხენა! ჩვენ ვინა ვართ — ფეხები?

ბოცო — ვიცი მე, ვინცა ხართ და ახლა მაცალეთ სტუმართან ლაპარაკი! (*თამუნას*) აქეთ მობრძანდი, ქალიშვილო! (*ემუს*) რას უნუნებ, მშვენიერი გოგონა ყოფილა!

ემუ — შენ ოლონდ ყმანვილი გოგო ნახო და გადაირევი! მე ვინა ვარ? მე — არავინ!

ბოცო — შენ კონსულის ცოლი ხარ და უფლება არა გაქვს ეჭვით ჭიჭინაზე სკდებოდე!

თამუნა (*სიკოს*) — მოემზადე, აი, იმ კუთხიდან გადაგვიღე!

სიკო — აქამდე რაც გადავიღეთ, სულ ამოსაჭრელია, მუნჯაძე არ გაგვაშვებინებს!

თამუნა — ბატონო კონსულო! ჩვენ გვსურს გადავილოთ ისეთი ფილმი, რომელიც ნკიპურტარიის მოსახლეობასა და უცხოელ ტელემაყურებლებსაც დაუხატავს ჩვენი საყვარელი კონსულის პირად ცხოვრებას!

ბოცო — მოდი და დაუხატოთ, საყვარელო!

ემუ დემონსტრაციულად გადის სასადილოში.

ლულუ — მიიყვან, ჭირიმე, იმ ქალს გულის მანკამდე! (*გადის*)

თამუნა (*შემკრთალი*) — მაჰატიეთ!

ბოცო — ყურადღებას ნუ მიაქცევ, ხატულა გოგო, ქალის ნერვები... ჰო, მკითხე, რაც გნებავს!

თამუნა — თქვენი მეუღლე მგონი გავაჯავრეთ!

ბოცო — არა უშავს, სტრიქნის მიიღებს და დამშვიდდება!

ქალი კი არა, ვეფხვია! ხომ გახსოვს, ჩემი უფროსი ძამიკო შოთა ნესტან-დარეჯანს ვეფხვს ადარებდა. (ობრავს) თუმცა ვერ წარმომიდგენია, გაანჩხლებულ ვეფხვს როგორ უნდა მოეფერო!

სასადილოში

ლულუ ფიცხი ხარ, ჭირიმე, და ამიტომაც ბრძოლას აგებ! ხუმრობაში უნდა ჩაგეგდო ქმრის სიტყვები, ხომ ხედავ, უბრალოდ ნერვებზე თამაშობს!

ემუ — მშვიდად ვუყურო, ჩემს თვალწინ როგორ ეკურკურება პირველსავე შემხვედრს?

ლულუ — ენას ძვალი არა აქვს, ჭირიმე! ახლა ჩუ!.. (ჭუჭრუტანას ყურს მიადებს)

ემუ — მე მიმიშვი, უკეთესი სმენა მაქვს!

ლულუ — მოითმინე, ჭირიმე, არც მე დავყრუებულვარ ჯერ!

კაბინეტში

თამუნა — სიკო პაპა, ჩართე! (ბოცოს) თქვენი უახლოესი გარემოცვა! ვინ არის, მაგალითად, მუნჯაძე?

ბოცო — მუნჯაძე ჩემი თვალი და ყურია! (სიკოს) შეწყვიტე გადაღება! ეკრანისათვის, რაცა ვთქვი, იგიც კმარა! ისე, შინაურულად თუ გინდათ გაგათვითცნობიეროთ, მუნჯაძე ერთი გაქსუებული მატყუარაა! ჩვეულებრივ პირაკრული მყავს, ბევრს არ ვალაპარაკებ, თორემ პირი თუ მოალო, იმდენ სიცრუეს დაფქვავს, ტყუილების მთა დადგება! ხან ხორცი შემოაქვს ნკიპურტარიაში, ხან ბრინჯი და კარაქი. გემები ყოველთვის გზაშია, კუჭში კი სიცარიელეა! აი, ეს არის მუნჯაძე!

თამუნა (სიკოს) — ჩართე! (ბოცოს) რას გვეტყვით ბატონ კიკიტიაზე?

ბოცო — კიკიტია ჩემი უპირველესი თანამებრძოლი და მარჯვენა ხელია! კიკიტიას გარეშე ჩვენი საქმე ნაბიჯითაც ვერ წაინევს წინ! (სიკოს) მენყვიტე გადაღება! (თამუნას) ჩემო ხატულა გოგო, შენ ისე მომეწონე, ვერაფერს დაგიმაღავ. კიკიტია ერთი გაბერილი გომბეშოა, რომელსაც ჰგონია, რომ თუ ძალიან გაიბერება, უფრო მნიშვნელოვანი გამოჩნდება. აი, სერი თუ გინდა! ერთხელაც იქნება, გასკდება და სუნი დადგება!

თამუნა (სიკოს) ჩართე! (ბოცოს) ბატონ ჟორაზე რა აზრისა ბრძანდებით?

ბოცო — ო, ბატონი ჟორა დიდი ადამიანია! იგი ჩვენი დროის არსენა ოძელაშვილია, მდიდარს ართმევს, ლარიბს აძლევს, ანდა პირიქით!.. ჰმ! (სიკოს) შეწყვიტე გადაღება! ჟორა ერთი გარენარი ქურდია რა... ახალი ანეკდოტი თუ გინდათ! ჟორა ეუბნება კიკიტიას: კიკიტია, გადადექი თანამდებობიდან! ფული გაქვს, ოქრო გაქვს, ბრილიანტი გაქვს... რად გინდა თანამდებობა? კიკიტია გაკვირვებით ეკითხება: სადა მაქვს, ჟორა, ფული და ოქრო? ქურდი ჟორა ოხრავს: ეჰ, მაგი რო ვიცოდე!

იკინიან

თამუნა — სიკო პაპა, ჩართე!

ბოცო — ახალგაზრდავ, არ ჩათავდა მაგ კასეტა?

სიკო — ჯერ ბევრია!

თამუნა — ყურადღება! სამი, ორი, ერთი... ვინყებთ! ბატონო კონსულო, თქვენი უპირველესი ადამიანური თვისებები!

ბოცო — საინტერესო კითხვაა, ბევრჯერ მიფიქრია ამაზე! მოგახსენებთ! ჩემი უპირველესი ადამიანური თვისებაა თავმდაბლობა და გულჩვილობა! ერთხელ შემწვარი თიკანი მომართვეს და საჯაროდ ვიტირე, ეს ბეკეკა რატომ დაკალით-მეთქი... დიას!.. ეს ჩემი ბრალი არ არის, ბუნებით კეთილი დავიბადე! ამას ერთხმად აღნიშნავენ ჩემი ბიოგრაფები „მოგონებების“ სქელტანიან წიგნში, რომელშიც თავმოყრილია ჩემი ახლობლების, მეზობლების, ბაგა-ბალისა და სკოლის ამხანაგების დაკითხვის ოქმები... იქ მოყვანილი ფაქტებიდან ბევრი რამ უკვე არ მახსოვს, მაგრამ საფუძველი არა მაქვს არ ვენდო იმათ ჩვენებებს, ვისაც ცხოვრების ერთადერთ ნათელ ნერტილად ჩემთან ნაცნობობა დარჩათ... თქვენ წარმოიდგინეთ, დაბადებამდეც კეთილი ვყოფილვარ, ვცდილობდი, დედიკო ზედმეტად არ შემენუხებინა და თურმე ნიხლებს არ ვირტყმევინებოდი. დედამ იფიქრა, იქნებ ნაყოფი ცოცხალი აღარც არისო, ხანდახან იტყოდა, ნეტავი იმედი გამმართლებოდაო... დიას! (სიკოს) კიდეც ბევრი ფირი დაგრჩა?

სიკო — ჯერ ბლომადაა!

ბოცო — ასეთი უსაშველო რა ჩადევი მაგ აპარატში?

თამუნა — სიკეთის პირველი გამოვლენა, რაც დაგამახსოვრდათ!

ბოცო — იცით, მე საოცრად თავმდაბალი ვარ და რაც არ მახსოვს, იმას ვერ დავიბრალებ! ჩემი ბიოგრაფები ამჟამად ამზადებენ კოლექტიურ მრავალტომეულს, სადაც აღინუსხება ყველაფერი, რაც გადამხდენია და რაც არ გადამხდენია! დიახს! ალბათ, გახსოვთ ლექსი, მელა რომ დედაჩიტს ემუქრება, ცუღს მოვიტან ცუნცულასა, ხელეჩოს და წალდუნასაო, შეშინებულმა დედაჩიტმა ბარტყი გადმოუგდო, იმ უსინდისო მელამ კი, წარმოიდგინეთ, შესანსლა! ეს ლექსი რომ წამიკითხეს... *(ტირილის ხმაზე)* რომ წამიკითხეს, იმდენი ვიტირე, გავსკდი ტირილით... ძლივს მომასულეირეს!

თამუნა — მართლაც კეთილი ყოფილხართ!

ბოცო — კი, ეჭვი გეპარებოდათ?

თამუნა — არა, ეჭვი არა... რამე ცოდვა თუ გადავთ სულზე?

ბოცო — კი, კატა ჩამაკვდა ხელებში.

თამუნა — კატა?

ბოცო — ჰო, კატა! პატარა და უჭკუო ვიყავი. ჩვენს კატას ჭროლა თვალეები ჰქონდა და ლურსმნით ამოვუჩიჩქენე...

თამუნა — ვაიმე, მერე?

ბოცო — არხავლდა, გადაირია, დამფხაჭნა... შემეცოდა და ყელში წავუჭირე...

თამუნა *(ჩურჩულით)* — მერე?

ბოცო *(მწუხარებით)* — დაიხრჩო!

თამუნა — რანაირი ხუმრობა გცოდნიათ!

ბოცო — არა გჯერათ? მე კი, ეჰ, ნულარ გამახსენებთ, იმდენი ვიტირე... *(ტირილის ხმაზე)* ჩავბუირდი...

თამუნა *(ხმაჩავარდნილი)* — სიკო პაპა, იღებ?

სიკო *(უკმაყოფილოდ)* — ესეც ამოსაჭრელი გაგვიხდება, ფირი გავაფუჭეთ!

ბოცო *(ცხვირსახოცი თვალეებს ინმენდს)* — წადი, გენაცვალე, ახალი კასეტა ჩადევი!

სიკო — მაპატიეთ, ჯერ კიდევ საკმარისია!

ბოცო — წადი, გენაცვალე, მუნჯაძეს უთხარი, იმდენი კასეტა მოგცეს, რამდენის ანევას შეძლებ!

სიკო *(გახარებულად)* — მართლა? ბოდიშს ვიხდი, გავალ,

მუნჯაძეს დაველაპარაკები და მოვბრუნდები!

ბოცო — ნუ აჩქარდები, გენაცვალე, კისერი არ მოიტეხო, ნელა გაიარე!

სიკო — მაშ, წავედი, ახლავე დავბრუნდები! *(გადის)*

ბოცო — დიახ, ჩემო ხატულა გოგო...

თამუნა *(უხერხულად)* — ბატონო კონსულო...

სასადილოში

ლულუ — მოქმედების განვითარებამ, ჭირიმე, კულმინაციას მიაღწია!

ემუ — რას ნიშნავს კულმინაცია? მიმიშვი ჭუჭრუტანასთან!

ლულუ — სირცხვილია, ჭირიმე, კონსულის მეუღლემ ჭუჭრუტანასთან ჩაიკუზოს! როცა საჭირო იქნება, მოგიხმობ! *(კდილობს ჭუჭრუტანაში შეიჭყიტოს)*.

კაბინეტში

ბოცო — მე შენთვის, ხატულა გოგო, კონსული კი არა, უბრალოზე უბრალო კაცი ვარ! ისეთი მოსიყვარულე გული მაქვს, პირდაპირ ვდნები! მიყვარს ჩემი ხალხი, ნკიპურტარიის მთელი მოსახლეობა, სათითაოდ ყველა, მუნჯაძე და კიკიტიაც კი, მაგრამ გამორჩეულად მიყვარს შენისთანა ყმანვილი, ხატულა გოგოები! გული ვერ იტევს ამ სიყვარულს, სულ მინდა გეფერო და გეფერო *(ხელს წაატანს)*.

თამუნა *(დაუძვრება)* — ბატონო კონსულო!.. უკაცრავად!.. ბატონო კონსულო!..

მაგიდის ირგვლის დარბის. ბოცო მისდევს.

ბოცო *(მკაცრად)* — სდექ!

თამუნა *(მონყვევით ჩერდება)* — ბატონო კონსულო!

ბოცო — კონსული თუ ვარ, როგორც უმაღლეს მთავარსარდალს, უფლება მაქვს გიბრძანო — „სდექ!“ და იერიშით დაგატყვევო!

ხელს მოხვევს. თამუნა უნებლიეთ სილას გაულანუნებს.

თამუნა — ვაიმე, მაპატიეთ, ბატონო კონსულო! *(მაგიდის მეორე მხარეს გადაინაცვლებს)* ღვთის გულისათვის, მაპატიეთ!

სასადილოში

ლულუ — წინ, ჭირიმე, ზუსტად დროულია ჩვენი ჩარევა!

შეცვივდებიან კაბინეტში

ემუ — რა ხდება აქ?

ლულუ — ეტყობა, ჩვენს ბიჭუნას სისხლი აუღულდა ძარღვებში!

ემუ (*ჭიჭყინით*) — ხომ ვეუბნებოდი მუნჯაძეს, პატარა გოგუშკებს ნუ გამოუშვებენ-მეთქი!

ბრუნდება სიკო

სიკო — ახალი კასეტა ჩავდე! დავინწყოთ?

ბოცო (*ნატკენ ლოყაზე ხელს ისვამს*) — მეგობრებო!.. გრძელდება გადაღება სატელევიზიო ფილმისა — „რესპუბლიკის კონსულის სადაგი დღეები“. უპირველეს ყოვლისა, თქვენი საყვარელი კონსული დიადი ბოცო მოგესალმებათ ყველას სათითაოდ, გკოცნით და გეხვევით! (*დარბაზს კოცნას უგზავნის*).

სურათი მეორე

კონსულის მისაღები. მაგიდა კვლავ ოთხ ნაწილადაა

გაყოფილი.

თამუნა ჭკუასელი და სიკო პაპა.

თამუნა — თავგზა ამებნა! რაც გადავიღეთ, სულ გადასაყრელია, არადა, კარგი ჩანაფიქრი გვქონდა!

სიკო — რატომ? შენ ხომ ოჯახურ გარემოში გინდოდა დიადი ბოცო გეხილა. იხილე კიდეც და საინტერესო კადრები გადავიღეთ! მართალია, მუნჯაძე მაგას ეკრანზე არ გაგვაშვებინებს, მაგრამ უცხოური ტელეკომპანიები შეგვეხვეწებინან!

თამუნა — მერედა, მსოფლიოს წინაშე შევარცხვინოთ ჩვენი ქვეყანა?

სიკო — ჭეშმარიტებაზე დიდი ღირებულება არ არსებობს, ჩვენ კი ჭეშმარიტების მსახურნი უნდა ვიყოთ და სიმართლეს თვალი გავუსწოროთ! შენ გინდოდა ისეთი დიადი ბოცო გეხილა, როგორიც აქამდე წარმოგედგინა, იხილე კი ისეთი, როგორიც სინამდვილეშია! ამას ვერსად გაექცევი...

თამუნა — სიკო პაპა, მარტო რატომ დამტოვე? კაცი ხარ მაინც, შენი იმედი მქონდა!

სიკო — მე ხომ კონსულთან დაგტოვე, დიადთან! განა აქამდე მის სახელს არ იფიცებდი?

თამუნა — ნუ დამცინი, სიკო პაპა!

სიკო — მე დაგცინი? ოჰ, თამუნა, რომ იცოდე... (*თავს იკავებს*) ხომ არაფერი გაკადრა?

თამუნა (*მორცხვად*) — არაფერი! კაცია მაინც და შემეშინდა...

სიკო (*ცხარდება*) — კონსული არ ვიცი მე, თუ რამე განყენინა, მითხარი და ვუჩვენებ სეირს!

თამუნა (*შეშინებული*) — ჩუმად, გაიგებენ! არავის არაფერი უწყენინებია. დამშვიდდი!.. უკეთესია, ის მითხრა, რას ნიშნავს ეს შენი „ოჰ, თამუნა, რომ იცოდე...“

სიკო (*მუხლებზე დავარდება და ხელებს გაუნვდის*) — ოჰ, თამუნა...

თამუნა — ვაიმე, გაგიჟდი? ახლავე ადექი! შემოვლენ და დაგვინახავენ! ჩქარა, ეგერ მუნჯაძე მოდის!

სიკო წამოხტება, ტანისამოსს ისწორებს. შემოდის მუნჯაძე.

მუნჯაძე — შეგიძლიათ სამდივნოს სხდომა გადაიღოთ. შთამომავლობას უნდა შევუნახოთ ამ მოვლენის ამსახველი კადრები. იცით თქვენ, რომ ცენზურა არა გვაქვს, სიტყვის თავისუფლებაა, მაგრამ გადაღებულ ფირს ამ ოფისიდან ნუ გაიტანთ. უნდა შევამოწმო, რადგან ჩემ გარდა არავინ იცის, რა შეიძლება და რა არა!

ისმის დოლის ხმა. მუნჯაძე საცეკვაოდ შეიმართება. შემოდის მედოლე. მსუბუქად უკრავს.

მედოლე — ყურადღება! იწყება სამდივნოს სხდომა!

ცეკვით შემოდიან დაცვის ბიჭები და მდედრიონი. სამკუთხე მავიდებს შეერთებენ და გადიან. ასევე ცეკვით შემოდიან სამდივნოს წევრები, ერთ რიგად მწკრივდებიან და დოლის ტაქტზე წარწარად ირხევიან. დოლის ხმა უცბად წყდება. ყველანი გახვევებიან.

ყურადღება! ბატონი ნკვირტარიის რესპუბლიკის კონსული დიადი ბოცო!

დოლს უფრო ენერგიულად შემოჰკრავს. ცეკვა-ცეკვით მოდის ამაყად თავანუული ბოცო. ემუ და ლულუს მკლავებში

ხელები გაუყრიათ და ისინიც ბოცოს ილეთებს იმეორებენ. ნყდება დოლის ხმა.

ბოცო — მეგობრებო!.. (ეწო გამოსცემს — „მეგობრებო!.. მეგობრებო!..“ დანარჩენი ტექსტი ამ ეწოს ეფინება) დღეს ჩვენი ქვეყნის ფრთახატულა ისტორიაში ერთი წინგადადგმული ნაბიჯი ჩაინერება! აქ, ამ მრგვალი მაგიდის ირგვლივ უნდა ჩატარდეს სამდივნოს ისტორიული სხდომა. პირველი საკითხი: როგორ უნდა შემოვუსხდეთ ამ მაგიდას! ვფიქრობ, ვინც ვერ დაეტევა, დიდად არ გაგვინანყენდება. მთავარია, მრგვლად დავსხდეთ!

მუნჯაძე — გადასანყვეტია საკითხი იმის თაობაზე, ვინ უნდა მიუჯდეს მაგიდას და ვინ უნდა დაჯდეს მრგვლად!

ლულუ — ამას რად უნდა, ჭირიმე, ლაილაი! კონსული ხომ დაჯდება და დაჯდება! მე რომ ცოლისდა არ ვიყო, ქალი ხომ ვარ და ამოდენა მუტრუკებთან ჭიდაობას ვერ დავინწყებ! ვინც ჩემს სკამზე დაჯდება, ჭირიმე, შუბლში დავახლი და ის იქნება! ჭირიმე, შენი ჭირიმე!

ემუ — მე ჩემი სტატუსით მეკუთვნის ერთი ადგილი, რაკი კონსულის ცოლი ვარ. მართალია, ჩემი ქმრის ხელში მეტი არაფერი ვარ, მაგრამ ლამაზი კალიგრაფია მაქვს. ხელიც, რა თქმა უნდა! (ხელს ჰაერში ნარნარად შეარხევს)

ბოცო — მაშასადამე, სამი ადგილი დაკავებულია! დანარჩენი დასწრებაზე იყოს! აბა, გაემზადეთ!.. დადექით!.. ირგვლივისკენ!.. ერთი, ორი და სამი... მიდი!

დოლი აბრაგუნდება და იწყება ჭიდილი. ისმის ხმები: „ეს ჩემი სკამია!“ „შენი კი არა, ჩემია!..“ „გაინი, ფეხზე ნუ დამაბიჯე!..“ „მუჯღუგუნებს ნუ ირტყმევენები!“ სიკო ამ სცენას ილეთს, თამუნას მიკროფონი უჭირავს.

თამუნა — „კონსულის სადაგი დღეები“, ასე ეწოდება ჩვენს ტელეფილმს. ჩვენ ახლა მომსწრენი ვართ ამაღელვებელი სცენისა. იწყება ნკიპურტარიის რესპუბლიკის სამდივნოს სხდომა, რომელსაც პირადად უძღვება კონსული დიადი ბოცო!

ამასობაში კიკიტისა და ქურდი ჟორას გარდა ყველა ჯდება. თამუნა მიკროფონს უწვდის ბოცოს.

ბატონო კონსულო, სხდომის დაწყების წინ რას ეტყობით ნკიპურტარიის მოქალაქეებს?

ბოცო — მეგობრებო! ჩვენი უმთავრესი ამოცანაა, ვიართ ქრისტეს გზით და უარვყოთ ბარაბას გზა! რას ნიშნავს ეს? ეს იმას ნიშნავს, რომ ჩავეხუტოთ ერთმანეთს! მე, მაგალითად, ვინმემ სილა რომ გამანნას, მეორე ლოყას მიფუშვერ, მიუხედავად იმისა, რომ კონსულიცა ვარ და თანაც დიადი! ეს ისე ჩავურთე, თავმდაბლობის ნიშნად. მე თქვენ ყველანი მიყვარხართ! აგერ ჩვენი ჩასუქებული კიკიტიაც კი გულის ფიცარზე მახატია! აგერ ჩვენი ჟორა, ჩვენი თანამედროვე არსენა ოძელაშვილი! იქნებ არ დამიჯეროთ, მაგრამ ოპოზიციაც მიყვარს! პოსლიკაძე რომ პოსლიკაძეა, თავზე ღერი თმა არ შერჩენია, ისიც ადამიანად მიმაჩნია! ესენი ხომ გზაბნეული კრავები, ტყისკენ იყურებიან! ამიტომაც გემუდარებით, ამ კაცებს თუ ჰყავთ ნაცნობ-მეგობრები და ახლობლები, თავი დაანებონ აგენტობას და ლალატს. დიას! ლალატი არავის შერჩება! მე ვაპატიებ, მაგრამ ჩემი საყვარელი ერი არ აპატიებს! ისევ და ისევ მოგიწოდებთ, უარი თქვათ ბარაბას გზაზე! გკოცნით და გეხვევით, თქვენი კონსული დიადი ბოცო!

კოცნას უგზავნის მაყურებლებს. მდივნები მსუბუქი ტაშით აჯილდოებენ.

კიკიტია — ასე ვიდგე მე?

ბოცო — ძალიან საწყენია, რომ ჩემი მარჯვენა ხელი კიკიტია დარჩენილა უსკამოდ!

ლულუ — მერედა, დროზე ვერ გააქნიე, ჭირიმე, უკანალი? სხვებმა ხომ მოასწრეს დაჯდომა! და საერთოდ, როგორ შეიძლება მსუქანი კაცი იყოს სამდივნოს წევრი, ხომ იფიქრებენ გადაჭამა ქვეყანაო!

კიკიტია (მძიმედ) — მოკეტე, დედაკაცო!

ლულუ — ხომ ხედავთ, რა შეურაცხყოფა მომაცენა მე, ემუს დას!

ემუ — რა თქმა უნდა, მე მხოლოდ კონსულის ცოლი ვარ, მეტი არაფერი, ყველა ვიგინდარას შეუძლია ფეხი დამადგას!

ჟორა — ბოცოუკა, აღვირი ამოსდე შენს დედაკაცებს, თორემ აქეთ ამოგდებენ ალვირს!

ბოცო — მეგობრებო, ნუ ვიკინკლავებთ! იმედია, ერთი სკამი მაინც მოიძებნება კიკიტისათვის!

ემუ — ისედაც ძლივს ვეტივით, ლამის არის ერთმანეთს მიუხლებზე შევასხდეთ!

კიკიტია — ჩაინთ, თორემ ამ მრგვალ მაგიდას დავაგორებ ასფალტის სატკეპნივით!

მდივნები — არიქა, ჩაინთ!.. ჩავინით!.. შევემჭიდროვდეთ!..

კიკიტია სკამს ჩაკეცებს ბოცოს პირისპირ. მობლუნძული ჯდება.

მუნჯაძე — ღიად რჩება ჟორას სკამის საკითხი!

ლულუ — არა, ჭირიმე, მეტი სკამი ამ მაგიდის ირგვლივ ნამდვილად არ ჩაეტევა!

ჟორა — ბოცოია, მიცნობ მე შენ! სკამზე ძალითაც ვერავინ დამანებებს! ამ მაგიდას რომ მივუჯდე, ისეთი ბორკილი დამედება, ციხეშიც რომ ვერ მოუფიქრებიათ! ეჰ, რას იზამ, ასეთია ქურდი კაცის ბედი! ჩემი ხალხი იქა ზის, მე აქ რანაირად დავჯდე?.. ბოცოია, გამოუშვი ამნისტია, თუ არადა, ერთი ტაბურეტი ჩემთვისაც მოიძებნება ციხის კამერაში!

ბოცო — სამნუხაროა, რომ ჩვენი თანამებრძოლი ჟორა ულტიმატუმის ენით გველაპარაკება! რას იტყვიან ამ საკითხზე სამდივნოს წევრები?

სიამტკბილობის მდივანი — ქურდს რა უნდა დაბნელი ღამეო!

ჩალიჩობის მდივანი — ქურდის შემოსავალი გადასახადით არ იბეგრება და ჩვენს ბიუჯეტს აკლდება!

უჯარო სარდალი — ჯარი მე არა მყავს და ჟორას ჰყავდეს?

მისაკების მდივანი — იქნებ ამნისტია ვქნათ, ჰა?

სიამტკბილობის მდივანი — ამნისტია რომ ვქნათ, უსაქმოდ დავრჩებით! ეს კაცი თვითონ გვეხვეწება, ჩამაჯინეთო, ვცეთ პატივი და ჩავაჯინოთ!

ამჩემფეხების მდივანი — ვფიქრობ, პატიმრის ბალანდა მაინცდამაინც ძვირი არ დაგვიჯდება!

ბოცო — მეგობრებო, დიდი გულისტკივილით უნდა აღვნიშნო, რომ თავის დროზე არსენაც იჯდა ციხეში. ქურდისა და ყაჩაღის ბიოგრაფიას ამშვენებს ციხეში ჯდომა. ჰუმანურობა გვკარნახობს, რომ ჩვენს ჟორას ავუსრულო ნადილი!

ზევიდან გისოსები ჩამოეშვება და ჟორა გალიაში აღმოჩნდება.

ჟორა — ეე, რას შვებით, თქვე ჩემისებო, ეე!.. ვაცხადებ შიმშილობას!

სიამტკბილობის მდივანი — ისეთ ბალანდას მოგართმევენ, შიმშილობა გერჩიოს!

ბოცო — ეს უკვე პოლიტიკური პროვოკაციაა! ჩვენ არსენას ვადარებდით, ეს კი თურმე ლალატის გზას დაადგა! ჩვენი გუშინდელი მეგობარი ჟორა რაკი შიმშილობას აცხადებს, ვალდებულნი ვართ ჩვენც გავცეთ პასუხი! მე მოვუნოდებ სამდივნოს მთელ შემადგენლობას, პროტესტის ნიშნად, სამნუთიანი შიმშილობა გამოვაცხადოთ!

ამჩემფეხების მდივანი — ეუჰ, გავუძლებთ მერე?

მუნჯაძე — ჩვენი მხრიდან შიმშილობა მიზანშეუწონლად მიმაჩნია, ამით შეიძლება ჩვენი კიკიტის ძვირფასი ჯანმრთელობა დაზარალდეს!

კიკიტია — თქვენ თუ გინდათ, იშიმშილეთ, მე კი ნუ გამაბრაზებთ!

ბოცო — ესე იგი, უმრავლესობა თანახმაა, ორია წინააღმდეგი! სამდივნოს სახელით ვაცხადებ სამნუთიან შიმშილობას! აბა, ავიშალენით!.. კედლის გასწვრივ დავწვით!.. ზედმეტი არ ვიმოძრაოთ, ენერგია არ დაგვეხარჯოს...

მედოლე მსუბუქად უკრავს დოლს. სამდივნოს წევრები კედლის გასწვრივ წვებიან. შემოგოგმანდება მდებრიონი.

გოგუცა — წყნარად, გოგოებო, მიმდინარეობს შიმშილობის პირველი ნუთი! ვინმეს თუ მოსწყურდა, გამოხდილი წყალი მიართვით!

ნუნუკა — ჩვენი ძვირფასი კონსულიც შიმშილობს? წარმოუდგენელია!

ვერიჩკა — სასწრაფოს თუ გამოუძახეს?

ივლიტა — თუ ვინმეს გული შეუღონდება, ჩანთაში ვალიდოლი მაქვს!

სიკო ვადალებას აგრძელებს. თამუნა მიკროფონითაა.

თამუნა — ბატონო ჟორა, რა კომენტარებს გაუკეთებდით სამდივნოს წევრთა შიმშილობას?

ჟორა — მაგათ შიმშილობით რა დააკლდება, ისე არიან მოსუქებულნი, ვით სააღდგომო კერატები!

გოგუცა — ნუ ხმაურობთ, მიმდინარეობს შიმშილობის მეორე წუთი!

მუნჯაძე — მოვითხოვ, შეწყდეს შიმშილობა! წინააღმდეგ შემთხვევაში პროტესტის ნიშნად პირს ავიკრავ! კიკიტია, ამიკარი პირი!

კიკიტია მუნჯაძეს ცხვირსახოცით აუკრავს პირს.

კიკიტია — მე კი მომშივდა და... *(კეცს ლეჭავს)*

გოგუცა — მიმდინარეობს შიმშილობის მესამე წუთი!

ნუნუკა — ბატონო კონსულო, თქვენ შემოგვევლეთ, ოღონდ თავს ნუ დაილუპავთ! თქვენ მთელ წკიპურტარიას სჭირდებით!

ივლიტა — ბატონო კონსულო, ვალიდოლს ხომ არ ინებებთ?

ვერიჩკა — უმჯობესია პიტნის კამფეტი!

გოგუცა — დამთავრდა სამი წუთი!

ლულუ — გეყოფა, ჭირიმე, მართლაც ხომ არ დავიხოცებით!

ჟორა — ვაცხადებ მშრალ შიმშილობას!

ბოცო — იმედია, საზოგადოება სათანადოდ დააფასებს ჩვენს გამირულ ძალისხმევას! რაც შეეხება მუნჯაძეს, რომელიც განგვიდგა და პირი აღმამფოთებლად აიკრა, ვფიქრობ, სამდივნომ ეს არ უნდა დატოვოს რეაგირების გარეშე!.. კენჭისყრაზე ვაყენებ საკითხს, ვინ არის მომხრე, რომ საფუძვლიანად ვისადილოთ?

სამდივნოს წევრები ხელს აწევენ. დოლის ხმაზე, ცეკვით, ასევე ხელანუღონი სადილზე მიიკვანნიებიან.

სურათი მესამე

იგივე სცენა. სამდივნოს წევრები კედლის გასწვრივ გამწვანებულან. ბოცო აივანზე მუშტმეშართული დგას. მოედნიდან ბრბოს ყიყინი მოისმის — „ბოცო!.. ბოცო!..“ მდებრიონელები კარავთან დგანან და ბრბოს ხმას აყოლებენ.

ბოცო — მეგობრებო! *(ექოს გამოსცემს)* თქვენი კონსული თქვენთანაა! დღეს უნდა გაგახართ, მეგობრებო! ჩვენ მივიღეთ ცნობა, რომ გვცნო ლიმპოპომ, რომელიც, თუ არ ვცდები, აფრი-

კაშია! ვაშა, მეგობრებო!

ხმები — ვაშა!.. ბოცო!..

ბოცო — გვცნო, აგრეთვე, პაპუასების რესპუბლიკამ და ახლა ჩვენი საგარეო საქმეთა უწყება არკვევს, თუ სად არის ეს რესპუბლიკა! ვაშა, მეგობრებო!

ხმები — ვაშა!.. ბოცო!..

ბოცო — გვცნო მისმა უდიდებულესობამ მეფე ჯგირკოჩი მეთხუთმეტემ, რომელიც, მართალია, არ ვიცით, ვისი მეფეა, მაგრამ ჩვენი საგარეო საქმეთა უწყება ამასაც გარკვევს ამ დღეებში! ვაშა, მეგობრებო!

ბრბოს ღრინცელი — „ბოცო, ბოცო!..“ სტვენა - „ჟორა!“

თამუნა *(სიკოს)* — სიკო პაპა, კადრში ეს ქალებიც მოახვედრე!

გოგუცა — ჰო, გენაცვალე, გადაგვიღე, გადაგვიღე! გოგოებო, მივეშველოთ ჩვენს ჟურნალისტებს!

ივლიტა *(კამერაზე ხელს ააფარებს)* — არაფერი გამოგრჩეს!

სიკო ცდილობს გადაღებისათვის სხვა რაკურსი მოძებნოს.

ვერიჩკა — კარგად გადაგვიღე! წკიპურტარიაში სიტყვისა და პრესის სრული თავისუფლებაა!

კამერაზე მანდილს გადაუფენს. სიკო გაეცლება, ცდილობს გადაღება განაგრძოს.

ნუნუკა — ვოცნებობდი გადაღებაზე! აი, აქედან გადამიღე! *(კაბას წამოიხდის)*

სიკო *(ბრაზდება)* — ფირი კვლავ გამაფუჭებინეს! კადრში მხოლოდ ხელისგულები და რალაც ნაჭრებია! ახლა კიდევ ამ დედაკაცის ნიფხავი...

თამუნა — იძულებული გავხდები, კონსულს შეეჩვივლო!

სიკო — მოიკლავს თავს!

ბოცო *(სიტყვას ამთავრებს)* — ახლა, ჩემო მეგობრებო, დაგემშვიდობებით, სამდივნოს სხდომას ჩავატარებ და სალამოს ისევ შევიკრიბოთ საინფორმაციო მიტინგზე. საიდუმლო უნდა გაგანდოთ, მანამდე შეიძლება ტმუტარაკანის რესპუბლიკამაც გვცნოს და მაშინ ჩვენს ბედს ძალი არ დაჰყევს!

შემობრუნდება და სამდივნოს წევრებს ჩამოუვლის. ბრბოს ხმაური მისუსტდება. ბოცოს წინ თამუნა გადაეღობება.

თამუნა — ბატონო კონსულო! გთხოვთ, მიაქციოთ ყურად-

ლება, რომ ეს მანდილოსნები გადაღების დროს ხელს გვიშლიან და ამით იზღუდება ჩვენი კონსტიტუციური უფლებები!

ბოცო — რა ვქნა, ხატულა გოგო, ამ ცუგრუმელებს ეს ზედმეტი სიყვარულით მოსდით და ამის გამო ხომ ვერ დავაპატიმრებთ? სიყვარულსა მალვა უნდაო, მაგრამ ესენი, ხედავთ, ვერ მალავენ! (*ქალებს*) მეგობრებო, მიეცით ჟურნალისტებს მუშაობის საშუალება! ნკიპურტარიასა და მის კონსულს სიმართლისა არ ეშინიათ და თუ ვინმე ტყუილს გაბედავს...

მუქარით თითს უქნევს.

ივლიტა — რა ანგელოზია!

ვერიჩკა — ვენაცვალე!

ნუნუკა — ყველა დემოკრატზე უფრო დემოკრატია!

გოგუცა — გაუმარჯოს ჩვენს კონსულს! გაუ-მარ...

ქალები — ჯოს!.. ჯოს!.. ჯოს!..

ბოცო — ნუ გამაწითლეთ, ჩემო საყვარლებო!

ემუ — ჩემი ბიჭი! ზედმეტად უყადრებ თავს ამ ქალებს!

ლულუ — კონსული გქვია, ჭირიმე, თანაც დიადი! ჩემი დაიკო, ჭირიმე, ლამისაა დაჭკნეს დარდისაგან!

ბოცო — კონსული უნდა იყოს სიტყვის თავისუფლების გარანტი, მით უფრო, როცა ამ სიტყვას აგენტი და მოლაღატი კი არა, ასეთი თვალყუყუნა გოგონა ამბობს. აბა, ჰე, იწყება სამდივნოს მორიგი სხდომა და ტელეგადაღება!

სიკო და თამუნა ემზადებიან გადაღებისათვის.

მედოლე — ყურადღება! სამდივნოს სხდომისათვის მოე-მზა-დეთ!

თამუნა (*მიკროფონში*) — ძვირფასო ტელემაყურებლებო! ახლა თქვენ ხედავთ, თუ როგორ ემზადება ნკიპურტარიის რესპუბლიკის უმაღლესი ხელისუფლება მორიგი სხდომისათვის! სხდომას გაუძღვება ბატონი კონსული დიადი ბოცო!

ბოცო — მეგობრებო, მე გაგიძღვებით, თქვენ მომყევით!

კაბინეტის წევრებს თავში ჩაუდგება და ცეკვით შემოუვლიან მრგვალ მაგიდას.

ირგვლივისკენ, ერთი, ორი!.. მიდი-ი!..

სკამებს მიცვივდებიან. კონსულის სკამზე კიკიტია აღმოჩნდება. ბოცო ფეხზე დგას. უხერხული მღუმარება.

კიკიტია — რა მოხდა, რა სიჩუმეა?

ბოცო — (*გაკვირვებული*) ე-ეი!

ლულუ — უკანალი ხომ არ გენვის, ჭირიმე?

ემუ — სავარძელი მოენონა და რა ქნას ახლა!

კიკიტია (*ყასიდად კვირობს*) აჰ, ბოცოს სკამია? აბა, ჩემს სკამზე ვინა ზის?

თავჩალუნული, თითქოს სარქენადო, მიიწევს თავისი სკამისაკენ, რომელზეც მიხაკების მდივანი დამჯდარა.

მიხაკების მდივანი (*შეშინებული*) — მეც შემეშალა! (*თავს ნამოადგება ამჩემფეხების მდივანს*) თქვენ ჩემს სკამზე ზიხართ!

ამჩემფეხების მდივანი — ამჩემფეხებს თუ ვზივარ! ჩემს სკამზე ეგერ სიამტკბილობის მდივანი ზის!

სიამტკბილობის მდივანი — ჩემსაზე კი ჩალიჩობის მდივანი.

ჩალიჩობის მდივანი — ჩვენ აქ იმდენს ვიზამთ, რომ ჩხუბს გავჩალიჩებთ! უმჯობესია კომპრომისი — თითო სკამით გადავიწიოთ! *გადაინაცვლებენ. ჩანს ყველას ეშინია, უსკამოდ არ დარჩეს.*

ბოცო (*შვებით*) — უჰ, სამთავრობო კრიზისი დაძლეულია! მეგობრებო, ამ მცირე გაუგებრობამ კინალამ სამდივნო შეიწირა! ნკიპურტარიის სახელით მადლობას ვუხდის ბატონ კიკიტიას, რომ კინფლიქტი არ გააღრმავა!

კიკიტია — ჩემი სკამი მაგარი მეჩვენება, ჯდომა მიჭირს!

ლულუ — ეგერ ჟორა უფრო მაგარ სკამზე დავსვით, ჭირიმე! *მოედინიდან თანდათან იზრდება ბრბოს ხმაური.*

მუნჯაძე — ბატონებო! დღის წესრიგში სკამების საკითხი საერთოდ არ გვინერია!

ბოცო (*მუნჯაძეს*) — ნუ გვასწავლი ჭკუას! მახსოვს პირაკრული იყავი, ახლა კი ყველაზე ადრე აჭიკჭიკდი!.. ბატონებო! განსახილველია ერთადერთი საკითხი — რა ვუყოთ ოპოზიციას?

მიხაკების მდივანი — ბატონებო! ოპოზიცია საჭიროა! ოპოზიცია რომ არ იყოს, ჩემი სამდივნო გაუქმდებოდა და თანამშრომლები, განსაკუთრებით მდივანი გოგონები, უმუშევრად დაგვრჩებოდნენ! ოპოზიციას უნდა მოვეფეროთ, თავზე ხელი გადავუსვათ, გამორჩეულად პოსლიკაძეს!

სიამტკბილობის მდივანი — უმჯობესია თავზე ჯოხი გადავამტვრიოთ, რა თქმა უნდა, კაკლისა!

ჩალიჩობის მდივანი — მოგვესმინა მაინც, რას ჩალიჩობენ!

იქნებ პენსია ეცოტავებათ, ჰა?

ამჩემფეხების მდივანი — ამჩემფეხებს! იყაყანონ რამდენ-იც უნდათ, პენსიას კი ვერავის ნაფუმატებ!

უჯარო სარდალი — სალდათში ვუკრათ თავი და ჯარიც გაგვიჩნდება!

მუნჯაძე — ბატონებო, ოპოზიცია ითხოვს...

ბოცო — მუნჯაძეს ენის ამოღების უფლება არა აქვს! გმირული შიმშილობის დროს განზე განგვიდგა და პირი აიკრა!

მუნჯაძე — მათქმევინეთ...

ლულუ — პოსლიკაძე სუკის აგენტია! ქოჩორაშვილი სუკის აგენტია! ცხვირაძემ რომ ცხვირი დააცემინა, ჭირიმე, თქვენ გგონიათ, მართლა იმპერიის დანგრევა უნდოდა? სურდო ჭირდა და იმიტომ დაამცხიკვა! ჭირიმე, შენი ჭირიმე!

მუნჯაძე — ბატონებო, მათქმევინეთ!..

ბოცო — ვფიქრობ, მუნჯაძე ჭკვიანურს ვერაფერს გვეტყვის. ამაზე მეტყველებს მისი გვარიც. მე მგონია, ის ნკიპურტარიელი არც არის, რადგან ნკიპურტარიაში შეუძლებელია ოდესმე მუნჯი დაბადებულიყოს! ყველა ნკიპურტარიელი ჯანმრთელი, ახოვანი, ლამაზი და თავისი კონსულის ერთგულია. მუნჯაძემ კი პირი აიკრა და იყოს ახლა პირაკრული!

ჩალიჩობის მდივანი — ბრძნული გადაწყვეტილებაა!

დანარჩენი მდივნები უხმო ტაშს უკრავენ.

მუნჯაძე (სასონარკვეთით) — ხალხი არა ხართ, მათქმევინეთ!

ემუ — დედაია, შეურაცხყოფასაც გვაყენებს, ხალხი არა ხართო, არ გაგიჟდება ადამიანი!

კიკიტია — ბოცოია, შენი დედაკაცები ნამეტანს ახურებენ! მაგათი კაპასობისაგან თავი ამტკივდა. ოპოზიციას კი დიდი არაფერი, ერთი-ორი სკამი უნდა მაგიდის ირგვლივ!

ემუ — როგორ იქნება, ჩვენ ძლივს ვეტყვი!

კიკიტია — ქალები შინ გაგზავნე! ერთი სამზარეულოში შეუშვი, მეორეს ხელში ცოცხი მიეცი და ესეც შენი ორი ადგილი!

ემუ — დიდუ, რას ამბობს ეს კაცი!

ლულუ — ადრეც ვეჭვობდი, ჭირიმე, რომ კიკიტია სანდო არ არის, გათენდება ერთი დღე და მტრის ნისქვილზე მიუშვებს წყალს-მეთქი!

ბოცო — ჩუმად!

ყველანი გაისუსებთან. გარედან ხმაური ხან ტალღასავით მოვარდება, ხან სუსტდება.

ჩემს ლამაზ ნკიპურტარიას მძიმე დღეები უდგება! აქამდე ცხვარივით მშვიდი ნკიპურტარიელი მოქალაქე გაცხარდა! დიახ, ყური მიუგდეთ, მოთმინების ფიალა ავესო!.. გუშინ თუ ჩუმად მედგნენ გვერდით, ცხვარივით წყნარად ძოვდნენ ბალახს, დღეს ყველამ ერთხმად დაიწყო ზმუილი — თავისი საყვარელი კონსულის სახელს გაიძახიან! მიუგდეთ ყური!

ისმის ხმები — „ბოცო! ბოცო! ბოცო!..“ ხანდახან გაერევა „ჟო-რა!“

რა ხდება, მეგობრებო? ოპოზიციის კიბო გაუჩნდა ნკიპურტარიას და მეტასტაზებმა სამდივნოშიც შემოაღწია... დიახ, მეგობრებო!

მუნჯაძე — მოვითხოვ, სათქმელი მათქმევინოთ!

ლულუ — როგორ კადრულობ, ჭირიმე, კონსულს რომ აწყვეტინებ!

ბოცო — დიახ, ხმა ღვთისა და ხმა ერისაო...

კიკიტია — იქ ჟორასაც იძახიან!

ემუ — ერთ დღეს დაგმარხეთ შენც და შენი ჟორაც!

უჯარო სარდალი — ვფიქრობ, თქვენი მეგობარი ჟორა კამათლის გაგორებაში უფრო ხელსწრაფია, ვიდრე პოლიტიკაში!

ჩალიჩობის მდივანი — მეჩვენება, რომ იგი ბუტუტიას რესპუბლიკის შპიონია!

სიამტკბილობის მდივანი — ხალხი დაიმშა და იმას გაიძახიან, ჟორას ნაქურდალი მაინც გვაჭამეთო!

ამჩემფეხების მდივანი — ამჩემფეხებს თუ დაიმშა!

ხმები გათანაბრდა — „ბოცო!“ „ჟორა!“

მედოლე — გარეთ ზღვა ხალხი იკრიბება!

მდედრიონი — მოდიან, მოდიან!..

შემოდიან გუგუჩი, გოვა და გივა.

გუგუჩი — ბატონებო! ოპოზიციის მიტინგმა დეპუტაცია გამოგზავნა, ითხოვენ შემოშვებას!

ლულუ (ბოცოს) — სულ შენი ბრალია, ჭირიმე, გაათავებდე მტერი!

მუნჯაძე — ვითხოვ სიტყვას!

ბოცო — მეგობრებო, მივიღოთ თუ არ მივიღოთ?
კიკიტია — არ მიიღებ და რქებს დაგამტვრევინ!
ჩალიჩობის მდივანი — მოვუსმინოთ მაინც, რას ჩალიჩობენ!
ბოცო (*გუგუჩის*) — შემოუშვით! კარგად გაჩითეთ, ბომბი არ შემოაპარონ!
გოგუცა (*თამუნას*) — გადაღება შეწყვიტეთ, თორემ თმებს დაგანინკნი, შე გაფუჭებულო!
თამუნა — ქალბატონო, ეს არის თქვენი ინტელიგენტობა?
გოგუცა — ყველა ინტელიგენტი მოლაღატაა! ჩვენ გყავს ერთადერთი ნამდვილი ინტელიგენტი — დიადი ბოცო და მეტი საჭირო არც არის!
ივლიტა, ვერიკა, ნუნუკა — მოვიდნენ, მოვიდნენ!..
შემოდინ პოსლიკაძე, ქოჩორაშვილი და ცხვირაძე.
გუგუჩი — შეჩერდით! უსაფრთხოების სამსახურია! ხელე-ბი ზევით, ფეხები განზე! (*ტანისამოსს უჩითავენ*) შეგიძლიათ, გაიაროთ!
დაცვის ბიჭები კონსულის უკან დგებიან. მდედრიონის სამეული შემოსულებს მისცვივდებიან.
მდედრიონი — მოლაღატე! გამცემო! აგენტო! პოსლიკაძე, შე მართლა პოსლიკა! ქოჩორაშვილო, დაგანინკნი მაგ ბუნდ-ლას! ცხვირაძე, შე ლოთო, გრიპიანო და გათახსირებულო!
ოპოზიციონერები ქალებს თავს დააღწევენ, მაგიდასთან მიდიან და კიკიტიას ზურგსუკან დადგებიან.
პოსლიკაძე — დღეს ნკიპურტარიის სატახტო ქალაქ ქუნქულაში დიდი ამბები ხდება! ხალხი აღსდგა უზურპატორისა და დიქტატორის ბოცოს წინააღმდეგ! ჩვენი მოთხოვნებია: გაათავისუფლოთ პოლიტპატიმარი ჟორა! გამოგვიყოთ ადგილები, მინიმუმ სამი, მრგვალ მაგიდასთან! კანონი, რომლის თანახმად ბოცოს ეწოდა დიადი, ბატონმა კონსულმა საჯაროდ თავზე გადაიხიოს!
ლულუ — ჭირიმე, შენი ჭირიმე, ასეთი თავხედობა გაგონილა?
ბოცო — ბატონებო! მე თანახმა ვარ დავემორჩილო თქვენს მოთხოვნებს! დღესვე ბერად აღვიკვეცები მონასტერში, წყალ-სა და ორცხობილას ვიკმარებ! ვილოცებ თქვენი დაბნეული სულებისათვის! მე თქვენ არ მძულხართ, თქვენ მე ტყვიას მეს-

ვრით, მე ვარდებს დაგიბრუნებთ! დიას!.. დიადი ბოცო ამიერი-დან გახდება ბოცო თავდადებული!
ემუ (*ტირის*) — ჩემი ბიჭი, გული გაგიხეთქეს ამ სასიკვდილებმა!
ლულუ — არ გადაირო, ჭირიმე, არ გასულელდე!
ბოცო — მაგრამ, ძვირფასო მეგობრებო, როგორ მთხოვეთ გავათავისუფლო თქვენთვის კარგად ცნობილი ჟორა, რომელმაც წინა კვირას ჯიბიდან კონსულის ჯამაგირი ამწაპნა! ან როგორ შემოუსხდებით მრგვალ მაგიდას, როცა თქვენ ოთხკუთხასა ხართ მიჩვეულნი. კანონი კი შემიძლია თავზე გადავიხიო, მაგრამ დიადი თუ ვარ, წყალშიც რომ გადავვარდე, მაინც დიადი დავრჩები!
პოსლიკაძე — ეს საკითხი რეფერენდუმზე გავიტანოთ!
მუნჯაძე (*ტირილის ხმით*) — მეც მათქმევინეთ!
ბოცო (*ყურადღებას არ აქცევს*) — ვთქვათ, გადავდექი! იცით, მერე რა მოხდება? აირევა მთელი ნკიპურტარია! ქალაქი ქალაქს დასცხებს, სოფელი — სოფელს, ნათესავი — ნათესავს, მეგობარი — მეგობარს, ცოლ-ქმარი ერთმანეთს და შვილები — მშობლებს! ქუნქულას ერთი უბანი გადაეკიდება მეორეს და ზეცა თავზე ჩამოგვემხოვა, რადგან მე დიადი ვარ და მხოლოდ მე მიჭირავს მხრებით ზეცის თავანი!
ყიყინი — „ჟო-რა! ჟო-რა!..“
კიკიტია — გამიცვალე. ბოცოია, სკამი და დაინახავთ, თუ რამე ჩამოინგრევა!
ბოცო — ვხედავ, მტრები და მოლაღატეები ფეხზე დამდგარან და ჩემს გადაყენებას ცდილობენ, მაგრამ ნუ დაგავინყდებათ, რომ ეს მაგიდა ჩემი შეჭედილია და ერთ ფიცარსაც ვერავინ ააგლეჯს!
კიკიტია — ამ მაგიდას რომ ვჭედავდით, ბოცოია ჩემო, ლურსმანი და ჩაქური მე მოვიტანე, ფეხები მუნჯაძემ მოარბენინა, ფიცრები კი ჟორამ აწაპნა ავეჯის ფაბრიკაში!
პოსლიკაძე — თუ ნებით არ დაგვთანხმდები, იძულებული გავხდებით, ძალით დავისაკუთროთ, რაც გვეკუთვნის!
კიკიტია — მე მუდამ სუსტის მხარეს ვიდექი!
ბოცო — კონსულს დაიცავს მისი ნკიპურტარია! მეგობრებო, ვინც ჩემთანა ხართ, მომიდექით!
ბოცო მაგიდას ჩააფრინდება. ბოცოს წელზე ხელს ჩას-

ჭიდებს ემუ, ემუს ლულუ, ამას ჩალიჩობის, ამჩემფეხების, მიხაკების მდივნები, უჯარო სარდალი, დაცვის სამეული და მდედრონი.

კიკიტია — ნებას არ მოგცემ, ხალხის დემოკრატიულ მოთხოვნებს წაუყრუო!

მაგიდის მეორე კიდეს ჩააფრინდება, ამას ჩაეჭიდება პოსლიკაძე, ქოჩორაშვილი, ცხვირაძე, მუნჯაძე... მაგიდას აქეთ-იქით ექაჩებიან. ისმის გაბმული „აააა!..“ მედოლე დოლს უკრავს. მოედნიდან აღწევს ხმები — „ბო-ცო!.. ჟო-რა!..“

სიამტკბილობის მდივანი — ბატონებო, პოლიცია ნეიტრალურია! ჩვენი ვალია, დავიცვათ ნესრიგი და სიამტკბილობა, თქვენი ვალია, ენერგიულად გაუსწორდეთ ერთმანეთს!

თამუნა — სიკო პაპა, ჩვენ რა ვქნათ?

სიკო — რა დროს გადალება, ლამისაა ბოცომ გაიმარჯვოს!

თამუნა — გული ორად გამეხლიჩა!

სიკო — ეჰ, თამუნა ჭკუასელო, ჭკუას ძალა დაატანე!

კამერას მიუგდებს და ოპოზიციონერებს ეხმარება.

თამუნა — ეჰ, მე მეგონა, ჩვენი ვალია პირუთვნელი ვიყოთ და ჭეშმარიტებას ვემსახუროთ, რადგან არაფერია სიმატლეთზე ღირებული! (თვითონ განაგრძობს გადალებას).

ბოცო — მედგრად, მეგობრებო, ცოტაც დამტერს დავამარცხებთ!

კიკიტია — თავს ნუ იზოგავთ, თორემ საცაა ნაგვართმევენ!

მუნჯაძე — მეტი ღონე აღარაა!

კიკიტია (სიკოს) — ახალგაზრდავ, გავარდი და ჩემს ბიჭებს გადაეცი, ქურდი ჟორა დაიხსენით-თქო! შეამტვრიონ ციხის კარები!

სიკო გარბის. კვლავ ისმის ბრბოს ყიჟინა — „ააა!..“ თამუნა ავანსცენაზე გამოდის.

თამუნა — ხალხნო! რამ დაგაბრმავათ და დაგაყრუათ! გულგრილი მდუმარებით შორიდან უთვალთვალეობთ, როგორ იღუპება ახალგაზრდა რესპუბლიკა! დღეს ხომ თქვენი ბედიც წყდება, ხალხო! იქნებ ვინმე თქვენგანმა გაბედოს და ფსიქიატრთა ბრიგადა გამოიძახოს!

ბრუნდება სიკო. უკან მოჰყვება ჟორა.

ჟორა — ბოცო უკა, ყი-ყლი-ყო-ო! გაიხსნა გისოსები და გადმოვფრინდი! მიყურე, რა დილა გაგითენო!

ჩაერთვებიან ოპოზიციონერთა მხარეს.

ბოცო — არიქა, არ გადაგვძალონ!

კიკიტია — მაგრად, ბიჭებო!

ჭახანს გაადენს. მრგვალი მაგიდა ორად გასკდება და აქეთ-იქით გადაყირავდება. მოჩხუბრები ძირს ვაგორდებიან.

მედოლე (დოლს ჩამოჰკრავს) — დროა გავარდეს პირველი ტყვივა!

მოქმედება მისამ

სცენის სიღრმეში ეკლესიაა, რომლის კედლები დაცხრილულია. გუმბათი გადმოღრეცილა და ჯვარი გადმოვარდნა ზეა. მაგიდის ნამტვრევები სცენას ორ ნაწილად ჰყოფს. ერთ მხარეს ბოცოისტებია, მეორე მხარეს — კიკიტისტები.

მედოლე (დოლს მსუბუქად ურტყამს) — გზაზე მიდის ერთი კაცი!

თამუნა (მიკროფონით ხელში) — რათა ერთი?

მედოლე — მაშ რამდენი?

თამუნა — ორი!

მედოლე — რათა ორი?

თამუნა — მაშ რამდენი?

მედოლე — სამი!

თამუნა — ძვირფასო ტელემაყურებლებო! თავდება კომედია, იწყება დრამა! (გუგუჩის) ბატონო გუგუჩი, მე თქვენს ხელში იარაღს ვხედავ!

გუგუჩი — მე ვიცავ ნკიპურტარიის კანონიერ ხელისუფლებას!

თამუნა — და თქვენ შეძლებთ ესროლოთ თანამოქალაქეებს?

გუგუჩი — არა, დაიკო, ნკიპურტარიელს ტყვიას ვერ ვესვრი! ისე, შესაშინებლად მიჭირავს!

თამუნა — სიკო პაპა!.. უკაცრავად, ბატონო სიკო, თქვენც იარაღი აგილიათ!

სიკო — იძულებული ვარ, დავიცვა ადამიანთა კანონიერი უფლებები!

თამუნა — და ამისათვის თქვენ მზადა ხართ თანამოძმის სისხლი დაღვაროთ?

სიკო — ნუთუ მკვლელს ვგავარ? ჩემს თანამოძმეს ტყვიას როგორ ვესვრი? იარაღი მხოლოდ მონინააღმდეგის დასაშინებლად მჭირდება!

თამუნა — გამიგონია, თუ თოფი მომართულია, ტყვიას თავისდაუნებურად ისვრისო!

გუგუჩი, სიკო — ოჰ, არა, არა!

თამუნა — ხედავთ, მაგიდა როგორ დაიმტვრა! უნდა მოვიდეს კარგი ხელოსანი, აკრიფოს ეს ნამტვრევები და შეანებოს! მაგრამ სად არის ასეთი ხელოსანი? ანდა ვინ აცლის? ხალხმრავალმა მიტინგებმა ორად გახლიჩა ნკიპურტარია! აქეთ ოპოზიცია იკრიბება! (*ისმის ხმები — „კიკიტია!“ „ჟორა!“*) იქით დიადი ბოცოს მომხრეები! (*ხმები — „ბოცო! ბოცო!..“*) საშიშროებით იმუხტება ყოველი ნუთი... გონიერება თუ გადაარჩენს ნკიპურტარიას!

კიკიტისტები

პოსლიკაძე (მუნჯაძეს) — თუ ძმა ხარ, გამაგებინე, მათქმევი-ნეთ, მათქმევი-ნეთო, რომ იძახე, ისეთი რა უნდა გეთქვა?

მუნჯაძე — რა უნდა მეთქვა და... მე ვიცი, რაც უნდა მეთქვა! უფრო სწორად, ვიცოდი, რაც უნდა მეთქვა...

პოსლიკაძე — მერე, მერე?

მუნჯაძე — ვიცოდი, მაგრამ დამავინყდა! ახალი სამდივნოს გამგედ თუ დამნიშნავთ, გამახსენდება!

ქორორაშვილი — როგორ ფიქრობთ, ბოცოს მართლაც მოვერევი?

ცხვირაძე — ცოტა ნაადრევად ხომ არ წამოვიწყეთ ეს ბუნტი? რალაც ცხვირში მილუტუნებს, ლამის არის დავამცხიკო!

მუნჯაძე — ცხვირის დაცხინკებით დიად ბოცოს ვერ მოვერევი. იცოცხლეთო, შემოგვიძახებს და ამით დამთავრდება ყველაფერი! ბოცო მძიმედაა შეიარაღებული ვარდებითა და მიხაკებით. ჩვენ სასწრაფოდ უნდა ვიშოვოთ ზარბაზანი, თორემ ბოცომ პირველად თუ დაგვინყო მიხაკების სროლა, იცოდეთ, შუბლს გაგვიხვრიტავს!

ცხვირაძე — ზარბაზნად ჩვენი პოსლიკაძე გამოგვადგება!

მედოლე მარშს ჩამოჰკრავს. კიკიტია ცდილობს მხედრული ნესით გაიაროს, მაგრამ ფეხი ერევა. ქურდი ჟორა დარდიმანდულად მოდის.

კიკიტია — რა უფლება აქვს, გვესროლოს! არჩევნებში ხმა მივეცი და ახლა უნდა გვესროლოს? ის ვალდებულია თავის ამომრჩევლებს მოუთმინოს, მე კი ვალდებული ვარ მისგან მისი ამომრჩევლები დავიცვა!.. თუ გვესროლა და არ გავიქეცი, მაშინ ჩვენს მოვალეობას ბოლომდე შევასრულებთ!

ჟორა — ბოცოუკას გავექეცე, ბიჭო, მე? მესვრის და მივუშვერ პარაბელუმს! ეგეთები მიქნია?

მუნჯაძე — შევეცადოთ, კონფლიქტი მშვიდობიანად მოვაგვაროთ! ისე უნდა ვესროლოთ, თმის ღერიც არავის დაუვარდეს და ქუნქულაში ფანჯრის შუშაც არ გაიბზაროს!

ჟორა — თუ დედაქალაქი შემოგვენგრა, ახალს ავაშენებთ. მთავარია, ბოცოუკა ლამაზად გავკოჭოთ და პარამასთან დავსვათ!

პოსლიკაძე — ბატონებო! ყველაფერი წინასწარ უნდა გავითვალოთ! მოვიაზროთ, რა იქნება უკეთესი და რა იქნება უარესი? თუ ბოცოუკა გავაგდეთ და ჩვენ გავბოცოუკდით, მაშინ ხომ გვიგულავია და გვიგულავია, მაგრამ თუ ვერ გავაგდეთ, ომი მოხდება! ომი, ბატონებო, ორნაირად მთავრდება, ან მოვიგებთ, ან არა! თუ მოვიგებთ, ხომ გვიგულავია და გვიგულავია, თუ წავაგებთ, მაშინ ორი გამოსავალი დაგვრჩენია, ან ცოცხლები დავრჩებით და მოვცოცხავთ, ანდა დავიხოცებით... თუ მოვცოცხებთ, ხომ გვიგულავია და გვიგულავია, მაგრამ თუ დავიხოცენით... (*პირჯვარს იწერს*) ან სამოთხეში მოვხვდებით, ან ჯოჯოხეთში... თუ სამოთხეში მოვხვდით, ხომ გვიგულავია და გვიგულავია, მაგრამ თუ ჯოჯოხეთში მოვხვდით, მაშინ ან ეშმაკი შეგვჭამს ან არა... თუ არ შეგვჭამა, ხომ გვიგულავია და გვიგულავია, თუ შეგვჭამა და...

კიკიტია — სდექ!

ჟორა — შენ თუ შეგვჭამა, კი ვიცი, მაქედან რაც გამოვა!

კიკიტია — ბიჭოს! არ გამიხეთქა გული? მუხლები ამიკანკალდა და მომშივდა კიდეც! (*კეცს ჩაიდებს პირში*)

თამუნა (მიკროფონით) — ბატონო კიკიტია! თქვენ ოპოზიციას ჩაუდექით სათავეში, არ გაშინებთ ასეთი პასუხისმგებლობა?

კიკიტია — მაშინებს და მეტი არა! მართლაც რომ ტყვია მომხვდეს, რას შევები მერე! თუ დავიჭერი, ხომ მეტკინება, თუ მომკლეს, მთლად უარესი!

ჟორა — მაგას ნუ იტყვი, კაია კაი ქელეხი!
კიკიტია — მე ვიცი, ვისი ქელეხია კაი! ხომ ვეუბნებოდი, ნუ გამაბრაზებთ-მეთქი, ახლა უყარონ კაკალი!
თამუნა — ვთქვათ, გამიმარჯვებ და დიადი ბოცო გადააყენებ...
ჟორა — მერე ტორტის ნაჭერს ვერ მიფუჯდებით თუ! ბოცო უკას რომ წავანწვენ პარაშასთან, მიყუროს მერე შორიდან!
თამუნა გამოდის ავანსცენაზე.

თამუნა — ძვირფასო ტელემაყურებლებო! ჩვენი დედაქალაქის ქუნქულას ქურჩებში კვლავ ხალხმრავალი მიტინგებია! ასი ათასი კიკიტისტი შეკრებილა და მოითხოვს დიადი ბოცოს გადაყენებას!

ისმის ყვირილი — „ბოცო უკა, ძირს!..“

ასი ათასი ბოცოსტი კი შეკრებილა სასახლის წინ და ცდილობს დაიცვას თავისი კონსული!

ხმები — „ბოცოს გაუმარჯოს! ჯოს!.. ჯოს!..“

გუგუჩი (გიგას და გოგას) — ფრთხილად, ბიჭებო! (*მდედრიონს*) ფხიზლად, ქალებო!

გოგუცა — მტერს მარტონი ვეყოფით, გოგოებო! ვინც ჩვენს დიად ბოცოს თითს დააკარებს...

ივლიტა — გავსრისავთ ჭიასავით!

ვერიჩკა — დავკანრავთ!

ნუნუკა — ტანზე შემოვახევთ...

ტელეფონი რეკავს.

გოგუცა — ალო! ქალბატონი ემუ ბრძანდებით? აჰ, ქალბატონი ლულუ? ჩვენს მხარეს სიმშვიდეა! მტერი თუ გამოჩნდა, მკერდით შევეგებებით!

შემოდის მიხაკების მდივანი.

მიხაკების მდივანი — ვაი-მე-ე! საით წავიდე-ე! ვინ გაიმარჯვებებს?

ბოცო, ემუ, ლულუ, სამდივნო. მდივნები ჩემოდნებით და ზურგჩანთებით არიან.

ბოცო (მიხაკების მდივანს) — სადა ხარ ჩემო მრჩეველო და ჭკუისმასწავლებლო?!

მიხაკების მდივანი (ხელეპს იფშენეტს) — ახლავე-ე!

ლულუ — ჭირიმე, შენ თუ მაგის ტვინის იმედითა ხარ...

ბოცო — ხომ კარგად გაიგონე, რას ითხოვს ჩემგან ოპოზიცია? თუ იცი გამოსავალი?

მიხაკების მდივანი — ოთხნაირი ვარიანტი დავამუშავე!

ბოცო — აბა, პირველი მომახსენე!

მიხაკების მდივანი (ინშანება) — თქმა მიჭირს, მაგრამ მტერი უნდა გაჟუჟო!

ბოცო — სამხედრო ძალა თუ არ მეყო?

მიხაკების მდივანი — მაშინ მოვურიგდეთ!

ბოცო — მოვურიგდე? კიკიტიასა და ჟორას? არასოდეს!

მიხაკების მდივანი — გადადგომას, ცხადია, არ ინებებთ!

ბოცო — ისევ გადადგომა? შენც ამას მეუბნები?

მიხაკების მდივანი — პირიქით, გეხვეწებით, რომ არ გადადგეთ!

ბოცო — უშენოდაც ვიცი, გადავდგე თუ არ გადავდგე! შენ მეოთხე გამოსავალი მიკარნახე!

მიხაკების მდივანი — მეოთხეს კარნახს აზრი არა აქვს, ბატონო კონსულო, იგი თავისთავად მოგვადგება კარზე!

ემუ — უყურე ამას, გულს განგებ გვიხეთქავს!

ლულუ (მიხაკების მდივანს აგრესიულად) — რას მიედ-მოედები, ჭირიმე! გადადექი და გადმოდექი! უკანალს ნუ ათამაშებ, ჭირიმე, დააყენე შენთვის! ჭირიმე, შენი ჭირიმე!

მიხაკების მდივანი (თითქოს დაპატარავდაო) — ქალბატონო ემუ! ქალბატონო ლულუ! (*ჩურჩულით*) დიად ბოცოს გაუმარ-ჯოს!

ბოცო — უნდა გამიმარჯოს, მამ როგორ! მთელი ნკიპურტარია ჩემზე ლოცულობს და რატომ არ გამიმარჯვდება! აგერ ჩემთან არიან ჩემი ერთგული მდივნები! ბატონო სამდივნოს წევრებო, ვინაიდან და რადგანაც მაგიდა დაგვემტვრა, სამდივნოს ფეხზედგომელა სხდომას გახსნილად ვაცხადებ! დრო ბევრი არა გვაქვს, ამიტომ აზრი გამოვთქვათ მოკლედ და ბუნდოვნად! აბა, ვინ დაიწყებს? ბატონო სიამტკბილობის მდივანო!

სიამტკბილობის მდივანი — ჩვენი პოლიცია და უშიშროება პოლიციისა და უშიშროების მხარესაა! როცა ქვეყანას საშიშროება მოელის, ჩვენი ვალია თავი უშიშრად ვიგრძნოთ. ჩვენ პოლიტიკაში ვერ ჩავერევით, ჩვენ საქმე გვაქვს ქურდთან, რო-

მელთანაც იოლია „დურაჩკას“ თამაში. სპორტის ამ სახეობაში ისე გავინაფე, მიმიწვიეს „დურაჩკას“ მსოფლიო ჩემპიონატში, მონტე-კარლოში. იმედია, იქ მე დიდ სახელს მოვუხვეჭ ჩვენს საყვარელ წკიპურტარიას. თქვენ აქ იბრძოლეთ, მე კი — იქ!

ბოცო — ბატონო ჩალიჩობის მდივანო!

ჩალიჩობის მდივანი — ბატონო კონსულო! მე იმდენი ვიჩა-ლიჩე, მოსავლის ასაღებად ტიმბუქტუში უნდა გავემგზავრო! ვინძლო, გადაგაყენეს, იქ გელით სულით და გულით, გაშლილი ხელით!

ბოცო — ბატონო სარდალო!

უჯარო სარდალი — ბოცო, გეთაყვა, მე ხომ ჯარი არა მყავს, ჩემი ხელფასით ორ კილო შუშა კიტრს თუ ვიყიდი! აგერ, ავეკიდები ჩალიჩობის მდივანს, იქნებ სუფრიდან ფინჩხი მაინც მომიყაროს!

ბოცო — ბატონო ამჩემფეხების მდივანო!

ამჩემფეხების მდივანი — შრომის კანონმდებლობის თანახმად, რასაც თვითონ დიადი ბოცო აწერს ხელს, შვებულება მომიწია და მზადა ვარ დაღლილი ნერვები ბაჰამის კუნძულებზე დავასვენო!

წასასვლელად ჩამწკრივდებიან.

როგორც დიადი ბოცო ბრძანებს, ირგვლი-ვის-კენ!

თამუნა (მიკროფონით) — ბატონო მდივნებო, საით გაგინწვიათ?

მდივნები (გარდა მიხაკების მდივნისა, წამღერებით) — ემი-გრა-ცია-ში!

მატარებლობანას თამაშის სტილით ვადიან. ისმის ბორბლების ხმაური და მატარებლის შეკივლება.

თამუნა (ბოცოს) — გემი როცა იძირება, პირველნი ვირთხები გარბიან!

ბოცო (თითქოს გამოფხიზლდაო) — აჰ, შენა ხარ, ხატულა გოგო? შენ ფიქრობ, ჩემი გემი იძირება?

თამუნა — გადადექით, ბატონო კონსულო, ამით ქვეყანას სისხლისღვრას ააცილებთ!

ბოცო — გადავდგე? იქნებ მართლაც გადავდგე, ჰა?

ემუ — იცოდე, თავს მოვიკლავ!

ბოცო — მოიცა, ქალო! წავალ, სადმე მონასტერში განვ-

მარტოვდები! გენიალურ ლექსს დავწერ! ვარდი სილაში — სილაჟვარდე... ანდა ფარდობითობის თეორიას შევიმუშავებ... ან უბრალოდ შექსპირს ვთარგმნი სუახილის ენიდან ინგლისურად, ჰა...

თამუნა (დაბნეულად) — დიახ, ბატონო კონსულო!

ემუ — ჭკუა გიღრძო ხომ ამ გოგუშკამ! იქნებ მტრის შემოგზავნილია და იმიტომ გეუბნება ასე. ჩემი კი სიტყვაც არა გჯერა! წავალ ახლავე და სტრიქინს დავლევ!

ლულუ — ჭირიმე, შენი ჭირიმე! გასულელდები, ჭირიმე, და საგიჟეთში გიკრავენ თავს! აბა, წკიპურტარიაში ვინ სულელი გადამდგარა, ჭირიმე! ვაჟკაცი ხარ და ვაჟკაცურად მოიქეცი. ავილოთ ფიშტო და ისე გადავუაროთ, ასფალტზე დავტკეპნოთ! შენ ნუ შეშინდები, ჭირიმე, ერთი რომ შევუძახო, მილეთის ბიჭები მოცვივდებიან და ქვას ქვაზე დაადულებენ!

ბოცო — მართლა? მოვლენ? მამა!

თამუნა ავანსცენაზე გამოდის.

თამუნა — ძვირფასო ტელემაყურებლებო! წკიპურტარის რესპუბლიკის სატახტო ქალაქ ქუნქულაში დაძაბულობა კულმინაციას აღწევს! არ ცხრება მთავრობის საწინააღმდეგო გამოსვლები!

ხმები — „ძირს ბოცოუკა!“ „გადადექი, გადადექი!“

მაგრამ არ იკლებს მთავრობის დამცველთა რიგებიც!

ხმები — „ბოცოს დიდება!“ „არ გადადგე, არ გადადგე!“

საზოგადოება გაიხლიჩა ბოცოისტებად და კიკიტისტებად! *მონინააღმდეგე მხარეებს სცენა ორ თანაბარ ნაწილად უპყრიათ.*

მუნჯადე — ჩვენ კვლავ მზადა ვართ მოლაპარაკებისათვის! პირველი და უმთავრესი პირობა ის არის, რომ ჩემი სათქმელი შემახსენონ და მათქმევინონ კიდევ!

მიხაკების მდივანი — მუნჯადე, შე ცუდო! ლაპარაკის მეტი რა გიკეთებია. წინასწარ ვიცით, რასაც იტყვი!

კიკიტია — მოლაპარაკება კაია, მაგრამ ამისათვის საჭირო თაიგულები უმჯობესია დროულად მოვიმარაგოთ!

ჟორა — ისეთი თაიგული გვინდა, ბოცოუკას რომ ვესვრი, თავი კვახივით გაუსკდეს!

ლულუ — მზად თუ ვართ, ჭირიმე? იარაღი ხომ უნდა მოგვემარაგებინა თავდაცვისათვის!

ბოცო (*მიხაკების მდივანს*) — გვაქვს საკმარისი ამუნიცია?
მიხაკების მდივანი — დაკრეფილი გვაქვს ენ რაოდენობის მიხაკი! მოწინააღმდეგე, ვფიქრობ, ვერ მოგვერევა!

ბოცო — რაკი მტერი სუსტია, ჩვენ კი ძლიერები ვართ, მტერი მაინც მტერია და არ გვემეტება, ამიტომ მზად უნდა ვიყოთ იმისათვის, რომ მოწინააღმდეგეს თავი მოფერებით გავუტეხოთ. საერთოდ მე კეთილი და გულჩვილი ადამიანი ვარ, ვერ ვიტან ძალადობას, რა თქმა უნდა, თუ თავს ძალით არ შემომალახავენ!

კიკიტია — მთელი არსებით ვიღვანოთ მშვიდობისათვის, ერთი თოფიც არ უნდა გავარდეს, ერთი ბოცოისტიც არ უნდა დაშავდეს! ბოცოიას იმის ტვინი თუ ეყო, რომ სკამი დამითმოს, არაფერიც არ მოხდება!

მიხაკების მდივანი — ბატონო კიკიტისტებო! თქვენ უნდა იყოთ კონსტრუქციულნი. უფლება გაქვთ, გვაკრიტიკოთ, შენიშვნები მოგვცეთ, მერე შინ წახვიდეთ და მშვიდად იძინოთ, სანამ კარზე დაგიკაკუნებდეთ! თუ მართლა აგენტები და მოლატეები არა ხართ, თქვენივე ფეხით, მშვიდობიანად, მოქალაქეობრივი რწმენით, აღტაცებულ ბოცოისტთა ტაშის გრიალში, შეხვალთ ციხეში და ჩაჯდებით, სანამ დიადი ბოცო ამნისტიის კანონს ან გამოსცემს, ან არა!

ჟორა — ბოცოკუა, სულ რომ ჟღურტულეებ, სამშობლო მიყვარსო, გადადექი და წადი მონასტერში!

ბოცო — ბუნებამ თავმდაბალი გამაჩინა. თუ საჭიროა, გადავდგები კიდეც, მაგრამ ჩემი მრავალრიცხოვანი მომხრეები კალთას მახევენ, ნუ გადადგებიო და კალთის შემოხევას, ისევ დიად ბოცოდ დარჩენა მირჩევენია! მე ერის ნებას ვასრულებ, რადგან ვინც ჩემი მომხრეა, ის არის ჭეშმარიტი ერი, ვინც ჩემი მოწინააღმდეგეა — ის მოლალატეა, მოლალატე კი ღირსია იმისა, რომ ქუნქულადან და მთელი წკიპურტარიიდან გავაძევოთ!.. ცოცხით გამოვგვით ჩვენს სამშობლოს და მივიღებთ ნამდვილად დაგვილ-დასუფთავებულ წკიპურტარიას... გაუმარჯოს, მეგობრებო, ისეთ წკიპურტარიას, სადაც არც ერთი მოლალატე არ იქნება!

ბოცოისტები — ვაშაა!

მუნჯაძე — ბატონებო და მატრონებო! პირსისხლიანი დიქ-

ტატორი, არცთუ მაინცდამაინც დიადი ბოცო, ანუ როგორც ჩემი მეგობარი კიკიტია იტყვის — ბოცოია, ანდა როგორც ჩემი არანაკლები მეგობარი ჟორა იძახის — ბოცოკუა, ყურს არ უგდებს ჭეშმარიტად თავისუფლებისმოყვარე წკიპურტარიელების ხმას და აპყოლია ერთი მუჭა ბნელზე ბნელი, მთლად ჩაბნელებულ ბოცოისტთა ნებას, რომლებიც ტაშს უკრავენ და დიმიტიატურის ხმაზე აცეკვებენ!.. ბატონებო და მატრონებო! იმისათვის, რათა ბნელ გონებაში შევიტანოთ სინათლე, საჭიროა ჩვენი დემოკრატიული მიტინგი შევეუერთოთ იმათ არადემოკრატიულ მიტინგს. რაკი ბევრნი ვართ, მივანვეთ ღონივრად და დემოკრატიულად, ისინი, იმედია, დაგვხვდებიან ულონოდ და არადემოკრატიულად... აბა, ჰე!

ერთი მხრივ კიკიტისტები, მეორე მხრივ ბოცოისტები მიინევენ ბარიკადისაკენ. ისმის დოლის გამამხნეველი რაკუნის.

ბოცოისტები — დიდება ბოცოს! ძირს მოლალატეები!

კიკიტისტები — ძირს ბოცოკუა! გადადექი, გადადექი!

ამათ შორის, ბარიკადზე თამუნა ჭკუასელი დგას.

თამუნა — შეჩერდით! ახლა აქ სისხლი დაიღვრება!

ლულუ (*მიხაკების მდივანს*) — ესროლე, ჭირიმე, რას ელოდები!

სიკო — ჩამოდი, ჩამოდი, მოგხვდება!

მიხაკების მდივანი მიხაკს ესვრის, კიკიტია — ვარდს. ხმა ტყვიის გასროლასა ჰგავს.

თამუნა (*კვენესით*) — ვაიმე, დედა!

გადმოვარდება, მაგრამ სიკო მიეჭრება და გოგონა მის მკლავებში აღმოჩნდება.

სიკო — ოლონდ არ მოკვდე, გენაცვალე, ოლონდ არ მოკვდე! *წუთიერი მღუმარება. უცებ აყაყანდებიან.*

კიკიტია — ჩვენ არ გვისვრია, ეს ბოცოიამ ისროლა!

ბოცო — ჩვენი მხრიდან არავის უსვრია, ეს კიკიტია მსტყორცნა!

ჟორა — ბოცოკუას სინდისზეა ეს წმინდა მსხვერპლი! თამუნა ჭკუასელი წკიპურტარიელთა ნამუსი იყო... დასცხეთ მკვლელებს!

ბოცო — წკიპურტარიის საქალეთში ყველაზე ხატულა გოგო მოგვიკლეს მოლალატეებმა! კიკიტიას, მუნჯაძეს და ჟორას კისერზე იყოს ეს საუკუნო ცოდვა! მიდით და დასცხეთ!

სიღრმეში ჩაბნელდება. დოლის ხმა. ჟრიაშული. ავანსცე-

ნაზე პატარა სანთელი ანთია. სიკოს თამუნა გამოჰყავს.

თამუნა — როგორ მეტკინა! რა მოხდა?

სიკო — ცოცხალი ხარ, ჩემო გოგო? როგორ შემაშინე!

თამუნა — რა ხმაურია?

სიკო — იმ ხმაურს ანი ვერაფერი დააწყნარებს! დედაქალაქი ილუპება!

სცენა განათდება. ნანგრევები.

მედოლე (დოღზე მსუბუქად უკრავს) — ჩახრუხაძე, „თამარიანი“, ამონარიდი 56-ე, 57-ე და 58-ე სტროფებიდან:

*ჩემსა მოყმესა, ლომთა მოძმესა,
ვის არად უჩნდის სახლი და კარი.
დამეტეს მქნელად: გაიჭრეს ველად,
სადგურად ჰქონდის ლომთა შამბნარი.
არვისა სწორად წავიდის შორად,
ინდოეთს იყვის მისი საზღვარი.
ამოვლნის ინდნი, ხანნი და ჩინნი,
არარად უჩნდის მას მათი ზარი.
ატალას მოჰყვის, ქვეყანა მოსცვის,
არვისი ჰქონდის შესაპოვარი.
ხაზარეთს დაჰყვის, რუსეთსაც გაჰყვის,
ზღვის პირით ქროდის ტაროსთა ქარი.
წავიდის ხმელსა, იონთა ველსა,
მუნ, სადა მეფედ ზის კეისარი.
მოვლნის ქალაქნი, ზღვისა ალაგნი,
სრულად ეგვიპტე, არაბთა მხარი.
ამუნს მოვიდის, თავი იდიდის,
რა ხამდის, მუნცა ქმნის იგ საქნარი...*

ბატონებო, დაბრუნდა მარადი ურია, დაუცხრომელი მოხეტიალე... დაბრუნდა ნაცნობი უცნობი!

მედოლე სიღრმეში იხევს. შემოდის ნაცნობი უცნობი. ეს არის ჭალარა კაცი. ტურისტულად აცვია. ზურგჩანთა აჭრელე-ბული აქვს სხვადასხვა ავიაკომპანიების ემბლემებით.

თამუნა — ჰეი, ეს ვინ არის?

სიკო — თითქოს მეცნობა!

ნაცნობი უცნობი — ყმანვილებო, ვინ დაანგრია ეს მშვე-

ნიერი ქალაქი?

სიკო — ჩვენ თვითონ, ბატონო!

ნაცნობი უცნობი — მთავრობა სადაა?

სიკო — გაიქცა, ბატონო!

ნაცნობი უცნობი — ოპოზიცია?

სიკო — რეანიმაციის განყოფილებაში წევს, ბატონო! ისეა ნაგვემი, ქვეყნის მართვა, საეჭვოა, რომ შეძლოს!

ნაცნობი უცნობი — მაშ, სადავეები დარჩენილა უპატრონოდ!.. რა გაეწყობა, წკიპურტარიის გულმხურვალე სიყვარული მაიძულებს ხელისუფლების მძიმე ტვირთი მე ავიკიდო! (ენერგიულად) მომყევით, ყმანვილებო!

ავანსცენაზე გამოდის მედოლე. ნელ საცეკვაოს შემოჰკრავს.

ერთი მხრიდან ნარნარი ცეკვით შემოდის ბოცოისტები, მეორე მხრიდან — კიკიტისტები.

ბოცოისტები — ბოცო ცოცხალია! დიადი ბოცო ცოცხალია!

კიკიტისტები — ბოცო მოკვდა! ბოცო განქარდა!

ხმები სუსტდება. კარგა ხანს ისმის ექო — „ბოცო ცოცხალია!“ „ბოცო მოკვდა!“ „ბოცო ცოცხალია!“ „ბოცო მოკვდა!“

ფარდა

სარჩევი

ჩრდილი -----	3
სინდისი -----	27
კუნძული -----	35
ელეგია სამი ძმისა და მოხუცი დედისა -----	68
ურიელა -----	79
გოდება უფლისა ანგელოსისა	
ქართველთა ზედა -----	90
ბაგონი პრეზიდენტი ჩამობრძანდა -----	97
ღორის გილი -----	109
მოყმე ქალაქში -----	119
პური ჩვენი არსობისა (<i>რადიოპიესა</i>) -----	128
მზე გაღმა ჩადის -----	148
სამი მოთხრობა ერთი მკვლელობის შესახებ --	177
ლომთა გაროსი (<i>სამმოქმედებიანი ფარსი</i>) ----	283